



醫學綱目卷之十一 肝膽部

眩 癩癩 子癩

大法

〔成無已〕云眩者非眩而見其眩謂眼黑眩也。運者運為運轉之運。世謂之頭旋是也。

〔內經〕論眩皆屬肝木。屬上虛。丹溪論眩主於補虛。治痰降火。仲景治眩亦以痰飲為先也。

作眩 肝木

諸風掉眩皆屬於肝。全文見診治

〔河〕掉搖也。眩昏亂旋暈也。風主動故也。所謂風氣動而頭目眩運者。由風木旺。必是金衰不能制木。而木復生火。風火皆屬陽。多為兼化。陽主乎動。兩動相搏。則頭目為之眩運而旋轉。故火本動也。燭得風則自旋轉。人或乘舟車。及作環舞而眩運者。其動不止。而左右紆曲。故經曰。曲直動搖。風之用也。眩運而嘔吐者。風熱甚故也。狗蒙招尤。目瞑耳聾。下實上虛。過在足少陽厥陰。甚則入肝。全文見治虛實法

鈎藤 陳皮 半夏 麥門冬

茯苓各半 石膏 人參 甘菊

防風各半 甘草分一

14.12.
4588
4-2

右為龔末。每服四錢。水一鍾半。生薑七片。煎至八分。溫服。

治肝厥狀如癩疾。不醒。嘔吐。醒後。頭虛。運發熱方。

麻黃

鈎藤取皮

石膏

乾葛

半夏麴

柴胡

甘草

枳殼

甘菊

右為龔末。每服四錢。水一鍾半。生薑二片。棗一枚。同煎至八分。去渣溫服。

婦人患頭風者。十居其半。每發必掉眩。如在車上。蓋因血虛。肝有風邪熱故耳。素問云。狗蒙招搖。目眩耳聾。下實上虛。過在足少陽厥陰。甚則歸肝。蓋謂此也。余常取此方以授人。比他藥捷而效速。芎藭散。

川芎一兩

當歸三分

羌活

旋覆花

蔓荊子

細辛

石膏

藁本

荊芥穗

半夏麴炙

防風

熟地

甘草各半兩

右為末。每服二錢。水一大鍾。生薑二片。同煎至七分。去渣溫服。不拘時服。

右甘寒瀉風木。

〔羅〕風痰治驗

參政楊公。七旬有二。有風痰。於至元戊辰春。忽病

頭旋眼黑。目不見物。心神煩亂。兀兀欲吐。復不吐。心中如懊懣之狀。頭偏痛微腫。面赤色。腮頰亦赤色。足脣冷。命予治之。余料之。此少壯之時。喜飲酒。久積濕熱於內。風痰內作。上熱下寒。是陰陽不得交通。否之象也。經云。治熱以寒。雖良工不敢廢其繩墨。而更其道也。然而病有遠近。治有輕重。參政今年高氣弱。上熱雖盛。豈敢用寒涼之劑。損其脾胃。經云。熱則砭之。又云。高巔之上。射而取之。余以三稜針約二十處。刺之。其血紫黑。如露珠之狀。少頃。頭目便覺清利。諸症悉滅。遂處方云。眼黑頭旋。虛風內作。非天麻不能除。天麻苗謂之定風草。此草獨不為風所搖。故以為君。偏頭痛者。乃少陽也。非柴胡黃芩酒製不能治。黃連苦寒。酒炒以治上熱。又為因用。故以為臣。橘皮苦辛溫。多甘草甘溫。補中益氣為佐。生薑半夏辛溫。能治風痰。茯苓甘草利小便。導濕熱引而下行。故以為使。服之數劑。邪氣平。生氣復而安矣。

天麻半夏湯。治風痰內作。胸膈不利。頭旋眼黑。兀兀欲吐。上熱下寒。不得安臥。

天麻

半夏各一錢

橘皮白去

柴胡七分

黃芩酒浸炒

甘草炙

白茯苓皮去

前胡各五分

黃連三分

右以咀作一服。水二鍾。薑二片。煎至一鍾。溫服。食後忌酒。麵生冷物。

〔垣〕羌活湯。治風熱壅盛。上攻頭目昏眩。

羌活

防風

黃芩 各一兩 酒洗

柴胡 七錢

黃連 酒煮 一兩

黃柏 酒炒 半兩

瓜蒌 酒洗 半兩

甘草 炙七分

白茯苓 五錢

澤瀉 六錢

右為齋末。每服五錢。水煎。取清。食後。或先臥。通口。熱服之。日二服。

右苦寒瀉風木。

外感風邪眩

〔靈〕筋骨血氣之精。而與脈并。為目系。上屬於腦。後出於項中。故邪中於項。因逢其身之虛。其入深。則隨眼系。以入於腦。入於腦。則腦轉。腦轉。則引目系急。目系急。則目眩。以轉矣。大惑篇
〔本〕治一切頭旋。本因體虛。風邪乘於陽明經。上注頭面。遂入於腦。亦因痰水在於胸膈。上犯大寒。使陽氣不行。痰水結聚。上衝於頭目。令頭轉旋。羚羊角散。

羚羊角

扶神 各一兩

芎藭

防風

白芷

半夏 湯洗七次 各半兩

枳殼

附子 各一分

甘草 三錢

右為齋末。每服四錢。水一鍾半。生薑五分。慢火煎至七分。去渣。不

拘時候溫服。

〔百一〕都梁丸。治風吹項背。頭目昏黑眩痛。

香白芷 大塊者用沸湯泡洗四五次焙乾

右為末。煉蜜為丸。如彈子大。每服一丸。細嚼。用荊芥湯點茶下。

〔無〕大豆紫湯。治中風頭眩惡風。自吐冷水有汗。方見瘥門

〔聖〕治風頭旋。用蟬殼二兩。微炒為末。非時下溫酒一鍾匕。針經胃

風篇云。上虛則眩。又五臟生成篇云。狗蒙招尤。目瞑耳聾。下實上虛。

蓋蒙昏冒也。招搖掉也。瞑黑眩也。皆謂昏冒搖掉。眼黑眩。屬下實上

虛也。

〔丹〕陳客婦人近五十。頭痛麻木眩暈。脈甚虛。宜補氣益血。去風行

濕。

天麻 酒一錢

歸身尾 酒半錢

黃芪 三分

人參 半錢

川芎 半錢

半夏 五分

白朮 二錢

陳皮 半錢

生薑 三片

黃芩 半錢

甘草 三分

右作一劑。水煎服。

賈鼻因勞役。眼眩倦怠。頭不爽。肚帶澹滑。

黃芪 半錢

白朮 一錢

人參 半錢

陳皮 半錢

當歸 一錢

蔓荊子 五粒

黃柏 炒三分

甘草 一分

水煎。稍熱飲之。丑卯時各一次。去枕眠。少時已申時。又各一次。瘥。男子因作勞成病。發熱脚酸。口苦頭暈。

白朮

茯苓

黃連

川芎

兩半

白芍藥

人參

生地

陳皮

當歸

各一兩

甘草

錢一

杜仲

炒六兩

分十八帖。食前熱下。抑青丸二十二粒。

丈夫患熱。頭眩脈大而散。此是辛苦中來。

陳皮

三錢

柴胡

三錢

人參

二錢

白朮

二錢

黃芪

三錢

木通

錢一

甘草

些

分三帖服。

〔本〕治風眩頭暈。川芎散。

山茱萸

兩一

山藥

甘菊花

人參

川芎

茯神

各半兩

爲末。每服二錢。酒調下。不拘時候。日三服。不可誤用野菊花。

〔三二因〕芎歸湯。治產後去血過多。眩暈不省。及傷胎去血多。崩中去

血多。金瘡去血多。拔牙齒去血多。不止。懸虛心煩。眩暈頭重。目暗舉

頭欲倒。方見婦人大法條

〔丹〕頭眩屬氣虛挾痰。無痰作眩。不得治痰爲主。挾補氣藥。并降火

藥。濕痰多者。用二陳湯。痰多因火動者。二陳湯加酒芩。眩暈火動

補虛
降火
治痰

血虛
眩

其痰。二陳湯加黃芩蒼朮羌活散風行濕。水煎金花丸治頭眩。方見痰飲

〔丹〕眩運不可當者。大黃三次酒炒乾為末。茶調下。每服一錢至二錢。一男子年七十九歲。頭目昏眩而重。手足無力。吐痰口口相續。

左手脈散大而緩。右手緩而脈大。不及於左。重按皆無力。飲食略減。而微渴。大便三四日一行。衆人皆與風藥。至春深必死。予曰。此皆大

虛證。當以補藥作大劑服之。衆怒而去。余教用人參黃芪當歸身芍藥白朮陳皮濃煎作湯。使下連柏丸三十粒。如此者。服一年半。而精

力如少壯時。連柏丸冬加乾薑少許。餘三時皆依本法。連柏皆薑汁炒為細末。又以薑汁煮糊為丸。

〔本〕治虛風頭旋吐痰涎不已。養正丹。

黑鉛

水銀

硫黃

硃砂各一兩

右用鐵盞一只。火上溶鉛成汁。次下水銀。用柳杖子打勻。取下放少時。下二味末。令冷。研為粉。用米飲丸。或用棗肉丸。如梧子大。每

服三十丸。鹽湯下。

此藥升降陰陽。補接真氣。非止頭旋而已。

〔垣〕范天賦之內素有脾胃之病。時顯煩躁。胸中不利。大便不通。初冬出外而晚歸。為寒氣怫鬱。悶亂大作。火不得伸故也。醫疑有熱。治以疎風丸。大便行。而病不減。又疑藥力少。復加七八十丸。下兩行。前

症仍不減。復添吐逆。食不能停。痰唾稠粘。湧出不止。眼黑頭旋。惡心煩悶。氣短促。上喘無力。不欲言。心神顛倒。兀兀不止。目不敢開。如在風雲中。頭苦痛如裂。身重如山。四肢厥冷。不得安臥。予謂前症。乃胃氣已損。復下兩次。則重損其胃。而痰厥頭痛作矣。製半夏白朮天麻湯治之而愈。

天麻分五

半夏湯洗一錢半

人參分五

白朮錢一

蒼朮分五

橘皮

黃芪

澤瀉

白茯苓各五分

神麴一錢炒

大麥蘖一錢半

乾薑分三

黃柏分二

右件咬咀。每服半兩。水二盞。煎至一盞。去渣。帶熱服食前。此頭痛甚。謂之足太陰痰厥頭疼。非半夏不能療。眼黑頭旋。風虛內作。非天麻不能除。其苗為定風草。亦治內風之神藥也。內風者。虛風是也。黃芪甘溫。瀉火補元氣。人參甘溫。瀉火補中益氣。二朮俱甘苦溫。除濕補中益氣。澤瀉茯苓。利小便導濕。橘皮苦溫。益氣調中。升陽。神麴消食。蕩胃中滯氣。大麥蘖寬中助胃氣。乾薑辛熱。以絳中寒。黃柏苦大寒。酒洗以主冬。天少火在泉發躁也。右氣虛挾痰眩暈。余嘗治一人。臥則稍輕。但舉足則頭旋眼黑。以天麻半夏茯苓陳皮白附僵蠶參芪草歸生薑黃芩煎湯服之。五

兼行者
水不出
痰閉
之者吐

大小
便帶
利者微

六日愈。蓋做此方加減之也。

〔濟〕芎朮湯。治胃中濕痰。眩暈嘔逆。頭重不食。

川芎

半夏酒洗

白朮各一兩

甘草炙半兩

右咬咀。每服四錢。水一盞。生薑七片。煎服不拘時。一方有附子桂心無半夏

〔巖〕旋覆花湯。治中脘伏痰。嘔逆眩暈。

旋覆花

半夏

橘紅

乾薑各一兩

檳榔

人參

甘草

白朮各半兩

右剉碎。每服一兩。薑水煎服。

〔仲〕卒嘔吐。心下痞。膈間有水。眩暈者。半夏加茯苓湯主之。方見傷寒

令瘦人臍下有悸。吐涎沫而頭眩。此水也。五苓散主之。方見傷寒

〔子和〕青黛散。搐鼻取涎。治眩神效。方見頭痛

頭風眩暈。可用獨聖散吐之。吐訖。可用清上辛涼之藥。防風通聖散。

加半夏等味。仲景云。此痰結胸中而致也。通聖散見補

獨聖散

瓜蒂不以多少 鬱金各等分

右為細末。每服一錢。或二錢。薑汁調下服之。用鷄翎探吐。

〔河間〕搜風丸。治邪氣上逆。風熱上攻。頭目眩暈。大小便結滯。

人參

茯苓各半兩

滑石二兩

藿香二錢

乾薑

白礬生各一兩

蛤粉二兩

南星

大黃

黃芩各二兩

牽牛四兩

薄荷半兩

半夏一兩

寒水石一兩

右為末。滴水丸。小豆大。每十九。生薑湯下。加至二十丸。日三服。

〔仲〕白朮附子湯。治風虛。頭重眩苦。極不知食味。暖肌補中益精氣。

白朮二兩

附子一兩半炮去皮

甘草一兩炙

右三味。剉。每五錢。薑五片。棗一枚。水鍾半。煎至七分。去渣溫服。

〔本〕治體虛有風。外受虛濕。身如在空中。二生散。

生附子去皮

生南星各等分

右二味。咬咀。每服四大錢。水一鍾。生薑十片。慢火煎至八分。去渣

服。戊午年。予在新安。有此疾。名醫傳授此方。三服愈。

〔仲〕心下有支飲。其人苦冒眩。澤瀉白朮主之。

短氣倚息形如腫為支飲

用澤瀉五

兩。白朮二兩。以水二升。煮一升。分溫再服。

運氣眩有二。

一曰。風助肝盛眩。經云。厥陰司天之政。風行太虛。雲物搖動。目轉耳

鳴。三之氣。風乃時舉。民病掉眩。又云。厥陰司天。客勝。則耳鳴掉眩。又

云。厥陰之勝。耳鳴頭眩。又云。厥陰之復。筋骨掉眩。治以諸涼是也。

二曰。濕邪傷腎眩。經云。太陰司天。濕淫所勝。頭項腰痛而眩。治以

體虛者溫之

倚息形腫者利濕運氣

苦熱是也

〔河〕神妙散。搐鼻。治頭目昏眩。偏正頭痛。方見頭痛門

腦為髓之海。其輪上在於其蓋。下在風府。髓海不足。則腦轉耳鳴。脛

痠眩。目無所見。全文見針灸蓋者百會穴也。補百會風府二穴則眩愈。上氣不足。頭為之苦傾。目為

之眩。補足外踝下留之。全文見針灸邪在腎。肩背頭項痛時眩。取湧泉崑崙。

視有血者。盡取之。全文見針灸

怪穴 頭目眩運 至陰

〔標〕 金門 申脈

〔桑〕 風池 神庭 內風池 通玄同 金門 偏 三里 補

〔心〕頭暈怕寒。些少風寒。則目暗。殭仆。不分冬夏。常用綿帽包。日夜

不離。一去帽即發。百會 惺惺 一分恐 上星 風池 二寸半主 頭大熱 豐隆 二寸 牛

〔桑〕頭熱 上顛 風門 攢竹 百會

〔甲〕風眩善嘔。煩滿神庭主之。如顏色青者。上星主之。取上星者。先

取諱諱。後取天牖風池。如頭痛顏青者。顛會主之。風眩引頰痛。上

星主之。先取諱諱。後取天牖風池。風眩目暝。惡風寒。面赤腫前頂

主之。風眩目眩。顛上痛。後項主之。風眩驚。手腕痛。泄風。汗出至

腰。陽谷主之。腦風目暝。頭痛。風眩目痛。腦空主之。風逆暴。四肢

腫。濕則唏然寒。飢則煩心。飽則眩。大都主之。頭眩目痛。至陰主之。

誌

〔丹〕左手脈數熱多。脈澁有死血。右手脈實痰積。脈大必有久病。

癲癇

癲癇卽頭眩也。痰在膈間。則眩微不仆。痰盜膈上。則眩甚仆倒於地。而不知人。名之曰癲癇。徐嗣伯云。大人曰癲。小兒曰癇。其實一疾也。然與中風中寒中暑尸厥等。仆倒不同。凡癲癇仆時。口中作聲。將省時。吐涎沫。省後又復發。時作時止。而不休息。中風中寒中暑尸厥之類。則仆時無聲。省時無涎沫者。後不復再發。間有發者。亦如癲癇之常法也。

大法

〔丹〕癲屬驚。與痰宜吐。大率行痰爲主。黃芩 黃連 瓜蒌 半夏 南星 尋火尋痰。分多少治之。無有不愈。分痰與熱。有熱以涼藥清其心。有痰必用吐藥。吐後用東垣安神丸。此證必用吐。吐後用平肝之藥。青黛柴胡川芎之類。

〔海〕治長洪伏三脈。風癲驚癲發狂。惡人與火者。灸第三椎第九椎。服局方妙香丸。以針穿一眼子透冷水內。浸少時服之。如本方。若治弦細緩三脈。諸癲似狂者。李河南五生丸。抄香丸方見虛煩條氣亂于頭。則爲厥逆。頭重眩仆。全文見針灸厥成爲癲疾。厥氣上逆也邪搏陽。則爲癲疾。見診法下同針經九針云邪入

上實

於陽轉爲癲疾

厥成爲癲疾

全文見針灸

邪搏陽則爲癲疾

〔素〕帝曰。人生而有病癩疾者。病名曰何。安所得之。岐伯曰。病名爲胎病。此得之在母腹中時。其母有所大驚。氣上而不下。精氣并居。故令子發爲癩疾。奇病論

凡癩癘及中風。中寒。中暑。中濕。氣厥。尸厥。而昏眩倒仆。不省人事者。皆由邪氣逆上陽分。而亂於頭中也。癩癘者。痰邪逆上也。中風寒暑濕。及氣厥尸厥者。亦風寒暑濕等。邪氣逆上也。邪氣逆上。則頭中氣亂。頭中氣亂。則脈道閉塞。孔竅不通。故耳不聞聲。目不識人。而昏眩無知。仆倒於地也。以其病在頭巔。故曰癩疾。治之者。或吐痰。而就高越之。或鎮墜痰。而從高抑之。或內消痰邪。使氣不逆。或隨風寒暑濕之法。用輕劑發散上焦。或針灸頭中脈絡。而導其氣。皆可使頭巔脈道流通。孔竅開發。而不致昏眩也。是知癩癘之癩。與厥成癩疾眩冒癩疾之巔。一疾也。王太僕誤分癩爲二疾。獨孫真人始能一之。今特冠此氣亂頭巔等經文。於癩癘篇首。使人知疾有所歸。而治有所據也。

〔局〕碧霞丹。治五癩疾。方見虛寶門

〔世〕治暗風。天麻。南星。半夏。僵蠶。白附子。防風。各半兩。白礬二兩。用木瓜一個。切去頂取穰。納前藥末。用原頂覆住。麵包煨熟。就搗如泥爲丸。又用皂角二寸。敲細。酒半盞。浸一宿。如發時。取前藥一十九粒。

上者
御之
行之

心
血
少者
益之

納口中。用酒灌下。取出痰即愈。自省後。日服三十粒薑湯下。
治風癩及心風病。用皂角三挺搥破濾汁。熬如稀糊。攤紙上晒乾。取
兩葉如小錢大。用溫漿水浸。洗去紙。注於兩鼻孔。各一蜆殼許。須臾
涎下。咬筋歷盡。涎後服祛痰丸。

代赭石生一兩 白礬生二兩

右為細末。稀糊為丸。如梧子大。每服三十丸。冷水送下。不拘時。

〔仲〕風引湯。治癩疾瘦癢。方見後

〔無〕礬丹丸。治五癩百癩。無問陰陽冷熱。

號丹 晉礬各一兩

右用博鑿一窠。可容二兩許。先安丹在下。次安礬在上。以炭五斤。
熾令炭盡。取出細研。以不經水猪心血為丸。如菉荳大。每服十丸。
至二十九丸。橘皮湯下。

〔世〕治暗風。遠年日久不愈。皆可服。用地黃。廣南道地者。不計多少。
火煨醋焯七次。為細末。每服二錢。溫酒調下。年深者亦治。

〔羅〕參珠丸。治風癩。大有神效。

人參 蛤粉 珠砂各等分

右為細末。獾猪心血為丸。如梧子大。每服三十丸。金銀花湯下。食
遠服。

痰迷
心惑
之者開

神應丹治諸癩。用好辰砂。不拘多少。為細末。用猪心血和之。得所。以
蒸餅裹蒸取出。就熱丸如梧子大。每服一丸。食遠臥時。煎人參湯下。
大有神效。

琥珀壽星丸

天南星 一斤 瓶坑二尺 深用木炭五斤 煨熱取出 炭用好酒一升 發
之 將南星趁熱下坑 用盆蓋訖 合過一宿 取出再焙乾 為末

琥珀 四兩
取末

硃砂 二兩 一牛入藥

猪心三個 取血 另打生薑麵糊攪令稠粘 將猪心血和入藥末 丸

如梧子大 每服五十丸 煎人參湯空心送下 日進三服

〔世〕蜜陀僧散 治暗風 取蜜陀僧成塊者 以鐵線纏 又用鐵線懸掛

火煨紅 用酒醋一升 燂盡 出火毒 研極細 每服一錢 麝香酒調下

治癩疾 凌霄花一味 為細末 每三錢 空心酒調服 每服藥時 以木梳

不住手梳其髮 又用冷水一碗 逐口含之 水溫則換 水盡住梳 如此

四十九日 永絕其根

楊氏家藏五癩丸 治癩癩發作 不問新久 並宜服之

天南星 炮一兩 烏蛇肉 酒浸一宿 去皮骨 焙一兩

全蠍 二錢 去毒炒 半夏 二兩 酒洗 雄黃 一錢 牛分研

白附子 半兩 炮 白僵蠶 一兩 半炒去絲 麝香 三錢 另研

皂角 四兩 搗碎 水半升 掠汁 與白礬同煎 乾研

硃砂 二錢 牛另研

蜈蚣 半條 去頭足 炙

白礬 一兩

〔丹〕治癩疾。
右為末。薑汁煮麵糊丸。如梧子大。每服二十九丸。薑湯下。

川芎二兩

防風

猪牙皂角

鬱金

明礬各一兩

蜈蚣一條

右細末。蒸餅丸。如梧子大。空心清茶下十五丸。一日除根。

〔羅〕治癩病。心風病。用天南星。九蒸九曝。為末。生薑汁。打糊為丸。如梧子大。每服二十九丸。煎人參麥門冬菖蒲湯下。亦可。

〔素〕春脈者肝也。春脈太過為病。在外善怒。忽忽眩冒而癩疾。全文見來弦實而強為太過歲木太過。甚則忽忽善怒眩冒而癩疾。全文見氣類註

〔丹〕治巡檢夫人癩。通聖散。二錢半。薑三片煎。下犀角丸三十粒。
〔保〕防風通聖散。

防風

川芎

當歸

芍藥

大黃

芒硝

連翹

薄荷

麻黃不去節各五錢

桔梗

黃芩

石膏各一兩

白朮

山梔

荊芥穗各二錢半

滑石各一兩

甘草一兩

右為籠末。每服一兩。生薑煎。溫服。日再服。

若勞汗當風。寒薄為皴。鬱乃痊。此勞汗出於玄府。脂液所凝。去芒

確倍加芍藥當歸發散玄府之風。當調其榮衛。俗云風刺。或生癰疹。或赤。或白。倍加麻黃。鹽豉葱白。出其汗。麻黃去節。亦去芒硝。以鹹走血而內凝。故不用之。發汗罷。依前方中加四物湯。黃連解毒三藥。合而飲之。日二服。故內經曰。以苦發之。爲熱在肌表連內也。小便淋閉。去麻黃。加滑石連翹。煎藥中調木香末一錢匕。麻黃主於表。而不主於裏。故去之。腰脇走注疼痛者。加硝石當歸甘草。一服。各二錢。調車前子末。海金沙末。各一錢。故經曰。腰者腎之府。破傷風者。如在表則辛以散之。在裏則苦以下之。兼散之。汗下後。通利榮血。祛逐風邪。每一兩。加荊芥穗。大黃各二錢。調全蠍末一錢。羌活末一錢。諸風癩搖。小兒急慢驚風。大便秘結。邪熱暴甚。腸胃乾燥。寢汗咬牙。上竄。睡語筋轉。驚悸。肌肉蠕動。每一兩。加大黃二錢。梔子二錢。茯苓末二錢匕。如肌肉蠕動者。調羌活末一錢。經曰。肌肉蠕動。命曰微風。風傷於肺。咳嗽喘急者。每一兩。加半夏。桔梗。紫苑各二錢。如打撲傷損。肢節疼痛。腹中惡血不下。每一兩。加當歸。大黃各三錢半。調沒藥。乳香末各二錢。解利四時傷寒。內外所傷。每一兩。加益元散一兩。葱白十莖。鹽豉一合。生薑半兩。水一碗。同煎至五七沸。或煎一小碗。溫冷服一半。以筋投之。卽吐。吐罷後。服一半。稍熱服。汗出立解。如飲酒中風。身熱

頭痛如破者。加黃連鬚二錢。葱白十莖。依法立愈。慎勿用桂枝麻黃湯解之。頭旋腦熱。鼻塞。獨涕。時下。每一兩加黃連薄荷各二錢半。內經曰。膽移熱於腦。則辛頰鼻淵。鼻淵者。獨涕下不已。王註曰。膽液不澄。則為濁涕。不已如水泉者。故曰鼻淵也。此為足太陽脈與陽明脈俱盛也。如氣逆者。調木香末一錢。

〔素〕心脈滿大。癩瘕筋攣。

〔仲〕風引湯。除熱癩癩。又治大人風引。少小驚癩瘕癧。日數。

〔十〕發醫所不療。又治脚風。

大黃

龍骨

乾薑各四兩

桂枝三兩

甘草

牡蠣各二兩

寒水石

滑石

赤石脂

白石脂

紫石英

石膏各六兩

右十二味。杵籠末。篩以韋囊盛之。取三指撮。并花水三升。煮三沸。

溫服一升。治風熱瘕癧。食後量多少。呷之不用渣。無不効。

〔河〕犀角丸。治風癩癩。發作有時。揚手擲足。口吐痰涎。不省人事。暗

倒屈伸。

犀角末半兩

赤石脂三兩

朴硝二兩

白僵蠶一兩

薄荷葉一兩

右為末。麵糊丸。如梧子大。每服二十九。至三十九。溫水下。日三服。

服滿大為熱

不拘時候。如覺疲多即減數忌油膩炙燥

龍腦安神丸。治男婦五種癩癩。無問遠年近日。發作無時。

茯苓 去皮取末三兩

人參 去蘆

地骨皮

甘草

麥門冬 去心各三兩

龍腦 三錢

牛黃 半兩

硃砂 二錢

桑白皮 一兩

馬牙硝 二錢

麝香 三錢

烏犀角末 一兩

金薄 三十片

右十三味。煉蜜為丸。如彈子大。金箔為衣。冬月溫水化下。夏月涼

水。又治虛勞發熱咳嗽。語澁舌強。日進三服。

〔靈〕肝脈小急。癩瘦筋攣。王註云肝養筋藏血肝氣受寒故癩瘦筋攣

脈急甚為癩疾。腎脈急甚為骨癩疾。見治虛實法

〔羅〕沉香天麻湯。治癩瘦癢筋攣。方見小兒門

珠子辰砂丹。治風癩久不愈者。

薯蕷

人參

遠志

防風

紫石英

扶神

虎骨

虎睛

龍腦

五味子

石菖蒲

丹參

細辛 各二錢半

珠子末 四錢

右件為細末。麵糊為丸。如梧子大。用硃砂二錢。研細為衣。每服三

十五丸。煎金銀花湯送下。日進三服。忌魚肉濕麵動風之物。

烏頭丸。治五風癩病。

川烏

草烏

天仙子

五靈脂各二兩

黑豨一升

右爲細末。滴水和丸。如梧子大。每服五七丸。溫水下。如中風加附

子半兩。

〔子和〕昔項開完顏氏病搐。先右臂并右足。約搐六七十數。良久左臂并左足。亦搐六七十數不瘥。兩目直視。昏瞶不識人。幾月餘。求治於余。先涌其寒痰三四升。次用導水禹功散。泄二十餘行。次服通聖散。辛涼之劑。不數日而瘥。

〔羅〕法煮葶麻子。治諸癩病。不問年深日遠。

葶麻子

去皮取仁二兩

黃連

去鬚剉如荳大一兩

右件用銀器。水一大碗。慢火熬水盡。卽添水熬三日。兩夜爲度。取出。去黃連。只用葶麻子仁。風乾不得見日。用竹刀將葶麻子。每粒切作四塊。每次服五粒。計二十塊。作一服。用荆芥湯。食後溫服。葶服

麻仁者終身忌食豨犯之則腹脹而死

〔丹〕治一婦人四十五歲。生子多。觸胎時有腹痛。每夜喜飲酒三盞。卽睡。其夫性暴而諧謔。所以借酒解怒。忽九月望後。癩病大作。目上視。揚手擲足。甚強健。舉體大筋皆動。喉嚨如錐。涎沫流口兩角。如此

一時辰許。諸症皆靜。狀如熟寢。全不知人。半時小腹漸痛。上至心痛大作。汗如雨。自頭至乳而止。如此半時。痛漸減。汗亦收。痛作時。却自言其痛。其餘言語皆謬誤。問亦不答。亦不知人。痛定又熟寢。如前癩與痛間作。晝夜不息。經兩宿。方召予脈之。痛作時。脈四至半。似弦非弦。左弱於右。予未敢與藥。候癩作時。再看形脈。後作時。六脈皆隱。但有大筋轉於指下。眼白青而面不青。手之動。三倍於足。予問之。痛作時。必欲重按。此癩作時。汗必不出。其夫言果然。予曰。此非死證。若尙能嚙藥。則易治。試以調香附子。未灌之。適癩勢稍定。却嚙得半盞。令急燒竹瀝。未就時痛大作。余以肝有怒邪。因血少而氣獨行。所以脾受病。脾胃之間。舊有酒痰。爲肝氣所抑鬱而爲痛。然酒喜動。可以出入升降。入內則痛。出外則癩。當乘其入內之時。急爲點大敦行間中。腕三處穴。令分頭同時下火灸之。足上艾火少。灸先了。腹上痛漸下。至腰而止。熟寢。少時癩作。如前證減半。又以竹瀝入少薑汁灌下。大半鍾。灌時適值癩定。但熟寐如前。自是不省人事。一晝二夜。皆已棄之。余曉之曰。身不發熱。因痛則汗出。大便不通者五六日。自予來。亦未見其小水。非死症。當是血少無神而昏耳。爾爲搖搖人中。俄而呻吟。急以大參湯同竹瀝灌之。又昏睡如前。余教以作人參白朮膏。入竹瀝調下。如此二晝夜。凡用人參一斤。白朮二斤。眼忽能開。手能舉。

自言胸膈滿而舉身皆痛。耳目仍未有聞見。忽自瀕牀甚多。余聞之甚喜。且得癩與痛皆不作。但教令用陳皮芍藥甘草川芎湯。調參朮膏。又加竹瀝飲之。余欲往他處。且與脈之。聞其作聲。余自知謬。不教以粥與藥間服。急令作稀粥與之。止嘔得三四匙。牙禁不受。余遂以木楔幹開。以稀粥入藥湯。又與竹瀝同灌一大鍾。蓋是粥多而藥居三之一。予遂出門。教令粥藥相間與之。予在二十里外。未申間。天大風作。予料此婦癩必作。特往視之。癩不作而痛作。脈去來急無次。急爲灸然谷太衝巨闕。灸罷痛定。問其要粥否。答曰。我正飢。其夫飲之以粥。嚙兩鍾。予乃往他處。仍教以藥湯調參朮膏竹瀝。與粥間與之。如前第二夜半時。召予甚急。往視之。癩病大作。奪手不能診脈。令人扶定兩時。予捉其中指。強而脈之。四至半。籠大有力。左右同。而右少緩。口妄言而無次。又怒罵人。眼上視。不瞬而嘔。又欲起走。其狀若有所憑。然予捉定兩手。爲灸兩大指。背半甲半肉際。各三壯。怒狀稍殺。求免索燭。視之耳目仍未有聞見。昏寐至夜半。狂怒大作。且言鬼怪之事。而師巫至。大罵巫者。予靜思之。氣因血虛。亦從而虛邪因入。理或有之。且與補藥。血氣若充。邪當自退。仍與前藥。又恐疲頑。佐以荆瀝。又以秦承祖灸鬼法灸之。哀告我自去。昏睡一晝夜。忽自起坐。索粥。其夫與之。方問夫。你面垢如許怪。牀上有香氣。繼又無所知識。

惟開眼不睡。手足雖能運動。却作尋摸態。如此。又二晝夜。粥食稍加。又瀰牀多如前。予益喜。仍守前藥。予又往他處。次日晚。忽來召予。急往視之。病人自言。渾身皆痛。脈之皆五至。左右均而和。曰。參朮膏俱盡。遂教令就輿。前藥中加參朮煎。去荆歷。加香附末。與一服。覺甚快。余且令守此藥。至次夜半。又來告急曰。前痛大作。往視之。坐榻上。叫聲甚高。予思之。此虛病亦多汗。腸燥而糞難耳。痛當在小腹與腰。急烘琥珀膏。大者貼小腹。仍教以熱手摩腰腎間。連得下氣而痛減。就睡少時。又起如是者五六次。一醫者勸令用通利藥。予曰。痛與死孰爲輕重。且堅忍至夜半。後當自通。又往他處。至四更。來告急。往視之。痛大作。予令坐以溫湯中。當自下。換湯痛定。覺甚快。第二桶湯。下結糞二塊。就睡天明。予又往他處。至晚。又告急。予視痛大作。連及兩脇。手不可近。予思之。此痛無因。若結糞未盡。痛當在下。今痛在上。必因食。多問之。果然。醫者欲用感應丸。予教勿與粥藥。病者力索藥。遂以香附末。令舐之。至夜半。痛漸減。天明覺略飢。索粥。予曰。非飢也。乃嘈耳。勿與。而自安。其家又自與粥。至辰巳間。予往他處。至晚。痛又作。而病者索香附末不已。遂以湯調半碗與之。探令吐。猶有宿食。痛遂止。予又往他處。至夜半。又告痛。復作。詢之。以醋拌蘿蔔苗吃粥。又以香附末探吐之。痛定。教令一晝夜。勿與食。至次日。少與淡粥。覺飢時。以

久癩
積為痰
陰陽

陳皮湯下白朮丸。如此調理自安。
痰癩癩治法。並見上虛條。

〔潔〕治風癩病。久不能愈者。從厚朴丸。春秋加添外。又於每一料中。
加入參菖蒲茯苓各一兩五錢。和劑服之。厚朴丸方見翻頁

〔垣〕升陽湯。治陽躄癩。足太陽下行。宜升陽氣。

麻黃八錢不
去節

羌活一兩
半

防風根八
錢

炙甘草五
錢

右咬咀。每服三錢。水五大盞。煎至一盞。去渣。稍熱服。宿食消盡。腹
中空服之。後避風寒。一二時辰乃效。

〔潔〕晝發治陽躄申服二穴。在足外踝下陷中。容爪甲白肉際是也。
夜發治陰躄照海二穴。在足內踝下陷中是也。先灸兩躄。各二七壯。
然後服前藥。

〔子〕治百病風癩。用麻仁四升。水六升。猛火煮令芽生。去渣煎取七
合。旦空心服。或發。或不發。或多狂語。勿憤之。但令人摩手足。須臾即
定。凡進三劑。無不愈。

〔羅〕神應丹。治諸風心癩病。

狐肝具一

烏鴉隻一

鷓鴣箇一

白礬兩一

野狸一箇去肚腸不用皮毛用
新瓦罐盛肉以炭火煮爛

生犀角末一
兩

右為末。用酒打麵糊為丸。如皂子大。硃砂為衣。每服一丸。酒送下。

不拘時候。

〔楊氏〕蠍虎治癩法。見小兒驚癩門妙。

〔靈〕暴攣癩眩。足不任身。取天柱。

氣亂於頭。則為厥逆。頭重眩仆。取之天柱。天柱不知。取太陽榮輸。於此義同。

癩疾始生。先不樂。頭重痛。視舉目。赤甚作極。已而煩心。候之于顏。取

手太陽陽明太陰。血變而止。癩疾始作而引口啼呼喘悴者。候之

手陽明太陽。左強者。攻其右。右強者。攻其左。血變而止。癩疾始作。

先反僵。因而脊痛。候之足太陽陽明太陰手太陰。血變而止。俱出癩在篇

〔玉〕癩凡灸癩必先下之乃可灸不然則氣不通能殺人針不拘 鳩尾必高手不可多壯多則令人健忘

〔通〕 後谿

〔集〕 鳩尾 湧泉 心膻

〔桑〕 陽交 三里 後谿 太衝 間使

〔摘〕風癩熱病。心風驚癩。上皖 三里

〔桑〕天吊 巨闕三寸 百會 顙門

〔東〕癩 平日發者。足少陽。晨朝發者。足厥陰。日中發者。足太

陽。黃昏發者。足太陰。人定發者。足陽明。半夜發者。足少陰。

心癩面赤。心下熱。短氣喘息。巨缺灸三壯 肝癩面青反視。手足搖動。

丘墟^{三壯} 中封^{三壯} 脾癩面黃腹大善利。胃脘并脘傍一寸各

三壯 衝陽 隱白 肺癩面白口吐沫。肺膈 少商 少陽^{三壯}

腎癩面黑正直視身不搖如尸厥。金戶 少海 至陰 湧

泉^{各三壯} 膈癩四肢不舉。風府^{一七壯} 百會 人中 承漿^{各隨年灸}

腸癩都無動靜如尸厥狀。承山 湧泉 勞宮 翳風^{各隨年壯}

馬癩目張搖頭馬鳴欲反折。風府^{三壯} 神闕

牛癩目直視腹滿。鳩尾尖^{三壯} 大椎^{三壯}

羊癩揚目吐舌。大椎^{三壯} 浮白^{三壯}

猪癩吐濁沫口動搖。勞宮^{一壯} 絲竹空 肋戶^{各一壯}

犬癩手屈拳攣。勞宮^{一分} 至陰 竅陰 厲兌^{各灸三壯}

〔甲〕癩疾多言耳鳴目僻頰腫實則聾。齶喉痺不能言齒痛鼻齶

虛則痺膈偏歷主之。癩疾吐舌鼓頰狂言見鬼。蠱溜主之。^{臑後五寸} 癩

疾吐舌曲池主之。癩疾互引僵仆申脈主之。先取陰驕後取京骨。

癩疾狂妄行振寒京骨主之。癩疾身痛狂善行束骨主之。癩

疾僵仆轉筋僕參主之。癩疾目眈眈。崑崙主之。狂癩疾體

痛飛揚主之。癩疾反折委中主之。癩疾憎風而振寒不得言得

寒益甚身熱狂走欲自殺目反妄見瘰癧泣出死不知人肺膈主之。

癲狂。膈膈及肝膈主之。癲疾僵仆。目妄見。恍惚不樂。狂走。瘦癯。絡都主之。癲疾互引反折。戴眼及眩。狂走。不得臥。心中煩。攢竹主之。癲疾發寒熱。大煩滿。悲泣出。解谿主之。癲疾互引。口喎喘悸者。大迎主之。取手陽明。太陰變血而止。癲疾狂。多食。喜笑不發於外。煩心渴。商丘主之。癲疾嘔沫。神庭及兌端。承漿主之。其不嘔沫。本神及百會。後頂。玉枕。天衝。大杼。曲骨。尺澤。陽谿。外丘。當上腕傍五分。通谷。金門。承筋。合陽主之。委中而二寸 爲合一陽癲疾互引。水溝及斷交主之。癲疾上星主之。先取譙譙。後取天膈風池。癲疾嘔沫。暫起僵仆。惡見風寒。口赤腫。顙會主之。癲疾瘦癯。狂走。頸項痛。後頂主之。頂後一寸五分癲疾狂走。瘦癯。搖頭。口喎。尻頸強。強間主之。癲疾骨痠眩狂。瘦癯。口噤。羊鳴。刺腦戶。狂易言不休。及狂走欲自殺。目反妄見。刺風府。癲疾怒欲殺人。身柱主之。狂走癲疾脊急強。目轉上挿。筋輸主之。癲疾發。如狂走者。面皮厚。敦敦不治。虛則頭重。洞泄淋瀝。大小便難。腰尻重。難起居。長強主之。寒厥癲疾。噤呵。瘦癯。驚狂。陽交主之。癲疾大瘦。腦空主之。癲疾僵仆。狂虛。腕骨及風池主之。癲疾狂。瘦癯。眩仆。瘖不能言。羊鳴沫出。聽宮主之。癲疾氣滿。刺絲竹空。癲疾吐舌。沫出。羊鳴。尻頸。天井主之。天井在肘後癲疾氣短。嘔血。胸皆痛。行間主之。痿厥癲疾。洞泄。然谷主之。癲狂互引。

天柱主之。

右針灸癩法。內經。但取手足太陽陽明太陰六經而已。今甲乙經等書。又多取督經。手足太陽足少陰厥陰。蓋隨症取之。然學者當以內經為主也。

診

〔靈〕骨癩疾者。顛齒諸髓分肉皆滿。而骨居汗出。煩惋嘔多沃沫。氣下泄不治。顛若感切。骨居汗出。千金作骨居。強直汗出。筋癩疾者。身倦攣急。大刺項大經之大

杼。嘔多沃沫。氣下泄不治。脈癩疾者。暴仆。四肢之脈皆脹而縱。脈

滿盡刺之出血。不滿灸之。挾項太陽灸帶脈于腰。相去三寸。諸分肉

本輸。嘔多沃沫。氣下泄不治。癩疾者。疾發如狂者。死不治。治癩

疾者。嘗與之居。察其所當取之處。病至視之。有過者瀉之。置其血於

瓠壺之中。至其發時。血獨動矣。不動。灸窮骨二十壯。窮骨者。髀骨也。

俱出癩疾篇

來疾去徐。上實下虛。為厥癩疾。全文見治虛實法

〔素〕癩疾脈搏大滑久自已。脈小堅急。死不治。通評虛實論

可治。實則死。同上

〔脈〕癩疾脈實堅者生。脈沉細小者死。此見與內經相反更詳之嘗以內經為正

子癩

癩疾脈虛。則

〔雲〕葛根湯。治妊娠臨月。因發風痊。忽悶瞶不識人。吐逆眩倒。名曰

風熱

子癩。

葛根

貝母去心

牡丹皮

防風

當歸

川芎

白茯苓

桂心

澤瀉

甘草各二兩

獨活

石膏

人參各三兩

右咬咀。以水九升。煮取三升。分溫二服。貝母令人易產。未臨月升

麻代之。

〔丹〕治一婦人懷妊六月發癩。手足揚直。面紫黑色。合眼涎出。昏瞶不省人事。半時而醒。醫與震靈丹五十餘帖。其疾時作時止。無減症。直至臨產。方自愈。產一女。葶中子母皆安。次年其夫疑丹毒必作。求治之。診其脈浮取弦。重取瀼。按至骨則沉實帶數。時正二月。因未見其癩發正狀。未敢與藥。意其舊年癩發時。乃五月。欲待其時。度此疾必作。當審諦施治。至五月半。其疾果作。皆是午巳兩時。遂教以自製防風通聖散。用生甘草加桃仁多。紅花少。或服或吐。至四五劑。疾漸疎而輕。發為疥而愈。

〔大〕治子癩。用謝砂末。酒調下二錢。詳見安胎

瘥 勞風 胎前瘥 產後瘥

瘥病者。口噤。角弓反張者是也。

大法 補虛

〔丹〕瘧。大率與癘病相似。比癘為虛。宜帶補。多是氣虛有火兼疲。宜服人參竹瀝之類。不用兼風藥。

〔無〕此症多由亡血。筋無所營。故邪得以襲之。所以傷寒汗下過多。與夫病瘡人及產後致斯病者。概可見矣。

〔丹〕一男子。二十餘歲。患痘瘡醫謝後。忽患口噤不開。四肢強直不能屈。時或繞臍腹痛一陣。則冷汗如雨。痛定則汗止。時作時止。其脈極弦緊而急。如真弦狀。向知此子極勤苦。意其因勞倦傷血。山居多風寒。乘虛而感。又因痘瘡。其血愈虛。當用辛溫養血。辛涼散風。遂以當歸身芍藥為君。川芎青皮鈎藤為臣。白朮陳皮甘草為佐。桂枝木香黃連為使。更加紅花少許。煎十二帖而安。

〔海〕神朮加羌活麻黃湯。治剛瘧。解利無汗。神朮方見傷寒太陰白朮方見傷寒太陽

太陽陽明加川芎荊芥穗。正陽陽明加羌活酒大黃。少陽陽明加防風柴胡根。

熱而在表者加黃芩。寒而在表者加桂枝黃芪附子。

熱而在裏者加大黃。寒而在裏者加乾薑良薑附子。

已上數經。寒熱當以脈別之。

防風當歸散。

表桂屬太

防風

當歸

川芎

地黃各一兩

右劉。每服一兩。水三盞。煎至三盞。溫服。

〔仲〕活人治瘧法。並見後表裏陰陽條。太陽病發熱無汗而反惡

寒者。名曰剛瘧。太陽病發熱汗出而不惡寒者。名曰柔瘧。

〔仲〕葛根湯。治太陽無汗。而小便反少。氣上衝胸。口噤不得語。欲作

剛瘧。葛根湯主之。方見傷寒

若發熱無汗。反惡寒者。名曰剛瘧。宜麻黃加獨活防風湯。

麻黃去節

桂枝各一兩

芍藥三兩

甘草半兩

獨活

防風各一兩

右劉細。每服一兩。水二鍾。煎至一鍾半。溫服。

〔仲〕瓜蒌桂枝湯。太陽病其症備。身體強。几几然。脈反沉遲。此為柔

瘧。梅藏治有汗而為柔瘧

瓜蒌根二兩

桂枝三兩

甘草二兩

生薑三兩

大棗十二枚

芍藥二兩

右六味。以水九升。煮取三升。分溫三服。取微汗。汗不出。食頃啜粥

發之。

〔海〕若發熱自汗。而不惡寒者。名曰柔瘧。宜桂枝加川芎防風湯。

桂枝

芍藥

生薑各一兩半

甘草

防風 川芎各一 大棗 六枚

右劉細。每服一兩。水三盞。煎至一盞半。去渣溫服。

凡剛柔二瘧。並可與小續命湯。方見中風門但去鴉入生薑汁 小續命湯加減法。若

柔瘧自汗者。去麻黃。夏間及病有熱者。減桂枝一半。冬及初春去黃

芩。
〔干〕續命湯。治卒中。半身不遂。手足拘急。不得屈伸。身體冷。或昏。或癡。或身強直。不語。或生。或死。狂言。不可名狀。角弓反張。或欲得食。或不用食。大小便不利。皆療之。

人參 桂心 當歸 獨活

黃芩 乾薑 炮 甘草 炙各七錢半 石膏 一兩半

杏仁 四十枚

右九味。以水九升。煮取三升。分溫三服。日二服。取汗。無汗者。加麻黃。

〔仲〕剛瘧為病。胸滿口噤。臥不着席。脚攣急。必齟齬。可與大承氣。見方

塞傷

〔子和〕呂君玉之妻。年三十餘。病風。擗目眩。角弓反張。數日不食。諸醫皆作驚風。暗風。風癘。治之。以天南星。雄黃。天麻。烏附。用之。殊無少效。戴人曰。諸風掉眩。皆屬肝木。曲直搖動。風之用也。陽主動。陰主靜。

裏證
風陽
明

中表
中裏
少裏
陽屬

大陽
陽明
合病

瘧分
陰陽
陰瘧
無汗

由火盛制金。金衰不能平水。肝木茂而自病。因涌風涎二三升。次以寒劑下十餘行。又以排針刺百會穴。出血一盃立愈。

〔海〕若汗後不解。乍靜乍躁。目直視。口噤。往來寒熱。脈弦者。少陽風瘧。宜柴胡加防風湯。

柴胡兩一

人參錢五

半夏錢六

黃芩錢五

生薑

甘草各六錢半

防風兩一

棗三箇

右剉。每服一兩。水三盞。煮至一盞半。去渣溫服。

若發汗過多。發熱頭面搖。卒口噤。背反張者。太陽兼陽明也。宜去風養血防風當歸散主之。方見本門大法條

陽瘧並見表裏條。仲景雖曰瘧。皆身熱足寒。然屬陽。不厥逆。

〔百一〕治中風身直不得屈伸。反覆者。取槐皮黃白者切之。以酒或水六升。煮取二升。去渣服。

〔千〕倉公當歸湯。治賊風口噤。角弓反張瘧方。

當歸

防風各七錢半

獨活兩一

附子一枚

細辛兩兩

麻黃兩一

右咬咀。以酒五升。水三升。煮取三升。服一升。口不開者。格口納湯。

一服。當蘇。二服小汗。三服大汗。

〔活〕人物白朮散。治陰瘧一二日。面腫手足厥冷。筋脈拘急。汗不出。

恐陰氣內傷。

白朮

茯苓

五味子各半

桂心三分

麻黃兩半

良薑分一

羌活兩半

附子分三

右為末。每服四錢。水一大盞。生薑五片。同煎至五分。去渣。溫服無時。

〔海〕若發熱。脈沉而細者。附太陰也。必腹痛。宜桂枝加芍藥防風防己湯。又宜小續命湯。

桂枝兩半

防風

防己各一兩

芍藥兩二

生薑兩半

大棗六枚

右剉。每服一兩。水三盞。煎至一盞半。去渣。溫服。

〔活〕附子散陰痿。手足厥逆。筋脈拘急。汗出不止。頭項強直。頭搖口噤。

桂心三錢

附子一兩炮

白朮一兩

川芎三錢

獨活兩半

右為末。每服三錢。水一鍾。棗一枚。煎至五分。溫服。

桂心白朮湯。治陰痿。手足厥冷。筋脈拘急。汗出不止。

白朮

防風

甘草

桂心

川芎

附子

有陰痿并

右為末。每服五錢。水二鍾。生薑五片。棗二枚。同煎至七分。去渣溫服。

附子防風散。治陰瘧。閉目合面。手足厥逆。筋脈拘急。汗出不止。

白芷兩一

防風

甘草各三分

桂心兩半

附子三分

乾薑三分

柴胡一兩半

茯苓三分

五味子兩一

右為末。每服三錢。水二盞。生薑四片。同煎。去渣溫服。

〔海〕發汗太多。因致瘧。身熱足寒。項強惡寒。頭熱面腫。目赤頭搖。口噤。背反張者。太陽瘧也。若頭低視下。手足牽引。肘膝相構。陽明瘧也。若一目或左右邪視。并一手一足搖擗者。少陽瘧也。汗之止也。和之下之。各隨其經。可使必已。

右太陽瘧。屬表。無汗宜汗之。有汗宜止之。陽明瘧。屬裏。宜下之。少陽瘧。屬半表半裏。宜和之。所謂各隨其經也。

〔丹〕盧婦人。因怒。手足強直。十指如束。左脈弦虛。右脈弦大而強。稍堅。此風木攻脾土。宜速瀉肝氣。助肺金。補脾土之陰。

黃連二錢

天南星

白朮

人參

黃芩

天麻

川芎

木通

陳皮

青皮各半

甘草一分

運氣

作一帖煎取一盞入薑汁令辣再沸熱服

肺移熱於腎傳為柔痊全文見診病傳變

運氣痊有三。一曰風經云厥陰在泉客勝則大關節不利內為痊

強拘急外為不便又云諸暴強直皆屬於風是也。二曰濕經云諸

痊項強皆屬於濕王註謂陽內鬱而陽行於外是也。三曰寒包熱

經云火太過曰赫羲赫羲之紀上羽與正徵同其病痊蓋司天之寒

束火於中亦陰陽內鬱陰行於外之意也。

〔世〕治角弓反張胞衣瓶內水鵝毛挑入患人口脣即愈。

〔肘〕治中風身體強直不得屈伸反覆括枳樹皮細切一升以酒二

升浸一宿每日溫酒服半升酒盡再作。枳實即枳櫛樹去風除濕

〔干〕治口噤手足不隨而身體強直伏龍肝五升以水七升和攪取

汁飲之。

〔仲〕病者身熱足寒頸項強急惡寒時頭熱面赤目赤獨頭動搖卒

口噤背反張者痊病也。活人書云外症發熱惡寒與傷寒相似但其脈沉遲弦細而項背反張為異耳

多因致痊。夫風病下之則痊復發汗必拘急。夫痊脈按之緊如

弦直上下行。

〔脈〕痊家其脈伏堅直上下行。

〔無〕凡痊脈皆伏沉弦緊。

〔仲〕太陽病發熱。脈沉而細者。名曰瘧。為難治。瘧病有灸瘡難治。

即破傷風之類

瘧病若發其汗者。寒濕相搏。其表益虛。即惡寒。瘧病發其

汗已。其脈澹澹如蛇。暴腹脹大者。為欲解。脈如故反伏弦者瘧。

熱病篇

〔靈〕風瘧身反折。先取足太陽及膈中及血絡出血。中有寒。取三里。

〔素〕太陽所謂強上引背者。陽氣太上而爭。故強上也。脈解篇督脈為

病。脊強反折。骨空論

足少陰之筋。循脊內。挾脊上至項。其病主癱瘓及瘧。在外者不能俛。在內者不能仰。故陽病者腰反折。不能俛。陰病者不能仰。治在燔針。

〔甲〕風瘧身反折。先取太陽及膈中及血絡出血。瘧中有寒。取三里。瘧取之陰驕及三毛。上及血絡出血。瘧取顙會及百會。又膈

輪上關。光明主之。瘧目不眴。刺腦戶。瘧脊強反折。瘓癱癩疾。頭重。五樞主之。瘧互引善驚。天衝主之。瘧反折心痛。形氣短。尻腫

澹。小便黃閉。長強主之。瘧筋痛急。互引。肝輪主之。熱瘧。脾輪及腎輪主之。瘧口噤。互相引。口乾。小便赤黃。或為不禁。承漿主之。

瘧驚互引。脚如結。臑如裂。束骨主之。瘧反折互引。腹脹。掖攣。背脊中

快快。引脇痛。內引心中膺內。肺輪主之。又刺陽明。從項而數背椎。俠脊脊而痛。按之應手者。刺之。尺澤。三瘖立已。

勞風即瘧之屬

虛邪

表虛

〔丹〕云瘧比癘為虛。蓋因勞汗遇風。內挾太陽寒濕之邪。治亦與瘧同法。但當視其所勞。則知虛在何藏。如房勞則腎虛汗出。腠理開。風入皮膚。得寒則閉。風不能出。與水俱行。其人當目下腫如臥蠶之狀。戴人云。腎主水。其經至于目下故也。不禁房室則死。明其虛在腎也。所以關於太陽何也。太陽主寒。其經最在外。腠理得寒則閉。故太陽先受邪也。治宜入物白朮散。倉公當歸湯。見前瘧門

胎前瘧

〔河間〕芎藭丸。方未考

皂角化痰丸。方見咳嗽條

此病多由風寒濕乘虛而感。皆從太陽經治之。

〔活〕獨活防風湯。治瘧太陽有汗。

桂枝兩一

芍藥兩三

甘草兩半

獨活

防風兩各一

右劉細。每服一兩。水二鍾。煎至一鍾。溫服。

防風葛根湯。治瘧太陽無汗。

葛根兩四

麻黃兩三

芍藥

防風兩各二

桂枝兩一

右劉細。每用一兩。先煮麻黃去上沫。入後藥。同煎數沸。溫服。

產後瘧

〔干〕竹瀝湯。治產中風口噤。面青。手足急強。用竹瀝一升。分爲五服。微溫頻服。大效。

此症因虛遇風。挾痰而作。宜服人參竹瀝之類。

〔產〕問曰。產後汗出多而變瘧者何。答曰。產後血虛。腠理不密。因遇風邪搏之。故變瘧也。宜速斂口。灌小續命湯。稍緩卽汗出如雨。手拭不及。不可救也。小續命方見前瘧條

舉鄉古拜散。治新產血虛瘧者。荆芥穗不以多少。瓦上微炒爲末。

大荳黃卷。熱酒沃之。去黃卷取汁。調四五錢和渣飲之。其效如神。

〔干〕大荳紫湯。治產後中風。形如角弓反張。口噤涎潮。黑荳半升。

炒令焦黑烟起。以無灰酒二升沃之。入磁器中。每用一盞。入獨活五

錢同煎。至六七分。去滓溫服。

按續命已下三方。太陽厥陰藥也。邪實脈浮弦有力者。固宜。但產

後血氣大虛之人。不宜輕發其表。但用防風當歸散治之爲妙。

〔海〕防風當歸散。方見前瘧條

破傷風 瘕瘕 顫振 產後瘕瘕

破傷風者。因瘡熱甚鬱結。而榮衛不得宣通。怫熱因之遍體。故多白痂。是時瘡口閉塞。氣難宣通。故熱甚而生風也。先辨瘡口平無汁者。

血虛

解表

虛痰

中風也。邊自出黃水者。中水也。並欲作瘡。急治之。又痛不在瘡處者。傷經絡亦死症也。初覺瘡腫起白痂。身寒熱。急用玉真散貼之。傷在頭面。急嚼杏仁和雄黃白麵傅瘡上。腫漸消爲度。若腰脊反張。四肢強直。牙關口噤。通身冷不知人。急用蜈蚣研細末擦牙。吐出涎沫立甦。亦宜按摩導引。

〔河〕破傷風。風熱躁甚。怫鬱在表。而裏氣尙平者。善伸數欠。筋脈拘急。或時惡寒。或筋惕而搐。脈浮數而弦也。宜以辛熱治風之藥。開衝結滯而愈。猶傷寒表熱怫鬱。而以麻黃湯。辛熱發散也。凡用辛熱開衝風熱結滯。宜以寒藥佐之。則良。免致藥中病。而風熱轉甚也。如治傷寒發熱。用麻黃桂枝。加黃芩石膏知母之類是也。若止以甘草滑石葱豉。寒藥發散甚妙。若表不已。漸傳入裏。裏又未太甚。而脈弦小者。宜以退風熱開結滯之寒藥調之。或微加治風辛熱亦得。猶傷寒在半表半裏。而以小柴胡和解之也。若裏勢已甚。而舌強。口噤。項背反張。驚惕。搐搦。涎吐稠粘。胸腹滿塞。便溺祕結。或時汗出。脈沉洪數。而弦也。然汗出者。由風熱鬱甚于裏。而表熱稍罷。則腠理疎泄。而心火熱甚。故汗出也。法宜除風散結。寒藥下之後。以退風熱開結滯之寒藥調之。則熱退結散。而風自愈矣。

背後搐者。羌活獨活防風甘草。向前搐者。升麻白芷獨活防風甘草。

兩傍搐者。柴胡防風甘草。右搐加滑石。

〔河〕玉真散。

南星

防風各等分

右爲末。生薑汁酒調服。傷處以此貼之。

羌活防風湯。治破傷風。初邪傳在表。

羌活

防風

川芎

藁本

當歸

芍藥

甘草

地榆

細辛各一兩

右咬咀。每服五錢。水二盞。煎八分。熱服。熱則加黃芩一兩。大便秘。

加大黃一兩。

防風湯。見前風條

蜈蚣散。

蜈蚣一對

魚鱉五錢炒

左蟠龍半兩炒烟盡

右爲細末。用防風湯調服。

白朮防風湯。若服前藥已過。臟腑和。有自汗者。宜服此藥。

白朮

防風

黃芪各一兩

右咬咀。每服七錢。水二盞。煎至一盞。去滓溫服。

大芎黃湯。臟腑秘。小便赤。自汗不止者。宜速下之。

川芎一兩

黃芩六錢

甘草半兩

大黃一兩

右咬咀。每服五錢。水一盞半。煎至一盞。去滓。溫服。以利為度。

江鯁丸。治破傷風。驚而發搐。臟腑秘澁。知病在裏。

江鯁半兩

野鴿糞半兩

雄黃一錢

蜈蚣一對

天麻一兩

白殭蠶半兩

右為細末。分作三分。先用二分。燒飯為丸。如桐子大。硃砂為衣。又

用一分。入巴苳霜一錢。同和。亦以燒飯為丸。不用硃砂為衣。每服

硃砂為衣丸藥二十丸。入巴苳霜丸藥一丸。次服二丸。漸加至利

為度。再服硃砂為衣丸藥病愈止。

完活湯。利後宜服。搐瘥不已。亦宜服。

完活

獨活

地榆各一兩

每服五錢。水一盞半。煎至一盞。去滓。溫服。如有熱。加黃芩。有痰。加

半夏。

地榆防風散。治半表半裏。頭微汗。身無汗。

地榆

防風

地丁香

馬齒莧各一兩

右為細末。每服三錢。溫米飲調下。

養血當歸地黃散。日久氣血漸虛。邪氣入胃。宜養血四物湯。加防風

藁本。白芷。細辛。各等分。為細末。每用五錢。水一盞半。煎至一盞。溫服。

虛

和解

風火

診治

虛實

脾胃

痲癩

病筋脈相引而急。名曰痲癩。俗謂之播是也。

〔河〕諸熱贅癩。皆屬于火。熱勝風搏。併于經絡。風主動而不寧。風火相乘。是以熱贅癩生矣。治法祛風滌熱之劑。折其火熱。贅癩可立愈。若妄加灼艾。或飲以發表之劑。則死不旋踵矣。

〔素問〕云。心脈急甚者。為痲癩。此心火虛寒也。治宜補心牛黃散主之。靈樞云。心脈滿大。痲癩筋攣。此心火實熱也。治宜瀉心火涼驚丸主之。肝脈小急。亦痲癩筋攣。此肝虛也。續斷丸主之。若肝脈盛者。先救脾。宜加減建中湯。素問云。脾脈急甚者。亦為痲癩。此脾虛肝乘之而癩也。故宜實土瀉肝木之劑。

汗多不止為虛。無汗能食為實。

〔垣〕人參益氣湯。治熱傷元氣。四肢困倦。手指麻木。時時痲癩。

黃芪二錢

甘草錢

升麻各五分

五味子三十粒

柴胡六分

生甘草五分

人參一分

炙甘草五分

白芍藥七分

右咬咀。作一服。水二盞。煎至一盞。去渣熱服。

獨活湯。治風虛昏聩。不自覺知。手足痲癩。或為寒熱血虛。不能服

發汗藥。及中風自汗。尤宜服之。

獨活

羌活

人參

防風

當歸

細辛

扶神

遠志

半夏

桂心

白薇

菖蒲

川芎

甘草

每服一兩。水二盞。生薑五片。煎入分。食後溫服。

胃風湯。治虛風症。能食麻木。牙關緊急。手足痲癢。目肉蠕動。胃中有風面腫。

白芷 一錢二分

升麻 二錢

葛根 一錢

蒼朮 一錢

甘草 五分

柴胡

藁本

羌活

黃柏

草薺 各五分

麻黃 半錢 不去節

蔓荊子 一錢

當歸身 一錢

右咬咀。水二鍾。薑三片。棗二枚。煎至一鍾。溫服。

〔干〕薯蕷丸。治虛勞不足。風氣百疾。頭目眩冒。驚悸狂癩。

薯蕷 二十分

當歸 十分

桂心 七分

神麴 炒

熟地 各十分

甘草 二十分

人參 十分

芎藭 五分

芍藥

白朮

麥門冬

杏仁 各六分

柴胡

桔梗

茯苓 各五分

鹿角膠 七分

乾薑 三分

白蘇 三分

防風 六分

大棗 一百枚 為膏

黃芩六分

大荳黃卷一分

右二十二味末之。和棗膏煉蜜丸。如彈子大。空腹酒服。一九。日三服。

續斷丸。治肝勞虛寒。脇痛。脹滿。眼昏不食。攣縮。瘕癥。

續斷酒浸

川芎

當歸酒浸

半夏湯泡薑製

橘紅

乾薑炮各一兩

桂心

甘草炙各半兩

右爲細末。蜜丸。如桐子大。每服百丸。白滾湯下。

牛黃散。治心虛風。筋脈攣搐。神昏語澁。

牛黃

龍腦

硃砂

麝香各一錢

蟬蛻

烏蛇肉一兩酒浸

全蠍炒

殭蠶炒

桑螵蛸

鈴羊角

阿膠炒

天麻

防風

甘菊花

蔓荆子

桂心

細辛

側子炮去皮

獨活去蘆各半兩

犀角半兩

麻黃七錢半

右爲細末。和勻。再研。每服一錢。荳淋酒下。

續命煮散。治風氣留滯。心中昏憤。四肢無力。口眼攣動。或時搐攣。

或渴或自汗。

防風

獨活

當歸

人參

細辛

葛根

芍藥

川芎

甘草

熟地

遠志

荊芥

半夏

各五錢

官桂

七錢半

每服一兩。水二盞。生薑二片。煎至八分。去渣。通口服。汗多者。加牡

蠣粉一錢半。

獨活散。消風化痰。

細辛

石膏研

甘草各半兩

防風

藁本

旋覆花

川芎

蔓荊子

獨活

各一兩

右為細末。每服三錢。薑二片。水一大盞。煎七分。食後服。

運氣痲癢有二。

其一曰火。經曰。火鬱之發。民病嘔逆痲癢。又曰。少陽所至。為暴注暍

痲。又曰。少陽司天。客勝則為痲癢是也。

其二曰水。經曰。陽明司天。燥氣下臨。木氣上從。民病脇痛。目赤。掉振

鼓慄。又曰。歲土太過。雨濕流行。民病足痿不收。行善痲。又曰。太陰之

復。頭頂痛。重而掉。痲尤甚是也。

〔甲〕卒心中痛。痲癢。互相引。肘內廉痛。心熱。熱然。間使主之。熱病

先手臂。身熱。痲癢。脣口聚。鼻張。目下汗出如轉珠。兩乳下二寸。堅。脇

運氣

風熱

針灸

滿悸。列缺主之。振寒痠癢。手不伸。欬嗽唾濁。氣膈善嘔。尺澤主之。

大風慄慄。不知所痛。嗜臥善驚。痠癢。天井主之。頭重鼻衄及痠。

癢。至陰主之。身熱狂走。譫語見鬼。痠癢。身柱主之。

〔干〕腹滿痠癢。心痛。氣滿。不得息。巨闕主之。嘔血時痠。善搖頭。顏

青。汗出不過肩。傷寒。溫病。曲澤主之。

顫振

顫。搖也。振。動也。風火相乘。動搖之象。比之痠癢。其勢為緩。內經云。諸

風掉眩。皆屬於肝。掉即顫振之謂也。又曰。諸禁鼓慄。如喪神守。皆屬

於熱。鼓慄亦動搖之意也。此症多由風熱相合。亦有風寒所中者。亦

有風挾濕痰者。治各不同也。常見此症多於傷寒熱病病疾中。兼見者多是熱甚而熱。虛亦有之。背戰搖振動。輕利而不痿弱。比之中風。與喪

動重遲者。微有不同。

星附散。治中風。雖能言。口不喎斜。手足躡曳者。

天南星 半夏 已上俱用薑製 人參 黑附子 去皮

白附子 茯苓 川烏 去皮 僵蠶

沒藥 各等分

右以咀。每服五錢。水酒各一盞。煎入分。熱服。并進。得汗為度。

獨活散。見前瘕瘵條

〔干〕金牙酒。療積年入風五注。舉身躡曳。行步跛躄。不能收持。

金牙 碎如米粒用
小銅袋盛

熟地

蒴藿根

地膚子 無子用莖葉一
方用蛇牀子

附子

防風

細辛

莽草 各四
兩

川椒 四
合

羌活 一
斤

一方用獨活。

右十味。吹咀。盛以絹袋。用酒四斗。於磁器中。漬封固。勿令泄氣。春夏三四宿。秋冬六七宿。酒成。去滓。日服一合。常令酒氣相接。不盡一劑。病無不愈。

產後瘕癥

產後因虛。傷風。瘕癥同傷。表症未傳入裏。宜服防風湯。見前
風門

愈風湯。治產後中風。口噤。瘕癥。亦治血暈。四肢強直。用荊芥略炒

為末。每服三錢。豆淋酒下。

增損柴胡湯。治產後感冒異症。手足牽搐。涎潮昏悶。

柴胡

黃芩 一錢
二分

人參 一錢
半

甘草 一錢
半

石膏 二錢

知母 一錢

黃芪 二錢
半

半夏 一錢
半

右吹咀。分二服。水二盞。薑三片。棗二枚。煎八分。不拘時服。

秦芫湯。前症已去。次服此藥。去其風邪。

秦芫

芍藥

柴胡 各一錢
七分

甘草 一錢
三分

黃芩

防風 各一錢
二分

人參

半夏 各一錢
一分

右吹咀分二帖。每帖水二盞。薑三片。煎八分。食遠服。

癩風

經曰。脈風成爲癩。俗呼癩風是也。

大法

〔丹〕云大風病。是受得天地間殺物之風。古人謂之癩風。以其酷烈暴悍可畏爾。人得之者。須分在上在下。夫在上者。以醉仙散。取臭惡血於齒縫中出。在下者。以通天再造散。取惡物虬蟲於穀道中出。所出雖有上下道路之異。然皆不外於陽明一經而已。看其疔瘡。上先見在上體多者。病在上也。下先見在下體多者。病在下也。上下同得者。病在上復在下也。陽明主胃與大腸。無物不受。此風之入人也。氣受之在上多。血受之在下多。血氣俱受者。上下皆多。自非醫者有神。病者有鐵心。罕有免者。余曾治四五人。中間惟一婦人得免。以其貧甚。無物可吃也。孫真人曰。吾嘗治四五百人。終無一人免者。非真人之不能治也。第無一人能守禁忌耳。

下劑

醉仙散。治大風疾。遍身癩疹。瘙痒麻木。

胡麻子

牛蒡子

枸杞子

蔓荊子

各一兩同炒

白蒺藜

苦參

瓜蒞根

防風

各半兩

右爲細末。每十五錢末。入輕粉一錢。拌勻。每服一錢。茶調下。晨午

夕各一服。後五七日。先於牙縫內出臭黃涎。渾身疼痛。昏悶如醉。次後利下膿血惡臭氣。病根乃去矣。
四聖保命丹。

大黃半兩

黃柏八兩

苦參

荊芥各四兩

右為末。煉蜜和勻。分作一百二十九丸。每服一丸。溫酒送下。食遠。日三服。忌肉醬。一方用蝦蟆一個燒灰。
祛風散。

大蠶沙

五升先篩淨水淘三遍控乾

東行蠍虎

一條焙乾用白麵四斤拌蠶沙為絡索晒乾

右每服一二合。熬柏葉湯調服。食前。日三服。
通天再造散。治大風惡疾。

鬱金半兩

大黃一兩

白牽牛

六錢半生半炒

皂角刺

黑大者一兩

右為末。每服五錢。日未出時。面東以無灰酒調下。
愈風丹。治癩。

皂角

一斤去皮弦剉作四指許以無灰酒浸一宿濾出同新汲水一大碗揉作濃汁濾去渣以砂鍋慢火熬膏

苦參

四兩為末

土蝮蛇

頭尾全用陰乾為末

右二味末。以皂角膏丸桐子大。每服七十丸。空心用防風通聖散煎成送下。日二服。服三二日後。入浴出汗。病重者。不過一料。病微者。止用烏梢蛇。不用土蝮蛇。

換肌散 治大風年深不愈至眉毛墮落鼻梁塌壞額顛腫破服此速效。

白花蛇三兩

烏蛇三兩酒浸一宿

地龍去土三兩

當歸酒製

細辛

白芷各一兩

天麻

蔓荊子

葳靈仙

荊芥穗

甘菊花

苦參

紫參

沙參

木賊

不灰木

川芎

沙苑蒺藜

甘草炙

天門冬

赤芍藥

菖蒲九節者

何首烏

胡麻炒

草烏頭各三兩

蒼朮三兩米泔浸

木鱉子去殼三兩

定風草三兩

右同為細末。每服五錢匕。食後酒調服。酒多為妙。

輕者疎風和血。以二聖散治之。二聖散方。

大黃半兩

皂角刺三錢燒灰

右將皂角刺一二個。燒灰研細。用大黃半兩。煎湯調下二錢。早服。

樺皮散。中以升麻湯。下瀉青丸。晚服二聖散。此為緩治

柏葉湯。用東南枝上柏葉一秤。水一桶。水三沸。去渣。瓮盛起。旋熬蠶

沙調服。初服苦澁。三五日後甜。十日四肢沉重。便赤白痢。一月後發

出瘡。疔瘡破。用烏龍散搽之。

烏龍尾即倒懸灰二錢

烏鷄子皮煨

二味爲末。用柏油調搽於破瘡上。

樺皮散。治肺癰。風毒遍身。癰疹瘙瘡。

荊芥穗二兩

枳殼

樺皮各四兩

甘草炙中兩

杏仁二兩去皮尖用水一碗煎令減半取出令乾另研

右爲末。每服二錢。食後溫酒調下。

凌霄散。治癘風神效。

蟬殼

地龍炒

殭蠶

全蠍各七箇炒

凌霄花半兩

右爲末。每服二錢。熱酒調下。無時。於浴室中常蹲湯中一時許。服

藥神效。

祛風丸。治疥癩。經曰。脈風成爲癘也。

黃芪

枳殼

防風

芍藥

甘草

熟地

地骨皮

枸杞子

生地

右九味。木杵臼爲細末。煉蜜丸。如桐子大。白湯下。五十九丸。

如聖散。

蔓荊子

苦參

玄參

厚朴

荊芥

紫參

陳皮

沙參

麻黃 去節 一兩

防風

白芷

藏靈仙 各二兩

右為細末。每服五錢。桃柳枝各一把。水五升煎。臨臥熱洗。忌五辛。
〔垣〕段庫使病癘風。滿面連鬚極痒。眉毛已脫落。須用熱水沃之。稍
緩。每晝夜須數次。或砭刺亦緩。先師曰。風論中云。夫癘者榮衛熱附。
其氣不清。故使其鼻柱壞而色敗。皮膚瘍潰。風寒客于脈而不去。名
曰癘風。治之者。當刺其腫上。以銳針刺其處。拔出其惡氣。腫盡乃止。
當食如常食。勿食他食。如用藥當破血去熱。升陽去癢瀉榮。以辛冷
散之。甘溫升之。行陽明經。瀉心火。補肺氣。乃治之正也。

補氣瀉榮湯

升麻

連翹 各六分

蘇木

當歸

全蠍

黃連

地龍

黃芪 各三分

黃芩 生四分

甘草 一錢

人參 二分

生地 四分

桃仁 三箇

桔梗 五分

麝香 少許

胡桐淚 一分

水蛭 炒令烟 盡二箇

蝨蟲 去翅足頭 炒二箇

右劉如麻豆大。除連翹另劉。胡桐淚研。白芫薺二分。為細末。二味
另放。麝香蝨蟲水蛭三味為末。另放。外都作一服。水二大盞。酒一
匙。入連翹煎至一盞。六分。再入白芫薺二味。并麝香等三味。再上
火煎一二沸。去渣稍熱。早飯後午飲前服。忌酒濕麵。生冷硬物。

針灸

〔經〕大風刺其肌肉。故汗出百日。刺骨髓。汗出百日。凡二百日。鬢眉生而止針。

承漿一穴。在頤前脣下宛宛中。足陽明任脈之會。療偏風口喎。面腫。口齒疳蝕。蟲瘡。灸亦佳。日灸七七壯。至七七壯。灸則血脈通。宣其風。應時立愈。

醫學綱目卷之十一 肝膽部

行痺 痛痺 諸痺着痺 鶴膝風 攣 一身盡痛 產

後身痛 風痺雜合病

風寒
濕三
氣為
痺

〔素〕黃帝曰。痺之安生。岐伯對曰。風寒濕三氣雜至。合而為痺也。其

風勝者為行痺。行痺者行而不定也。稱為走注。疼痛及歷節之類是也。

寒氣勝者為痛痺。痛痺者疼痛甚。楚世稱為痛風。

及白虎飛尸之類是也。

濕氣勝者為着痺。

着痺者着而不移。世稱為麻木不仁之類是也。凡麻木不仁必着而不移。河間所謂氣之道路着而麻者得矣。

或痛着一處始。終不移者是也。

帝曰。其有五者何也。岐伯曰。以冬遇此者為骨痺。以春

遇此者為筋痺。以夏遇此者為脈痺。以至陰遇此者為肌痺。以秋遇

此者為皮痺。凡風寒濕所為行痺。痛痺着痺之病。冬遇此者為骨痺。春遇此者為筋痺。夏遇此者為脈痺。長夏遇此者為肌痺。秋遇此者為皮痺。皆以所遇之時所客之處命名。

非此行痺。痛痺着痺之外。又有骨痺。筋痺。脈痺。肌痺。皮痺也。

帝曰。內舍五臟六腑。何氣使然。岐伯曰。五臟

皆有合病。久而不去者。內舍於其合也。故骨痺不已。復感於邪。內舍

於腎。筋痺不已。復感於邪。內舍於肝。脈痺不已。復感於邪。內舍於心。

肌痺不已。復感於邪。內舍於脾。皮痺不已。復感於邪。內舍於肺。所謂

痺者。各以其時。重感於風寒濕之氣也。凡痺之客五臟者。肺痺者煩

滿。喘而嘔。心痺者脈不通。煩則心下鼓。暴上氣而喘。監乾善噫。厥氣

上則恐。肝痺者。夜臥則驚多飲。數小便。上為引如懷。腎痺者善脹。尻

以代踵。脊以代頭。脾痺者四肢解墮。發欬嘔汁。上為大塞。腸痺者數

飲而出不得。中氣喘爭。時發飧泄。治見瘧 胞痺者。少腹膀胱。按之內

痛。若沃以湯。蓋於小便。上為清涕。治見瘧 淫氣喘息。痺聚在肺。淫氣

憂思。痺聚在心。淫氣遺溺。痺聚在腎。淫氣乏竭。痺聚在肝。淫氣肌絕。

痺聚在脾。王註云。淫氣謂氣之妄行者。各隨臟之所主而入為痺也。 諸痺不已。亦益內也。其風氣勝者。

其人易已也。帝曰。痺其時有死者。或疼久者。或易已者。其故何也。岐

伯曰。其入臟者死。其留連筋骨間者疼久。其留皮膚間者易已。帝曰。

其客於大腑者何也。岐伯曰。此亦其食飲居處。為其病本也。六腑亦

各有俞。風寒濕氣中其俞。而食飲應之。循俞而入。各舍其腑也。帝曰。

以鍼治之奈何。岐伯曰。五臟有俞。六腑有合。循脈之分。各有所發。各

隨其過。則病瘳也。見痺論篇

冬感風寒濕者。為骨痺。久不已。則內入於腎。病腎脹。足攣。尻以代踵。

身躄。脊以代頭。取太溪委中。

春感風寒濕者。為筋痺。久而不已。則內入於肝。病臥則驚。多飲。數小

便。取太衝陽陵泉。

夏感風寒濕者。為脈痺。久而不已。則內入於心。病心下滿。暴喘隘乾。

善噫恐懼。取太陵小海。

長夏感風寒濕者。為肉痺。久而不已。則內入於脾。病四肢解墮。發欬

嘔汁。取太白三里。

刺痺
大法

秋感風寒濕者為皮痺久而不已則內入於肺病煩滿喘嘔 取太淵合谷。

帝曰榮衛之氣亦令人痺乎岐伯曰榮者水穀之精氣也和調於五臟洒陳於六腑乃能入於脈也故循脈上下貫五臟絡六腑也衛者水穀之悍氣也其氣慄疾滑利不能入於脈也故循皮膚之中分肉之間熏於盲膜散於胸腹逆其氣則疾從其氣則愈不與風寒濕氣合故不為痺帝曰善痺或痛或不痛或不仁或寒或熱或燥或濕其故何也岐伯曰痛者寒氣多也有寒故痛也治見痛痺其不痛不仁者病久入深榮衛之行澁經絡時疎故不通皮膚不營故為不仁治見其寒者陽氣少陰氣多與病相益故寒也治見痛風條酒釀中酸其熱者陽氣多陰氣少病氣勝陽乘陰故為痺熱其多汗而濡者此為逢濕甚也陽氣少陰氣盛兩氣相感故汗出而濡也 帝曰夫痺之為病不痛何也岐伯曰痺在骨則重在於脈則血凝而不流在於筋則屈而不伸在於肉則不仁在皮則寒故具此五者則不痛也凡痺之類逢寒則急逢熱則縱帝曰善具痺論

皆治。

升麻三兩

扶神去皮

人參

防風

犀角 鎊

羚羊角 鎊

羌活 各一兩

官桂 半兩

右為末。每服四錢。水二盞。生薑二塊。碎。竹瀝少許。同煎至一盞。溫服。不計時候。

診

〔素〕少陰有餘。病皮痺。癱瘓。不足。病肺痺。太陰有餘。病肉痺。寒中。不足。病脾痺。陽明有餘。病脈痺。身時熱。不足。病心痺。太陽有餘。

病骨痺。身重。不足。病腎痺。少陽有餘。病筋痺。脇滿。不足。病肝痺。四時

肺脈微大為肺痺。引胸背起。惡日光。心脈微為心痺。引背。四時

善淚出。全文見診

〔靈〕黃帝曰。何以候人之善病痺者。少俞答曰。粗理而肉不堅者。善

病痺。黃帝曰。痺之高下有處乎。少俞答曰。欲知高下者。各視其部。五變論

關中。薄澤為風。沖濁為痺。五色篇

浮絡多青則痛。黑則痺。全文見皮絡脈暴

黑者。留久痺也。全文見陰陽

〔素〕脈瀯曰痺。平人氣象論

行痺 即走注疼痛

〔仲〕諸肢節疼痛。身體尪羸。脚腫如脫。頭眩短氣。兀兀欲吐。桂枝芍

藥知母湯主之。

桂枝 四兩

芍藥 三兩

甘草 二兩

麻黃 二兩

表寒

生薑兩五

白朮兩五

知母兩四

防風兩四

附子二兩炮

右以水七升。煮取二升。溫服七合。日三服。

病歷節不可屈伸。疼痛。烏頭湯主之。

麻黃

芍藥

黃芪各三兩

甘草灸

川烏五枚咬咀以蜜二升煎取一升即去烏頭

右五味。咬咀。以水三升。煮取一升。去渣。納蜜再煎。服七合。不時盡服之。

服之。

〔河〕防風湯。治行痺走注無定。

防風

甘草

當歸

赤茯苓皮去

杏仁去皮炒熟

桂已上各一兩

黃芩

秦艽

葛根錢各三

升麻去節半兩

右爲末。服五錢。水酒各二盞。棗三枚。薑五片。煎至一盞。去渣溫服。

〔本〕治濕傷腎。腎不養肝。肝自生風。遂成風濕。流注四肢筋骨。或入

左肩膈。肌肉疼痛。漸入左指中。薏苡仁散。

薏苡仁兩一

當歸

小川芎

乾薑

茵芋

甘草

官桂

川烏

防風

人參

羌活

白朮

麻黃

獨活各半兩

右為細末。每服二錢。空心臨臥酒調下。日三服。

治白虎歷節諸風疼痛。遊走無定。狀如蟲嚙。晝靜夜劇。及一切手足疼痛。麝香丸。

川烏

大八角者
三箇用生

全蠍二十一箇用生

黑豆二十一箇用生

地龍半兩

右為細末。入麝香半字同研勻。糯米糊為丸。如菘荳大。每服七丸。甚者十丸。夜臥令膈空。溫酒下。微出冷汗一身。便瘥。予得此方。凡是歷節及不測疲痛。一二服便瘥。在歙州日。有一貴家婦人。遍身走走往疼痛。至夜則發。如蟲嚙其肌。多作鬼邪治。予曰。此正歷節病也。二服愈。歙戶葉切

〔丹〕龍虎丹。治走走往疼痛。或麻木不遂。或半身疼痛。

草烏

蒼朮

白芷各一兩

右研為末。水拌發熱過。再入乳香二錢。當歸牛膝各半兩。酒糊丸。如彈子大。酒化下。

〔無〕附子入物湯。治歷節風。四肢疼痛。如鎚鍛。不可忍。

附子

炮去皮臍

乾薑炮

芍藥

茯苓

半夏

桂心各三兩

白朮四兩

人參三兩

右剉散。每服四錢。水二盞。煎至七分。去渣。食前服。

〔丹〕痛風走注疼痛。

黃柏酒炒

蒼朮酒炒各二錢

右作一服煎就。調酒葳靈仙末。鈴羊角灰。臣蒼朮。佐芥子。使用薑一片。入藥末一錢。搗碎。以前藥再溫服。

〔東〕和血散痛湯。治兩手十指。一指疼了一指疼。疼後又腫。骨頭裏痛。膝痛。左膝痛了右膝痛。發時多則五日。少則三日。晝輕夜重。痛時覺熱。行則痛輕。腫却重。解云。先血後氣。乃先痛後腫。形傷氣也。

羌活身

升麻

麻黃去節各錢半

桃仁十箇

柴胡二錢

紅花一分

歸身一分

防風錢一

甘草各二分

獨活五分

猪苓五分

黃柏錢一

防己分六

知母酒一錢

黃連酒

右咬咀。分作四服。每服水一大盞。煎至一半。去渣。空心熱服。

〔羅〕真定府張大素好嗜酒。五月間病手指節腫痛。屈伸不利。膝髓亦然。心下痞滿。身體沉重。不欲飲食。食即欲吐。面色痿黃。精神減少。至六月間。求予治之。診其脈沉而緩。緩者脾也。難經云。俞主體重節痛。俞者脾之所主。四肢屬脾。蓋其人素飲酒。加之時助。濕氣大勝。流於四肢。故為腫痛。內經云。諸濕腫滿。皆屬脾土。仲景云。濕流關節。肢體煩痛。此之謂也。宜以大羌活湯主之。內經云。濕淫於內。治以苦溫。

以苦發之。以淡滲之。又云。風勝濕。羌活獨活苦溫。透關節而勝濕。故以爲君。升麻苦平。歲靈仙蒼朮防風。苦辛溫發之者也。故以爲臣。血壅而不流則痛。當歸辛溫以散之。甘草甘溫益氣。澤瀉鹹平。茯苓甘平。導濕而利小便。以淡滲之。使氣味相合。上下分散其濕也。

羌活

升麻各一錢

獨活七分

蒼朮

防風

甘草

歲靈仙

茯苓

當歸

澤瀉各半兩

右剉作一服。水二盞煎至一盞。溫服。食前一服。食後一服。忌酒麵生冷硬物。

〔本〕麻黃湯治歷節。

麻黃兩一

羌活兩一

黃芩三分

細辛

黃芪各五錢

右爲籠末。每服五錢。水二盞煎至八分。去渣溫服。接續三四日。有汗慎風。

治風熱成歷節。攻手指。作赤腫麻木。甚則攻肩背。兩膝。遇暑熱或大便秘卽作。牛蒡子散。

牛蒡子

新荳豉

羌活各三兩

生地二兩半

黃芪一兩半

右為細末。湯調二錢服。空心食前日三服。此病胸膈生痰。久則赤腫。附著肢節。久久不退。遂成厲風。此孫真人預戒也。宜早治之。

〔河〕大荳蘖散。治周痺注。五臟留滯。胃中結聚。益氣出毒。潤澤皮毛。補腎。用大荳蘖一升。炒香熟。為末。每服半錢。溫酒調下。空心加至一

錢。日三服。本草云大豆滷瘀血破婦人惡血治熱痺筋變膝痛古人多用酒沃荳蘖取汗蓋表藥也

〔無〕控涎丹。凡人忽胸背手脚頸項腰跨隱痛。不可忍。連筋骨牽引。鈞痛。坐臥不寧。時時走易不定。俗醫不曉。謂之走注。便用風藥。及針灸。皆無益。又疑是風毒結聚。欲為癰疽。亂投藥帖。亦非也。此乃是痰涎。伏在心膈上下。變為疾。或令人頭痛不可舉。或神思昏倦。多睡。或飲食無味。痰唾稠粘。夜間喉中如鋸聲。口流唾涎。手脚重。腿冷。痺氣不通。誤認為癰瘰。亦非也。凡有此疾。但用是藥。不過數服。其疾如失。

甘遂去心

紫大戟去皮

白芥子真者各等分

右為末。煮糊丸。如桐子大。晒乾。臨臥。淡薑湯或熟水下。五七丸至十丸。痰猛氣實。加丸數不妨。其效如神。

犀角二兩

羚羊角一兩

前胡

黃芩

梔子仁

射干

大黃

升麻各四兩

豉升一

右九味。吹咀。每服五錢。水二盞。煎服。

〔本〕茵芋丸。治歷節腫滿疼痛。

茵芋

硃砂

薏苡仁

各一兩

牽牛

一兩

郁李仁

半兩

右細末。煉蜜杵丸。如桐子大。輕粉袋爲衣。每服十九。至十五丸。或

二十九。五更溫水下。到晚未利。可二三服。快利爲度。白粥將息。

〔子和〕治一稅官。風寒濕痺。腰脚沉重。浮腫。夜則痛甚。兩足惡寒。經五六月間。猶綿脛靴。足膝皮膚少有跣露。則冷風襲之。流入經絡。其病轉劇。走往上下。往來無定。其痛極處。便躡急而腫起。肉色不變。膝理如蟲行。每遇風冷。病必轉增。飲食減。肌體瘦乏。須人扶。稍能行立。所服者。烏附薑桂。種種燥熱。燔針。着灸。莫知其數。前後三年不愈。一日予服之。其兩手皆沉滑有力。先以導水丸。通經散。各一服。是夜瀉三十餘行。痛減半。漸服赤茯苓湯。川芎湯。防風湯。此三方。在宣明論中。治痺方是也。日三服。煎七八錢。梨漿然汗出。余又作玲瓏竈法。薰蒸。血熱必增劇。諸汗法古方多有之。惟以吐發汗者。世罕知之。故予嘗曰。吐法兼汗。良以此夫。

〔子〕治遊風。行走無定。或如盤大。或如甌。或着腹背。或着臂。或着脚。悉主之。

痰挾
死血

血中
有漏

海藻

扶苓

防風

獨活

附子

白朮各三兩

大黃五兩

鬼箭羽

當歸各二兩

右九味。以水二斗。漬五日。初服二合。漸加。以知為度。

〔丹〕控涎散。治身及脇走痛。痰挾死血。加桃仁泥丸。治走注疼痛。

葳靈仙錢一

川芎錢七

梔子錢炒一

當歸錢一

肉桂分一

蒼朮錢一

桃仁錢七

甘草分五

右用生薑五片。水二盞。煎半乾。入童便半盞。竹瀝半盞。沸熱服。忌

肉麵雞。

定痛方。治一切風濕痺痛。

乳香

沒藥

地龍去土

木鱉去皮

金星石

五靈脂

右等分蜜丸。如彈子大。每服一丸。臨臥酒下。

〔外〕治歷節諸風。百節痠疼不可忍。用松脂三十斤。煉四五遍。以

煉酥三升。溫和松脂三升。熟攪令極調勻。每日空腹以酒服方寸匕。

日二服。數日。食麵粥為佳。慎勿食血腥生冷。鮓物。菓子。百日瘡。松

節酒。治歷節風。四肢疼痛。松節二十斤。酒五斗。漬三七日。服一合。日

五六服。丹溪云松屬金能滲血中之濕

〔子〕松葉酒治歷節。松葉三十斤。酒二石五斗。漬三七日。服一合。日服五六度。

寒走注疼痛治法。及熱走注疼痛治法。並見表寒表熱條。

〔垣〕身體沉重。走注疼痛。濕熱相搏。而風熱鬱不得伸。附着於有形也。宜蒼朮黃柏之類。

〔李絳〕兵部手集方。治臂脛痛。不計深淺皆效。用虎脛骨二大兩。粗舂熬黃。鈴羊角一大兩。屑。新芍藥二大兩。細切。三物以無灰酒浸之。

春夏七日。秋冬倍日。每日空腹飲一盃。冬月速要服。即以銀器物盛火爐中煖養之。三兩日即可服也。

〔經〕治風毒。骨髓疼痛。均藥二分。虎骨一具。塗酥炙黃。槌碎絹袋盛。用清酒三升。漬五日。每服二合。日三服。

〔聖〕治歷節風。百節疼痛。不可忍。用虎頭骨一具。塗酥炙黃。槌碎。絹袋盛。用清酒二斗。浸五宿。隨性多少。緩飲之妙。

〔靈〕黃帝問於岐伯曰。周痺之在身也。上下移徙隨脈。其上下左右相應。間不容空。願聞此痛在血脈之中邪。將在分肉之間乎。何以致是。其痛之移也。間不及下鍼。其搖痛之時。不及定治。而痛已止矣。何

道使然。願聞其故。岐伯答曰。此衆痺也。非周痺也。黃帝曰。願聞衆痺。

針灸

雜方

濕熱

岐伯曰。此各在其處。更發更止。更居更起。以右應左。以左應右。非能周也。更發更休也。帝曰善。此痛安生。何因而有名。岐伯曰。風寒濕氣客於外。分肉之間。迫切而爲沫。沫得寒則聚。聚則排分肉而分裂也。分裂則痛。痛則神歸之。神歸之則熱。熱則痛解。痛解則厥。厥則它痺發。發則如是。此內則不在臟。而外未發於皮。獨居分肉之間。眞氣不能周。故命曰周痺。

周痺當作衆痺。夫周痺邪在分肉血脈。今云邪獨居分肉之間。而命曰周痺。居也。痛解則厥。厥則它痺發者。所謂更發更起也。自黃帝曰善。此痛安生至此一百十四字。元誤在後。刺其下以脫之。上今移于此。

黃帝曰善。刺之奈何。

岐伯曰。刺此者。痛雖已止。必刺其處。勿令復起。帝曰善。願聞周痺如何。岐伯曰。周痺者。在於血脈之中。隨脈以上。隨脈以下。不能左右。各當其所。黃帝曰。刺之奈何。岐伯曰。痛從上下者。先刺其下。以過之。後刺其上。以脫之。痛從下上者。先刺其上。以過之。後刺其下。以脫之。故刺痺者。必先切循其下之六經。視其虛實。及大絡之血結而不通。及虛而脈陷空者。而調之。熨而通之。其痠堅。轉引而行之。帝曰善。余已得其意矣。

周痺篇○大絡血結不通爲實。脈陷空爲虛。通字一作過。下同。

按謬刺論云。凡痺往來行無常處者。在分肉之間。痛而刺之。以月死生爲數。用鍼者。隨氣盛衰。以爲瘡數。針過其日數。則脫氣。不及日數。則氣不瀉。左刺右。右刺左。病已止。不已復刺之。如法。月生一日一瘡。二日二瘡。漸多之。十五日十五瘡。十六日十四瘡。漸少之。

針灸

詳此亦刺衆痺於所痛之法。當與前衆痺法相參用之。

刺五臟六腑痺法。見諸痺條。

〔千〕治歷節。但於痛處。灸三七壯佳。

〔怪〕白虎歷節風痛。兩踝尖在內外兩踝尖灸之。渾身疼痛。往來上下無常。

陽輔。如足跟不得履地。風池。如膝蓋腫起。曲池一寸。陽

陵泉一寸

〔心〕婦人四旬。因小產成病。百節痛。無常處。臥牀不起。入字五分

環跳四寸。五樞三寸。曲池。掖門各寸。絕骨二寸。如脊背

痛者。人中。大椎節下各五分。委中七分見血立效

〔無〕附骨疽。與白虎飛尸。歷節。皆相類。歷節痛。則走注不定。白虎飛

尸痛。淺按之。則便止。附骨疽痛。深按之。亦無益。又一說。白虎飛尸亦

能作膿。着骨而生。及其腐潰。碎骨出盡。方愈。如是則附骨與白虎飛

尸同是一病。但淺深不同耳。

〔仲〕寸口脈沉而弱。沉即主骨。弱即主筋。沉即為腎。弱即為肝。汗出

入水中。如水傷心。歷節黃汗出。故曰歷節。少陰脈浮而弱。弱則血

不足。浮則為風。風血相搏。則疼痛如掣。盛人脈濇小短氣。自汗出。

歷節疼不可屈伸。此皆飲酒汗出當風所致。

痛痺即痛風

診

〔丹〕病風論 氣行脈外。血行脈內。晝行陽二十五度。夜行陰二十
五度。此平人之造化也。得寒則行遲而不及。得熱則行速而太過。內
傷於七情。外傷於六氣。則氣血之運。或遲或速。而疾作矣。彼痛風者。
大率因血受熱。已自沸騰。其後涉於冷水。或立濕地。或扇風取涼。或
坐臥當風。寒涼外搏。熱血得寒。汚濁凝滯。所以作痛。夜則痛甚。行於
陰也。治法以溫辛涼之劑。疏散寒濕。發腠理。其血得行。與氣相和。其
病自安。然亦有數種。治法各異。謹書一二。以證予言。一治東陽傳文
腿痛。一治朱宅閭內痛。一治麟鮑子痢後風。皆數十帖半年安。見詳
後丹溪先
治內熱條 或問北見隣人。用草藥研酒飲之。不過數帖。亦有安者。如
子之言。類皆經文取效。無乃太緩乎。予曰。此切病草藥。石上採絲。為
之君。過山龍等佐之。皆性熱而燥者。不能養陰。却能燥濕。病之淺者。
濕疾得燥則開。熱血得熱則行。亦可取效。彼病深而血少者。愈切愈
虛。愈切愈深。若朱之病是也。子以我為迂緩乎。朱之病即朱閭痛醫十
月不應而丹溪起之也
潛行散。治痛風。黃柏一味。酒浸焙乾。為末。生薑汁和酒調服。必兼四
物等湯相間服之妙。

二妙散。治筋骨疼痛。因濕熱者。如有氣加氣藥。如血虛加補血藥。如
痛甚以薑汁熱辣服之。

黃柏炒

蒼朮炒製
去反

血虛
血汚
而者
行之

右爲龕末。生薑研。入湯煎沸。調服此二物。皆有雄壯之氣。如表實氣實者。少酒佐之。一法二妙爲君。加甘草羌活各二錢。陳皮芍藥各一錢。酒炒葳靈仙半錢。爲末服之佳。

一男子家貧多勞。秋涼忽渾身發熱。兩臂膊及腕。兩足及跨。皆疼痛如鍛。晝輕夜劇。醫與風藥則愈痛。與血藥則不效。惟待斃而已。予脈之。兩手俱濇而數。右甚於左。問其飲食。則如平時。形瘦則如削。盡蓋大痛而瘦。非病也。用蒼朮一錢半。酒黃柏一錢半。生附一片。生甘草三分。麻黃五分。研桃仁九個。作一帖煎。入薑汁些少。令辣熱服。至四帖後。去附子加牛膝一錢。至八帖後。來告急云。氣上喘促不得睡。痛似微減。此時昏黑不能前去診視。予意其血虛。因服麻黃過劑。陽虛被發動而上奔。當與補血鎮墜帶味酸之藥以收之。遂以四物湯加川芎芍藥人參二錢。五味子十二粒。作一帖。與二帖服之。喘促隨定。是夜遂安。三日服之。數減大半。遊脈如舊。問其痛。則曰不減。然呻吟之聲却無。察其起居。則疲弱無力。病人却自謂不弱。遂以四物湯加牛膝白朮人參桃仁陳皮甘草檳榔。入薑三片煎服。如此藥與五十三帖而安。一月後。因負重擔。痛復作。飲食亦少。再與此藥。每帖加黃芪三分。又二十帖方全愈。東陽傅文年踰六十。性急作勞。患兩腿痛。動作則痛甚。予視之曰。此兼虛證。當補血。虛病自安。遂與四物湯。加

桃仁陳皮牛膝生甘草煎入生薑研潛行散熱飲三四十帖而安
何縣長年四十餘形瘦性急因作勞背疼臂痛骨節疼足心發熱可
與四物湯帶熱下大補丸保和丸共六十粒食前服
婦人脚疼脚怕冷夜劇日輕

生地

白芍

歸尾各五錢

黃柏炒

黃芩

白朮

陳皮各三錢

牛膝二錢

蒼朮三錢

甘草梢一錢

右分六帖煎服食前熱飲之

隣人鮑子年二十餘因患血痢用盪藥取效後患痛風號叫撼隣里
予視之曰此惡血入經絡證血受濕熱久為凝濁所下未盡留滯陰
道所以作痛經久不治恐成枯細遂與四物湯桃仁紅花牛膝黃芩
陳皮甘草煎生薑汁研潛行散入少酒飲之數十帖又與刺委中出
黑血近三合而安痢後風係血入臟腑下未盡復還經絡不得行
故也松明節一兩以乳香一錢炒焦存性蒼朮一兩紫葳一兩半甘
草半兩黃柏一兩桃仁去皮不去尖一兩俱為末每服三錢生薑同
杵細水盪起二三沸服

朱宅閩內年三十食味甚厚性亦躁急患痛風攣縮數月醫不應予
視之曰此挾痰與氣症當和血疎痰導氣病自安遂以潛行散入生

甘草牛膝枳殼通草陳皮桃仁薑汁煎飲半年而安。陸郎左腿又骨舊痛小便赤少此積憂疲延所為。

白朮

枳殼

赤芍錢一

條芩

連翹

通草

甘草梢分三

大安人脚肢骨痛。

蒼朮

白朮

陳皮

芍藥分三

木通錢二

甘草分五

分四帖煎下大補丸四十粒。

右丹溪治痛風法主於血熱血虛血汚或挾痰皆不離四物。潛行黃柏牛膝生甘草桃仁陳皮蒼朮生薑汁而隨症加減發前人之所未發。醫世俗之所不醫其有功於世也大矣。

〔本〕王檢正患臭額間痛或麻痺不仁如是數年忽一日連口脣頰車髮際皆痛不開口雖言語飲食亦妨在額與頰上常如糊手觸之則痛予作足陽明經絡受風毒傳入經絡血凝滯而不行故有此症或者以排風小續命透髓丹之類與之皆不效製此犀角升麻湯贈之數日而愈。

犀角一兩

升麻

防風

羌活各三

川芎

白附

白芷

黃芩各半

甘草

右麓末。每服四大錢。水一盞半。煎至八分。去渣。通口食後服。臥一服。日三四服。足陽明胃也。經云。腸胃為市。又云。陽明多血多氣。胃之中脘。膾五味。無所不納。如市廛無所不有也。六經之中。血氣俱多。腐熟飲食。故飲食之毒。聚於胃。此方以犀角為主。解飲食之毒也。陽明經絡環脣。挾舌。起於鼻。合額中。循頰車。上耳前。過客主人。循髮際。至額顛。王公所患。皆一經絡也。故以升麻佐之。餘藥皆條除風熱。升麻黃芩。專入胃經。稍通者自能曉。

無寒熱者治血

〔海〕四物蒼朮各半湯。治肢腫。不能舉動。四物湯蒼朮各半兩。同煎服效。與活血丹相表裏

活血丹。與四物蒼朮各半湯相表裏。治遍身骨節疼痛。如神。

熟地黃三兩

當歸

白朮

白芍

續斷

人參各一兩

右細末。酒糊丸。如桐子大。

〔東垣〕蒼朮復煎散。治寒濕相合。腦戶痛。惡寒。項筋脊強。肩背胛卵痛。膝膕痛。無力行步。能食。身沉重。其脈沉緩洪上急。

蒼朮四兩水二碗煎至一大盞去渣入下藥

羌活錢一

升麻

柴胡

藁本

澤瀉

白朮各五分

先煮後之。感外。微者。以蒼朮發

黃柏分三

紅花許少

右為龕末。用蒼朮湯二盞煎至一大盞。去渣溫服。空心微汗。為效。
忌酒麵。

緩筋湯。治目如火腫痛。兩足及伏菟骨筋痛。膝少力。身重腰痛。夜惡寒。疲嗽。項頸筋骨皆急痛。目多眵淚。食不下。

羌活錢二

獨活錢二

藁本分三

麻黃分三

蘇木分一

升麻分三

甘草分二

草薺分三

生地

黃芩

黃柏各三

蒼朮分五

歸身分三

柴胡分三

熟地分二

生甘草根分二

右為龕末。都作一服。水二盞。煎至一盞。去渣。熱服。食遠。

〔仲〕桂枝芍藥知母湯。河間防風湯。

已上二方治痛風神妙並見行痺表條

〔世〕治痛風。草烏四兩。去尖。木鱉子三兩。去殼。自然銅一兩。煨。香白芷三兩。沒藥二兩。另研。南星二兩。葶靈仙二兩。地龍三兩。糊為丸。每

服十五粒。

〔羅〕活血應痛丸。治風濕客於腎經。血脈凝滯。腰背腫疼。不能轉側。皮膚不仁。遍身麻木。上攻頭目。虛腫。耳內常鳴。下注脚膝。重痛少力。行履艱難。項背拘急。不得舒暢。常服和血脈。壯筋骨。使氣脈宣通。

狗脊去毛

蒼朮附煨一宿十兩

香附炒十兩

陳皮九兩

甚者桂附發之

沒藥 一兩

草烏 二兩

歲靈仙 三兩

右為細末。酒煮麵糊為丸。如桐子大。每服十五丸。溫酒或熱湯送下。不拘時候。久服。忌桃李雀鴿諸血物。

〔丹〕入珍湯。治一切痛風。脚氣頭風。

乳香

沒藥

代赭石

川山甲 生用

川烏 不去皮尖

草烏 不去皮尖

羌活 半兩

全蠍 二十一箇用

右醋糊丸。如桐子大。每服十一丸。

〔羅〕烏靈丸。治久患風寒。麻木痛。行步艱難。

五靈脂 二兩

川烏 一兩

右為細末。酒煮麵糊為丸。如桐子大。每服十九丸。加至五十九丸。空心

溫酒下。忌一切冷物。

史丞相遇仙方。治諸般痛風。手足艱難。筋骨疼痛。口眼喎斜。言語蹇

澁。

附子 炮去

川烏 炮去

當歸 酒浸

川芎

羌活

肉苁蓉 酒浸

杜仲 去皮炒去

黃芪

白蒺藜 炒去

白朮

人參

川牛膝 酒浸焙

防風

天麻 去

白茯苓

萆薢

狗脊 炒去

續斷

獨活

肉桂 去粗

痛甚者以桂附酒行

赤芍各一兩

虎脛骨二兩半 酥炙

藥發不動者之

右二十二味切細以生絹袋盛之用無灰酒浸密封瓶口春三日夏二日秋七日冬十日取出晒焙乾為末酒糊丸如桐子大用浸藥酒一盞送下五十丸空心服忌生冷油膩荳腐麵食發風之物〔世〕五加皮酒治風濕遍身疼痛俗名痛風或腫或癱或脚氣不能步履者用五加皮不拘多少入白麵內同釀白酒飲之或入在麵內造好酒尤妙

〔丹〕治環跳痛不已防生附骨癱方以蒼朮佐黃柏之辛行以青皮冬加桂枝夏加黃芩體虛者加杜仲牛膝以甘草為使大料煎入酒深者恐朮柏桂枝十數貼發不動以少麻黃一二帖又不動者恐癱將成揪地成坑以火煨紅沃以小便赤體坐其上以被席圍抱下體使熱蒸膝理間血氣暢而愈時行熱毒攻手足大痛欲死作地坑深三尺可容則止却燒令熱以酒沃之乘熱着履坐其上包裹勿泄氣立安若手痛者煖酒浸之傷寒類要

〔衍〕用三升醇酒拌蠶屎五升甑蒸熱於煖室中鋪於油單上令患風冷氣閉及近感癱風人就所患一邊臥着溫熱處厚蓋覆汗出為度若虛人須在左右防大熱昏冒仍令頭面壅覆未全愈間再作〔外〕治風痛腫白虎病以三年釀醋五升熱煎三四沸切葱白二三

升煮一沸濾出布帛熱裹當病上熨之瘥爲度

〔靈〕寒痺之爲病也留而不去時痛而皮不仁黃帝曰刺寒痺內熱奈何伯高答曰刺布衣者以火焯之刺大人者以藥熨之黃帝曰藥熨奈何伯高答曰用醇酒二十斤蜀椒一升乾薑一斤桂心一斤凡四種皆以咀漬酒中用綿絮一斤細白布四丈并納酒中置酒馬矢燼中蓋封塗勿使泄五日五夜出布綿絮曝乾之乾復漬以盡其汁每漬必晬其日乃出乾乾并用滓與綿絮複布爲複巾長六七尺爲六七巾則用之生桑炭炙巾以熨寒痺所刺之處令熱入至於病所寒復炙巾以熨之三十遍而止汗出以巾拭其身亦三十遍而止起步內中無見風每刺必熨如此病已矣此所謂內熱也內音納○毒天剛柔篇

羌活

獨活

細辛

肉桂

防風

白朮

良薑

麻黃不去

天麻去苗

川烏生去皮

吳茱萸

乳香研

小椒去目

全蠍生

當歸各一兩

川薑五錢

葛根兩一

右爲龕末入乳香研勻每抄藥一十錢甚者十五錢同細鹽一升炒令極熱絹袋盛熨烙痛處不拘早晚頻用藥冷再炒一次用畢

痔血

甚妙。

〔仲〕婦人六十二種風。及腹中血氣刺痛。紅藍花酒主之。用紅藍花一味。以酒一大升。煎減半頓服。一半頃之。再服。

〔濟〕虎骨丸。治經絡凝滯。骨節疼痛。筋脈攣急。遇陰寒愈痛。

乳香

沒藥各另研

赤芍

熟地

虎脛骨酥炙

黃

當歸各一兩

血竭五錢

右為末。用木瓜一枚。切破去子。入乳香末在內。以麻線纏定。勿令

透氣。好酒六升。煮酒。盡取木瓜。去皮研如泥。更入熟蜜少許。杵和

為丸。如桐子大。每服五十丸。病在上食後。在下食前。溫酒下。

〔羅〕木瓜虎骨丸。治風寒濕合而成痺。脚重不仁。疼痛少力。足下癢痛。不能踏地。脚膝筋拳。不能屈伸。及項背拘急。手足無力。耳內蟬鳴。頭眩目運。諸證。脚氣行步艱難。并皆治之。

木瓜

麒麟竭研

虎脛骨酒炙

木香

自然銅醋煅七次

楓香脂

龜板醋炙

骨碎補去毛

甜瓜子

桂皮

當歸

沒藥各一兩

乳香研半兩

地龍土

安息香重湯酒煮入藥各二兩

右件十五味。除沒藥外。為細末。拌勻酒麵糊為丸。如桐子大。每服二十九。溫酒送下。煎木瓜湯送下。亦得漸加至五十九。空心食前。

服

〔濟〕麒麟散。治寒濕傳於經絡。疼痛不可忍。

血竭 南乳香 沒藥 白芍

當歸各六錢 水蛭杵碎炒 令烟盡 麝香各三錢 虎脛骨酥炙黃 五錢

右八味。爲細末。和勻。每服三錢。食前溫酒下。

〔丹〕趁痛散。

乳香 沒藥 桃仁 紅花

當歸 地龍 五靈脂 牛膝酒浸

羌活酒浸 香附便浸 生甘草

如痰熱。加酒芩酒柏。

痛風大法。蒼朮 南星 川芎 白芷 當歸 酒芩 在上者。

加羌活。葳靈仙。桂枝。在下者。加牛膝。防己。木通。黃柏。溲桂。治痛

風。無味而薄者。獨此能橫行手臂。領南星。蒼朮等。至痛處。

上中下痛風方。

南星二兩 台芎一兩 白芷五錢 桃仁五錢

桂枝三錢 橫行 下身 漢防己半兩 下行 龍膽草半兩 下行 蒼朮米泔浸 一宿 二兩

黃柏二兩 酒炒 紅花二錢 半 酒洗 神麴一兩 羌活三錢 半身 走骨節

葳靈仙二錢 去蘆 上下行

右為末。麵糊丸。食前服。一百丸。

〔世〕扶苓丸。治臂痛如神。方見補遺

控涎丹。治肩背臂痛如神。方見行痺

控涎丹。加去油木鱉子一兩。桂五錢。治臂痛。每服一十九丸。加至三十

丸妙。

〔丹〕治臂痛。

半夏錢一

陳皮錢半

扶苓分五

蒼朮錢二

葳靈仙分三

酒苧錢一

白朮錢三

南星錢一

香附錢一

甘草許少

〔世〕治臂痛。

紅花妙

神麴妙黃

俱為末調服之。

薑黃散。治臂痛。非風非痰。

薑黃兩四

甘草

羌活各一兩

白朮兩二

腰已下痛者。加海桐皮當歸芍藥。

〔垣〕臂痛有六道經絡。究其痛在何經絡之間。以行本經藥。行其氣血。氣通則愈矣。若表上諸疼痛便下之則不可。當詳細辨之。

右東垣云。臂痛有六道經絡。以行本經藥。行其氣血者。蓋以兩手伸直。其臂貼身垂下。大指居前。小指居後而定之。則其臂臑之前廉痛者。屬陽明經。以升麻白芷乾葛行之。後廉痛者。屬太陽經。以

藁本羌活行之外。麻痛者屬少陽。以柴胡行之。內麻痛者屬厥陰。以柴胡青皮行之。內前麻痛者屬太陰。以升麻白芷葱白行之。內後麻痛者屬少陰。以細辛獨活行之。并針灸法。視其何經而取之也。

足痛。新病以痛風法治之。久病非脚氣。以鶴膝風治之。各自有門。痛

風多屬血虛。然後寒熱。得以侵之。治法並見血熱血虛條

〔丹〕張子元氣血虛有痰。小便白濁。陰火間起。痛風時作。

人參兩一

白朮兩二

熟地兩二

川黃柏炒各兩二

山藥

海石好者一兩炒

瑣陽

乾薑煨半兩

南星兩一

敗龜板二兩灸

右粥為丸。如梧子大。淡鹽湯下。

痛風有痰帶熱。先以舟車丸。或導水丸。神芎丸。下之。後以趁痛散調

血。如痰熱。趁痛散。加酒芩酒柏。

治痛風方。

糯米盂一

黃躑躅根把一盂半

右件用酒水各一碗。煎半乾。徐徐服之。大吐大瀉。一服住便能行

動。

〔子和〕一男子。六十餘。病腰尻脊膝皆痛。數歲不愈。晝靜夜躁。大痛

運氣

往來。屢求自盡。天日則定。夕則痛作。必令人手槌擊。至五更雞鳴則漸減。向曙則痛止。戴人診其脈。兩手皆沉滑堅勁有力。如張弓弦。謂之曰病雖瘦難任。然腰尻脊胯皆痛者。必大便堅燥。其左右曰。有五七日。或八九日。見燥屎一兩塊。如彈丸結硬。不可言。渾身燥痒。皮膚皺揭枯澁如麸片。戴人既得病之虛實。陰用大承氣。以薑棗煎之。加牽牛頭末二錢。不敢言是瀉劑。蓋病者聞煖則悅。聞寒則懼。說補則從。說瀉則逆。此蔽非一日也。而沉一齊衆楚。於是藥煎成。使稍熱咽之。從少至多。累至三日。天且晚。臟腑下泄四五行。約半盆。以燈視之。皆燥屎硬塊。及瘀血雜臟腑穢。不可近。須臾痛減九分。昏睡。鼻息調如常人。睡至明日。始覺饑而索粥。溫涼與之。又困睡一二日。其痛盡去。次令飲食調養。日服導飲丸。甘露散。滑利便溺之藥。四十餘日乃復。常仲明之妻。每遇冬寒。兩手熱痛。戴人曰。四肢諸陽之本也。當時散越而不痛。及乎秋冬收斂。則痛。以三花神祐丸大下之。熱遂去。運氣痺有二。

一曰濕。經云。太陰司天。濕淫所勝。病附腫骨痛陰痺。陰痺者。按之不得。治以苦熱是也。

二曰燥。經云。陽明所至。爲尻陰股膝髀膕足痛。又云。歲金太過。燥氣流行。甚則尻陰股膝髀膕足皆痛是也。

〔內經〕刺灸諸痛法。先明經脈。次別淺深。蓋經脈者。爲手足十二經脈也。

手前廉痛。屬陽明。經云。手陽明脈所生。病者肩前膈痛。大指次指痛。不用。後廉痛。屬太陽。經云。手太陽脈是動。則病肩似拔。膈似折。所生病者。肩膈肘臂外後廉痛。外廉痛。取少陽。經曰。手少陽脈所生病者。耳後肩膈肘臂外皆痛。小指次指不用。又云。邪客手少陽之絡。令人臂外痛。手不及頭。刺手中指次指爪甲上去端如韭葉各一痛。左取右。右取左。內廉痛。取厥陰。經云。手厥陰脈是動。則病手心熱。肘臂攣急肢腫。內前廉痛。屬太陰。經云。手太陰脈所生病者。膈臂內前廉厥。掌中熱。內後廉痛。屬少陰。經云。手少陰所生病者。膈臂內後廉痛厥。掌中熱痛。足前廉痛。屬陽明。經云。足陽明脈所生病者。膝膈腫痛。循膺乳氣。衝股伏兔。肝外廉足跗上皆痛。中指不用。後廉痛。屬太陽。經云。足太陽脈是動。則病頭痛。目似脫。項似拔。脊痛。腰似折。髀不可以曲。膈如結。膈如裂。是謂蹠厥。所生病者。項背腰尻。膈脚皆痛。小指不用。外廉痛。屬少陽。經云。足少陽所生病者。胸脇肋髀膝。外至脛絕骨。外踝前及諸節皆痛。小指次指不用。又云。足髀不可舉。側而取之。在樞合中。以員利鍼。大鍼不可刺。又云。邪客於足少陽之絡。令人留於樞中。痛髀不可舉。刺樞中以毫針。寒則久留。

鍼以月死生爲數立已。內廉痛屬太陰。經云。足太陰脈所生病者。股膝內腫厥。足大指不用。內後廉痛屬太陰。經云。足少陰脈所生病者。脊股內後廉痛。足下熱而痛。內前廉痛屬厥陰。經云。足厥陰脈是動則病腰痛。不可以俛仰。

此十二經手足脈痛皆視虛實寒熱陷下而施補瀉疾留灸之法

也。已上全文並見針灸門十二經條感則瀉之虛則補之熱則疾之寒則留之陷下則灸之也

淺深者謂皮脈內筋骨之淺深也。病在皮調之皮。蓋取血絡也。

病在脈調之脈。即取前手足十二經之血脈也。病在肉調之分肉。

內經云病在肌膚。肌膚盡痛。名曰肌痺。傷於寒。溫刺大分小分。多發

鍼而深之。以爲熱。故無傷筋骨。傷筋骨。癰發。若變諸分。盡熱病已止。

病在筋調之筋。經云。病在筋。筋掣節痛。不可以行。名曰筋痺。刺筋

上爲故刺分肉間。不可中骨也。病在骨調之骨。經云。病在骨。骨重

不可舉。骨不痠痛。寒氣至骨。名曰骨痺。深者刺。無傷脈肉。爲故其道。

大分小分。骨熱病已止。又云。邪在腎。則病骨痛。陰痺。陰痺者。按之不

得。取之湧泉。崑崙。有血者。盡取之。又云。骨痺舉節不用而痛。汗注煩

心。取三陽之經補之。一作三陰此皮脈肉筋骨之淺深。隨其處取之也。

又久痺不去身者。視其血絡。盡出其血。痛痺久而入臟腑爲病。刺

法見諸痺條

〔玉〕渾身疼痛。但於痛處鍼。不拘經穴。須避筋骨。穴名天應穴。

〔撮〕臂膊疼痛。肩顛 手三里 外關

〔摘〕臂膊疼痛。并麻痺。肩顛 肩井 曲池

〔集〕臂膊麻痺疼痛。肩顛 曲池 手上廉 合谷 不應再取

肩井 列缺

〔玉〕臂痛連腕。液門沿皮向後透陽泄瀉 中渚治皮透腕骨瀉

〔撮〕臂內廉痛。經渠一分 忌灸 靈道一分 臥針 向前三分 少海五分

〔東〕臂痠攣。肘窻 竅陰 尺澤 前谷 後谿

〔甲〕手臂不得上頭。尺澤主之。臂不可舉。頭項痛。咽腫。不可咽。前

谷主之。肘臂腕中痛。脛腫不可以顧。頭項急痛眩。淫灑肩胛。小指

痛。前谷主之。肘痛不能自帶衣起。頭眩領痛。面黑。惡風。肩痛。不可

顧。關衝主之。肘痛引肩。不可屈伸。寒熱。脛項肩背痛。痿痺不仁。天

井主之。于金云肩肉麻木 肘中濯濯。臂內廉痛。不可及頭。外關主之。肘痛。

尺澤主之。

〔撮〕腕痛。陽谿 曲池

〔玉〕腕無力。并痛。腕骨橫針入三分痛 則瀉無力則補 曲池補瀉同上

〔撮〕五指拘攣。二間一分 先瀉 後補灸之 前谷一分 瀉 五指皆痛。陽池

外關 合谷 跨痛腿支風。

環跳

在痺樞中側臥伸下足屈上足方可針可入三寸半補少瀉多留八吸

居窮一寸二分留 委中出血

〔標幽〕跨痛蹇足

環跳

懸鍾補英作丘墟針五分留三呼灸三壯

〔集〕跨痛腿支風不能轉側舉動艱難。

環跳

三寸半灸七七壯

風市

灸二七壯

居窮三寸半灸五七壯

委中

崑崙

三里

陽陵泉

下穴不巳取

五樞

陽輔

腰脚痛。

委中

崑崙

人中

〔桑〕側脚風。

絕骨

太衝

〔東〕脾樞痛。足脛寒熱。足外廉皮骨痛。

臨泣

分一

足三陰

寸半

陽

輔

〔甲〕脾樞中痛不可舉。以毫針寒留之。以月死生為疢數。一作息數立已。長鍼亦可。腰脇相引痛。急痺筋痠脛痛。不可屈伸。痺不仁。環跳主之。

〔東〕脾筋急脛痛。縱緩痿痺。臑疼膝冷。外廉不可屈伸。濕痺流腫。風

市。中瀆。陽關。懸鍾。腿痛。陽陵泉。三里。伏兔。陰市。

腿膝拘攣。痛引脇。或青。或焦。或蠶。或枯。如腐木狀。風市。陽陵泉。

曲泉。崑崙。腿膝外廉痛。股腫。胫痠。轉痿痺。或膝脛熱。不能行。

動。俠谿。分五。脾關。光明。各一寸。脾痺引膝股。外廉急痛。脛痠。搖動有

聲。諸節痠不能行。陽陵泉。絕骨。中封。

〔甲〕膝外廉痛。熱病汗不出。目外皆赤痛。頭眩兩額痛逆。寒。泣出。耳鳴。多汗。目痒。胸中痛。不可反側。痛無常處。俠谿主之。膝外廉痛。不可屈伸。脛痺不仁。陽關主之。髀痺引膝股。外廉痛不仁。筋急。陽陵泉主之。膝內廉痛引髓。不可屈伸。連腹引咽喉痛。膝關主之。

〔東〕腿膝內廉痛引髓。不可屈伸。連腹引咽喉痛。太衝分五 中封

膝關 脛痠寒。足下熱。不能久立。濕痺不仁。中都 衝陽 承山

承筋 脛寒四肢重。少氣難言。不得臥。至陽 三陰交

〔甲〕痺脛重。足附不收。眼痛。巨虛下廉主之。脛痛。足緩。失履。濕痺。足下熱。不能久立。條口主之。脛若若苦痺。膝不能屈伸。不可以行。

梁丘主之

〔玉〕草鞋風。崑崙瀉留六呼 太谿瀉留六呼 申脈五分補少瀉多留二吸忌灸

〔撮〕草鞋風。足腕痛。崑崙透太谿 丘墟 商丘各寸半瀉灸

〔集〕又法。崑崙 丘墟 商丘 照海不已取后穴 太衝 解谿 足腕不用。痿躄坐不起。髀脚痛。光明沿皮五分 丘墟直五分 腕緩不收。覆

足不任。脛痠。然谷 浮白 崑崙

〔撮〕外踝紅腫痛。申脈半寸瀉

〔摘〕繞踝風。曲池如繞外踝痛兼刺孫絡如繞內踝痛足少陽小指間三分兼刺大都三分如腕前廉痛刺行間六分

〔玉〕脚背紅腫。太衝 丘墟 衝陽彈針出血 臨泣

〔集〕又法。太衝 臨泣

行間 內庭不已取

崑崙 丘墟

〔撮〕大指指本節前骨疼。

太衝出針 足五指盡痛。不得踐地。

湧泉分二 然谷分一

〔申〕風寒從足小指起。脈痺上下帶胸脇。痛无常處。至陰主之。足下熱痛。不能久坐。濕痺不能行。三陰交主之。骨痺煩滿。商丘主之。

膚痛痿痺。外丘主之。

寒氣在分肉間痛。上下痺不仁。中續主之。

諸痺着痺即麻木不仁

氣虛不行

〔靈〕衛氣不行。則為麻木。刺真節邪篇

〔垣〕神效黃芪湯。治渾身麻木不仁。或左或右。半身麻木。或面。或頭。

或手臂。或脚腿。麻木不仁。並皆治之。方見目四倒睫拳毛 芍藥補氣湯。治皮膚

間有麻木。此肺氣不行也。觀古老人直效神方

黃芪兩一

白芍藥兩半

橘皮兩一

澤瀉兩半

甘草兩一

右咬咀。每服一兩。水二大盞。煎至一盞。去渣。溫服。如肌肉麻。必待

瀉營氣而愈。如濕熱相合。四肢沉痛。當瀉濕熱。

〔垣〕杜彥達。患左手右腿麻木。右手大指次指。亦常麻木至腕。已三

四年矣。諸醫不效。求治明之。明之曰。麻者。氣之虛也。真氣弱。不能流

通。填塞經絡。四肢俱虛。故生麻木不仁。與一藥決三日效。遂製人參

益氣湯。服二日。便覺手心熱。手指中間。如氣滿脹。至三日後。又覺兩手指中間皮肉。如不敢觸者。似痒痛滿脹之意。指上瑟瑟。不敢用手擦。傍觸之。明之云。真氣遍至矣。遂於兩手指甲傍。各以三稜針一刺之。微見血。如黍粘許。則痺自息矣。又為處第二第三服之。人參益氣湯。治五六月間。兩手麻木。四肢困倦。怠墮嗜臥。乃濕熱傷元氣也。以此藥治之。

黃芪八錢

人參

甘草各五錢生

甘草炙二錢

五味子一百二十粒 升麻二錢

柴胡半錢

芍藥三錢

右咬咀。每服稱半兩。水五盞。煎一盞。去渣。空心溫服。服後令少臥。於麻痺處。按摩屈伸。少時午飯前。又一服。日二服。

第二次藥。煎服如前。

黃芪八錢

紅花五分

陳皮一錢

澤瀉

第三次服藥。

黃芪六錢

黃柏二錢

橘皮三錢

澤瀉

升麻各二錢

白芍五錢

生甘草四錢

五味一百粒

生芩八錢

炙甘草一分

右咬咀。分作四服。煎服如前法。稍熱服。秋涼去五味。冬月去黃芩。服之大效。

除濕補氣湯。治左腿麻木沉重。

黃芪八錢

甘草六錢

五味一百二十粒

升麻二錢

當歸

柴胡二錢

澤瀉各二錢

紅花二錢

陳皮一錢

青皮四錢

右以咀。分作四服。水三大盞。煎至一盞。去渣。稍熱。食前服。

〔仲〕血痺病。從何得之。師曰。夫尊榮人。骨弱。肌膚盛。重因疲勞。汗出。臥不時動搖。加被微風。遂得之。形如風狀。但以脈自微瀼。在寸口。關上小緊。宜鍼引陽氣。令脈和。緊去則愈。血痺。陰陽俱微。寸口關上微。尺中小緊。外證身體不仁。如風痺狀。黃芪。桂枝。五物湯主之。

黃芪

芍藥

桂枝各三兩

生薑六兩

大棗十二枚

右五味。以水六升。煮取二升。溫服七合。日三服。一方有人參。

〔羅〕中書左丞張仲謙。至元戊辰春正月。在大都患風證。半身麻木。一醫欲下之。未決可否。命予決之。予曰。治風當通。因通用汗之可也。然此地此時。雖交春令。寒氣猶存。汗之則虛。其表必有惡風。惡寒之證。仲謙欲速痊。遂汗之。身體輕快。後數日。再來邀予視之。曰。果如君言。官事繁劇。不敢出行。當如之何。予曰。仲景云。大法夏宜汗。陽氣在外。故也。今時陽氣尚弱。初出於地。汗之則使衛氣亟奪。衛氣失守。不

能肥實腠理表上無陽見風必大惡矣。內經曰：陽氣者，衛外而爲固也。又云：陽氣者，若天與日，失其所，則折壽而不彰。當此之時，猶有過汗之戒。况不當汗而汗之者乎？遂與黃芪建中湯，加白朮服之。滋養脾胃，生發榮衛之氣。又以溫粉撲其皮膚，待春氣盛，表氣漸實，卽愈矣。內經曰：化不可伐，時不可違，此之謂也。黃芪建中湯方見治虛實條

〔垣〕戊申春，節使趙君年七旬，病體熱麻，股膝無力，飲食有汗，妄喜笑，善饑，痰涎不利，舌強難言，聲啞不鳴，身重如山，求治於先師，診得左手脈洪大而有力量，是邪熱客於經絡中也。兩臂外有數癩，遂問其故，對以熱香所致。先師曰：君之病皆此也。夫人之十二經，灌漑週身，終而復始，蓋手之三陽，從手表上行於頭，加之以火，邪陽并於陽，勢甚熾焉。故邪熱毒行流散於周身，而熱麻。鍼經云：胃中有熱，則蟲動，蟲動則胃緩，胃緩則廉泉開，故涎下。熱傷元氣，而沉重無力，飲食入胃，慄悍之氣不循常度，故多汗。心火盛則妄喜笑，脾胃熱則消穀善饑。肺金衰則聲啞不鳴。仲景云：微數之脈，慎不可灸，焦枯傷筋，血難復也。君奉養以膏粱之味，無故加以大毒，熱傷於經絡，而爲此病，明矣。內經曰：熱淫所勝，治以苦寒，佐以苦甘，以甘瀉之，以酸收之。當以黃柏知母之苦寒爲君，以瀉火邪，壯筋骨。又腎欲堅，急食苦以堅之。黃芪生甘草之甘寒，瀉熱補表。五味子酸，止汗補肺氣之不足，以爲

臣炙甘草當歸之甘辛和血潤燥柴胡升麻之苦平行少陽陽明二經。自地升天。以苦發之者也。以為佐。以咀。同煎。取清汁服之。更刺四肢。以瀉諸陽之本。使十二經絡相接。而泄火邪。不旬日而良愈。遂名其方曰清陽補氣湯。

蒼朮錢四

藁本錢二

升麻錢六

柴胡錢三

五味牛一錢

黃柏酒製三錢

知母酒二錢

陳皮牛二錢

甘草生二錢

當歸錢二

黃芪錢三

右咀。每服五錢。水一盞半。煎至一盞。去渣。空心服之。待少時。復以美饍壓之。

風熱下陷

補氣升陽和中湯。李正臣夫人病。診得六脈中俱弦。洪緩相合。按之無力。弦在其上。是風熱下陷入陰中。陽道不行。其症閉目。則渾身麻木。晝減而夜甚。覺而目開。則麻木漸退。久則絕止。常開其目。此症不作。權其麻木。不敢合眼。故不得眠。身體皆重。時有疲嗽。覺胸中常是有痰而不利。時煩躁。氣短促而喘。肌膚充盛。飲食大小便如常。惟畏麻木。不敢合眼。為最苦。觀其色脈形病相應而不逆。內經曰。陽盛瞑目而動輕。陰病閉目而靜重。又云。諸脈皆屬於目。靈樞曰。開目則陽道行。陽氣遍布周身。閉目則陽道閉而不行。如晝夜之分。知其陽衰而陰旺也。且麻木為風。雖三尺之童。皆以為然。細校之。則非。如久坐

而起亦有麻木。假爲繩繫縛之人釋之。覺麻木作。而不敢動。久則自
已。以此驗之。非有風邪。乃氣不行也。不須治風。當補其肺中之氣。則
麻木自去矣。知其經脈。陰火乘其陽分。火動於中。爲麻木也。當兼去
陰火則愈矣。時痿嗽者。秋涼在外。濕在上作也。當實其皮毛。以溫劑
身重脈緩者。濕氣伏匿而作也。時見燥作。當升陽助氣益血。微瀉陰
火。去濕。通行經脈。調其陰陽則已。非五臟六腑之本有邪也。補氣升
陽和中湯主之。

黃芪五錢

人參三錢

甘草炙四錢

陳皮二錢

當歸身二錢

生草根一錢去腎熱

佛耳草四錢

白芍三錢

草薺錢半益陽退寒

黃蘗一錢酒洗除濕瀉火

白朮二錢

蒼朮錢半除熱調中

白茯苓一錢除濕導火

澤瀉一錢用同上火

升麻一錢行陽明經

柴胡一錢

右以咀。每服三錢。水二大盞。煎至一盞。去渣。稍熱服。早飯後。午飯

前服之。至八服而愈。

溫經除濕湯。李夫人。十月二十日。得立冬嚴霜。作時病。四肢無力。乃
痿厥。濕熱在下焦也。醋心者。是濁氣不降欲滿也。合眼麻木者。陽道
不行也。開目不麻木者。目開助陽道。故陰寒之氣少退也。頭眩暈
者。風氣下陷於血分。不伸越而作也。

羌活七分

獨活三分

柴胡二分

黃芪二分

人參 錢一

甘草 錢一

白芍 錢三

陳皮 錢二

白朮 錢一

蒼朮 錢二

澤瀉 錢一

猪苓 錢一

黃柏 三分

黃連 錢一

木香 各二分

草薺 錢二

神麩 二分

麻黃 去節 三分

升麻 五分

當歸 三分

右剉。如麻苳大。作二服。水二大盞。煎一盞。去渣。稍熱服。食遠。治肢

節沉重。疼痛無力之聖藥也。

濕氣風症不退。眩暈麻木不已。除風濕羌活湯主之。

羌活 兩一

防風 兩一

柴胡 五分

藁本 三分

獨活 五分

蒼朮 米泔制 一錢

茯苓 二錢

澤瀉 二分

猪苓 去皮 二分

甘草 炙 五分

黃芪 一錢

陳皮 三分

黃柏 三分

黃連 去鬚 一分

升麻 七分

川芎 三分 去頭痛

右咬咀。每服三錢。或五錢。水二盞。煎至一盞。去渣。稍熱服。量虛實施用。如不盡證候。依加減法用之。

〔丹〕手足木者。是濕痰死血。十指麻。是胃中有濕痰死血。

〔子和〕鄆城梁賈人。年六十餘。忽曉梳髮。覺左手指麻。斯須半臂麻。

又一臂麻。斯須頭一半麻。比及梳畢。從脇至足皆麻。大便二三日不

通。往問他醫。皆云風。或藥。或針。皆不解。求治於戴人。戴人曰。左手三

部脈皆伏。比右手小三倍。此枯澁痺也。不可純歸之風。亦有火爆相

濕痰
死血
火爆

停飲

雜方

風相干衛不為不行

兼乃命一涌一泄一汗。其麻立已。後以辛涼之劑。謂之潤燥之劑。濡之惟小指次指向麻。戴人云。病根已去。此餘烈也。可針溪谷。溪谷者骨空也。一日晴和往針之。用靈樞中雞足法。向上臥針三進三引訖。復惡針起向下。臥針送入十指間皆然。手熱如火。其麻全愈。

半夏傷

赤茯苓皮去

陳皮各一兩

枳實去穢炒

桔梗去蘆

甘草炙半兩

右咬咀。每服四錢。水一盞。薑七片。煎服不拘時。

形數驚恐。經絡不通。病生於不仁。治之以按摩。醪藥。全文見治法

〔衍〕一法五靈脂二兩。沒藥一兩。乳香半兩。川烏頭一兩半。炮去皮

同為末。滴水丸如彈大。每服一丸。生薑溫酒下。治風冷氣血閉。手足

身體疼痛冷麻。

風論云。風氣行諸脈俞。散於分肉之間。與衛氣相干。其道不利。故使

肌肉憤脫而有瘍。衛氣有所礙而不行。故其肉有不仁也。全文見諸風門

又氣穴論云。肉分之間。谿谷之會。積寒留舍。榮衛不居。內為骨痺。外

為不仁。命曰大寒留於谿谷。此亦風寒相干衛氣。致衛氣不行。而不

仁也。全文見氣穴論

〔仲〕黃芪五物湯。方見本門衛氣條

世傳惡風而麻木者。烏附最驗。

〔本〕治風寒濕痺。麻木不仁。粥法。川烏生為末。

右用白米作粥。半碗。藥末四錢。同米用慢火煮熟。稀薄不要稠。下薑汁一茶匙許。蜜三大匙。攪勻。空心噉之。溫為佳。如是濕。更入薏苡仁二錢。增米作一鍾服。此粥治四肢不隨。滿重不能舉者。有此證。預宜防之。左氏曰。風淫末疾。謂四肢為四末也。脾主四肢。風邪客於肝。則淫脾。脾為肝尅。故疾在未。穀氣引風濕之藥。徑入脾經。故四肢得安。此湯劑極有力。予常用此方。以授人服者。良驗。

治風濕。四肢浮腫。肌肉麻痺。甚則手足無力。筋脈緩急。宜續斷丸。

川續斷

萆薢

當歸微炒

附子

防風

天麻各一兩

乳香

沒藥各半兩

川芎三分

右為細末。煉蜜丸。如桐子大。每服三四十丸。酒或飲下。空心食前服。

丹溪劉河間作原病式。嘗以麻為銚。同歸於燥門中。真能識病機者也。

〔河〕前胡散。治榮虛衛實。肌肉不仁。致令瘳重名曰肉苛。

前胡

白芷

細辛

官桂

白朮

川芎各三兩

附子炮

吳茱萸湯泡炒

當歸各二

川椒去目并閉目者生用二兩

右剉以茶酒三升拌勻同窨一宿以煉成猪脂膏五斤入藥煎候白芷黃紫色漉去渣成膏病在處摩之凡大癩痕瘡癢皆治并去諸風瘡痒痛傷折墜損

針灸

內經針灸着痺分新久新者湯熨灸之經云風寒客入皮膚或痺不仁腫痛可湯熨及火灸刺而去之是也全文治法見師傳條久者焮針刺之經云着痺不去久寒不已焮取三里是也四時氣篇

〔垣〕陝師郭巨洛偏枯二指着痺足不能伸迎先師治之以長針刺委中至深骨而不知痛出血一二升其色如墨又且繆刺之如是者六七次服藥三月病良愈

〔甲〕膝寒痺不仁不屈伸脾關主之

着痺不移腦肉破身熱脈偏絕是逆也全文見診生死爲逆刺法見諸痺 着痺久而入臟腑者

〔素〕榮氣虛則不仁衛氣虛則不用榮衛俱虛則不仁且不用肉如故也人身與志不相有曰死從調論

〔脈〕診人被風不仁痿蹙其脈虛者生緊急疾者死

鶴膝風即歷節之類

〔羅〕蚘蚘丸治鶴膝風腰膝風縮之疾

汚血

診

蜘蛛頭尾生者一條

桃仁生

白附

阿魏

桂心

安息桃仁同研

白芷各一兩

乳香

沒藥各三分已上九味用童便酒二升炒熟另處

北漏蘆

當歸

白芍

牛膝

羌活

地骨皮

葳靈仙各一兩為末

右蜜為丸。彈子大。空心溫酒化下一丸。胡楚望博士。病風痙。手足

指節皆如桃李。痛不可忍。服之悉愈。

〔丹〕一丈人年七十歲。患脚膝疼稍腫。

生地

歸頭

白芍

蒼朮

炒柏三錢

川芎

桂二錢

木通一錢半

分四帖煎取小盞。食前熱服。

一男子年近三十。滋味素厚。性多焦怒。秋間髀樞左右一點發痛。延及膝。晝靜夜劇。痛劇惡寒。口或渴。或不渴。或痞。或不痞。醫多用風藥。兼用補血。至次年春。其膝漸腫。痛愈甚。食漸減。形瘦羸。至春末膝腫如桃。不可屈伸。診其脈。左弦大。頗實。寸澹甚。大率皆數。知其小便必數而短。遂作飲食疲積在太陽陽明治之。炒柏一兩。生甘草梢犀角屑蒼朮鹽炒各三錢。川芎二錢。陳皮牛膝木通芍藥各五錢。遇暄熱加條芩三錢。為細末。每三錢。重與生薑自然汁。同研細。多少以水盪

飲食痰積

血虛熱痰

起煎令沸。帶熱食前飲之。一晝夜四次與。至半月後。數脈漸減。痛漸輕。去犀角。加牛膝。敗龜板半兩。當歸半兩。如前服。又與半月。腫漸減。食漸進。不惡寒。唯脚膝痠軟。未能久立久行。去蒼朮黃芩。時當夏熱。加炒黃柏至一兩半。予依本方內加牛膝。春夏用莖葉。冬用根。杵取汁用之。效尤速。須斷酒肉濕麵胡椒。當仲夏加生地黃半兩。冬加茱萸桂枝。

〔世〕換骨丹。通治風。兼治鶴膝風。

防風

牛膝

當歸

虎骨酥炙各一兩

枸杞二兩半

羌活

獨活

敗龜板

秦朮

萆薢

松節

蠶沙各一兩

茄根二兩洗

蒼朮四兩

酒浸。或酒糊丸皆可。

〔食〕脚筋急痛。煮木瓜令爛。研作粥漿椽。用裹痛處。冷即易。一宿三五度。熱裹便瘥。煮木瓜時。入一半酒煮之。

〔子和〕嶺北李文卿。病兩膝膕屈伸有聲。剝剝然。或以爲骨鳴。戴人曰。非也。骨不戛焉。能鳴。此筋濕也。濕則筋急。緩者不鳴。急者鳴也。若用予之藥。一湧一泄。上下去其水。則自無聲矣。李文卿從其言。既而果然。

〔素〕蹇膝伸不屈。治其機。骨空論下同。經云：輔骨上橫骨下為機。王註云：脾輔骨上橫骨，脾樞蓋機，即兩骨相接處為機也。坐而膝痛。治其機。經云：伏龍為機。王註云：龍骨兩傍相接處為骨壽。云：龍骨伏龍兩傍龍骨為機，機後為骨。立

而暑解。治其骸關。經云：膝解為骸關。王註云：暑熱也。若膝痛起立而膝骨解中熱者，治其骸關。經云：起而引膝骨解之中也。滑壽云：挾膝解中為骸。膝

痛。痛及拇指。治其膈。經云：輔上為膈。王註云：膈為膝解之後曲脚之中委中穴。坐而膝痛。如物隱者。治

其關。經云：膈上為關。王註云：關在膈上。當機之後背立挾之動搖筋應手。膝痛不可屈伸。治其臂內。王註云：大

連筋若折。治陽明中俞膠。王註云：若膝痛不可屈伸連筋痛如折者，則針陽明脈中俞膠三里穴也。膝痛若別。治

巨陽少陽榮。王註云：若痛而膝如別離者，則治足大陽榮通谷穴。足少陰榮然谷穴也。淫灑脛痠不能立久。治少

陽之維。在外上五寸。外上當作外踝上。王註：淫灑謂似痠痛而無力也。外踝上五寸光明穴也。

右機機骸關諸穴更參訂之。

〔靈〕膝中痛。取犢鼻以員利針之。發而間之。針大如釐刺膝無疑。雜病篇

〔玉〕鶴膝風腫及腿痛。髓骨。在膝蓋骨上一寸梁丘穴兩傍各五分。針入五分留一吸。瀉之。膝關。在膝蓋骨下犢鼻內

傍橫針透膝眼在犢鼻外傍禁灸留八呼瀉之。

〔集〕又法。膝關 委中 三寸半但紫脈上出血為妙 三里 不已取下穴 陽陵泉 中脘

豐隆

〔通〕膝腫。行間

〔撮要〕陽陵泉 橫透陰陵泉補生瀉成 陰陵泉 橫透陽陵泉補生瀉成

〔世〕脚拗痛。委中出血

膝關 法見前王龍下

熱學

〔桑〕脚膝痛筋急。風池 三間 三陰交 三里

學

熱學者。經所謂肝氣熱則筋膜乾。筋膜乾則筋急而學。全文見癢門 又云。

因於濕。首如裹。濕熱不攘。大筋縵短。小筋弛長。縵短為拘。弛長為痿。

之類是也。全文見陰陽丹溪云。大筋縵短者。熱傷血不能養。故為拘學。小筋弛長者。濕傷筋不能束。骨故為痿弱。

〔丹〕王秀濕熱大作。脚痛後。手筋拘學。足乏力。

生地

當歸

川芎

白朮各二錢

蒼朮一錢半

甘草炙三分

木通

煎湯下。大補丸三十丸。大補丸須炒煖。

〔心〕薏苡仁散。治筋脈拘學。久風濕痺。

薏苡仁

一升搗散以水二升取末數匙作粥空腹食之。衍義云筋急拘學有兩等。素問大筋受熱則縮而短。故學急不伸。則可用薏苡仁。若素問言因寒筋急不可用也。

寒學者。經所謂寒多則筋學。骨痛者是也。

〔本〕同官欽丞張德操。常言其內子昔患筋學。脚不得屈伸。逾年。動

則令人拘持。求醫於泗水楊吉老云。此筋病宜服下三方。一年而愈。

治筋極養血地黃丸。春夏服之

熟地一分

蔓荊一分

山茱萸五錢

黑狗脊炙

地膚子

白朮

乾漆

鱗鱒炒

天雄

車前子各三分

萆薢

山芋即山藥

澤瀉

牛膝各一兩

右細末。煉蜜和杵丸。如桐子大。每服五十九。溫酒下。空心食臥服。

羚羊角

肉桂

附子

獨活各一兩
三錢半

白芍

防風

芎藭各一兩

右為粗末。每服五大錢。水一盞半。生薑三片。同煎至八分。取清汁服。日可二三服。

治寒冷濕痺。留於筋脈。縮不能轉側。烏頭湯冬服之。

大烏頭

細辛

川椒

甘草

秦朮

附子

官桂

白芍各七分

乾薑

白朮

防風炙

當歸各一兩

獨活一兩三錢半

右為粗末。每服三錢。水一盞半。棗二枚。間煎至八分。去渣。空心食前服。

〔干〕薏苡仁湯。治筋攣不可屈伸。

白朮

薏苡仁

芍藥

桂心

酸棗仁

乾薑

牛膝

甘草各一兩

附子三枚

右九味。以酒二斗。漬一宿。微火煎三沸。每服一升。日三。扶杖起行。不耐。酒服五合。

〔垣〕活血通經湯。靈壽縣董監軍。癸卯年十二月間。大雪初霽。時因事到真定。忽覺有風氣暴仆。診候得六脈俱弦甚。按之洪實有力。其症手攣急。大便閉澁。面赤熱。此風寒始至加於身也。四肢者。脾也。以風寒之邪傷之。則搖急而攣痺。乃風淫未疾。而寒在外也。內經云。寒則筋攣。正此謂也。本人素多飲酒。內有實熱。乘於腸胃之間。故大便閉澁。而面赤熱。內則手足陽明受邪。外則足太陰脾經受風寒之邪。用桂枝甘草。以却其寒邪。而緩其急。搖用黃柏之苦寒滑。以瀉實而潤燥。急救腎水。用升麻葛根。以升陽氣。行手足陽明之經。不令遏絕。更以桂枝辛熱。入手陽明之經。為引用潤燥。復以芍藥甘草。專補脾氣。使不受風寒之邪。而退木邪。專益肺金也。加入參以補元氣。為之輔佐。加當歸身去裏急。而和血潤燥。名之曰活血通經湯。

升麻

葛根

桂枝

當歸

人參

芍藥

甘草

酒柏

右劉如麻荳大。都作一服。水二盞。煎至一盞。去渣。熱服。令煖。房中近火摩搓。其手乃愈。

虛學者。經所謂虛邪傳於筋。則為一攣。

又云。脈弗榮。則筋急。

全文見
診生死

濕痰

學皆屬肝

雜方

針灸

門 又仲景云。血虛則筋急。此皆血脈弗榮於筋。而筋成攣。故丹溪治攣用四物加減。本事治筋急極用養血地黃丸。蓋本乎此也。

〔靈〕黃帝曰。人人有八虛。各何以候。岐伯曰。以候五臟。黃帝曰。候之奈何。岐伯曰。心肺有邪。其氣留於兩髀。腎有邪。其氣留於兩膕。凡此八虛者。皆機關之室。真氣之所遇。血脈之所遊。氣血固。邪不住留。住留則傷經絡。骨節機關。不得屈伸。故病攣也。

〔丹〕一村夫。背偃僂而足攣。已成廢人。予診其脈。兩手皆沉弦而澀。遂以戴人煨腎散與之。上吐下瀉。過月餘久。吐瀉交作。如此凡三帖。然後平復。煨腎散用甘遂末三錢。獾猪腰子細批。破少鹽椒。掩透。藥末在內。荷葉包裹。燒熱溫酒嚼服之。

攣皆屬肝。經云。肝主身之筋。故也。又云。陽明之復。甚則入肝。驚駭筋攣。又云。脾移寒於肝。癰腫筋攣。

〔心〕除一切風濕痺。四肢拘攣。蒼耳子三兩搗末。水一升半。煎取七合。去渣呷。

〔食〕酒煮木瓜粥。裹筋急痛處佳。方見歸膝風門

內經鍼灸法。取攣。有筋攣脈攣之異。取筋攣者。經云。病在筋。筋攣節痛。不可以行。名曰筋痺。刺筋上為故。刺分肉間。不可中骨也。病起筋筋。病已止者是也。全文見痛痺門取筋脈者。經云。手厥陰脈是動。則病手心

熱。肘腕攣急。腋腫。辨虛實寒熱。陷下取之。是取筋脈之攣也。全文見針灸門十二

經又曰少陽之別名曰外關去腕二寸則肘擊取之所別也。全文見針灸門十五絡條

又曰邪客於足太陽之絡令人拘攣背急引脇而痛刺之從項始數脊椎俠脊疾按之應手如痛刺之傍三指。全文見針灸門纏刺絡條是取絡脈之擊

也。

〔千〕灸筋急不能行內踝筋急灸內踝四十壯外踝筋急灸外踝三十壯立愈。

〔玉〕兩肘俱攣。曲池九分先瀉後補補四呼瀉九吸尺澤手如弓方可針五分先補後瀉

〔標〕筋攣骨痛。魂門補

張仲文禪山灸法治脚筋攣急。見腰痛門兩脚內外曲交尖

〔撮〕膝曲筋急不能舒。曲泉一寸

〔怪〕膝筋拘攣不開。兩膝外曲交尖灸二十七壯即委陽穴

〔甲〕兩手攣不收伸及掖偏枯不仁手瘻偏小筋急太陵主之。掖拘攣暴脈急引脇而痛內引心肺。蕭謹主之。

一身盡痛

一身盡痛其病暴似傷寒屬濕痺並見傷寒太陽症門其留連難已者於此求之。寒而一身痛者甘草附子湯熱者拈痛湯。甘草附子湯方見傷寒身疼門

〔垣〕拈痛湯治濕熱相搏肩背沉重疼痛上熱胸膈不利及遍身疼

痛。

羌活兩半

人參錢二

甘草錢五

防風三錢 去頭

苦參三錢 酒炒

升麻二錢 去蘆

葛根二錢

知母二錢 酒炒

黃芩二錢 酒炒

澤瀉三錢

猪苓三錢

茵陳五錢 酒

白朮錢半

當歸三錢 酒

蒼朮二錢

右為細末。每服一兩。水二盞。煎至一盞。食遠。或空心。日一服。

〔丹〕婦人患身痛。食少。脈澁。略沉。重取弦實。此氣滯也。

白朮錢二

青皮

黃芩

芍藥

木通

陳皮兩半

神麴炒一兩

桂二錢

甘草分五

蘇梗分二

右分十帖煎

〔垣〕麻黃桂枝升麻湯。李夫人患渾身麻木。睡覺則少減。開目久則全已。閉目則麻復至。此症用藥已全去。又因家事不和。心中煩惱。遍身骨節疼。身體沉重。飲食減少。腹中氣不轉運。

麻黃不去節 五分

桂枝三錢

升麻

人參分五

白朮分三

甘草錢三

黃芪分五

半夏分二

生薑分一

陳皮分二

厚朴分二

木香分一

茯苓分二

澤瀉分三

黃柏分二

附子分二

草薺分二

右以咀水一大盞。煎至一盞。去渣。稍熱食遠服。

〔本〕治遍身皆痛。如勞證者。若傷寒身體痛者。不可服。但少年虛損冷憊。老人諸疾。並皆治之。

黃芪

人參

甘草

附子炮

羌活

木香

知母

芍藥

川芎

前胡

枳殼

桔梗

白朮

當歸

茯苓

半夏製已上各五錢

柴胡

鱉甲醋炙各一兩

桂心

酸棗仁三分

杏仁牛兩炒

右為末。每服二錢。水一盞。薑三片。棗二個。烏梅三枚。葱白三寸同煎。至七分。空心溫服。

脾之大絡。名曰大包。出淵腋下三寸。實則身盡痛。此脈若羅。絡之血皆取之。脾之大絡脈也。全文見針灸

〔潔〕百節痛實無所知。絕骨三稜針出血

產後身痛

〔雲〕趁痛散。治產後氣弱。血滯。遍身疼痛。及身熱頭疼。

牛膝

當歸

桂心

白朮

黃芪

獨活

生薑各半兩

甘草

薤白各三錢半

虛

針灸

右以咀。每服半兩。水三盞。煎至一盞半。去渣。食前服。

五積散。加酒煎。治感寒頭痛。身疼。方見傷寒門。恐與四物各半服之。應當加桃仁煎。治腰痛。逐敗血。去風濕。

〔大〕治產後遍身青腫。疼痛。及衆疾。

牛膝

大麥蘖分等

右爲細末。以新瓦罐子。中填一重麥蘖。一重牛膝。如此填滿。用鹽泥固濟。火煨過赤。放冷。研爲散。但是產後諸疾。熱酒調二錢下。

風痺雜合病

風痺。風與痺雜合病也。蓋風痺痿厥四者。多雜合。如風痺。風痿。痿厥。痺厥。風厥之類是也。風痿。風痺病。今集中風門。痿厥。痺厥。卽脚氣病。今集入厥門。風厥。痿痺。散見各門。風痺。今入痺門焉。


〔靈〕樞病在陽者。命曰風。壽夭剛柔篇東垣云。此病在陽。因十二經各受風邪。以高言之。氣分也。故身半以上。風之中也。用針當引而去之也。又

曰。散而去之。用藥以辛溫發散。通因通用。又熱因熱用是也。

〔靈〕樞病在陰者。命曰痺。東垣云。身半以下。濕之中也。命曰痺。飲食自倍。腸胃乃傷。得之勞倦。脾胃氣虛而下陷。運氣榮氣。不得升浮。經營心肺也。

陰陽俱病。命曰風痺。言陰陽氣血俱病也尺膚濇者。風痺也。全文見診法

〔靈〕樞云。風痺淫爨。病不可已。足如履冰。時如入湯中。股脛淫爨。煩
心頭痛。傷腎時嘔時恍。眩已。汗出。傷心久則目眩。傷肝悲以善恐。短氣不樂。
傷肺不出二三年。死也。一云三日死



醫學綱目卷之十三 肝膽部

驚悸怔忡

產驚悸

心愴愴動

大藥
屬血
痰虛有

驚者。心卒動而不寧也。悸者。心跳動而怕驚也。怔忡。亦心動而不寧也。

〔丹〕怔忡大概屬血虛與痰。有慮便動者屬虛。時作時止者。痰

因火動。瘦人多是血虛。肥人多是痰飲。真覺心跳者是血

少。宜四物安神之類。

治勞役心跳大虛症。

硃砂錢一

歸身

白芍

側柏

川芎各五錢

陳皮

甘草

黃連各三錢

右用猪心血為丸。

〔垣〕六脈俱大。按之空虛。必面赤善驚上熱。乃手少陰心之脈也。此氣盛多而亡血。以甘寒鎮墜之劑。瀉火與氣。以墜氣浮。以甘辛溫微苦。峻補其血。熟地黃生地黃柴胡升麻白芍藥牡丹皮川芎黃芪之類。以補之。以防血溢上竭。甘寒鎮墜之劑。謂丹砂之類。

〔杜〕林學士本南人。歷內地為官。有一子甚端嚴而聰敏。父母愛之。居常喜食海蛤。飲食之頃。未嘗不設。至十八年。忽面色頓青。形體瘦

水停
心下
必悸

時作
時止
者痰
因火
動

劑夜多驚悸。皆謂勞瘵之疾。百療不瘳。遂召杜脈之。杜曰非病。何以知之。蓋雖病削面青。精神不減。問學院子。秀才好食甚物。曰多食南海中味。杜曰。但多服生津液藥。病當自愈。如是經兩月。面色漸有紅潤意。夜亦無驚悸。林學士延杜而問曰。醫師之驗。久聞世名。願聞此病所以。杜曰。王冰素問曰。鹽發渴。乃勝血之證。海味皆鹹物。既多食海味。使心血漸衰。則夜驚悸。今既去鹹。用生津液之藥。人且少壯。血液易生。面色漸有紅潤。此疾去乃安矣。衆醫以為勞瘵。非其治也。

〔仲〕食少飲多。水停心下。甚者則悸。微者短氣。飲水多必心下悸

〔無〕五飲停畜。閉於中脘。最使人驚悸。屬飲家。溫膽湯。治心膽虛怯。觸事易驚。或夢寐不祥。遂致心驚膽攝。氣鬱生涎。涎與氣搏。變生諸症。或短氣悸乏。或復自汗。膽虛不能致脾則脾之水飲作矣

半夏湯洗

竹茹

枳實炒各二兩

橘皮二兩去白

甘草炙一兩

白茯苓一兩五錢

右為剉散。每服四大錢。水一盞半。薑五片。棗一枚。煎七分。食前服。〔仲〕心下悸者。半夏麻黃丸主之。

半夏

麻黃等分

右二味為末。煉蜜和丸。如小荳大。飲服三丸。日三服。

茯苓甘草湯。方見傷寒悸

驚屬肝心

以而驚者肝

因驚成悸者病在膽

〔素〕東方青色入通於肝其病發驚駭。金匱真言論

脾移熱於肝則為驚衄。全文見診病傳變

一陽一陰發病主驚駭背痛善噫善欠者名曰風厥。全文見診陰陽類論

三陽一陰太陽脈勝一陰不得止內亂五臟外為驚駭。類論

〔本〕珍珠丸獨活丸並治臥驚悸多驚。二方並見不得臥經云臥則血歸於肝今血不靜臥不歸肝故驚悸於臥也

〔東〕羌活勝濕湯治臥而多驚悸多驚洩者邪在少陽厥陰也加柴

胡五分如淋加澤瀉五分此下焦風寒二經合病也經曰腎肝之病

同一治為俱在下焦非風藥行經不可也。羌活勝濕湯方見腰痛

諸病疼酸驚駭皆屬於火。全文見診

〔丹〕病自驚而得者則神出其舍舍空得液則成痰也血氣入舍則

痰拒其神不得歸焉。按凝丹加辰砂遠志

〔無〕驚悸因事有所大驚而成者名曰心驚膽寒病在心膽經其脈

大動。動脈如豈厥厥動搖無頭尾者也東垣珠砂安神丸。方見類聚門東垣云外物驚宜鎮平以黃連安神丸是也

〔無〕鎮心丹治驚悸。

辰砂用黃松節酒浸龍齒用遠志苗醋煮

右只取辰砂龍齒各等分為末猪心血為丸如芡實大每服一丸以麥門冬葉菴豈燈心白蜜水煎豈熟為度臨臥咽下小兒磨化半丸量歲數與之。

〔世〕蜜陀僧散治驚氣入心絡不能語者昔有為狼及大蛇所驚皆以此而安用蜜陀僧研極細末茶調一錢匕一服即愈

〔無〕寒水石散治因驚心氣不行鬱而生涎結為飲遂為大疾松樗隨獲不自勝持少遇驚則發尤宜服之

寒水石

煨

滑石

水飛各一錢

生甘草

一錢

右為末每服二錢熱則新汲水下怯寒則薑棗湯下加龍膽少許尤佳

〔子和〕衛德新之妻旅宿樓上夜值盜劫人燒舍驚墜牀下自後每聞有響則驚倒不知人家人輩躡足而行莫敢冒觸有聲諸醫作心病治之人參珍珠及定志丸皆無效戴人見而斷之曰驚者為陽從外入也恐者為陰從內出也驚者為自不知也恐者為自知也足少陽膽經屬肝木膽者敢也驚怕則膽傷矣乃命侍女執其兩手按於高椅上坐當面前下置一小几戴人曰娘子當視此一木猛擊之其婦人大驚戴曰我以木擊几何必驚乎伺少靜擊之驚少緩又斯須連擊三五次又以杖擊門又暗遣人擊背後之窗徐徐驚定而歎曰是何治法戴人曰內經云驚者平之平者常也常見必無驚是夜使人擊其門窗自昏暮達曙熟臥不聞夫驚者神上越也從下擊几使之下視所以收神也一二日雖聞雷亦不驚德新素不喜戴人至是

頻見
其擊
外為
常矣

終身敬服。

〔仲〕炙甘草湯。治脈結代而悸。方見傷寒

〔丹〕驚悸定志丸。加琥珀鬱金。

〔無〕定志丸。治心氣不足。驚悸恐怯。

菖蒲妙

遠志去心

扶苓各二兩

人參一兩

辰砂為衣

右為末。蜜丸。如桐子大。每服五十丸。米湯下。一方去扶神。名開心

散。服二錢匕不時。

〔本〕安神鎮心。治驚悸。消風疲。辰砂遠志丸。

石菖蒲

遠志

人參

扶神

川芎

山藥

鐵粉

麥門冬

天麻

半夏

南星

白扶苓生各一兩

細辛

辰砂各半兩

右為細末。生薑五兩。取汁入水。煮糊丸。如棗荳大。另以硃砂為衣。

每服二十五丸。夜臥服生薑湯下。小兒減服。

扶苓丸

石菖蒲

辰砂

人參

遠志

扶苓

真鐵粉

扶神

南星牛膽製

半夏麩等分

右為細末。生薑四兩。取汁和水。煮糊丸。如桐子大。別用細末為衣。

乾之。每服十粒。加至二十粒。夜臥生薑湯下。上二方療驚良驗。

聞木音則驚屬

痰飲驚悸屬脾氣

胃足陽明之脈。是動則病。聞木音則惕然而驚。欲動。

〔素〕陽明所謂甚則惡人與火。聞木音則惕然而驚者。陽氣與陰氣相搏。水火相惡。故惕然而驚也。脈解篇黃帝問曰。足陽明之脈病。惡

人與火。聞木音則惕然而驚。鐘鼓不為動。聞音而動。何也。岐伯曰。陽明者。胃脈也。胃者。土也。故聞木音而驚者。土惡木也。陽明脈解篇

痰飲驚悸屬脾土。見前痰飲條

運氣驚悸有三。

一曰肝木不及。金來乘之。經曰。木不及曰委和。委和之紀。其發驚駭。又云。陽明之復。則入肝。驚駭筋攣是也。

二曰火邪助心。經云。少陽所至為驚惑。又云。少陽所至為驚躁。又云。少陽之勝善驚是也。

三曰寒邪傷心。經云。歲水太過。寒氣流行。病煩心躁悸是也。

按經云。陽氣者。開闔不得。寒氣從之。乃生大瘰。陷脈為癭。留連肉腠。俞氣化薄。傳為善畏。及為驚駭者。是癭瘡所為之驚駭也。蓋俞則癭瘡之俞竅。其痛氣留連肉腠之間。恐人觸着而痛。故化惕惕然之心。內薄而傳為善畏驚駭之疾也。

〔撮〕心燥燥跳動。少衝瀉之。灸立效。

〔甲〕驚善悲不樂。如墮墜。汗不出。面塵黑。病飢不欲食。照海主之。

膽寒怯寒厥。手臂痛。善驚妄言。面赤。泣出。掖門主之。善驚悲不樂。

厥脛足下熱。面盡熱。噎乾渴。行間主之。

大奇論王註云驚謂馳驚言迅急也

二陽急為驚。同上

白脈之

至也。喘而浮。上虛下實。驚有積氣在胸中。名曰肺痺。寒熱。全文見積塊下同陽

明瀆則病積而善驚。

〔仲〕寸口脈動而弱。動即為驚。弱即為悸。

〔脈〕驚主病者。其脈止而復來。其人目睛不轉。不能呼氣。

〔仲〕病有奔豚。有吐膿。有驚怖。有火邪。此四病皆從驚發得之。

產驚悸

〔大〕七寶散。產後服之。安神壓驚。

辰砂研

桂心

當歸

川芎

人參

白茯苓

鈴羊角

續存性各二錢

乾薑一錢炮

右為末。每服一錢。用羌活豆淋酒調下。如不飲酒。漬米水飲調下。

如心煩熱悶。以麥門冬去心煎湯調下。減薑桂。如心下煩悶

而痛。用童便酒調下。如腹痛。加當歸。如心悶。加鈴羊角。如

心虛氣怯。加桂心。不下食或惡心。加人參。虛顛。加茯苓。

〔海〕大效牡丹皮散。治血藏虛風。及頭目不利。不思飲食。手足煩熱。

肢節拘急疼痛。胸膈不利。大腸不調。陰陽相干。心驚怯悸。或時旋運。

牡丹皮

川芎

枳殼

蘇妙各一兩

陳皮

玄胡索

甘草

羌活

半夏

湯洗各半兩

木香

訶子肉

芍藥

三稜

妙半兩

乾薑

當歸

白朮

桂心

錢五

五錢

一兩

錢三

錢

右為細末。每服二錢。水一盞半。煎五七沸。食前溫服。益血海。退血風。勞攻注。消寒痰。實脾胃。理血氣。攻刺。及氣虛惡寒。潮熱。證至妙。

〔大〕治產後中風。心忪悸。志氣不定。恍惚。語言錯亂。

人參

羚羊角

麥門冬

扶神

各八分

茯苓

白蘚皮

甘草

石膏

淡竹瀝

兩大

右以咀。用水二升。煎至七合。下竹瀝。分三服。

心憺憺動

憺憺。因疲動也。心憺憺動者。謂不怕驚而心自動也。驚恐亦曰心中憺憺。恐謂怕驚而心亦動也。

其憺憺自動之病。屬二經。一屬心主手厥陰病。經云。心起手厥陰之脈。是動。則病。心中憺憺大動。面赤目黃。喜笑不休。視盛虛熱寒。陷下取之。是刺灸之法也。又曰。太陽司天。寒淫所勝。病心憺憺大動。胸脇

胃腕不安。治以甘熱。是運氣之寒傷心主也。其二屬少陽病。經云。

一陽發病。少氣善欬善噫。其傳為心掣是也。掣尺制反曳也

厥陰病心憺動

少陽病心掣

怒

怒在陰。陽為陰閉。遏其陽。而陽不得伸也。經云。陰出之陽則怒。又云。血奔於上。氣奔於下。心煩寃善怒。東垣云。多怒者。風熱陷下於地是也。怒在臟腑所屬經。在臟為肝。在志為怒。又云。肝藏血。血有餘則怒。又云。膽為怒是也。

〔丹〕治怒方。

香附末

六兩

甘草末

一兩

右和勻白湯調服五錢。

怒皆屬木
大過

運氣怒皆屬木太過。經云。木太過曰發生。發生之紀。其病怒。又云。歲木太過。風氣流行。甚則善怒。又云。歲土不及。風反大行。民病善怒是也。怒在禁忌。多生厥逆。經云。陽氣者。大怒則形氣絕。而血菀於上。使人薄厥。又云。暴怒傷陽。又云。怒則氣逆。甚則嘔血及食泄是也。

善太息

太息皆屬燥邪傷膽

運氣善太息。皆屬燥邪傷膽。經云。陽明在泉。燥淫所勝。疾善太息。又云。陽明之勝。太息嘔苦。又云。少陰司天。地乃燥。凄愴數至。脇痛。善太息是也。

針灸

內經。灸刺善太息。皆取心膽二經。經云。黃帝曰。人之太息者。何氣使然。岐伯曰。思憂則心系急。心系急則氣道約。約則不利。故太息以出。

之。補手少陰心主足少陽留之也。又曰。膽病者。善太息。口苦嘔宿汁。視足少陽脈之陷下者灸之。又云。膽足少陽之脈。是動則病。口苦善太息。視盛虛實寒熱。陷下取之是也。

〔甲〕色蒼蒼然。太息如將死狀。振寒。瘦白。便難。中封主之。脾虛。令人病寒不樂。好太息。商丘主之。凡好太息。不嗜食。多寒熱汗出。病至則善嘔。嘔已乃衰。即取公孫及井。膈實則腸中切痛厥。頭面腫起。煩心。狂飲多不嗜臥。虛則腹脹。腸中氣大滿。熱痛。不嗜食。霍亂。公孫主之。

目疾門

目赤腫痛

外障

內障

不能遠視

不能近視

雀目日落不見物

目淚不止

風沿

爛眼

倒睫拳毛

努肉攀睛

飛絲塵垢入目

視歧亂見

目閉不開

睛目直視

目上視

經云。瞳子黑眼法於陰。白眼赤脈法於陽。故陰陽合轉而精明。此則眼具陰陽也。全文見視歧亂見又曰。五臟六腑之精氣皆上注於目。而為之精。

精之窠為眼。骨之精為瞳子。筋之精為黑眼。血之精為絡。其窠氣之

精為白眼。肌肉之精為約束。裹攝筋骨氣血之精。而與脈并為系。上

屬於腦。後出於項中。此則眼具五臟六腑也。全文見視歧亂見後世以內外皆

屬心。上下兩瞼屬脾。白眼屬肺。黑眼屬肝。瞳子屬腎。謂之五輪。蓋本

目肝主

心合諸脈皆屬於目
肝主目疾
脾始於胃

診

諸此也。又有入廊之說。無義無據。今不得刪入焉。
臟腑主目有二。

一曰肝。經云。東方青色。入通於肝。開竅於目。藏精於肝。又云。人臥血歸於肝。肝受血而能視。又云。肝氣通於目。肝和則目能辨五色也。

二曰心。經云。心合脈。諸脈者。皆屬於目是也。至東垣又推之而及於脾。如下文所云。

〔東垣〕五臟生成篇云。諸脈者。皆屬於目。目得血而能視。針經九卷大惑論云。心事煩冗。飲食失節。勞役過度。故脾胃虛弱。心火太盛。則百脈沸騰。血脈逆行。邪害孔竅。天明則日月不明也。夫五臟六腑之精氣。皆稟受於脾土。而上貫於目。脾者諸陰之首也。目者血氣之宗也。故脾虛則五臟之精氣。皆失所司。不能歸明於目矣。心者。君火也。主人之神。宜靜而安。相火代行其令。相火者胞絡也。主百脈皆榮於目。既勞役運動。勢乃妄行。及因邪氣所并。而損其血脈。故諸病生焉。凡醫者不理脾胃。及養血安神。治標不治本。不明正理也。
陽主散。陽虛則眼楞急。而為倒睫拳毛。陰主斂。陰虛不斂。則瞳子散大。而為目昏眼花。

〔靈〕目皆外決于面者。為銳眚。在內近鼻者。為內眚。上為外眚。下為內眚。
篇 癩狂
診目痛。赤脈從上下者太陰病。從下上者陽明病。從外

走內者少陽病。太陽病宜溫之散之。陽明病宜下之寒之。少陽病宜

和之也。論疾診尺篇

〔保〕論云。眼之為病。在腑則為表。當除風散熱。在臟則為裏。當養血安神。暴發者。為表而易療。久病者。為裏而難治。除風散熱者。瀉青丸主之。養血安神者。定志丸主之。婦人熟地黃丸主之。或有肥體氣盛。風熱上行。目昏眩。槐子散主之。此由胸中濁氣上行也。重則為疲厥。亦能損目。常使胸中氣清。自無此病也。又有因目疾服涼藥多。則損氣者。久之。眼漸昏弱。乍明乍暗。不能視物。此則失血之驗也。熟乾地黃丸。消氣定志丸。相須而養之。或有視物不明。見黑花者。此之謂腎氣弱也。宜補腎水。駐景丸是也。或有暴失明者。謂眼居諸陽交之會也。而陰反閉之。此風邪內滿。當有不測之病也。

目赤腫痛

目疼有二。一謂目眇白眼痛。一謂目珠黑眼疼。蓋目眇白眼疼屬陽。故晝則疼甚。點苦寒藥則效。經所謂白眼赤脈法於陽故也。目珠黑眼疼屬陰。故夜則疼甚。點苦寒則反劇。經所謂瞳子黑眼法於陰故也。

〔簡〕補肝散。治肝虛目睛疼。冷淚不止。筋脈痛。及羞明怕日。夏枯草五錢。香附子一兩。共為末。每服一錢。臘茶調下。無時候服。

陰症拾法

目痛分陰

右夏枯草治目珠疼。至夜則疼甚者神效。或用苦寒眼藥點上。反疼甚者亦神效。蓋目珠者連目本。日本又名目系。屬厥陰之經也。夜甚。及用苦寒點之反甚者。夜與寒亦陰故也。丹溪云。夏枯草有補養厥陰血脈之功。其草三四月開花。遇夏至陰生則枯。蓋稟純陽之氣也。故治厥陰目疼如神者。以陽治陰也。予周師目珠疼及連眉稜骨痛。并頭半邊腫痛。遇夜則作。用黃連膏子點上。則反大疼。諸藥不效。灸厥陰少陽則疼隨止。半月又發。又灸又止者。月餘。遂以夏枯草二兩。香附二兩。甘草四錢。同爲細末。每服一錢五分。用茶清調服下咽。則疼減大半。至四五日良愈。又一男子。年六十歲。亦目珠連眉稜骨疼。夜甚。用苦寒劑點亦甚。與前證皆同。但有白翳二點。在黑目及外皆爲翳。藥皆不效。亦以此藥間東垣選奇湯。又加四物黃連煎服。并灸厥陰少陽而安。

〔本〕治睛疼難忍者。

川歸

防風

細辛

薄荷

各等分

右爲末。每服二錢。麥門冬熟水調下。食後日午夜臥。各一服。

〔保〕止痛散。治兩額角痛。目睛痛。時見黑花。及目赤腫痛。脈弦。作內障也。得之於飢飽勞役。

柴胡

一兩半

甘草

炙七錢半

瓜蒌根

二兩

當歸

黃芩四兩一半
酒一半炒 生地黃兩一

右為麤末。每三錢。水一盞半。薑三片。棗一枚。臨臥熱服。小便不利。加茯苓澤瀉各五錢。

治太陽經。衛虛血實。目腫赤。臉重。頭中濕淫。膚醫睛痛。肝風盛。眼黑。腎虛。

桔梗丸

桔梗斤一 牽牛頭末
二兩

右細末。每服四五十九。至一百丸。食前溫水下。日二次。

〔衍〕暴赤眼無瘡者。以古銅錢刮淨薑上取汁於錢唇。點目熱淚出。隨點隨愈。但小兒甚懼。不須疑。已試良驗。有瘡者不可用
又以此治瘡驗

〔張仲文〕治眼暴赤腫痛不得開。又淚出。削附子赤皮末如蠶屎。着背中以瘡為度。

〔本〕治丈夫。女人。室女。小兒。諸般赤眼。針頭丸。

川烏尖七枚
鹽乾 白殭蠶七枚去
嘴鹽乾 鵬砂十文

右為末。用猪膽取汁調藥。不令稀。用成軟塊攤在碗內。荆芥艾各

一兩。皂角小者一莖。燒。將藥碗覆薰之。常將藥膏攪勻轉。又攤又

薰。以皂角荆芥艾盡為度。再搜成塊。用油紙裹。入地中出火毒。冬

兩日夜。夏一夜。春秋一日夜。取出。丸如針頭大。每一丸。點眼中妙。

陰病
似陽
點法

〔丹〕治目中百病。乳汁煎黃連點之。

〔衍〕人乳汁。治目中功多。何也。人心主血。肝藏血。肝受血則能視。蓋水入於經。其血乃成。又曰。上則為乳汁。下則為月水。故知乳汁即血也。用以點目。豈不相宜者哉。治眼痛。小黃柏皮一名小柏子。以麤布揩去麤皮。刮取柔細黃屑。以手急捏成團。如鷄子大。以苧絲縛之。次以蘿葡葉包之。又用苧絲縛之。置灰火內。煨去外二三層有灰者。急用紗絞出黃汁收之。點眼甚妙。一方用乳汁拌小黃柏皮。同煨點之。又勝。

〔世〕傳信方。眼風汨痒。或生翳。或赤眚。一切皆主之。宣州黃連。搗為細末。麩核仁去皮。碾為膏。緣此性稍濕。未不得故耳。與黃連等分相合。取不蛀乾棗三枚。割頭少許。留之去核。以二物填於中。卻取割下棗頭。依前合定。以少綿裹之。惟薄綿為佳。以水半碗。於銀器中。文武火煎。取一鷄子殼。以綿纏。待冷點眼。萬萬不失。前後試驗數十人。皆應。

〔保〕點眼藥。除昏退翳。截赤定痛。

當歸二錢

黃連二錢

防風一錢五分

細辛五分

甘草一錢

右劉如麻荳大。水一大碗。文武火煎。滴水不散為度。入熟蜜少

許。點閉。

〔丹〕暴赤眼痛。枸杞汁點妙。集手 目卒痛。荆芥燒汁點之。後肘

〔保〕救苦丸。治眼暴赤。發噴痛甚者。

黃連一錢 川歸二錢 甘草一錢

右剉細。水半碗。浸一宿。以火熬。約至一半。綿絞去渣。令淨。再熬作稠膏。攤在碗上。倒合。以物蓋之。用熟艾一大塊。如彈子大。底下燃之。薰膏子。令艾盡為度。下下項藥。

珠砂一錢 腦子五分 乳香 沒藥研各等分

右研入膏。和丸。如米大。每用二丸。點眼兩角。仰面臥。藥化方起。

〔世〕點藥方。黃連五錢。去鬚槌碎。用水三碗。浸。夏月三日。冬五日。以古文錢百廿箇。同煎。取汁半碗。又將渣再煎。凡三次。取綿濾過。以磁器熬成膏子。如沙糖樣。卻將蘆甘石黃連芽茶。小便煨過者。入麝香少許。同研細。入前膏子再熬。可丸為度。如桐子大。化點。一方。不用蘆甘石。只將膏子入麝少許點。尤妙。一方。陰陽寒熱通用。以生薑自然汁重綿濾過。澄薑泥晒乾。卻用黃連膏入蜜少許。以薑泥為丸餅。如錢厚。或水化。或乾點。神效。

薑汁點法。見前黑睛痛條。治目痛惡寒。脈浮者效。治目眇白睛痛諸法。並見後表裏寒熱虛實等條。

〔東垣〕饑奇湯。防風。飲子。治眉骨痛不可忍。方見眉痛門

惡寒
脈浮
者為
有表

服實
有力
者為
有裏

芎辛湯。治兩目晝夜隱澹難開。羞明畏日。目赤。視物昏暗。

芎藭

蔓荊子各五分

細辛二錢

防風一錢五分

甘草

白芷各一錢

右作一服。水一大盞。八分。煎至一盞。去渣。稍熱。臥服之。極佳。

明目細辛湯。治兩目發赤。微痛羞明畏日。怯風寒。怕火。眼睫成細眵。糊多。隱澹難開。眉攢痛悶。鼻涕唾極多加稠膿。大便微硬。喜食冷物。

麻黃

羌活各三錢

藁本一錢

川芎五分

細辛少許

白茯苓一錢

蔓荊子六分

荆芥穗一錢二分

當歸梢一錢

川椒八粒

生地黄六分

桃仁二十枚

紅花少許

防風二錢

右並剉。如麻荳大。分作四服。每服水二大盞。煎至一盞。去渣。稍熱服食後。忌酒濕麵及風寒處行走。

〔本〕治肝腎風毒氣上衝眼痛。菊花散。

甘菊花

牛蒡子炒各八兩

防風三兩

白蒺藜去刺一兩

甘草一兩五錢

右為細末。每服二錢。熱水調下。食後臨臥。

凡目赤痛。或大腑秘。或脈實有力者。為有裏證。宜微利之。實熱條瀉。青丸洗肝散之類是也。

〔海〕目赤暴作雲翳。疼痛不可忍。宜四物龍膽湯。

四物各五錢

羌活

防風各三錢

草龍膽

防己各二錢

右水煎服。

〔丹〕丈夫患眼赤腫痛。

連翹

黃芩

歸鬚

陳皮

蒼朮各二錢

木通一錢

甘草炙一錢

分三帖。薄荷葉五斤。水二盞煎一半。入些好酒。熱飲之。

〔保〕槐子散。治體肥氣盛。風熱上行。目昏瞢。

槐子

黃芩

木賊

蒼朮各等分

右細末。食後茶送下。

川芎散。治風熱目眩熱腫。及胸中不利。

川芎

槐子各一兩

右爲末。氣滯下利。薑湯調。目疾茶清調。熱上攻。吹咀一兩煎服。

〔潔〕治眼赤。暴發腫。散熱飲子。

防風

羌活

黃芩

黃連各一兩

右切。每半兩。水二盞煎。食後溫服。如大腑祕。加大黃一兩。如痛甚。

加川歸地黃。煩躁不得臥。加梔子一兩。

治目暴發赤腫。除風散熱。瀉青丸。方見治法門

〔局〕洗肝散。風毒上攻。暴作赤目。腫痛難開。隱瀝眵淚。

薄荷去梗

當歸

羌活

防風各去蘆

虛熱
宜升
降火
水

梔子仁
甘草炙
大黃
〔本事〕治目暴赤，癢腫疼痛。

木賊牛兩
去節

細辛牛兩
淨洗

草烏一分
去尖

草龍膽牛兩
去根

右為剉散。每服三大錢。水一大盞。黑苳半合。煎至一二沸。入沙糖一塊。如大彈子大。煎至八分。去渣。食後溫服。一應諸眼患並用。忌煎燂油麵酢醬熱物。及不得嗔怒房色等事。則便易獲痊矣。治腎經虛冷。水候不升。不能上滋肝木。致令眼目昏暗。或痛或痒。須用此藥方調治之。

川芎

荊芥

天麻

萆薢

川烏炮

烏藥

羌活

黑牽牛炮

川歸

金釵石斛各等分

右為末。煉蜜丸。如荳大。硃砂為衣。每服一丸。薄荷湯嚼下。目赤腫足寒者。必用時時溫洗其足。并詳赤脈處屬何經。灸三里臨泣崑崙等穴。立愈。海藏四物龍膽湯。方見熱條

防風

當歸

黃芩

黃連

人參

茯神

羌活

地黃各等分

右龕末。每服五七錢。水一盞半。煎至一盞。溫服。

〔丹〕赤眼痒痛。煎枸杞汁服。救急方

〔垣〕助陽和血補氣湯。治眼發上熱。壅白睛紅眵。多淚。無疼痛而隱。濟難開。此服寒藥太過。而真氣不能通九竅也。故眼昏花不明。宜助陽和血補氣。

防風七分

黃芪一錢

甘草後五分

蔓荊子

歸身洗五分

白芷二分

升麻七分

柴胡

右咬咀。作一服。水一盞半。煎至一盞。去渣。熱服。臨臥避風。及忌食冷物。

碧天丸。治目疾。累服寒涼不愈。兩目蒸熱。有如火薰。赤而不痛。紅系血脈。滿目貫睛。翳悶昏暗。羞明畏日。或上下瞼赤爛。或不伏風土。而內外銳眦。皆洗破之。

瓦粉炒一兩

銅綠七分
為末

枯白礬二分是一錢
中五分之一

右研銅綠白礬令細。旋旋入瓦粉銅綠。勻熱水和之。共為丸。每用一丸。熱湯半盞。浸一二箇時辰。洗。至覺微癢為度。少合眼半時辰。許。臨臥更洗了。眼目就睡尤神妙。一丸可洗十日。如再用。重湯內頓。令熱。此藥治其標。為裏熱。治已去矣。裏實者。不宜用此。當瀉其實熱。諸方見前大腑祕堅條。

〔子和〕清州王正之子。年十五歲。目赤多淚。衆工無效。戴人見之曰。此兒病在目。當得之母腹中被驚。其父曰。姪娠時在臨清被圍。戴人令服瓜蒂散加鬱金。上湧下泄。各去涎沫數升。人皆笑之。其母曰。兒腹中無病。何以吐瀉如此。至明日其目輝然爽明。一小兒名得孫。眼發赤。其母買銅綠欲洗兒目。煎成。家人誤與兒飲之。須臾大吐吐訖立開。安慶趙君玉。目暴赤腫。點洗不退。偶思戴人法曰。凡病在上者。當宜吐。乃以茶調散涌之一涌。赤腫消散。君玉歎曰。法之妙其迅如此。乃知法不遠人。人自遠耳。

〔孫〕仁廟朝中衛才人。忽患眼疼。衆醫皆不能療。或投寒藥。或投補藥。加之臟腑不安。上乃問孫。孫曰。臣非眼科。乞不全責於臣。降旨有功無過。孫乃診之。肝脈弦滑。非熱壅也。乃才人年壯血盛。肝血併不通。遂問及宮人。月經已二月不通。衆醫曰有孕。孫曰。此正為疾耳。遂下通血藥。其經既通。不日眼疾亦愈。上賜錢三十萬。才人贈金一囊。宮人謠曰。神醫不來。雙目難開。

〔丹〕治風赤眼。乾蚯蚓十箇。炙為末。冷清茶下二錢。臨臥與服。聖惠方

〔世〕治眼暴赤腫。大田螺以清水漾去泥。擘去掩。入黃連末一錢。麝些少在內。將一盞子安少濕泥。仰安田螺在泥上粘定。露一宿。次日

早盡化為水。以鷄翎刷眼痛處則瘥。

〔外〕治赤眼及睛上瘡。秦皮一兩。清水一升。於白碗中浸。春夏一食時以上。看碧色出。即以筋頭纏綿。仰臥點所患眼。乃先從大眥中。滿眼點。微痛不畏。良久三五飯頃。即側臥。瀝却熱汁。每日十度以上。不過二日瘥。治赤目痒痛。地骨皮三升。水三斗。煮取三升。去渣。納鹽一二兩。煎取二升。傅目。或加乾薑二兩。

〔博濟〕治風毒上攻。眼腫痒澁。痛不可忍者。或上下瞼皆赤爛。浮翳。瘀肉侵睛。神效。驅風散。

五倍子兩一 蔓荆子兩一

右同杵為末。每用二錢。水二盞。銅瓦器內煎及一盞。澄渣熱淋洗。留滓。二服。又依前煎淋洗。大能明眼目。去瘡痒。

〔潔〕眼梢赤爛。

黃連錢三 白礬錢三 銅綠 蜜陀僧各一 輕粉少

右為極細末。少少點之。

〔東〕碧雲散搗藥。

青黛半錢 蔓荆子半錢 川芎二分 薄荷錢二 鬱金錢一

石膏錢一 細辛錢一 紅荳粒一 芒硝錢一

右為細末。以噲水。鼻孔內搗之。

治赤眼頭風等症。此方名為神聖散。

乳香

沒藥

川芎

石膏

雄黃各二錢

盆硝兩

右為細末。治赤眼冷淚。頭風耳聾耳痒。鼻塞聲重。一搗牙根便住。

〔保〕眼發赤腫。毒氣侵睛脹痛。宜拔毒散。

盆硝

乳香

雄黃

沒藥各等分

右為細末。研以少許。搗鼻中。

治眼風毒發腫。鼻中欲嚏。嚏多鼻損而生瘡。宜風散。

川芎

甘菊各二錢

乳香

沒藥各一錢

右為末。少許搗鼻中。

〔本〕治赤腫眼。以白薑末水調貼脚心。又以上硃蜜調。紙貼眼上。

〔山〕赤眼。用九節黃連。秦皮。龍末。加滑石一塊。煎湯洗。又方。用熱

湯澀洗。或濃煎冬青葉湯。入鹽熱洗。

〔丹〕治火眼。艾燒細烟。以碗蓋之。候烟上成煤。取下以溫水調洗之。

入黃連尤妙。斗門

〔垣〕廣大重明湯。治兩目瞼赤爛。熱腫疼痛。并稍赤及眼瞼痒。及痒

極抓至破爛。赤腫眼楞生瘡痂。目多眵痛。隱澹難開。

草龍膽梢

防風

甘草根

細辛各等分

右剉。如麻荳大。內甘草不剉。只作一挺。先以水一大碗半。煎草龍膽一味。乾一半。再入餘三味。煎至一小半碗。去渣。用清汁帶熱洗。以重湯坐令極熱。日用五七次。洗畢。少合眼。須臾即去。努肉縱長。及瘁亦減矣。

運氣目赤有二。

一曰風助火鬱於上。經云。少陰司天之政。二之氣。陽氣布。風乃行。寒氣時至。民病目眇。目赤。氣鬱於上而熱。又云。少陽司天之政。初之氣。風勝乃淫。候乃大溫。其病氣怫於上。目赤是也。

二曰火盛。經曰。火太過曰赫羲。赫羲之紀。其病目赤。又云。火鬱之發。民病目赤心熱。又曰。少陽司天之政。三之氣。炎暑至。目赤。又云。少陽之勝。目赤是也。

三曰燥邪傷肝。經云。歲金太過。燥氣流行。民病目赤。又云。陽明司天。燥氣下臨。肝氣上從。脇痛目赤是也。

內經灸刺白眼痛有四法。

其一取足太陽。經云。目痛赤。脈從上下者。太陽病。故知取之也。

其二取足陽明。經云。目痛赤。脈從下上者。陽明病。故知取之也。

其三取足少陽。經云。目痛赤。脈從外走內者。少陽病。又手足少陽之脈。所生病者。皆目銳眦病。故知取之也。

運氣
風助
火在上

火獨
盛熱
在中
肝實
之宜

肝虛
之宜
溫

針灸

其四取躄脈。經云。邪客足陽躄之脈。令人目痛。從內眥始。刺外踝之下半寸所。左刺右。右刺左。又云。目中赤痛。從內眥始。取之陰躄也。灸刺黑珠痛有三法。

其一取足太陽。經云。足太陽有過項入于腦者。正屬日本。名曰眼系。頭目若痛。取之在項中兩筋間是也。

其二取足厥陰。經云。肝足厥陰之脈。上入頰額。連目系。故取之也。

其三取少陰。經云。手少陰之別。名曰通里。屬目系。取之掌後一寸也。又足少陽之正。陽明之正。皆繫目系。經無取法也。

〔子和〕余嘗病目赤。或腫或翳。作止無時。偶至新息帥府。百餘日。羞明隱澹。腫痛不已。忽眼科姜仲安云。宜刺上星至百會。速以銚針刺四五十刺。攢竹穴。絲竹空穴。上兼眉際二十刺。及鼻兩孔內。以草莖彈子出血如前。約二升許。來日愈大半。三日平復如初。

〔潔〕眼痛睛欲出者。須入關大刺十指間。

出血須七指縫

〔心〕眼暴赤腫。神庭 土庭 顙門 前頂 百會

各出血立愈

〔世〕眼眵腫。二間 行間

〔摘〕眼疼不可忍。風池 合谷

立愈

〔玉〕眼紅腫。羞明怕日。并昏。睛明

斜飛向鼻不可直針忌灸

童子筋

針入一分沿皮內透魚膠

太陽 皆脈上三

後針出血

〔竇〕眼痒痛。光明 第五各篇 行間

〔集〕羞明怕日。攢竹 合谷灸 小骨空灸如 二間

〔張〕風眼卒生翳膜疼痛。中指本節尖上灸三壯小麥大左灸右灸左

〔集〕諸障。晴明 四白在桑下一分 太陽 百會 商陽 厲兌 光

明 各出血。合谷 三里 命門 肝膈 光明 各灸之

〔撮要〕眼赤腫疼痛。陽谷一分偏灸 至陰

〔甲〕內眦赤腫。目眈眈無所見。皆痒痛。淫膚白翳。晴明主之。目眈

之。白膜覆珠子無所見。解谿主之。青盲無所見。遠視眈眈。目中

淫膚白膜覆瞳子。目窗主之。目痛口僻。辰目不明。四白主之。目

痛引眦。少腹偏痛。皆一作者嘔。癢癢。視昏嗜臥。照海主之。瀉左陰驕。取足

左少陰前。先刺陰驕。後刺少陰。氣在橫骨上。目中白翳。然谷取之。

目視不明。振寒。目翳瞳子不見。腰兩脇痛。脚痠轉筋。丘墟主之。

目赤目黃。顙第主之。目眩無所見。偏頭痛引目。外皆張急。頰厭主

之。目中痛不能視。上星主之。先取譙譙。後取天牖風池。目痛不

明。斷交主之。〔桑〕眼痛久不愈。魚際灸七

外障在睛外遮暗

經云。診目痛赤脈從上下者。太陽病。從下上者。陽明病。從外走內者。少陽病。按此論表裏之翳明矣。用以治症。如鼓應桴也。

凡赤脈翳。初從上而下者。屬太陽。以太陽主表。其病必連眉稜骨痛。或腦項痛。或半邊頭腫痛。是也。治法宜溫之散之。溫則臘茶鹽川附等分。煎服立愈。戴立齋嘗以此證用川附一錢。作一服隨愈。散則簡

要夏枯散。東垣選奇湯之類是也。一方。附子半兩。芽茶一大撮。白芷一錢。細辛川芎防風羌活荆芥各半錢。煎服神效。

〔簡〕夏枯草治眉稜痛。目翳從上下者。累效。必與退雲丸相兼服。夏枯草方。見目珠痛條。

〔垣〕選奇湯。治眉稜骨痛。目翳從上下者。妙。方見眉痛條

麻黃根分一

羌活半一兩

防風兩一

藁本七錢

細辛少許

薄荷葉二錢

荆芥穗七錢煎成藥加之

川芎三錢

小椒五分

當歸根三錢

生地酒一錢

黃柏四錢

知母五錢酒製

右咬咀。每服三錢。水三大盞。煎至一盞半。入荆芥穗再煎至一盞。

去渣。稍熱服。後忌酒濕麵。

〔本〕又方。

防風兩一

白蒺藜兩一

羌活半一兩

甘菊兩二

右爲細末。每服二錢。入鹽少許。百沸湯點服食後。赤脈翳。初從下而上者。或從內皆出外者。皆屬陽明。以陽明主裏。其症多熱。或便實是也。治法宜下之。寒之下。則局方流氣飲。錢氏瀉清丸。局方溫白丸。加黃連黃柏之類。累用累驗。寒則一味黃連羊肝丸之類也。

〔局〕流氣飲。治目生翳障。

大黃炮

牛蒡子炒

川芎

菊花枝去

白蒺藜炒去梗

細辛去苗

防風去苗

玄參去苗

山梔皮去

黃芩去蘆

甘草炙

蔓荊子

荊芥梗去

木賊去根節各一兩

草決明一兩半

蒼朮二兩

右爲末。每服二錢。臨臥用冷酒調下。

〔羅〕撥雲散。治因眼發。濕熱不退。而作翳膜遮睛。昏暗羞明。隱澹難開。

川芎

草龍膽

楮實

薄荷

羌活

荊芥穗

石決明

草決明

蒼朮

大黃

甘草

木賊

密蒙花

連翹

川椒

甘菊

桔梗

石膏

地骨皮

白芷

白蒺藜

檳榔各一兩

石燕對一

右件搗羅爲細末。每服三錢。溫茶清一盞調下。食後。一日三服。忌雜魚鳥諸肉。

海藏東垣先生治瘧後風熱毒。翳膜氣暈遮睛。以瀉清丸子瀉之大效。保命集云瘧後翳膜亦能治之。瀉清丸減大黃一半用之。

妻姪女。形肥。笄年時。得目疾。每一月或二月一發。發時紅腫。澹痛難開。如此者二年。服除風散熱等劑。及尋常眼藥。則左目反有頑翳。從銳眥來遮瞳人。右目亦有翳從下而上。經云。從內外走者。少陽病。從下上者。陽明病。予謂此少陽陽明二經有積滯也。脈短滑而實。晨則似短。潔古云。短爲有積滯。遏抑臟腑。宜下之。遂用溫白丸。減川芎附子三之二。多加龍膽黃連。如東垣五積法。從二丸每日加一丸。加至大利。然後減丸。又從二丸加起。忽一日於利中下黑塊血若干。如墨大而硬堅。從此漸覺痊而翳盡去矣。

〔世〕黃連羊肝丸。治目翳從下上者。從內皆出外者。神效。方見內障赤脈翳。初從外皆入內者。爲少陽。以少陽主半表半裏。治法宜和解之。神仙退雲丸之類是也。

〔垣〕神仙退雲丸。治一切翳暈。內外障昏無睛者。累效。妙方也。

川芎

當歸各一兩半

犀角酒洗

枳實

川棟

蟬殼

甘菊

薄荷葉不見火已上各半兩

外醫從
內者入
少陽和
解宜

瓜蒌仁 生者六錢

蛇退

密蒙花

荆芥穗 各二錢比三味與甘草同焙乾去甘草不用

地骨皮 洗

白蒺藜 微炒去刺

羌活

生地 酒洗焙乾各一錢

川木賊 一兩半去節童便煨一宿焙乾

右爲細末。煉蜜爲丸。每一兩。分作十丸。米泔湯調服。日進二三丸。食後。婦人當歸湯下。有氣者木香湯下。使之在人消息。

〔本〕治諸眼患。因熱病後。毒氣攻眼。生翳膜遮障。服此藥。逐旋消退。不犯刀針。

青箱子

防風

枳殼 各一兩

羌蔚子

細辛 各半兩

枸杞子

澤瀉

生地黃

石決明 各一兩半

黃連 半兩

車前子

川當歸

麥門冬 去心各二兩

右各如法修事。焙乾爲末。煉蜜丸。如桐子大。每服二十九。飯飲吞下。忌一切熱毒物。

〔垣〕羌活退翳湯。

羌活 二錢

防風 半一錢

黃芩 半兩酒炒

柴胡 三錢

黃連 二錢

五味子 二錢

黃柏 五錢酒炒

芍藥 五錢

草龍膽 五錢酒洗

黃芪 三錢

甘草

升麻 二錢

歸身 二錢

石膏 二錢半

右件。剉如麻荳大。水二盞。分作二服。煎至一盞。入酒少許。去渣。臨

臥熱服。忌言語。

消翳散。一名龍膽飲子。

青蛤粉半兩

羌活

龍膽草

黃芩炒各三錢

蟬退五分一云蟬退

麻黃一錢半

穀精草半兩

川鬱金半兩

甘草根炙五分

升麻二錢

右為細末。每服二錢。食後溫茶調下。已上四方熱多者宜之。

又方。

川芎

羌活

旋覆花

防風各二兩

甘草

蒼朮附煨一夕去皮日乾不見火

楮實

楮葉並八月採陰乾已上各一兩

甘菊

枳實

蟬退

木賊各一兩

右木白中治為末。茶清調下二錢。早食後。臨臥各一服。治暴赤眼。忌濕麵及酒。楮實須真。無實者取葉。不爾。諸藥無效。合時不得焙。及犯鐵器。予觀此方。取楮葉。必無實者。蓋陰陽二合相匹配耳。有實者陽也。無實取葉者陰也。所以不得真楮實者。悉無效。

〔羅〕五秀重明丸。治眼翳膜遮睛。隱瞢昏花。常服清利頭目。

甘菊花開頭五百箇

荆芥穗五百

木賊去節五百節

川椒開口者五百粒

楮實五百枚

右為細末。煉蜜為丸。如彈子大。每服一丸。細嚼。時時咽下。食後噙

化無時。臨臥。大忌酒麵熱物。已上二方無熱者宜之。

翳膜者。風熱重則有之。或癩入眼。此肝氣盛。而發在表也。翳膜已生

在表明矣。宜發散而去之。若反疎利。則邪氣內擄。為翳益深。邪氣未

表裏下

新醫分久

陰瀉陽補當陽陰
其後其先虛虛

定。謂之熱醫而浮。邪氣已定。謂之冰醫而沉。邪氣牢而深者。謂之陷醫。當以焮發之物。使其邪氣再動。醫膜乃浮。佐之以退醫之藥。而能自去也。病久者。不能速效。宜以歲月除之。

新醫所生。表散方。東垣完活除醫湯。有熱血虛者。退雲丸之類是也。
〔保〕治冰醫久不去者。鈴羊角散。

鈴羊角

升麻

細辛各等分

甘草半錢

右為末。一半煉蜜為丸。每服五七十丸。用一半為散。以泔水煎吞
丸子。食後。

焮發陷醫。亦鈴羊角散之類。用之在人消息。若陰虛有熱者。兼服神
仙退雲丸。

〔垣〕補陽湯。治陽不勝其陰。乃陰盛陽虛。則九竅不通。令青白醫見於大背。乃足太陽少陰經中鬱遏。足厥陰肝經氣不得上通於目。故青白醫內阻也。當於太陽少陰經中。九原之下。以益肝中陽氣。衝天上行。此當先補其陽。後於足太陽少陰標中。瀉足厥陰肝經陰火。乃次治也。內經曰。陰盛陽虛。則當先補其陽。後瀉其陰。此治法是也。每日清晨。以腹中無宿食。服補陽湯。臨臥服瀉陰丸。若天色變。大寒大風。并大勞役。預日飲食不調。精神不足。或氣弱俱不得服。候體氣和平。天氣如常。服之先補其陽。使陽氣上升。通於肝經之末。利空竅於

眼目矣。

羌活

獨活

當歸身去蘆頭用槍
截酒洗焙乾

甘草梢

熟地黃

人參去蘆

黃芪

白朮已上各
一兩

澤瀉

陳皮去白各
一兩

生地黃炒二
錢

白茯苓去
皮

知母炒黃色
各五錢

柴胡去苗
二兩

防風去蘆
半兩

白芍藥半
兩

肉桂去皮
一錢

右同為齏末。每服半兩。水一大盞。煎至一盞。去渣溫服。空心使藥

力行盡。方許食。

連柏益陰丸。

羌活

獨活

甘草根炒

當歸身依前
製

防風

五味子各半
兩

黃連酒洗或拌劉
炒火色一兩

石決明燒存性
五錢

草決明

黃芩

黃柏

知母各一
兩

右為齏末。煉蜜丸。如葶苈大。每服五十丸。漸加百丸止。臨臥。清茶

送下。常以助陽湯多服。少服此藥。以此藥一則妨飲食。二則力大

如升陽湯。不可多服。

升陽泄陰丸。

羌活

獨活

甘草根

歸身

熟地各一
兩

人參

黃芪

白朮各半
兩

澤瀉三
錢

陳皮三
錢

白芍藥二
兩

白茯苓

防風各三
錢

肉桂半
兩

生地酒洗炒
五錢

知母 酒炒三錢如大暑加一錢

楮實 酒拌半兩

柴胡 去苗一錢半

右吹咀每服五錢水煎熱服另合一料煉蜜丸如桐子大食遠茶清送下五十丸每日與前藥各一服不可飽服如天氣熱甚加五味子三錢或半兩天門冬去心半兩枳實亦加半兩

右上一三方合治一病空心補陽湯臨臥連柏丸食遠升陽泄陰丸

滋陰地黃丸治內障兼右目小皆青白翳瞳子散大 方見內障
〔丹〕丈夫因勞力後兩眼上星右邊獨昏此熱傷血

白朮

歸身尾

生地

木通

黃連 酒浸

黃芩 炒

黃柏 炒各二兩

甘草 炙一錢

分三帖煎服大熱加白芍藥

翳從下而上諸方瀉青之類 並見表裏上條

翳除盡至期年月日期復發者

或間一月或二月一發皆為積治如脈滑者宜溫白丸加黃連草龍

膽如東垣五積法服之

百點膏張濟民眼翳以至遮瞳人視物不明如覺雲氣遮障以此方

治之

黃連 二錢以水一碗煎至半碗再入後藥

當歸 六分 甘草 根六分

防風 根八分

麩仁 去皮尖三分

右剉如麻荳大麩仁另研如泥同熬滴入水中不散去渣沫入好

翳除至期復發者有積

瞳子散大補陰

雜方

蜜少許再煎。少時爲度。極要病人心淨。點之。點至目微痛爲度。一日點五七次。臨臥點尤妙。名曰百點膏。但欲多點。使藥力相續。完活退翳膏。治足太陽寒水膜遮左睛。白翳上視物不明。

椒樹 東南椽西北根各二兩

麻黃 去節根三分

完活 七分

黃連 分三

歸身 分六

防風 分三

柴胡 分三

生甘草 分四

升麻 分三

生地黄 分三

漢防己 分二

藜仁 分六

蔓本 分二

右淨水一碗。先煎漢防己黃連生甘草當歸身生地黄。煎至一盞。入餘藥再煎至一盞。去渣。入銀磁器內。熬稀膏點之。有力爲度。退翳膏子。治黑白翳。

荆芥穗 錢一

黃連 錢三

生地黄 半錢

甘草 分五

歸身 分六

連翹 分四

柴胡梢 分五

升麻 分三

防風 分四

藜仁 分三

青皮 分四

細辛 分一

右先用水半盞。浸荆芥一處。次將黃連生地黄甘草二味。用水一大碗。煎至半碗。再下餘七味。同煎至一盞。去渣。更上火熬至半盞。入荆芥水二匙。入蜜少許。再煎令勻。點之神效。

圓明膏。治內障生翳。及瞳子散大。皆勞心過度。飲食失節。

柴胡 去苗五錢

麻黃 去蘆五錢

歸身 錢三

生地黄 兩半

黃連去類
五錢

甘草二錢

訶子皮編紙裏
煨二錢

右七味先以水二碗熬麻黃至一碗去沫外六味各咬咀如荳大篩去沫子秤入內同煎滴水中不散去渣沫入蜜少許再熬點之右點方四皆東垣先生所製乃隨證立法非如泛常通用之方如腫子散大用訶子收之之類也

〔保〕金絲膏點眼

生薑取汁
四兩

白蜜煉去沫
一斤

殺猪膽汁三錢

黃連四兩搗碎用水
一斗煎至五升

右先煎黃連水後入薑汁次入蜜同煎去沫淨入下項

腦子

硃砂

熊膽各四錢

麝香

青鹽各三錢

輕粉少許

鵬砂二錢

右研細攪勻同煎令稀膏用之

〔羅〕金露膏

麤仁搗碎

黃丹各一兩

黃連半兩

蜜六兩

右件先將黃丹入鍋中炒黃至紫入蜜攪勻下長流水四升以嫩柳枝頭七莖把定攪之次下麤仁候滾十數沸又下黃連用柳枝不住手攪熬至二升單籬內傾藥在紙上慢慢滴之無令塵汚如有瘀血加硃砂一錢上火煨開入前膏子內用
夜光丸治赤眼翳目昏花

宣黃連

剉子去核各二兩

當歸一兩

銅綠一錢

右咬咀。用河水三升。同浸兩晝夜。入銀磁器熬取汁。再入文武火熬。槐柳枝攪。滴水成珠為度。

獾猪胰子

二箇先去脂以水洗換水無度令淨入糖連膏內煮黑色取出用之

蘆甘石

一兩童便一碗燒紅碎盡為度

黃連

四兩河水浸去渣焙乾研細用

青鹽

六兩細研

蜜

一斤澄去查蠟

梨

十枚去皮核絞取汁

右將梨汁甘石。入膏子內。熬五七沸。次入青鹽。用槐柳枝攪。褐色。傾入磁盆冷水內。拔去火毒。臘月合為妙。正月十一月次之。餘月皆不可。

〔濟〕蟾光膏。治遠年目病。不通道路。去翳膜。須用臘月成開日合。

白沙蜜

四兩色白者炒隔年葱一枝去鬚皮短切與蜜一同熬去白膜蠟蔥軟熟為度以綿濾淨放定用紙收取蠟面

黃丹

三錢水飛生用

蜜陀僧

三錢水飛生用

蘆甘石

燬過五錢淨水飛已上三味研極細傾入前蜜中用桃柳各一枝攪勻放下

當歸

赤芍藥

杏仁

湯泡去皮尖已上三味各三錢

黃連

去蘆頭淨二兩

川芎

半兩

秦皮

訶子皮

防風

石膏

玄精石

井泉石

無名異

玄參

代赭石

石決明

已上十五味各三錢。或咀或雪水或長流河水

沒藥

琥珀

硃砂

另研

麝仁

淨槌去油用仁

乳香

五升銀磁器內熬至二三升。濾去渣淨。再熬至一升。將十五味藥水傾入。前放下藥。蜜一同慢火熬。藥紫色。金色時。再添入後藥。勿令火急。

已上五味各三錢。前四味先研爛。後入麩仁水飛。一同研細。澄有渣。再水飛。可清。再水飛。方傾入前紫金藥內。一同復熬一二沸。以藥滴於水中。不散為度。大抵勿令過與不及。取下土中埋七日。取出置銀器中。如法收貯。再添入後細藥。傾入藥時。亦用桃柳枝攪勻。

南鵬砂

珍珠

龍腦

珊瑚枝

四味各一錢

麝香五分

右件五味。研極細。亦以桃柳枝攪勻。傾入前藥中。復攪勻。然後以紙封器盒口。旋取用。如有取不盡藥。用淨水斟酌洗碗。却將碗藥水熬三五沸。另行收拾。或洗眼。或膏子藥稠了時。傾入些少調解。右用桑柴燒。共計二十九味。

〔肘〕療目熱生膚。赤白膜。取雀屎細直者。人乳和付目上。消爛盡。烏賊骨。主目中一切浮翳。細研和蜜點之。又骨末治目中熱有效。〔丹〕治眼翳。樽白皮索為繩。日乾。燒為灰。研細點之。自漸退妙。又方。猪膽皮去汁。搦為繩。燒灰點之。亦妙。

〔東〕碧雲散。治外障搗藥。

麻黃根

兩

歸身

一錢

乳香

少

麝香

一分如少加乳香

右將當歸麻黃為粗末。炒黑色。入乳麝。研極細。噙化搐入鼻中。

搐鼻散

薄荷錢三

石膏錢一

芒硝

川芎各等分

細辛錢二

蔓荊子錢二

青黛錢一

右爲末。鼻內搐之。

〔丹〕揚生娘患赤眼。生膜似白星。

秦皮

滑石

黃連

荆芥

歸頭

赤芍藥各三錢

右分四帖煎洗。仍教其莫洗浴。止可洗脚。

〔干〕治法。以鵝翎截之。近黑睛及當白睛嚙之。膜自聚上。以針鈎挽之。割去卽見物。以綿當眼着。血斷三日瘡。

〔東垣〕醫魏邦彥夫人。目翳暴生。從下而起。其色綠。腫痛不可忍。先師曰。翳從下而上。病從陽明是也。緣非五方之正色。殆肺腎合爲病邪。乃就畫家以墨膩粉合成色諦視之。與翳同色。肺腎爲病無疑矣。乃瀉肺腎之邪。而入陽明之藥爲之使。既效。而他日病復作者三。其所從來之經。與翳色各異。乃以意消息之。曰。諸脈皆屬於目。脈病則從之。此必經絡不調。則日病未已也。問之果然。因視所不調者治之。病遂不作。

針灸外障。並見目赤門。

內障

在睛裏昏暗。與不患之眼相似。唯瞳人裏有隱隱青白者。無隱隱青白者亦有之。

〔丹〕一老人病目。暴不見物。它無所苦。起坐飲食如故。予曰。大虛。急煎人參膏二斤。服二日。目方見。一醫與青礞石藥。予曰。今夜死矣。不悟。此病得之氣大虛。今不救其虛。而反用礞石。不出此夜必死。果至夜半死。一男子四十餘歲。形實。平生好飲熱酒。忽目盲。脈瀼。此因熱酒所傷。胃氣汚濁之血。死在其中而然也。遂以蘇木作湯。調人參膏飲之。服二日。鼻內兩手掌皆紫黑。予曰。此病退矣。滯血行矣。以四物加蘇木桃仁紅花陳皮煎調。人參未服。數日而愈。一男子五十五歲。九月間早起。忽開眼無光。視物不見。急就睡片時。却能見人物。竟不能辨其何人何物。飲食減平時之半。神思極倦。脈之緩大四至之上。重按則散而無力。予作受濕治。詢之。果因臥濕地半個月。得此證。遂以白朮爲君。黃芪茯苓陳皮爲臣。附子爲佐。十餘帖而安。

右三方。治目不明。皆爲氣脫。而用參朮追回者也。經云。上焦開發。宜五穀味。薰膚充身澤毛。若霧露之概。是謂氣脫者。目不明。卽其證也。

人參補胃湯。治勞役飲食不節。內障眼病。此方神效。

黃芪根兩一

人參兩一

甘草錢八

蔓荊子錢二

白芍藥錢三

黃柏錢三 酒炒四 次炒四次

右咬咀。每服三四錢。水一大盞。煎至一盞。去渣。稍熱服。臨臥三五服。兩目廣大。視物如常。惟覺兩腳踏地。不知高下。蓋火伏升發故也。病減。住服。七日再服。此藥宜春間服之。

益氣聰明湯。治飲食不節。勞傷形體。脾胃不足。內障耳鳴。或多年視物昏暗。令目廣大。久服。無內障耳鳴耳聾之患。又令精神倍常。飲食增倍。身輕體健。耳目聰明。

黃芪兩半

甘草根錢六

人參兩半

升麻根錢三

葛根錢二

蔓荊子錢一

白芍藥錢一

黃柏錢一 酒洗四 次炒黃色

右咬咀。秤二錢。水二鍾。煎至一鍾。去渣。熱服。臨臥服。五更再煎服之。得睡更妙。如煩亂。或有熱。春月漸加黃柏。夏月倍之。如脾胃弱。去之。熱減亦少用。但有熱。或麻木。或上壅頭目。三兩服後。其熱皆除。又治老人腰以下。沉重疼痛。此藥久服。治人上重。反有精神。兩足輕浮。不知高下。空心服之。或少加黃柏。輕浮自減。小兒減服。多則壅滯。若治倒捷。去黃柏芍藥。忌煙火酸物。圓明內障。升麻湯。治內障得之脾胃。元氣衰弱。心火與三焦俱盛。為此疾。劉舜卿因南征。飲食失節。形體勞役。心不得休息。眼疾復作。今

擬此方服之效。

柴胡根七錢

羌活根一兩半

防風根兩半

白朮

甘草炙

歸根酒洗

升麻根各一兩

白芍六錢

乾薑二錢

五味子二錢

人參

葛根

黃芪各一兩

白茯苓三錢

右咬咀。每服五六錢。水三大盞。煎至二盞。入黃芩黃連湯二錢。同煎數沸。去渣。煎至一盞。食後熱服。

黃芩黃連湯。一方有升麻五錢。柴胡一兩。

黃芩酒洗炒

黃連去鬚酒洗

草龍膽一兩酒洗

生地一兩酒洗

右咬咀。每服二錢。入水二盞。煎數沸。去渣。再煎至一盞。熱服。午後

晚間俱不可服。唯午飯時服之方效。

復明散。治內障。

黃芪半一錢

川芎五分

柴胡

連翹

甘草炙各一錢

歸身二錢

蒼朮五分

生地一錢

陳皮五分

黃柏三分

右剉。如麻荳大。每作一服。水二大盞。煎至一盞。去渣。稍熱服。食後

忌酒濕麪辛熱大料之物。

右四方。治目不明。皆氣虛而未脫。故可與參芪中微加連柏。若氣

既脫則黃柏等涼劑不可施。經云：陽氣者，煩勞則張，精絕目盲，不可以視，耳閉不可以聽之類，是其證也。

內障瞳子散大論弁方。

腎主骨之精為瞳子散大者，因腎水虛骨枯而心包絡之火得以乘之也。

凡心包絡之脈

出於心中，代心君行事也。與少陽為表裏。瞳子散大者，少陰心之脈，挾目系，厥陰肝之脈，連目系，心主火，肝主木，此木火之勢盛也。其味則宜苦宜酸宜涼。大忌辛辣熱物，是瀉木火之邪也。飲食中常知此理可也。以諸辛主散，熱則助火，故不可食。諸酸主收，心氣瀉木火也。諸苦瀉火熱，則益水也。尤忌食冷水大寒之物。此物能損胃氣，胃氣不行，則元氣不生。元氣不生，緣胃氣下陷，胸中三焦之火，及心火乘於肺上，入胸灼髓，火主散，益瞳子之散大者。以此大熱之物，直助火邪，尤為不可食也。藥中去茺蔚子，以味辛及主益肝，是助火也。故去之。加黃芩半兩，黃連三錢，黃連瀉中焦之火，黃芩瀉上焦肺火，以酒洗之，乃寒因熱用也。亦不可用青葙子，為助陽火也。更加五味子三錢，以收瞳人之散大也。且火之與氣，勢不兩立。故經曰：壯火食氣，氣食少火，少火生氣。壯火散氣，諸酸物能助元氣。孫真人云：五月常服五味子，助五臟氣，以補西方肺金。又經云：以酸補之，以辛瀉之，則辛瀉氣明矣。或曰：藥中有當歸，其味亦辛甘而不去，何也？此一味辛甘者，以其和血之聖藥也。況有甘味，又欲以為導，導為諸藥之使，故不

去也。

熟地黃丸。治血弱氣虛。不能養心。致火旺於陰分。瞳子散大。少陰為火。君主無為。不行其令。相火代之。與心包絡之脈出心系。分為三道。少陽相火之體無形。其用在其中矣。火盛則能令母實。乙木肝旺是也。其心之脈挾目系。肝之脈連目系。況手足少陽之脈。同出耳中。至耳上角。斜起。終於目外小眦。風熱之盛。亦從此道來。上攻頭目。致偏頭腫悶。瞳子散大。視物昏花。血虛陰弱故也。法當養血涼血益血。收火散火。而除風熱。則愈矣。

熟地一兩

歸身酒洗五錢

柴胡去苗八錢

天門冬去心焙三錢

人參去蘆二錢

甘草炙二錢

地骨皮三錢

黃芩兩半

枳殼炒二錢

五味子三錢

生地黃七錢半
酒浸焙黃連三錢

右為細末。煉蜜丸。如菉荳大。每服一百丸。茶湯送下。食後。日二服。制之緩也。大忌辛辣物。而助火邪。及食寒冷物。損其胃氣。藥不上行也。又一論云。瞳子黑眼法。於陰由食辛熱之物。助火乘於胸中。其睛故散。睛散則視物亦大也。

益陰腎氣丸 此壯水之主以鎮陽光也。

山茱萸取皮一兩

茯神去皮心二錢半

五味五錢

熟地二兩

乾山藥五錢

澤瀉二錢

牡丹皮五錢

生地酒洗焙乾一兩

歸梢酒洗五錢

右爲細末。煉蜜丸。如桐子大。硃砂爲衣。每服五七十丸。淡鹽湯送下。

滋陰地黃丸。治內障。右眼小眚青白翳。大眚亦微顯白翳。腦痛。瞳子散大。上熱惡熱。大便澁後宿難。小便如常。遇熱煖處。頭疼暗脹能食。日沒後。天陰暗則昏。此症可服熟地黃丸。翳在大眚。加葛根升麻。翳在小眚。加柴胡羌活。

熟地八錢

生地酒洗半兩

歸身酒洗半兩

知母酒洗炒三錢

丹參半兩

黃柏酒浸焙半兩

芍藥一兩

防己酒洗焙二錢

羌蔚子半兩

牡丹皮三錢

寒水石一錢
生用

柴胡半兩

黑附一錢

川芎二錢

右爲細末。煉蜜丸。如小荳大。空心五十丸。白湯下。如宿食未消。候飢時服之。餌後。忌言語。隨後食壓之。

〔保〕當歸湯。治翳補益。瞳子散大。

歸身

黃芩各一錢

黃連

地黃各三錢

柴胡一錢

芍藥二錢

甘草炙三錢

右水煎臨臥服。

〔羅〕甘菊花丸。治男子腎臟虛弱。眼目昏暗。或見黑花。常服明目。煖

水臟活血駐顏壯筋骨。

甘菊花去土二兩 枸杞四兩

熟地三兩

乾山藥半兩

右為細末。煉蜜丸。如桐子大。每服三四十九丸。空心食後各一服。溫

水下。

〔瑞竹〕四神丸。治腎經虛損。眼目昏花。補虛益損。及兩眼雲翳遮睛。

甘州枸杞一斤揀去白膜青燒者一味分作四分一兩四錢用川椒一兩炒一兩四錢用乳香茴香各一兩炒一兩四錢用芝蔴一合炒炒時先用好酒一盞將枸杞淘過

右件炒過。將川椒等四味篩去不用。止用枸杞子。加熟地白朮扶

苓各一兩。同為細末。煉蜜為丸。如桐子大。每服五七十九丸。空心溫

酒送下。加甘菊一兩尤妙。

右地黃枸杞補腎。例按瞳子散大。不當用羌蔚川芎附子。今東垣

滋陰地黃丸兼用者。蓋有外障大小皆之醫故也。

〔保〕柴胡散。明目益腎水。

柴胡 羌活

防風

生地

芍藥 甘草各等分

右為龕末。水煎臨臥服。

東垣云。肝木旺。則火之勝無所畏懼而妄行也。故脾胃先受之。或病

目而生內障者。脾裏血。胃主血。心主脈。脈者血之腑也。或曰心主血

又云脈主血。肝之竅開於目也。治法亦前熟地黃丸之類是也

肝受邪者血病

〔河〕目昧不明。熱也。然玄腑者。無物不有。人之臟腑。皮毛肌肉筋膜。骨髓牙爪。至於世之萬物。盡皆有之。乃氣出入。升降之道。路門戶也。人之眼耳鼻舌身。意神識。能爲用者。皆升降出入之通利也。有所閉塞者。不能爲用也。若目無所見。耳無所聞。鼻不聞臭。舌不知味。筋痿骨痺。爪退齒腐。毛髮墮落。皮膚不仁。腸胃不能滲泄者。悉由熱氣。怫鬱玄腑。閉密。而致氣液血脈。榮衛精神。不能升降出入。故也。各隨鬱結微甚。而爲病之輕重。故知熱鬱於目。則無所見也。故目微昏者。至近則轉難辨物。由目之玄腑閉小。如隔簾視物之象也。或視如蠅翼者。玄腑有所閉合者也。或目昏而見黑花者。由熱氣甚而發之於目。亢則害。承乃制。而反出其泣。氣液昧之。以其至近。故雖微而亦見如黑花也。

誠哉河間斯言也。目盲。耳聾。鼻不聞臭。舌不知味。手足不能運用者。皆由其玄腑閉塞。而神氣出入升降之道。路不通利。故先賢治目昏花。如羊肝丸。用羊肝引黃連等藥入肝。解肝中諸鬱。蓋肝主目。肝中鬱解。則目之玄腑通利而明矣。故黃連之類。解鬱熱也。椒目之類。解濕熱也。羌蔚之類。解氣鬱也。芎歸之類。解血鬱也。木賊之類。解積鬱也。羌活之類。解經鬱也。磁石之類。解頭目鬱墜。邪氣使下降也。蔓菁下氣通中。理亦同也。凡此諸劑。皆治氣血鬱結目

昏之法。而河間之言。信不誣矣。至於東垣丹溪治目昏。用參芪補血氣。亦能明者。又必有說通之。蓋目主氣。血盛則玄腑得利。出入升降而明。虛則玄腑無以出入升降而昏。此則必用參芪四物等劑。助氣血運行而明也。

羊肝丸三方。又散一方。並見肝條。治肝中諸鬱。目昏如神。

〔本〕治久年眼生黑花不明者。

椒目炒一兩 蒼朮炒一兩

右件為末。醋糊丸。如桐子大。每服二十九丸。醋茶送下。不過十日取

效。丹溪云椒目行滲道不行也

〔外〕補肝散。治三十年失明。蒺藜子七月七日收。陰乾。搗散。飲食後。水服方寸匕。

〔崔〕但瞳子不壞者療。十得九愈。蔓菁子六升。蒸之。看氣遍。用甌下釜中熱湯淋。暴乾。還淋。如是三遍。即取杵篩為末。食上清酒調二錢

送下。日再服。本草云蔓菁子下氣利五臟又利大便通中益氣

經治虛勞目暗味。三月蔓菁花陰乾為末。以井花水空心調下二錢

七。久服長生。

〔世〕五福還瞳丹。治目白翳。赤石脂川椒二味同炒。辰砂扶神乳香棗肉為丸。如桐子大。空心溫酒下百丸。十服見效。

按內障先患一目。次第相引。兩目俱損者。皆有翳在。黑睛內遮瞳子而然。今詳通黑睛之脈者。目系也。目系屬足厥陰。足太陽。手少陰三經。蓋此三經。臟腑中虛。則邪乘虛入。經中鬱結。從目系入。黑睛內為翳。龍木論所謂腦脂流下作翳者。即足太陽之邪也。所謂肝氣衝上成翳者。即足厥陰之邪也。故治法以針言之。則當取三經之腧穴。如天柱。風府。太衝。通里等穴是也。其有手巧心審諦者。能用針於黑眼裏撥其翳。為效尤捷也。以藥言之。則當補中。疎滯。此三經之鬱結。使邪不入目系而愈。今集龍木論并方于後。

龍木論鈴羊角飲子。治圓翳內障。不痛不痒。

鈴羊角三兩

細辛

知母

車前子

人參

黃芩各二兩

防風二兩

右為末。每一錢。以水一盞。煎至五分。食後。去渣溫服之。

補肝散。治肝風內障。不痛不痒。眼見花。發黃白黑赤。或一物一形。

鈴羊角

防風各三兩

羌活

車前子各一兩

人參

茯苓各二兩

細辛

玄參

黃芩炒各一兩

右為末。食後調服一錢。米飲湯下。

鈴羊角散。治綠風內障。頭旋目痛。眼內痛澁者。

鈴羊角

防風

知母

人參

茯苓各一兩

玄參

黃芩

桔梗各一兩

細辛三兩

車前子一兩

右為末。以水一盞。散一錢。煎五分。食後。去渣溫服。

羚羊角湯。治青風內障。勞倦加昏重。頭旋腦痛。眼內痛澁者。

羚羊角

人參

玄參

地骨皮

羌活各一兩

車前子一兩

右為末。以水一盞。散一錢。煎至五分。食後。去渣溫服。

右四方。皆羚羊角玄參細辛羌活防風車前子為君。蓋羚羊角厥陰經藥也。丹溪云。羚羊角入厥陰經甚捷是也。玄參細辛。行少陰經藥也。海藏云。玄參治空中氤氳之氣。無根之火。為聖藥也。羌活防風。車前子。行太陽經藥也。如筋脈枯澁者。諸方中更加夏枯草。能散結氣。有補養厥陰血脈之功。嘗試之有驗。然此諸方。又當悟邪之所在。若氣脫者。必與參膏相半服之。氣虛者。必與東垣補胃人參湯。益氣聰明湯之類。相半服之。血虛者。必與熟地黃丸之類。相兼服之。更能內觀靜守。不干塵累。使陰氣平伏。方許作效。

蘆薈丸。黑水凝翳內障。不痛不痒。微有頭旋脈澁者。

蘆薈

甘草各一分

人參

牛膽各半兩

柏子仁

細辛各一兩

羚羊角二兩

肝中熱鬱

右爲末。煉蜜爲丸。如桐子大。空心茶下十九。

墜翳丸。治偃月翳。東花翳等病。微有頭旋額痛者。

青羊膽 青魚膽 鯉魚膽 各七箇 熊膽 一分

牛膽 半兩 麝香 少許 石決明

右爲末。麪糊丸。如桐子大。空心茶下十九。

除風湯。治五風變成內障。頭旋偏腫痛。瞳人結白者。

鈴羊角 車前子 芍藥 人參

茯苓 大黃 黃芩 芒硝 各一兩

右爲末。水一盞。散一錢。煎至五分。食後。去渣溫服。

磁石丸。治雷風內障。頭旋惡心嘔吐。

磁石 燒赤醋 五味子 牡丹皮 乾薑

玄參 各一兩 附子 炮牛

右爲末。煉蜜丸。如桐子大。食前茶下十九。

治目之方。用黃連多矣。而羊肝丸尤奇異。用黃連末一兩。白羊肝一具。去膜。同於磁盆內。研令極細。衆手撚爲丸。如桐子大。每服以溫水下三十丸。連作五劑。但是諸眼目疾。及障翳青盲皆治。忌豬肉冷水。唐崔承元爲官。治一死囚。出活之後數年。以病目致死。一日崔爲內障所苦。喪明。逾年後。半夜獨坐自歎。忽聞墻除窸窣之聲。崔問是誰。

徐曰。昔年蒙恩活囚也。今來報恩。遂將此方告訖而沒。依此合服。不數月眼復得明。

又方。治內障。

白羯羊肝 只用子肝一片
薄切新瓦上焙

熟地 一兩

兔絲子

藜仁

車前子

麥門冬

地膚子 去
蠟

澤瀉

防風

黃芩

白茯苓

五味子

桂心

杏仁 炒

細辛

枸杞子

羌蔚子

苦葶藶

青柏子 各一
兩

右為細末。煉蜜丸。如桐子大。每服三四十九丸。溫水下。日三服。不拘時候。張臺卿嘗苦目肝。京師香者。令灸肝俞。遂轉不見物。因得此方。眼目遂明。一男子內障。醫治無效。因以餘劑遺之。一夕燈下。語其家曰。適偶有所見。如隔門縫見火者。及旦視之。眼中翳膜俱裂。如線。張云。此藥靈勿妄與人。忽之則無驗。予益信之。且欲廣其傳也。

經云。肝虛。則目眈眈無所見。耳汨汨無所聞。善恐如人將捕之狀。海藏云。目瞑肝氣不治也。

又鎮肝明目。羊肝丸。

羯羊肝 一具新瓦盆中燉了更
焙之肝大止用一半

甘菊

羌活

肝氣

柏子仁

細辛

官桂

白朮

五味子 各半兩

黃連 三分

右為細末。煉蜜丸。如桐子大。空心食前。溫水下。三四十丸。
〔子〕補肝散。治目失明方。

青羊肝

一具去三薄切之。以新瓦瓶子未用者入肝於中。炭火炙之。為極細末。

蓼子 一合炒令香

右為末。食後服。方寸匕。日一。加至三匕。不過一二劑。能一歲服。可夜讀細書。

治目眇。眇無所見。方用青羊肝一具。細切。以水一斗。銅器中煮。以麩餅覆上。上鑽兩孔。如人眼大。以目向就薰。不過再薰即瘥。
養肝丸。治肝血不足。眼目昏花。或生眵淚。

當歸 酒洗

車前子 酒蒸

防風 去蘆

白芍藥

藜仁 另研

熟地 酒蒸

川芎

枳實 各等分

右為末。煉蜜丸。如桐子大。每服七十丸。熟水送下。不拘時。

素問云。久視傷血。血主肝。故勤書則傷肝。主目昏。肝傷。則自生風。熱氣上騰。致目昏。亦不可專服補藥。但服益血鎮肝明目藥自愈。

熟地黃丸

熟地 一兩半

黃連

決明子 各一兩

沒藥 兩半

甘菊花 二兩

防風

羌活 各一兩

桂心 五錢

珠砂五錢

右為細末。煉蜜丸。如桐子大。每服三十丸。熱水下。食後日三服。

〔干〕明目。髮不白落。方用牛膽浸槐子。陰乾百日。食後。每日吞一枚。十日身輕。三十日白髮再黑。百日通神。

膽移熱於腦。則辛頰鼻淵。傳為衄。蟻眼目。全文見診病傳變

腎虛

經云。腎足少陰之脈。是動則病坐而欲起。目眈眈如無所見。又云。少陰所謂起則目眈眈無所見者。陰內奪。故目眈眈無所見也。此蓋

房勞目昏也。

左腎陰虛

治瞳子散大諸方。並見前陰虛。睛散大。視物花條。

〔東〕益本滋腎丸。必與前陰虛睛散大條相兼服

黃柏去皮搗碎酒洗炒

知母去毛控碎酒洗炒各等分

右為極細末。滴水丸。如桐子大。每服百五十丸。熱湯送下。空心服。

服後以乾物壓之。

右腎陽虛

〔濟〕補腎丸。治腎氣不足。眼目昏暗。瞳人不明。漸生內障。

磁石煨醋焙七次水飛過

兔絲子酒蒸二次各二兩

五味子

熟地酒蒸焙

枸杞子

楮實子

覆盆子酒浸

肉蓯蓉酒浸焙

車前子酒蒸

石斛去根各一兩

沉香

青鹽二味另研

右為末煉蜜丸如桐子大每服七十丸空心鹽湯下

〔子〕神麴丸主明目百歲可讀細書

神麴四兩

磁石煨醋碎七次一兩

光明砂水飛一兩

右為末煉蜜丸如桐子大每服五丸米飲下食前日三服常服益眼力此方神驗不可具述

〔外〕治積年目失明不識人決明子二升杵散食後以粥飲服方寸

匕。本草云決明子微寒助肝氣益精水

〔子〕白瓜子七升絹袋盛攪沸湯中三遍暴乾以酢五升浸一宿暴乾為末酒調方寸匕服日三服之至百日可夜讀書。本草云白瓜子平寒外臺名補肝散主五勞七傷酢酸入肝

運氣目昏有四

一曰風熱經云少陰司天之政風熱參布雲物沸騰太陰橫流寒乃時至往復之作民病聾眠此風熱參布目昏也

二曰熱經云少陰在泉熱淫所勝病目瞑治以鹹寒此熱勝目昏也
三曰風又云歲水不及濕乃大行復則大風暴發目視眈眈此風勝目昏也

四曰燥經云陽明司天燥淫所勝目昧皆瘍治以苦熱是也

〔本〕讀書之苦傷肝損目誠然晉范甯嘗苦目痛就張湛求方湛戲

曰。古方宋陽子。少得其術。以授魯東門伯。次授左丘明。遂世世相傳。以及漢杜子夏。晉左太冲。凡此諸賢。並有眼目疾。此方用損讀書一減。思慮二。專內視三。簡外觀四。宜起晚五。宜早眠六。凡六物熬神火。下以氣。簇蘊於胸中。七日。然後納諸方寸修之。一年近能數其目睫。遠視尺箠之餘。長服不已。洞見牆壁之外。非但明目。乃亦延年。審如是而行。非可謂嘲戲。亦奇方也。

〔羅〕省郎中張子敬。年六十七歲。病眼目昏暗。微黑色。皮膚不澤。六脈弦細而無力。一日出示治目二方。問予可服否。予曰。此藥以黃連太苦之藥爲君。諸風藥爲使。且人年五十。膽汁減而目不明。內經云。土位之主。其瀉以苦。瀉風藥亦能瀉土。年六十。脾胃虛而皮肉枯。重瀉其土。使脾胃虛。而不能營運榮衛之氣。滋養元氣。胃氣不能上行。膈氣吐食。諸病生矣。又況年高衰弱。此藥不可服。只宜慎言語。節飲食。懲忿窒慾。此不治之治也。子敬以爲然。明年春。除關西路按察司。三年致仕還。精神清勝。脈遂平和。此不服寒涼之劑也。內經云。誅伐無過。是謂大惑解之可也。

〔靈〕黃帝曰。人之哀而涕泣者。何氣使然。岐伯曰。心者。五臟六腑之主也。目者。宗脈之所聚也。上液之道也。口鼻者。氣之門戶也。故悲哀愁憂則心動。心動則五臟六腑皆搖。搖則宗脈感。宗脈感則液道開。

液道開故涕泣出焉。液者所以灌精濡空竅者也。故上液之道開則泣。泣不止則液竭。液竭則精不灌。精不灌則目無所見矣。故命曰奪精。補天柱經俠頸。俠頸謂頸中分也

針灸內障有四法。此篇是其一也。

其二取肝。經曰。肝虛則目眈眈無所見。善恐。取其經。厥陰與少陰。取血者是也。

其三取腎。經云。腎足少陰之脈。是動則病目眈眈無所見。視寒熱虛實取之也。

其四取陽蹻。經云。邪之所在。皆為不足。上氣不足。目為之瞑。補足外踝下留之是也。

〔玉〕眼久病昏花。

肝膽

一分沿皮向外一寸半補三障

三里

一寸瀉

童子窳

〔子和〕戴人女僮至西華。目急暴盲。不見物。戴人曰。此相火也。太陽陽明氣血俱盛。乃刺其鼻中攢竹穴。與項前五穴。大出血。目立明。

〔甲〕青盲。遠視不明。承光主之。瞳子癢。遠視昏眈眈。夜無見。目獨動。與項口相參引。喎僻。口不能言。刺承泣。目瞑。身汗出。承漿主之。

〔撮要〕眼無光。

商陽

一分沿皮向後三分瀉之灸

〔甲〕青盲。商陽主之。

瞳目。目眈眈。偏歷主之。

瞳目。目眈眈。少氣。

灸手五里。左取右。右取左。

目瞑。遠視眈眈。目窗主之。

青盲。瞳目。

惡風寒上關主之。

龍木論內障根源歌。

不疼不痛漸昏蒙。
或見蠅飛花亂出。
此般狀樣因何得。
大叫大啼驚與恐。
初時一眼先昏暗。
苦口何須陳逆耳。
此時服藥宜銷定。
日久既應全黑暗。
名字隨形分十六。
靈藥這回難得效。
強修將息依前說。

針內障眼法歌。

內障由來十六般。
分明一一知形狀。
若將針法同圓翳。
冷熱光明虛與實。

薄霧輕烟漸漸濃。
或如絲絮在虛空。
肝臟停留熱與風。
腦脂流入黑睛中。
次第相牽與一同。
只緣肝氣不相通。
將息多乖卽沒功。
時名內障障雙瞳。
龍師聖者會推窮。
金針一撥日當空。
莫遣依前病復踪。

學醫人子審須看。
下針方可得安然。
誤損神光取瘥難。
調和四體待今安。

不然氣悶違將息。
咳嗽震頭皆未得。
若求涼藥銀膏等。
老醫細針初復嫩。
病虛新產懷娠月。
不雨不風兼皓月。
安心定意行醫道。
患者向明盤膝坐。
針者但行賢哲路。
有血莫驚須住手。
忽然驚振醫重卜。
七日解封難見物。
還睛丸散堅心服。

針內障後法歌。

內障金針針了時。
綿包黑豆如毬子。
頭安枕上須安穩。
封後忽然微有痛。

嘔逆勞神翳卻翻。
多驚先用鎮心丸。
用意臨時體候看。
針形不可一般般。
下手纔知將息難。
清齋三日在針前。
念佛親姻莫雜喧。
提撕腰帶得心安。
惻隱之情實善緣。
裹封如舊再開看。
服藥三旬見明然。
花生水動莫它言。
百日分明復舊根。

醫師言語要深知。
眼上安排目係之。
仰臥三朝莫厭遲。
腦風牽動莫它疑。

或針或絡依經法。

擬吐白梅含咽汁。

起則恐因遭努損。

七朝豉粥溫溫食。

大小便時須緩緩。

高聲叫喚言多後。

如此志心三十日。

狂心莫憶陰陽事。

一月不須臨洗面。

五腥酒麪周年斷。

右龍木論金針開內障大法。謹按其法。初患眼內障之時。其眼不

痛不澁不痒。頭不旋不痛。而翳狀已結成者。宜金針撥去其翳。如

撥雲見日而光明也。今具其略于後。

開內障圖

圓翳。初患時見蠅飛花發垂蠟薄烟輕霧先患一眼次第相牽俱

圓翳如油點浮水中陽看則小陰看則大金針一撥即去

浮翳。藏形時之深處細看

橫翳。橫如劍脊兩邊薄中央厚宜針于中央

冰翳。初患時頭旋額痛者眼臉骨

痛極仍將火熨之。

吐來仰臥卻從伊。

雖然希有也須知。

震着牙開事不宜。

無令自起與扶持。

驚動睛輪見雪飛。

漸行出入認親知。

夫婦分牀百日期。

針痕濕着痛微微。

服藥平除病本基。

滑翳。翳如水銀珠

旋翳。宜金針撥之

宜針撥之

宜針撥之

宜針撥之

俱損初患之時其眼痛澁頭旋額痛雖有翳狀亦難針撥獨

偃月翳。初患時惟有頭旋額痛先患一目次第相牽

俱損翳一牛厚一牛薄宜針先從厚處撥之

聚花翳。初患時微有頭旋眼溢眼中時時疼痛先患一眼向後俱翳。
○散翳。翳如酥點乍青。
○黑水凝翳。初患時頭旋眼溢見花黃黑。
○驚振翳。頭腦被打築惡血流入眼內至二三
年成翳翳白色先患之眼不宜針牽
損後患之
眼宜針之

雖不痛不痒其翳黃色紅色者不宜針撥。翳狀破散者不宜針撥。中
心濃重者不宜針撥。撥之不動者曰死翳。忌撥。獨白翳黃心宜先服
藥。後針之。若無翳者名曰風赤。不宜針。

白翳黃心。翳四邊白中心黃者先服逐翳散。針足經所。
○烏風。牙翳但瞳人小三五年內
結成翳青白色不宜針視

物有花為虛宜
藥補不宜藥瀉
○肝風。牙翳眼前多見虛花或白或黑或赤或黃或
○五風變。初患時頭旋
先患或因嘔吐雙目
見一物二形二眼同患宜補治切忌房勞
痛瀉先患一眼向後俱損無翳目見花或紅或黑

俱暗瞳子白如霜
○綠風。初患時頭旋額角偏痛連眼臉眉及鼻頰骨痛眼內
痛瀉先患一眼向後俱損無翳目見花或紅或黑
○黑風。初患
旋額偏痛連眼臉鼻頰骨痛眼內痛瀉
先患一眼向後俱損無翳眼見黑花
○雷頭風。初患時微有痛瀉頭旋腦痛先患
變。初患時頭旋惡心嘔吐先患一目次第
相牽俱損瞳人或大或小凝脂結白

能遠視不能近視 能近視不能遠視

〔東〕能遠視不能近視者。陽氣有餘。陰氣不足也。乃血虛氣盛。血虛
氣盛者。皆火有餘。元氣不足。火者。元氣穀氣真氣之賊也。元氣之來
也。徐而和。細細如線。邪氣之來也。緊而強。如巨川之水。不可遏也。
〔海〕目能遠視。責其有火。不能近視。責其無水。法當補腎。
〔東〕地芝丸。治目不能近視。能遠視。及大厲風成癩。悉皆治之。

生地焙四兩

天門冬去心四兩

枳殼炒二兩

甘菊花去皮二兩

陰虛不能近視

陽虛不能遠視

右同為細末。煉蜜丸。如桐子大。每服一百丸。茶清送下。溫酒亦下。食後。六味地黃丸。亦治此症。

能近視不能遠視者。陽氣不足。陰氣有餘。乃氣虛而血盛也。血盛者。陰火有餘也。氣虛者。元氣衰弱也。此老人桑榆之象也。

〔海〕目能近視。責其有水。不能遠視。責其無火。法宜補心。

〔東〕定志丸。出局方治眼不能遠視。能近視者。

遠志去苗心

人參一兩

白茯苓去皮

菖蒲二兩

右為末。煉蜜丸。硃砂為衣。每服十丸。加至二十丸。

雀目日落即不見物

〔無〕蛤粉丸。治雀目。日落不見物。

蛤粉細研

黃蠟等分

右溶蠟搜粉為丸。如棗大。每用豬肝一片。二兩許。批開。裹藥一丸。麻線纏入甕內。水一碗。煮熟。取出乘熱。候其至溫。吃肝。以愈為度。神效。

〔千〕雀目方。

地膚子錢五

決明子升一

右二味為末。以米飲汁和丸。食後服二十九。至三十九。日日服至瘥止。

濕痰

〔世〕治雀目。用蒼朮四兩。米泔水。浸一宿。切作片。焙乾為末。每服三錢。猪肝二兩。批開。糝藥在內。用麻線繫定。粟米一合。水一碗。砂鍋內煮熟。熏眼。候溫。臨臥服之。大效。

〔聖〕治雀目眼。不計時月。用蒼朮一兩。搗羅為末。每服一錢。不計候。

〔心〕雀目不能夜視。神庭 上星 前頂 百會 各出血以鹽塗之立愈 又

法。照海 肝脰

目淚不止

〔素〕厥則目無所見。夫人厥則陽氣并於上。陰氣并於下。陽并於上。則火獨光也。陰并於下。則足寒。足寒則脹也。夫一水不勝五火。故目皆盲。是以氣衝風泣下而不止。夫風之中目也。陽氣內守於精。是火氣燔目。故見風則泣下也。有以比之。夫火疾風生。乃能雨。此之類也。

解精
微論

〔子和〕凡風衝淚出。俗言作冷淚者。非也。風衝于內。火發于外。風熱相搏。由是淚出。內外皆治可愈。治外以貝母一枚。白膩者。加胡椒七粒。不犯銅鐵。研細。臨臥點之。治內以當歸飲子服之。

當歸

大黃

柴胡

人參

黃芩

甘草

芍藥

滑石

右切碎。每服三錢至五錢。水一盞。生薑三片。同煎七分。去渣溫服。

寒濕
積滯
淚出

肝為淚。全文見五臟

〔垣〕水附木勢。上為眼澁。為眇。為冷淚。此皆由肺金之虛。而肝木寡於畏也。

〔孫〕英宗朝國婆婆。患眼冷淚。眼科醫官治二三年。不能療。上召孫孫至曰。臣非眼科。但有藥耳。容進方。用石決明一兩。赤小荳一兩半。半夏五錢。生班猫二十一粒。炒去頭足。木賊五錢。為末。薑汁丸。如桐子大。每服二十九丸。薑湯下。方進。聖旨下眼科詳定。眼科醫官奏曰。此方於眼科甚不相涉。班猫有毒。恐傷臟腑。不敢用。合再取聖旨。國婆婆聞之曰。眼科醫官不惟不能。亦不愿使我治也。但合此藥。縱傷無怨。上聞之。孫自進藥服。經十餘日愈八分。二十日全愈。時眼科並降兩官。孫賞錢三十萬。
銀海止淚方。

蒼朮 米泔浸一兩半

木賊 去節二兩

香附子 炒去毛

右為末。煉糊丸。如桐子大。食後。鹽湯下三九。

經云。風氣與陽明入胃。循脈而上。至目內眦。則寒中而泣出。此中風寒淚出也。

〔河〕當歸湯。治風邪所傷。寒中目。淚自出。肌瘦。汗不止。

當歸

人參 各三兩

官桂 一兩

乾薑 炮

汗多
淚出
者風
寒入
胃

白朮

白茯苓

甘草

川芎

細辛

白芍藥各半兩

陳皮一兩

右爲末。每服二錢。水一盞。生薑三片。棗二枚。同煎至八分。去渣。熱服。不計時。併三服。

〔本〕治頭風冷疾。龐安常二方。

甘菊

決明子各二錢

白朮

羌活

川芎

細辛

白芷

荆芥穗各半兩

又方。右爲細末。每服一錢。溫湯調下。食後日三服。

川芎

甘菊

細辛

白朮

白芷已上各等分

右爲末。蠟丸。如黍米大。夜臥服一丸。日中一時辰換一丸。

〔本〕治風盛隔壅。鼻塞清涕。熱氣攻眼。下淚多眵。齒間緊急。作頭痛。

川芎丸。

川芎

柴胡各一兩

半夏麩

甘草炙

甘菊

人參

前胡

防風各半兩

右每服四錢。水一盞。生薑四片。薄荷五葉。同煎七分。去渣。溫服。

〔靈〕五臟六腑。心爲之主。耳爲之聽。目爲之視。肺爲之相。肝爲之榮。

脾為之衛。腎為之主外。故五臟六腑之津液。盡上滲于目。心悲氣并。則心系急。心系急。則肺舉。肺舉。則液上盜。夫心系與肺。不能常舉。乍上乍下。故欬而泣出矣。

〔丹〕婦人患眼眇。不思食。四物湯加白朮陳皮黃芩連翹。分六帖煎。食前熱服。又灸合谷。

〔肘〕治眼淚出不止。用黃連濃漬。綿乾拭目。

〔山〕風淚眼。九節黃連和槐樹皮灰。龕末。熬湯澄清頻洗。

〔垣〕神效明目湯。連翹飲子。治淚不止。二方並見
倒睫拳毛

運氣。淚出皆從風熱。經曰。厥陰司天之政。三之氣。天政布。風乃時舉。

民病泣出是也。

〔集〕迎風冷淚。眇矇黑花。

大骨空

小骨空

如上法灸
之吹火滅

二間

一分沿
皮向後

刺五分
灸之

合谷灸

風沿爛眼

風沿眼系。因上膈有積熱。自飲食中挾怒氣而成。頑痰痞塞。濁氣不降。清氣不上升。由是火益熾而水益降。積而久也。眼沿因膿漬而腫。於中生細小蟲絲。遂年久不愈。而多痒者是也。用紫金膏。以銀釵脚。搯去油膩點之。試問若果痒者。又當去蟲。以絕根本。蓋紫金膏止是去濕。與去風涼血而已。若前所謂飲食挾怒成痧。又須更與防風通

針灸

運氣

聖散。去硝黃爲細末。以酒拌勻晒乾。依法服之。禁諸厚味及大料物。
方盡諸法之要。紫金方未詳即蘭室祕藏
眼目門登晴紫金丹是也
防風通聖散。方見

〔世〕蘆甘石散。治爛風眼。以蘆甘石不拘多少。先用童便煅七次。次用黃連濃煎汁煅七次。次用穀雨前茶清濃煎煅七次。又併三汁餘者一次。再煅三次。然後安放地上。一宿。出火氣。細細研入冰片麝香。點上神妙。蘆甘石煅時。須用好紫銷炭極大者鑿一穴。以安蘆甘石。
〔丹〕治風沿爛眼。二蠶沙用香油浸月餘。重綿濾過。點之。愈久愈妙。
〔世〕紫金膏。用水飛過。號丹。蜜多水少。文武火熬。以器貯點之。
〔保〕治眼赤瞎。以青泥蛆淘淨。晒乾末之。仰臥合目。用藥一錢。放眼上。須臾藥行。待少時去藥。赤瞎自無。

〔東垣〕目眵赤爛歲久。俗呼赤瞎是也。常以三稜針刺目外。以洩濕熱立愈。

〔撮要〕風弦爛眼。大骨空在手大指第二節尖
灸九壯以口吹火滅 小骨空在手小指二節尖
灸七壯亦吹火滅

倒睫拳毛

眼睫毛。倒入眼中央是也。

〔垣〕神效明目湯。治眼楞緊急。致倒睫拳毛損目。及上瞼內赤爛。睛亦疼痛昏暗。日則冷淚長流。夜則眼眵滿眼。

葛根半錢

甘草根錢二

防風根錢一

蔓荊子錢五

細辛根分三

又一方。加黃芪根錢一

右以咀。作一服。水一盞。入分。煎至一盞。去渣。稍熱。臨臥服效。

防風飲子。治倒睫拳毛。

黃連炒

甘草炙

人參各一錢

葛根

防風各五分

歸身一錢

細辛葉

蔓荊子各三分

右剉如麻荳大。都作一服。水二大盞。煎至一盞。去渣。溫服。食後。避

風寒濕熱處。眠之。

神效黃芪湯。治渾身麻木不仁。及兩目緊急縮小。羞明畏日。或隱澁難開。或視物無力。睛痛昏花。手不得近。或目少睛光。或目中熱如火。服五六次神效。

黃芪二兩

人參去蘆二兩

甘草錢一

蔓荊子剉二錢

白芍藥二兩

陳皮去白半兩

右以咀。每服四五錢。水一盞。入分。煎至一盞。去渣。臨臥稍熱服。如

小便淋澁。加澤瀉五分。如有大熱證。加黃柏三錢。酒浸四次炒。如

麻木不仁。雖有熱。不用黃柏。再加黃芪一兩。如眼縮小。去芍藥。忌

酒醋濕麵大料物。蔥韭蒜及淡滲生冷硬物。如麻木重甚者。加芍

藥一兩。木通一兩。

撥雲湯。戊申六月。徐總管患眼疾。於上眼皮下。出黑白翳二箇。隱澁難開。兩目緊急而無疼痛。兩手寸脈細緊。按之決大無力。知足太陽膀胱。為命門相火煎熬。逆行作寒水翳。及寒膜遮睛。與下項一服神效。外證呵欠。善悲健忘。嚏噴時自淚下。面赤而白。能食。不大便。小便數。而欠氣上而喘。

黃芪分七

細辛葉五分

柴胡分七

生薑

荊芥各一分

防風半錢

羌活半錢

藁本一錢

甘草一錢

升麻一錢

葛根五分

川芎五分

知母一錢

黃柏半錢

歸身一錢

右剉如麻荳大。作一服。水二大盞。煎至一盞。稍熱服。

連翹飲子。治目中溜火。惡日與火。隱澁。小角偏緊。久視昏花。迎風有淚。

蔓荊子

甘草

連翹各三分

柴胡分二

酒黃芩分五

生地分三

防風分五

人參分三

黃芪分五

紅葵花分三

升麻一錢

歸身分二

羌活分五

右吹咀。每服五錢。水二盞。煎至一盞。去渣。稍熱食後服。前一。方。治

倒睫拳毛。後三方。治眼楞緊急縮小。眼楞緊縮小者。倒睫拳毛之漸也。故以其方附於後。蓋陽虛則眼楞緊急。陰虛則瞳子散大。故東垣治眼楞緊急。用參芪補氣為君。佐以辛味疎散之。而忌芍藥五味子之類。酸收是也。治瞳子散大。用地黃補血為君。佐以酸味收斂之。而忌茺蔚子青葙子之類是也。

治倒睫眼方。以無名異末。摻捲在紙中。作燃子點着。至藥末處吹殺。以烟薰之自起。

〔本〕治倒睫爛弦。

蠶沙兩一

號丹錢五

右二味。慢火熬成膏。入輕粉五分。熬黑色。逐時湯泡洗。

〔瑞〕青黛散。治眼倒睫極效。

蠟刺

東棘針

白芷

青黛

右各等分。為細末。左眼倒睫。口噙水。左鼻內搗之。右眼倒睫。右鼻內搗之。

〔山〕眼毛倒睫。摘去拳毛。用虱子血點入眼內。數次即愈。

〔垣〕眼生倒睫拳毛。由目緊急皮縮之致也。蓋內伏熱攻。陰氣外行。

當去其內熱。并火邪。使眼皮緩。則眼毛立出。翳膜亦退。用法。攀出內瞼向外。刺以三稜針。針出熱血。以左爪甲迎住針縫。立愈。

努肉攀睛

〔羅〕還睛散。治眼翳膜昏澁淚出。瘀血努肉攀睛。

川芎

草龍膽

草決明

石決明

荆芥

枳實

野菊花

野麻子

白茯苓皮去

甘草炙

木賊

白蒺藜

川椒炒去子

仙靈脾

茵陳已上各半兩

右爲細末。每服二錢。食後茶清調下。一日三服。忌食魚肉及熱麵。

蕎麥等物。一方有楮實子。無仙靈脾茵陳枳殼三味。

〔圖〕治卒患赤目。努肉生。內痛者。取好梨一箇。搗絞汁。黃連三枚。碎之。以綿裹漬。令色變。仰臥注目中。

外主目翳。反努肉。用礬石最白者。納一黍米於翳上。及努肉上。卽冷淚出。綿拭之。令惡汁盡。其疾日減。翳自消薄便痊。礬石須真白者方效。

〔子〕治目中生息肉。翳滿目閉。瞳子及生珠管方。

貝齒七枚燒爲末

眞珠等分

右爲細末如粉。以注翳肉上。不過五度卽痊。

〔集〕努肉攀睛。 晴明 風池 太陽出血 期門

飛絲塵垢入目

〔世〕治飛絲入目者。用頭垢點入眼中即出。神效。飛絲入眼。用柘樹漿點了。綿裹筋頭。蘸水於眼上。繳拭涎毒。治飛絲入目。以火麻子一合。杵碎。并花水一碗。浸攪。卻將舌浸水中。涎沫自出。神效。一方用茄子葉

碎杵如麻子法尤妙

〔丹〕飛絲落眼。眼腫如眯。痛澁不開。鼻流清涕。用京墨濃磨。以新筆塗入目中。閉目少時。以手張開。其絲自成一塊。看眼白上。卻用綿輕輕惹下。則愈。如未盡再塗。此方累效。治眯目。鹽與豉置水中。浸

之。視水其渣立出。孫真人方

〔干〕治稻麥芒入眼。取蜻蟻以新布覆目上。待蜻蟻從布上摩之。其芒出着布上。

〔山〕物落眼中。用新筆蘸繳出。又方。濃研好墨。點眼立出。

視歧亂見

精相不
比視歧

〔靈〕帝曰。余嘗上清冷之臺。中堵而顧。匍匐而前。則惑。余私異之。竊內怪之。獨瞑獨視。安心定氣。久而不解。獨搏獨眩。被髮長跪。俛而視之。後久之不已也。卒然自上。何氣使然。岐伯曰。五臟六腑之精氣。皆注於目。而為之精。精之窠為眼。骨之精為瞳子。筋之精為黑眼。血之精為絡。其窠氣之精為白眼。肌肉之精為約束。裹擷筋骨血氣之精。而與脈并為系。上屬於腦。後出於項中。故邪中於項。因逢其身之虛。

其入深。則隨眼系以入於腦。入於腦則腦轉。腦轉則目系急。目系急則目眩以轉矣。邪中其精。其精所中。不相比也。則精散。精則視歧。故見兩物。大惑論

〔本〕荀牧仲頃年嘗謂予曰。有人視一物爲兩。醫作肝氣盛。故見一爲二。服瀉肝藥皆不驗。此何疾也。予曰。孫真人曰。靈樞有云。目之系上屬於腦。後出於項中云云。則視歧故見兩物也。令服驅風入腦藥得愈。

〔靈〕目者五臟六腑之精也。榮衛魂魄之所常營也。神氣之所生也。故神勞則魂魄散。志意亂。是故瞳子黑。眼法於陰。白眼赤。脈法於陽也。故陰陽合轉而精明也。目者。心之使也。心者。神之舍也。故神精亂而不轉。卒然見非常處。精神魂魄散不相得。故曰惑也。帝曰。余疑其然。余每之東苑。未會不惑。去之則復。余唯獨爲東苑勞神乎。何其異也。岐伯曰。不然也。心有所喜。神有所惡。卒然相感。則精氣亂。視誤。故惑。神移乃復。是故間者爲迷。甚者爲惑。大惑篇

〔素〕未精明者。所以視萬物。別白黑。審長短。以長爲短。以白爲黑。如是則精衰矣。

右目亂。見治法。東垣益氣聰明之類是也。

目閉不開

足太陽之筋。爲目上綱。足陽明之筋。爲目下綱。熱則筋縱。目不開。

全文

見筋
詢條

睛目直視。睛目者目睛斜倒不
正小兒謂之癩睛

〔甲〕睛目者。水瀆主之。

〔集〕直視者。視物而目睛不轉動者是也。若目睛動者。非直視也。傷寒直視者。邪氣壅盛。冒其正氣。使神氣不慧。臟腑之氣。不上榮於目。則目爲之直視。傷寒至於直視。爲邪氣已極。證候已逆。多難治。經曰。衄家不可發汗。後汗則額上陷。脈緊急。直視不能瞬。不能眠。以肝受血而能視。亡血家。肝氣已虛。目氣已弱。又發汗亡陽。則陰陽俱虛。所致也。此雖錯逆。其未甚也。逮狂言反目直視。又爲腎絕。直視搖頭。又爲心絕。皆臟腑氣脫絕也。直視譫語。喘滿者死。下利者亦死。又劇者發狂。則不識人。循衣摸牀。惕而不安。微喘直視。脈弦濇者死。皆邪氣盛而正氣脫也。

少陽終者。其百節縱。目眚絕系。全文見診生死條目系絕故目不動而直
視王注云眚謂直視如驚貌○眚音瓊

目上視

瞳子高者。太陽不足。戴眼者。太陽已絕。全文見診生死戴眼者
目直視不能轉動也

太陽之脈。其終也。戴眼反折。瘵癧。

針灸目上視。見中風上。

肝實則脇痛
怒中

醫學綱目卷之十四 肝膽部

脇痛

脇痛氣逆

附腋腫

腋臭

脇

〔丹〕肝木氣實。肝火盛而脇痛者。當歸龍薈丸。為瀉肝火要藥。脇痛甚者。用生薑自然汁。吞下龍薈丸。以肝火盛也。龍薈丸方見治法門肝實條
經云。肝氣實則怒。又云。肝痛者。兩脇下痛引少腹。善怒。龍薈丸治肝實脇痛。其人氣收者。善怒是也。甚則用薑汁吞下。經云。風木淫勝。治以辛涼是也。

壽四郎右脇痛。小便赤少。脈少弦不數。此內有陳久積痰飲。因外感風寒所遏。不能宣散。所以作痛。與龍薈丸三十五粒。保和丸三十粒。細嚼薑片。以熱湯下。服後脇痛已安。小便尚赤少。再與

白朮三錢

陳皮

芍藥各二錢

木通一錢半

條芩一錢

甘草五分

右薑三片。煎熱飲之。

一婦人脾疼。帶脇痛。口微乾。問已多年。時尚秋。用二陳湯加川芎乾葛青皮木通下蘆薈丸二十粒。章宅張郎氣痛。自右脇時作時止。脈沉而弦。小便時有赤色。吞酸喜嘔。出食。此濕痰在脾肺間。所以肝善乘之。小柴胡湯去黃芩。加川芎白朮木通芍藥滑石生薑煎湯。下

保和丸三十五粒

一婦人氣暈。兩脇胸背皆痛。口乾。

青皮

半夏錢五

白朮

黃芩

川芎錢三

木通錢二

陳皮錢二

桔梗錢二

甘草錢五

右分六帖。煎熱服。

又脇下有食積一條扛起。加吳茱萸炒黃連。

〔本〕治因驚傷肝。脇骨裏疼痛不已。桂枝散。

枳殼一兩

桂枝半兩

右為細末。每服二錢。薑棗湯調下。

〔潔〕勻氣散。專治脇痛。

山梔

熟地

茯苓

細辛

桂心

川芎各等分

右研為末。加羊脂煎服。

〔本〕治脇下疼痛。不可忍。兼治肺弱。芎葛湯。

川芎

乾葛

桂枝

細辛

枳殼

人參

芍藥

麻黃

防風各半兩

甘草二錢

右為粗末。每服五錢。水二盞。生薑二片。同煎至七分。去渣。溫服日

脇痛 積食 中情 肝虛

三服有汗避風。

治脇下風氣作塊。寒疝發。則連小腹痛。按心。其積屬肝。在右脇下。故病發則右脇手足頭面昏痛。不思飲食。

乾葛一兩

麻黃二分

附子一個

川芎

防風

當歸

枳實

芍藥

桂枝

羌活

甘草各四錢

右為粗末。每服四錢。水一盞半。生薑三片。同煎至七分。去渣。服日三。有汗避風。

治脇痛如前。兼去手足枯痺。薏苡仁丸。

薏苡仁一兩

石斛用細者二錢

附子半兩

牛膝

生地黃各三錢

細辛

人參

枳殼

柏子仁

川芎

當歸各半兩

甘草

桃仁各一兩

右為細末。煉蜜丸。如桐子大。每服三四十丸。酒吞下。食前日三服。丸子食前煮散。食後相兼服為佳。

治悲哀煩惱。傷肝氣。至兩脇骨疼。筋脈緊。腰脚重滯。兩股筋急。兩脇牽痛。四肢不能舉。漸至脊脊攣急。此藥大治脇痛。枳殼煮散。

枳殼四兩先煎

細辛

桔梗

防風

川芎

各二兩

葛根

半兩

甘草

右為粗末。每服四錢。水一盞半。薑棗同煎至七分。去渣。空心食前溫服。

右肝虛脇痛。經所謂木不及。病中清。眩脇痛是也。中清謂中有寒也。熱實脇痛。當歸龍薈丸是也。

〔仲〕脇下偏痛。發熱。其脈弦緊。此寒也。以溫藥下之。宜大黃附子湯。

大黃

三錢

附子

二枚

細辛

二兩

右三味。以水五升。煮取二升。分溫三服。若強人煮取二升半。分溫三服。服後如人行四五里。更進一服。

〔垣〕神保丸。治心膈痛。腹痛。血痛。腎氣脇下痛。大便不通。氣噎。宿食不消。

木香

二錢

胡椒

二錢

巴豆

十枚去皮心膜研

乾蠟

七枚

右四味。共為末。湯浸蒸餅為丸。如麻子大。亦用硃砂為衣。每服五丸。心膈痛。柿蒂燈心湯下。腹痛。柿蒂煨薑湯下。血痛。炒薑醋湯下。腎氣脇下痛。茴香酒下。大便不通。蜜湯調枳榔末一錢下。氣噎。木香湯下。宿食不消。茶酒任下。

許學士云。沈存中良方載頃在建陽醫者王琪言。諸氣唯膀胱脇下痛。最難治。謂神保丸能治之。熙寧中。病項筋骨痛。諸醫皆作風治之。

寒實
熱實

數月不瘥。乃流入於背脊。又臂攣痛甚苦。憶琪語有證。乃合服之。一服而瘥。再發又一服。立效。

〔潔〕煮黃丸。治脇下法癰。痛如神。方見內傷欬金

〔丹〕控涎丹。治一身氣痛及脇走痛。痰挾死血。加桃仁泥。凡脇痛有痰流注。二陳加南星川芎蒼朮。實者。控涎丹下之。

〔本〕治男子兩脇疼痛。枳實散。

枳實兩一

白芍藥炒

雀腦芎

人參各半兩

右細末。薑棗湯調二錢。酒亦得。食前。日三服。

〔東〕調中順氣丸。治三焦痞滯。水飲停積。脇下虛滿。或時刺痛。

木香

白芷剉去殼

青皮剉

京三稜剉各一兩

陳皮

大附子各二兩

半夏湯剉七次一兩

縮砂去殼

枳榔

沉香各半兩

右為末。煮麵糊為丸。如桐子大。每服三十九丸。漸加六十九丸。食後。陳

皮湯送下。

沉香導氣散。治一切氣不升降。脇肋痞塞。

沉香二錢半

人參五錢

枳榔半兩

白朮

烏藥

麥蘖炒

神麴炒

紫蘇葉

大腹皮炒

厚朴製各一兩

訶子皮剉半兩

香附剉一兩

薑黃

橘紅

甘草

各四兩

京三稜

二兩

廣茂

炮四兩

益智

二兩

紅花

四兩

右為細末。每服二錢。食前沸湯點服。

丹溪云。脇痛有死血者。桃仁紅花川芎之類是也。若跌撲脇痛者。亦為汚血流歸脇下而痛。東垣復元活血湯之類是也。治法見顛撲傷損門。

運氣

運氣脇痛者。鄉境皆病脇痛也。其證有二。

其一。風木助肝氣實而痛。經云。厥陰所至為脇痛。又云。厥陰在泉。風淫所勝。民病兩脇。裏急支滿。又云。少陽司天之政。初之氣。風勝乃搖。候乃大溫。其病脇痛。治以涼劑得痊也。

其二。燥金攻肝虛而痛。經云。少陽所至為脇痛。又云。陽明司天。燥氣下臨。肝氣上從。脇痛。又云。少陰司天。地乃燥。凄滄數至。脇痛。善太息。又云。歲木不及。燥乃大行。民病中清。眩脇痛。治以溫劑得痊也。

〔丹〕咳嗽脇痛方。二陳湯加南星。多香附青皮青黛薑汁。

內經。灸刺脇痛有三法。

其一。取肝。經云。肝病者。兩脇下痛。引小腹。善怒。取其經。厥陰與少陰。

又云。邪在肝。則兩脇中痛。寒中惡血。任內行。善掣節。時脚腫。取之行間。以引脇下。補三里。以溫胃中。取血脈。以散惡血。取耳間青脈。以去

其掣是也。

其二取膽絡。經云。邪客足少陽之絡。令人脇痛。不得息。欬而汗。刺足小指次指爪甲上與肉交者各一疔。不得息立已。汗出立止。欬者。溫衣飲食一日已。左刺右。右刺左。其病不已。復刺如法是也。其三取心。經云。心手少陽脈所生病者目黃脇痛。視虛實熱寒。陷下施補瀉。疾留灸之法也。

〔集〕脇痛。懸鍾 竅陰 此三宗左取右右取左竅閉出血妙 外關 三里 此一次正取

又法。支溝 章門 中封 陽陵泉 治閃 行間 瀉肝怒氣 期門 治傷

塞後脇痛

治脇并胸痛不可忍。期門 四 章門 六分灸七壯至七七壯 行間 丘墟 湧泉

泉

〔東〕胸脇痛。期門 沿皮三寸 支溝 膽俞 沿皮半寸 胸脇脹滿痛。公孫

孫 三里 太衝 三陰交 腰脇痛 環跳 至陰 太白

陽輔

〔撮〕脇肋痛 支溝 透間使寫之灸 外關 透內關如取支溝不必再取外關

〔通〕脇痛 陽陵泉

〔甲〕脇下支滿。嘔吐逆。陽陵泉主之。腹中氣脹。嗑嗑不嗜食。脇下

痛。陰陵泉主之。

〔仲〕寸口脈弦者。即脇下拘急而痛。其人嗇嗇惡寒也。

〔靈〕合腋脹脇者。肺下。肺下則居賁迫肺。善脇下痛。青色粗理者。

肝大。肝大則逼胃迫咽。則苦膈中。且脇下痛。

凡脇骨偏舉者。肝偏傾。肝偏傾。則脇下痛。揭唇者。脾高。脾高。則少

引季脇而痛。俱見本
藏篇脾滿氣逆。見喘
條

附腋腫 腋臭

針灸
腋腫

內經針灸刺腋腫有二法。

其一取膽。經云。膽足少陽之脈。所生病者。缺盆中腫痛。腋下腫是也。

其二取心。經云。心主手厥陰脈。是動則病。手心熱。腋腫。皆視虛實寒

熱。陷下施補瀉。疾留灸也。

〔丹〕腋氣神效方。

蜜陀僧一兩 白礬七錢 桐砂少許 麝香少

右為細末。先用皂角煎湯。洗後傅上

又方。

銅青 蜜陀僧 辰砂 白礬

桐砂 白附子

亦如前法搽之。

〔本〕治腋氣。用夜明砂。不拘多少為末。用豆豉汁調塗。立效。

又方以銅青好者不以多少米醋調成膏先洗淨腋下用輕粉摻過御使上件塗之立效。

〔經〕治狐臭用生薑塗腋下絕根本。

〔三因〕治狐臭大蜘蛛一箇以黃泥入少赤石脂搗羅極細入鹽少許杵爲一窠包藏蜘蛛在內以火燒令通紅放冷剖開將蜘蛛研細臨臥入輕粉一字用醃醋調成膏傅腋下明日登廁必瀉下墨汁臭穢不可聞於遠僻處傾埋之免致染人。

〔世〕治腋氣先用刀削去腋毛淨用白定粉水調搽傅患處至過六七日夜後次日早看腋下有一黑點如針孔大用筆點定卽用艾炷灸七枚灸過攻心中痛當用後藥下之。

青木香

檳榔

丁香

檀香

麝香

大黃

右煎服以下爲度。

諸疝附少腹痛
同一治法

癰疝

狐疝

產小腹痛

疝痛屬足厥陰肝經也。小腹亦屬肝經也。故疝痛與小腹痛同一治法。所謂疝者。舉丸連小腹痛也。其痛有獨在舉丸者。有獨在小腹偏於一邊者。有舉丸如升斗者。癰疝是也。又立臥出入往來者。狐疝是也。

〔丹〕疝痛之甚者也。畢丸連小腹急痛也。有痛在畢丸者。有痛在五
樞穴邊者。皆足厥陰之經也。或有形或無形。或有聲或無聲。或有形
如瓜。有聲如蛙者。素問以下歷代名醫皆以爲寒。蓋寒主收引。經絡
得寒收引不行。所以作痛。理固然也。有得寒而無疝者。又必有說。通
之可也。予嘗因門戶上履霜雪。錫水徒涉。不會病此。以予素無熱在
內也。因而思之。此症始於濕熱在經。鬱而至久。又感寒氣外束。濕熱
之邪。不得疏散。所以作痛。若只作寒論。恐爲未備。或曰。此症多客厥
陰一經。其道遠。其位卑。鬱積濕熱。何由而致。予曰。大勞則火起於筋。
醉飽則火起於胃。房勞則火起於腎。大怒則火起於肝。本經火積之
久。母能生子。濕氣便盛。厥陰屬木。係於肝。爲將軍之官。其性急速。火
性又暴。爲寒所束。宜痛之。亦大暴也。愚見有用烏頭梔子等分作湯
用之。其效亦敏。後因此方。隨症與形。加減用之。無有不應。然濕熱又
須分多少而施治。但濕者腫多。癩疝是也。又有挾虛而發者。當以參
朮爲君。而以疏導藥佐之。診其脈不甚沉急。而大豁無力者是也。然
其痛亦輕。惟覺重墮牽引耳。

〔羅〕丁香練實丸。治男子七疝。痛不可忍者。婦人瘕聚帶下。皆任脈
所主陰經也。乃肝腎受病。治法同歸於一。

當歸去蘆

附子炮去皮臍

川棟子

茴香各一

歷代
獨治
之外
寒東

右剉碎。以好酒三升。煮酒盡爲度。焙乾。作細末。每藥末一兩。入下項藥。

丁香分五 全蠟十三錢 玄胡索五錢 木香分五

右四味。同爲細末。入前項當歸等末。內拌勻。酒糊爲丸。如桐子大。每服三十丸。至百丸。溫酒空心送下。一方無當歸木香。名苦楝丸。立效。凡疝氣帶下。皆

屬於風。全蠟治風之聖藥也。川棟苗香。皆入小腹經。當歸玄胡索。和血止痛。疝氣帶下。皆積寒邪於小腸之間。故以附子佐之。丁香

木香爲引導也。漆匠韓提控。疝氣每發。痛不可忍。則於榻兩末各置一枕。往來伏之。以受。如是三年不已。服此藥三劑。良愈。

丁香疝氣丸。治臍下撮急疼痛。并臍下週身一遭皆急痛。小便頻數。清。其五脈。急洪緩瀦沉。按之皆虛。獨腎脈按之不急。皆虛無力。名曰腎疝。

當歸 茴香各半兩 甘草梢五分

丁香分五 全蠟十三錢 玄胡半兩

肉桂錢一 防己三錢 川烏半兩

羌活梢三分 麻黃根節錢一

右件。爲細末。酒糊丸。如雞荳大。每服五十丸。淡鹽湯送下。須空心宿食消盡服之。

〔羅〕當歸四逆湯。治男子婦女疝氣。臍下冷痛。相引腰膝而疼。

當歸梢七分

附子炒

官桂

茴香炒各五分

芍藥四分

玄胡索

川楝子

茯苓各三分

澤瀉二分

柴胡五分

右研為粗末。都作一服。水煎空心。

玄胡索苦楝湯。治臍下冷撮痛。陰冷大寒。

肉桂三分

附子三分

熟地黃一錢

甘草梢炙半錢

苦楝子二分

黃柏引用一錢

玄胡索二分

右件都作一服。水四盞。煎至一盞。依法食前服。

右四方。桂附治寒。玄胡當歸川楝茴香丁香木香和血調氣。蓋寒

症挾汚血滯氣者宜之。

葫蘆巴丸。治大人小兒小腸氣。蟠腸奔豚疝氣。偏墜陰腫。小腹有形

如卵。上下來去。痛不可忍。或絞結繞臍。攻刺嘔吐。悶亂。並皆治之。

葫蘆巴炒二兩

茴香鹽炒一兩半

吳茱萸湯洗炒一兩二錢

川楝子去核炒一兩二錢

巴戟去心炒七錢半

川烏炮去皮尖七錢半

黑丑炒取頭末二兩

右研為細末。酒糊為丸。如桐子大。每服十五丸至二十九丸。止空心

溫酒送下。小兒五丸。茴香湯下。食前。一本無黑丑。

〔衍〕葫蘆巴。本經云。得茴香桃仁。治膀胱氣甚效。嘗合用桃仁麩炒各等分。拌酒糊丸。半爲散。每服五七十丸。空心食前鹽酒下。散以熱米飲調下。與丸子相間。空心各一二服效。

〔丹〕腎氣散。

茴香

破故紙

吳茱萸鹽炒各半兩

木香三錢半

葫蘆巴七錢半

右爲細末。蘿蔔搗汁丸。鹽湯下。

右三方。葫蘆巴破故紙巴戟爲君。蓋疝而元陽素虛少者宜之。

〔本〕治小腸氣。不可忍者。

烏藥搗碎酒浸二宿

高良薑剉

茴香各一兩

青皮二兩去白

右研爲末。每服二錢。遇發熱。酒調下。

治遠年小腸氣。衆醫不瘥者。

硫黃

茴香炒令黃不可犯銅鐵器各等分

右研爲末。每服五錢。用熱酒調。空心服。除根本。

川棟散。

木香一兩

茴香一兩鹽一匙一處炒黃色不用鹽

川棟子

一兩剉細用巴豆十粒打破一處炒黃色不用巴豆

右研爲細末。每服二錢。空心食前調下。

〔垣〕天台烏藥散。

烏藥

木香

茴香炒

良薑各五錢

檳榔三錢

川棟子十箇

巴豆十四粒

青皮半兩

右八味。先以巴豆打碎。一同棟實。用麩炒候黑色。去巴豆。麩俱不用外。為細末。每服一錢。溫酒調下。痛甚。炒生薑。熱酒下亦得。

〔簡〕木香棟子散。治小腸疝氣。膀胱偏墜。久藥不效者。服此其效如神。

神。

川棟子

三十箇巴豆二十粒同炒黃赤色去巴豆不用將川棟子研為末

萆薢半兩

石菖蒲

炒一兩

青木香

炒一兩

荔枝核

二十枚炒

右研為細末。每服二錢。入麝香少許。空心。炒茴香。鹽酒調下。

右以巴豆炒藥例。許學士云。大抵此疾因虛而得之。不可以虛驟

補。邪之所湊。其氣必虛。留而不去。其病則實矣。故必先緣去所畜

之邪熱。然後補之。是以諸藥多借巴豆氣者。蓋為此也。

〔仲〕寒疝腹中痛。逆冷。手足不仁。若身疼痛。灸刺諸藥不能治。抵當

烏頭桂枝湯主之。

右用烏頭一味。以蜜二升。煎減半。去渣。以桂枝湯五合解之。令得

一升後。初服二合。不知再服三合。又不知復加至五合。其知者。如

醉狀。得吐者。為中病。桂枝湯方見傷寒門。梅藏以附子建中湯加蜜煎治痛。即此法也。

丹溪
治內
鬱之
濕熱

腹痛。脈弦而緊。弦則衛氣不行。即惡寒。緊則不欲食。邪正相搏。即為寒疝。寒疝繞臍痛。若發則自汗出。手足厥冷。其脈沉弦者。大烏頭煎主之。脈經云邪正作弦緊

大烏頭妙去皮不以咀以水三升煮取一升去查細蜜二升煎令水氣盡 作湯服。食後一服。過後再不作矣。

治諸疝方

枳實九粒 妙

桃仁十四箇 妙

山梔九箇 妙 去皮

吳茱萸七粒 妙

山查四粒 妙

生薑如指 大

右味。同入搗盆搗細。取順流水一鍾。入瓶內煎至微沸。帶渣服。如濕勝癩疝者。加荔枝核。如痛甚者。加鹽炒大茴香二錢。如痛處可按者。加薄桂少許。

又方。治疝痛。

山梔二兩 妙

山查四兩 妙

枳實妙

茴香各二兩 妙

柴胡

牡丹皮

八角茴香妙各一兩

桃仁

茱萸妙半兩

右研為末。酒糊丸。空心。鹽湯下五六十九丸。

治陽明受濕熱。傳入太陽。發熱惡寒。小腹連毛際間。悶痛不可忍。

梔子仁妙

桃仁妙

枳實妙

山查各等分

右味同研細。入生薑汁半合。同水一小鍾盪起。煎令沸熱服之。一方加萊菔。

楊惇三哥。因舊有腎氣。上引乳邊及右脇痛。多疲。有時膈上痞塞。大腑祕結。平時少汗。脈弦甚。與保和溫中各二十九。研桃仁郁李仁吞之。

〔本〕治膀胱氣痛。茴香散。

茴香

金鈴子肉

蓬莪朮

京三稜

各一兩

甘草 半兩

右為細末。每服二錢。熱酒調下。每發痛甚。連日只三二服立定。

治膀胱氣。金棟散。

巴豆

一百粒 去壳

川棟子

二十四箇 湯浸去薄皮切作片子

右二味。用麩二升。同炒令黃赤。去麩與巴豆不用。只將川棟棟肉

一味為末。每服三錢。溫酒空心送下。余閱古今一切名方。無如此

奇特有效。一方川棟子不用。巴豆炒亦妙。

〔靈〕胃中熱。腸中寒。則疾饑。小腹脹。師傳痛。疾饑胃

熱痛服腸寒也

〔丹〕諸疝痛處。用手按之不痛者。屬虛。必用桂枝炒山梔細切。川烏

頭等分。為細末。生薑自然汁。打糊為丸。如桐子大。每服三四十九。空

腹白湯下。

按之
不痛
屬虛

疝可按者。並于歷代獨治外寒條下求之。

丹溪云。疝有挾虛而發者。其脈不甚沉緊。而大豁無力者是也。然其痛亦輕。惟覺重墜牽引耳。當以參朮爲君。疏導藥佐之。蓋疏導藥卽桃仁山查枳實梔仁芫荳川棟玄胡索丁香木香之類。以佐參朮之類是也。

〔海〕姬提領因疾。服涼劑數日。遂病臍腹下大痛。幾至於死。與薑附等劑。雖稍蘇。痛不已。隨本方內倍芍藥服之愈。

〔羅〕疝氣治驗。癸丑歲。治火兒赤憐。歹病疝氣。復因七月間。饑飽勞役。過飲瀆乳。所發甚于初。面色青黃不澤。臍腹陣痛。搗撮不可忍。腰不能伸。熱物熨之稍緩。脈得沉小而急。予思難經有云。任之爲病。男子內結七疝。皆積寒于小腸所致也。非大熱之劑。卽不能愈。遂制一方。名之曰沉香桂附丸。每服一百丸。空心溫酒下。間服天台烏藥散。旬日良愈。明年秋如故。

沉香桂附丸。治中氣虛弱。脾胃虛寒。飲食不美。氣不調和。退陰助陽。除臟腑積冷。心腹疼痛。脇肋膨脹。腹中雷鳴。面色不澤。手足厥逆。便利無度。又治下焦陽虛。及療七疝。痛引小腹不可忍。腰痛不能伸。喜熱熨稍緩。

沉香

附子

炮去
皮臍

川烏

炮去
皮臍

乾薑

炮

良薑炒

官桂去皮

茱萸湯洗

茴香炒各一兩

右研為細末。醋煮麵糊為丸。如桐子大。每服五十丸至七八十丸。止空心食前。熱米飲湯下。日三服。忌冷物。

川烏頭細切

梔子仁去壳

右各等分。煎湯服之。神效。濕多癩腫者。烏頭為君。蓋川烏頭治外。東之寒。梔子仁治內鬱之熱也。

〔羅〕陰疝足厥陰之脈。環陰器抵小腹或痛。因腎虛。寒水涸竭。癰邪補肝。宜以蒺藜湯主之。

蒺藜湯。治陰疝牽引小腹痛。諸厥疝。即陰疝也。房慾勞痛不可忍者。

蒺藜炒去尖

附子炮去皮臍

山梔子仁各半兩

右研為末。每服三錢。水一盞半。煎至七分。去渣。食前溫服。

〔丹〕又方。

橘核

桃仁

梔子

茱萸

川烏各等分

右研煎服。

治疝作急痛。

蒼朮鹽炒

香附鹽炒

茴香炒為佐

黃柏酒炒為君

青皮

玄胡索

益智

桃仁臣

附子鹽水炒

甘草爲使

右研爲末。作湯服後。一痛過更不再作矣。

〔仲〕寒疝。腹中痛及脇痛裏急者。當歸生薑羊肉湯主之。

當歸三兩

生薑五兩

羊肉一斤

右上一三味。以水八升。煮取三升。溫服七合。一日三服。若寒多者。加

生薑十片。痛多而嘔者。加陳皮二兩。白朮一兩。如加生薑者。亦加

水五升。煮取三升。二合服之。衍義云。張仲景治寒疝用生薑羊肉湯服之。無不應驗。有一婦人產當寒月。寒氣入產門。腹臍以下脹滿。手不

敢犯此寒疝也。師將治之。以抵當湯謂有瘀血。非其治也。可服張仲景羊肉傷二服。遂愈。

〔丹〕諸疝痛處。用手按之。大痛者。爲實也。

〔羅〕疝氣痛。及脚膝無力。控辜證。至真大要論云。小腹控辜引腰

脊。上衝心。唾出清水及爲噦噫。甚則入心。善忘善悲。甲乙經曰。邪在

小腸也。小腸病者。小腹痛引腰脊。貫肝肺。其經虛不足。則風冷乘間

而入。邪氣既入。則厥證上衝肝肺。客冷散於胸。結於臍。控引辜丸。上

而不下。痛而入腹。甚則衝於心胸。蓋其經絡所係也。啓玄子云。控引

也。辜。陰丸也。

控引辜丸。治小腸痛結。上而不下。痛引心臍。

即東垣茴香棟實丸。按之痛爲實。此方有茱萸等劑。本不可入。此

條錄芫花有
利性故入之

按之而痛者爲實

大者不利。小者利。

川棟子

茴香妙

吳茱萸湯洗

青皮

陳皮各一兩

芫花醋炒五錢

馬蘭花醋炒一兩

右為細末。醋糊為丸。如桐子大。每服二十九丸。溫酒送下。食前服。量虛實加減。以利為度。

〔本〕治小腸氣痛。撞腹。面青唇黑。欲死者。

木香

茵陳

芫花

甘遂各等分

右四件為末。每服二錢。水一盞。煎至七分。去渣。溫服。服過此藥後。應犯甘草藥。皆不得吃。恐與甘遂相犯故也。其藥甚妙。亦甚有理。屢有驗效。

稠砂丸

木香

沉香

巴豆肉各一兩

青皮二兩不去皮

銅青半兩研

稠砂一錢研

右已上二香。青皮三味。細研同巴豆。慢火炒令紫色為度。去巴豆為細末。入稠砂二味。同研勻。蒸餅和丸。如梧桐子大。每服七丸。至十九丸。鹽湯吞下。日二三服。空心食前服。

〔子和〕律科王敏之。病寒疝。臍下結聚如黃瓜。每發繞臍急痛。不能忍。戴師先以舟車丸及猪腎散。下四五行。覺藥繞病三五次而下。其瀉皆水也。猪腎甘遂皆苦寒。經言以寒治寒。萬舉萬全。但下後忌飲。

冷水及寒物。宜食乾物。以寒疝本是水故也。卽日病減八分。食進一倍。又數日。以舟車丸百餘粒。通經散四五錢服之。利下。候三四日。又服舟車丸七八十粒。猪腎散三錢。乃健步如常矣。近穎尾一夫。病卒疝赤腫。大痛數日不止。余以導水丸一百五十丸。令三次咽之。次以通經散三錢。空腹淡酒調下。五更下二三十行。腫痛皆去。不三日。平復如故。

右治實疝利大便。形氣實脈有力者宜之。

〔杜〕三十七太尉。忽患小腸氣痛。醫官及京城醫家。用藥皆不效。每一發幾死。上召杜至。進藥數服不驗。太尉曰。我命不久。致良醫不能治。上召杜問所以。杜對臣用古方書。皆不獲愈。今日撰一方。容進上。杜曰。撰方已成。未敢進。先合藥以進。太尉一服。十愈八九。再服全愈。然後進方。名曰救命通心散。川烏頭一兩。用青鹽一錢。酒一盞。浸一宿。去皮尖。焙乾。川棟子一兩。用巴豆二十一粒。同炒候黑色。去巴豆。茴香半兩。石燕一對。土狗五枚。芥子一錢。六分。爲末。每服三錢。入羊石子內。濕紙煨香熟。夜半時。用好酒半升。入鹽細嚼石子。以酒嚥下。不得作聲。小便大利。其病遂去。五曹家今
祕此方

〔本〕頃在嶽城日。歙尉宋荀甫。膀胱氣作疼不可忍。醫者以剛劑與之。痛愈甚。小便不通三日矣。臍下虛脹。心悶。予因候之。見其面赤黑。

脈洪大。予曰。投熱藥太過。陰陽痞塞。氣不得通。爲之奈何。宋尙手持四神丹數粒。云醫謂不止。更服此。予曰。若服此定斃。後無悔。渠求治予。適有五苓散一兩許。令三服。用連鬚葱一莖。茴香一撮。鹽一錢。水一盞半。煎至七分。令接續三服。中夜下小便如墨汁者一二升。臍下寬。得睡。翌日診之。脈已平安矣。續用礪砂丸。與之數日瘥。

右利小便治疝。常治謝人妻。小腹疼痛。小便不通。先薑灸三陰。交以茴香丁香青皮枳榔桂枝黃玄胡索山查枳實。又倍用黃柏煎服之愈。

〔丹〕赤岸朱同道。年四十歲。八月望。雨後得涼。半夜後。腹痛甚。汗如雨。兩腳踏破壁。痛在小腹。手不可近。大脈弦而細實。重取如循刀刃。責責然。問之云。六月大熱時。于深潭浴水。病或起於此。與大承氣湯。大便微利。痛遂頓止。至次日酉時。其痛復作。痛在小腹。堅硬手不可近。又與大承氣加桂兩服。研桃仁同煎。大便下紫黑血升餘。而痛頓止。至次日酉時。痛復作如初。脈雖稍減。而責責然猶在。與大承氣湯加附子兩帖。研桃仁同煎。下大便五行。得黑紫血如破絮者二升許。痛遂頓止。一夜得睡。次日酉時。痛復如初。詢知小腹和軟。痛在臍腹間下。脈亦和。似若無病。但呻吟如舊。詢知乃食蘿蔔菜苗羹兩頓。與小建中湯一帖而愈。

〔世〕一婦人少腹痛。百藥不效。一醫用杉木節童便煎服。下血而愈。
〔丹〕治膀胱氣急。用蕪荑和食鹽等分。綿裹如棗大。納下部或下水。
惡汁并下氣佳。

〔斗〕治小腸氣。用血師一兩。米醋一升。以火燒血師通赤。焯入醋中。
以焯竭爲度。搗羅如麵。用湯調下一大盞。卽瘥如神。血師代赭石也。
〔聖〕治寒疝。小腹及陰中相引而痛。自汗出欲死。丹參一兩。杵爲散。
每服熱酒調下二錢七。

〔丹〕治諸疝。發時用海石香附二味。爲末。生薑汁湯調。亦能治心疼。
〔衍〕木賊細剉微炒。搗爲末。沸湯點二錢服。食前。治小腸膀胱氣緩。
緩必效。

〔本〕治疝氣。

青礬一兩各
爲粗末

白礬一兩各
爲粗末

右用小瓦罐子一隻。入二藥在內。用麻皮縛緊。搗鹽泥封固。以炭
五斤。煨令通紅。盡炭爲度。取出埋地穴中。伏一宿。出火毒。醋糊爲
丸。如棗荳大。每服十丸。空心鹽湯送下。或白湯亦可。

運氣小腹痛有三。

一曰肝病。小腹引脇痛是也。經云。厥陰之復。少腹堅滿。裏急暴痛。是
風氣助肝盛而然。治法當瀉肝也。又云。歲金太過。民病兩腹下痛。小

小腸受邪引痛

膀胱受邪腫痛小便不得針灸

腹痛。又云。歲木不及。燥乃大行。民病中清。肚脇痛。少腹痛。又云。歲土不及。風乃大行。民病腹脹。復則胸脇暴痛。下引小腹者。是燥邪攻肝。虛而然。治法當補肝瀉金也。又寒氣客於厥陰之脈。則血泣脈急。故脇肋與小腹相引痛者。治法亦同也。全文見諸痛門

二曰小腸。其病小腹引辜丸腰脊痛是也。經云。少陰之脈。心下熱。善饑。臍下痛。又云。少陰之復。燥熱內作。小腹絞痛者。是熱助小腸盛而然。治法當瀉小腸也。又太陽在泉。寒淫所勝。與太陽之復。皆病小腹。控舉引腰脊。上衝心痛。及太陰司天。大寒且至。病小腹痛者。是寒邪攻小腸虛而然。治法當補小腸瀉寒邪也。

三曰膀胱。其病小腹痛腫。不得小便是也。經云。太陰在泉。病小腹痛腫。不得小便者。是濕邪攻膀胱虛而然。治法當補膀胱瀉濕土邪也。

已上經文見運氣類註

內經刺灸小腹痛共四法。

一曰肝經。曰肝病者。兩脇下痛引小腹。取其經。厥陰小腸。全文見灸刺門五臟條

又曰。邪客厥陰之絡。令人卒疝暴痛。刺足大指爪甲上與肉交者。各

一痛。男子立已。女子有頃已。左取右。右取左者是也。全文見灸刺門穴府條瓜甲上大敦穴也

二曰小腸。經云。小腸病者。小腹脹。腰脊控舉而痛。時窘之後。取巨虛

下廉。又云。小腸控舉引腰脊。上衝心。邪在小腸。取之。旨原以散之。刺

太陰以予之取厥陰以下之巨虛下廉以去之按其所過之經以調之是也。全文並見針灸門六又云。疝暴痛取足太陰厥陰。盡刺去其血絡。豐懼熱病為心風疝而分腸病經云心為牡藏小腸為之使故小腹當有形也

三曰膀胱。經云。膀胱病者。小腹偏腫而痛。以手按之。即欲小便而不得。取委中央。又云。小腹痛腫。不得小便。邪在三焦。約取之。足太陽大絡者是也。全文見針灸門六。膀胱太陽大絡委陽穴也

四曰督任衝脈。經文見如左。

〔素〕病在少腹。腰痛不得大小便。病名曰疝。得之寒。刺少腹兩股間。刺腰髀骨間。刺而多之。盡炆病已。長刺節痛。小腹兩股間者。氣衝穴也。衝脈越于氣衝故也。膠髀間者。王註謂腰房。挾脊平立陷者中。

按之有骨處是也。疝為寒生。故多刺之。少腹盡熱乃止針。

〔靈〕腎脈生病。從少腹上衝心而痛。不得前後為衝疝。任脈為病。男子內結七疝。女子帶下瘦聚。俱見骨空論

〔摘〕元藏發動。臍下痛不可忍。氣海 二陰交。立愈左取右右取左下同

〔玉〕疝氣少腹偏痛。大敦二分陷皮向後三分端之灸左取右右取左下同 二陰交。一寸端

〔撮〕又法。大敦 水道 小海
〔桑〕又法。中極 印腎
〔摘〕卒疝少腹痛不可忍。大敦三分陷六呼灸七壯 陰市。三分灸五壯 照海。三分灸七壯已上皆

痲痺。小腸膀胱。腎餘疝氣。氣海 五樞各用鑿針刺入五分灸百壯 三里 二陰交刺之

〔桑〕疝。 三陰交 三里 足三間

〔摘〕疝。 行間 三里

〔集〕大法。 關門 關元 水道 三陰交不已再取下穴 海底 歸來

〔摘〕少腹痛。 關元 三里

〔甲〕陰跳遺溺。小便難。痛陰上下入腹中。寒疝陰挺出。偏大腫。腹臍

痛。腹中悒悒不樂。大數主之。 腹痛上搶心。心下滿。癢。莖中痛。怒瞋

不欲視。泣出。長太息。行間主之。 環臍痛。陰騫兩丸縮。腹堅痛。不得

臥。太衝主之。 疝癢。臍少腹引痛。腰中痛。中封主之。 陰跳腰腹痛。

實則挺長。寒熱。攣陰暴痛。遺溺便。大虛。則暴痒氣逆。腫辜卒疝。小便

不利如癢狀。數噫。恐悸。氣不足。腹中悒悒。少腹痛。陰中有熱。有瘰肉

狀。如着欲出。背攣不可俛仰。蠱溝主之。

右取藏經厥陰

男子陰疝。兩丸上下少腹痛。五樞主之。 大疝腹堅。丘墟主之。

右取節經少陽

少腹痛。飢泄出糜。次指熱。若脈陷。寒熱身痛。唇乾不渴。汗出。毛髮焦

脫肉少氣。內有熱。不欲動搖。泄膿血。腰引少腹痛。暴驚。狂言非常。巨

虛下廉主之。 少腹痛。控辜引腰脊。疝痛。上衝心。腰脊強。潮黃赤。口

乾。小腸膈主之。疝瘕脾中急痛。循脇上下搶心。腹痛積聚。府舍主之。腹痛。疝積聚。上衝心。雲門主之。

右巨虛下廉小腸膈者。取本腑也。府舍雲門者。刺太陰以予之也。四肢淫瀼。身悶癢疝。至陰主之。臍疝繞臍痛。衝胸。不得息。灸臍中。

陰疝引辜。陰交主之。少腹疝臥善驚。氣海主之。臍疝繞臍痛。石門主之。暴疝痛少腹大熱。關元主之。少腹痛。溺難。陰下縱。橫

骨主之。男子陰端寒。上衝心中。佷假。會陰主之。瘰疬。然谷主之。卒疝少腹痛。照海主之。病在左取右。右取左。立已。陰暴起疝瘕。

胞中有血。四滿主之。臍疝繞臍痛。時上衝心。天樞主之。氣疝噉。嘔面腫。奔豚。天樞主之。陰疝氣疝。天樞主之。陰疝。痿莖中痛。兩

丸。騫臥不可仰臥。刺氣衝。陰疝。衝門主之。一作衝門寒疝。下至腹腠。膝腰痛。如清水。大腹諸疝。按之至膝上。伏兔主之。寒疝痛。腹脹滿。

痿厥少氣。陰谷主之。
〔素〕厥陰脈滑則病狐疝風。少陰滑則病肺風疝。太陰脈滑則病脾

風疝。陽明脈滑則病心風疝。太陽脈滑則病腎風疝。少陽脈滑則病

肝風疝。四時刺逆從論
〔診〕肝脈滑甚為癩疝。心脈微滑為心疝。引臍下小腹鳴。腎肝

滑甚為癩疝。全文見治法

〔東〕夫滑脈關已上見者爲大熱。蓋陽與陽併也。故大熱滑脈。尺部見爲大寒。生癩疝。滑脈者。命門包絡之名也。爲丙。丙丁熱火併於下。蓋丙丁不勝壬癸。從寒水之化也。故生癩疝。

〔素〕帝曰。診得心脈而急。此爲何病。岐伯曰。病名心疝。少腹當有形也。帝曰。何以言之。岐伯曰。心爲牡藏。小腸爲之使。故曰少腹當有形也。服要精微論心脈搏滑急。爲心疝。肺脈沉搏。爲肺疝。腎脈肝脈大急沉。皆

爲疝。俱大奇論

〔脈〕脈來中央堅實。徑至關者。衝脈也。動苦少腹痛。上搶心。有瘕疝。絕孕遺矢溺。脇支滿煩也。

〔丹〕臍下忽大痛。人中如墨色者多死。

〔子和〕七疝圖。寒疝。其狀囊冷。結硬如石。陰莖不舉。或控辜丸而痛。得於坐臥濕地。或寒月涉水。或冒雨雪。或坐臥磚石。或風冷處使內過勞。宜以溫劑下之。久而無子。

水疝。其狀腎囊腫痛。陰汗時出。或囊腫而狀如水晶。或囊痒而搔出黃水。或少腹中按之作水聲。得於飲水醉酒。使內過勞。汗出而遇風寒濕之氣。聚於囊中。故水多。令人爲卒疝。宜以逐水之劑下之。有漏針去水者。人多不得其法。筋疝。其狀陰莖腫脹。或潰或痛而裏急。筋縮或莖中痛。痛極則痒。或挺縱不收。或白物如精。隨溲而下。久而得

於房室勞傷及邪術所使宜以降心火之劑下之

血疝其狀如黃瓜在小腹兩旁橫骨兩端約中俗云便癰得於重感

春夏大燠勞於使內氣血流溢滲入脬囊留而不去結成癰腫膿少

血多宜以和血之劑下之和血四物湯調胃承氣湯各半服之是也

氣疝其狀上連腎區下及陰囊或因號哭忿怒則氣鬱之而脹罷則

氣散者是也有一治法以針出氣而愈者然針有得失宜以散氣之

藥下之或小兒亦有此疾俗云偏氣得於父已年老或年少多病陰

痿精怯強力入房因而有子胎中病也此疝不治惟築賓一穴主之

狐疝其狀如瓦臥則入小腹行立則出小腹入囊中狐則晝出穴而

瀦夜則入穴而不瀦此疝出入上下往來正與狐相類也亦與氣疝

大同小異今人帶鉤鉗是也宜以逐氣流經之藥下之

癰疝其狀陰囊腫維如升如斗不痒不痛者是也得之地氣卑濕所

生故江淮之間湫塘之處多有此疾宜以去濕之藥下之女子陰戶

突出雖亦此類乃熱則不禁固也不可便謂虛寒而益之燥之補之

本名曰瘕宜以苦下之以苦堅之王註云腸氣下墜陰氣上爭則寒多下墜則筋緩故舉垂緩因作瘕疝也

已上七疝下去其病之後可調則調可補則補各量病勢勿拘俗法

經所謂陰盛則腹脹不通者癰癩疝也不可不下

右疝圖雖七然寒疝即疝之總名水疝即癰疝之屬氣疝即狐疝

之屬。血疝即癰癤之屬。惟筋疝罕見之。蓋下疳瘡之屬也。

癰疝

辜囊腫大。如升如斗是也。

〔丹〕下部癰氣不痛之方。細思非痛。斷房事與厚味不可用藥。惟促其壽。若蒼朮神麴白芷山查川芎枳實半夏皆要藥。人視其藥皆鄙賤之物。以啓慢心。又不能斷慾。以愛護其根本。非徒無益。而反被其害者多矣。且其藥宜隨時月寒濕。更按君臣佐使加減。大抵癰疝屬濕多。

蒼朮

神麴

白芷散水

山查

川芎

枳實

半夏

南星

右神麴糊爲丸。有熱加山梔一兩。堅硬加朴硝半兩。秋冬加吳茱萸二錢半。

癰疝。

南星

山查

蒼朮各二兩

白芷

半夏

枳實

神麴各一兩

海藻

昆布各半兩

玄明粉

吳茱萸各二錢

右爲末。酒糊丸。

又方。治木腎不痛。

從小
便利
惡物

南星

半夏

黃柏酒洗

蒼朮鹽炒

枳實

山查

白芷

神麴炒

滑石炒

茱萸

昆布

右爲末。酒糊丸。空心鹽湯下。一方加枸杞子。

〔無〕香附散。治癩脹。用香附子不拘多少爲末。每用酒一盞。海藻一

錢。煎至半盞。先撈海藻嚼細。用所煎酒調末二錢服。

〔東〕又方。治偏墜初生。用川山甲苗香二味。爲細末。酒送下。以乾物

壓之。

〔丹〕木腎。以楮木葉雄者。晒乾爲末。酒糊爲丸。空心鹽酒下。本事方云無實

者雄也

〔潔〕海蛤丸。癩疔。

海蛤醋焯三次

當歸

海金沙

膩粉

綱砂各一錢

海藻

粉霜各五分

水蛭二十一條炒

青黛

滑石

乳香各一錢

硃砂二錢爲末

地龍二十一條去頭足

右細末。鹽煮麵糊爲丸。如小荳大。硃砂爲衣。每服十九丸。煎燈心湯。

空心服之。小便下冷膿惡物乃效。卻以黃連紫河車板藍根。各二

錢。煎湯漱口。以固牙齒。去板藍根加管仲。

綿包
取汗

癩氣
痛者
易治

〔世〕治偏墜大者。用乾薑桂各一兩為末。以綿一兩。水大三碗。同煮二十餘沸。起晒乾。又煮水盡為度。用乾綿包陰丸。汗出數次。漸愈。

〔海〕地黃膏子丸。治男子婦人。臍下奔豚氣塊。小腹疼痛。卵痛。即控舉相似。漸成腫。陰陰痛。上衝心腹。不可忍者。宜服此藥。

血竭
沉香
木香
廣茂炮

玄胡索
蛤蚧
人參
當歸

川芎
川棟炭
續斷
白朮
吳茱萸

全蠍
苗香炒
柴胡
氣多者加青皮

沒藥已上分兩不定
隨症加減用之
血多加肉桂

右同為細末。地黃膏子丸。桐子大。空心溫酒下二十九丸。日加一九。至三十九丸。

〔簡〕安息香丸。治陰氣下墜。痛脹。卵核腫大。堅硬如石。痛不能忍者。

玄胡索炒
海藻洗
昆布洗
青皮去

茴香炒
川棟子去核
馬蘭花已上各一兩半
木香牛兩不見火

大戟酒浸三宿切片
焙乾三錢半

右為細末。另將礶砂真阿魏真安息香三味。各二錢半。用酒一盞。醋一盞。將礶砂阿魏安息香淘去砂石。用酒醋合一盞。熬成膏子。

熱鬱
者內
疎之

寒束
之溫
散之

再入麝香一錢。沒藥一錢半。俱各另研細。入前藥一同和丸。如菴
荳大。每服十丸至十五丸。空心用綿子灰調酒下。
〔本〕治膀胱疝氣。外腎腫痛不可忍。念珠丸。

乳香

礶砂各二錢飛

黃蠟一兩

右乳香礶砂同研勻。溶蠟和為丸。分作一百單入丸。以線穿之。露
一宿。次日用蛤粉為衣。旋取用乳香湯下。頃年有人貨疝疾藥。日
貨數千。有一國醫多金得之。用之良驗。

〔丹〕鄭子敬。因吃酒後。飲水與水果。偏腎大。時作蛙聲。或作痛。炒枳
實一兩。茴香鹽炒。炒梔子各三錢。研。煎下保和丸。昌世官。膀胱氣

下墜如蛙聲。臭橘子核炒十枚。桃仁二十枚。蘿蔔自然汁。研下保和
丸七十。湜兄年三十。左腎核腫痛。此飲食中濕。墜下成熟。以橘核

即臭橘

五枚。桃仁七枚。細研。順流水一盞。煎沸熱。下保和丸。

〔本〕治膀胱腫硬。牽引疼痛。及治小腸氣陰囊腫。毛間出水。宜服金
鈴丸。

金鈴子肉五兩

茴香炒

馬蘭花炒

兔絲子

海蛤

破故紙

海帶各二兩

木香

丁香各一兩

右細末。糊丸。如桐子大。每服二三十丸。溫酒鹽湯。空心食前服。

〔無〕大戟丸。治陰癩腫脹。或小腸氣痛。

大戟 去皮劉炒
黃半兩

葫蘆巴 炒四兩

木香 一兩

附子 炮去
皮臍

茴香

訶子 煨去
核

檳榔 各半兩

川棟 五兩

麝香 半兩
另研

右爲末。獨取川棟。以好酒二升。葱白頭七枚。長三四寸。煮川棟軟。去皮核。取肉。和上件藥。杵丸。如桐子大。空心溫酒下十丸。潮發疼痛。炒薑。熱酒下十五丸。

抵聖丸。治陰癩腫滿。赤腫。大便秘。欲飲水。按之臍腹痛。

續隨子

薏苡仁

郁李仁

茵芋

白牽牛 各一錢
略炒

右爲末。滴水丸。如桐子大。每服五丸。用博濟方香薑散嚥下。黃昏服。五更利下惡物效。

〔子和〕汝南司候李審言。因勞役王事。飲冷水。坐濕地。乃濕氣下行。流入脬囊。大腫。痛不可忍。以金鈴川棟等藥不效。求治於戴人。曰。可服洩水丸。審言感之。又數日。痛不可堪。竟從戴人。先以舟車丸。濬川散。下青綠水十餘行。痛止。後用茴香丸五苓散以調之。三日而腫消。至老更不作。

按之臍腹
痛者下之

雜方

〔世〕綿包取汗。方見癩疔。不痛條。

〔丹〕木腎以枇杷葉野紫蘇葉蒼耳葉水晶蒲萄葉濃煎湯薰洗
〔無〕雄黃散治陰腫大如斗核痛人所不能治。

雄黃一兩研

礬二兩

甘草生半兩

右劉散以水五升煎洗。

〔潔〕失笑散治腎腫。

荊芥穗一兩

朴硝二兩

右爲粗末。蘿蔔葱同煎湯淋洗。

〔梅〕治卒外腎腫痛。大黃末醋和塗之。乾卽易之。

〔焦〕治男子陰腫大如升核痛人所不能治者。搗馬鞭草塗之。男

子陰腫大如斗核痛人所不能治者。蔓菁根搗傳之。

運氣癩疔有一。經云。陽明司天。燥淫所勝。丈夫癩疔。婦人小腹痛。又

云。陽明之勝。外發癩疔者。是燥邪攻肝。氣虛而然。治法當補肝。瀉燥

金也。全文見運氣類注

肝

〔素〕厥陰所謂癩疔。婦人少腹腫者。厥陰者。辰也。三月陽中之陰。邪

在中。故曰癩疔。少腹腫也。所謂癩疔。膚脹者。曰陰亦盛。而脈脹不

通。故曰癩疔也。俱脈解篇

二。陽爲病。發寒熱。下爲癰腫。及爲痿厥。臄痛。其傳爲癩疔。全文見診病傳變王註云臄痛

癩疔也

小腸勝膀胱

燥邪攻肝

針灸

〔靈〕黃帝曰。刺節言去爪。夫子乃言刺關節肢絡。願卒聞之。岐伯曰。腰脊者。身之大關節也。肢脛者。人之管以趨翔也。莖垂者。身中之機。陰精之候。津液之道也。故飲食不節。喜怒不時。津液內溢。乃下留於舉。血道不通。日大不休。俛仰不便。趨翔不能。此病榮然有水。不上不下。鍤石所取。形不可匿。常不得蔽。故命曰去爪。帝曰善。刺節真邪篇

內經刺灸癩疝共四法。其一節。此篇文。所謂鍤石取舉囊中水液者。是也。其法。今世人亦多能之。舉丸囊大如斗者。中藏穢液。必有數升。

信知此出古法也。鍤針如刀狀

其二取肝。經云。足厥陰之脈。是動則病丈夫癩疝。婦人小腹腫是也。是於足厥陰肝經。視盛虛熱寒。陷下而施補瀉。留疾與灸也。全文見針灸門十二

經條

其三取肝之絡。經云。足厥陰之別名曰蠱溝。去內踝五寸。別走少陽。其別者。徑脛上舉。結於莖。其病氣逆則舉腫卒疝。取之所別是也。是

於內踝上五寸。貼脛骨後近肉處。蠱溝取之也。全文見針灸門十五經條

其四取足陽明筋。經云。足陽明之筋。聚於陰器。上腹。其病轉筋。髀前腫癢。疝腹筋急。治在燔針劫刺。以知為數。以痛為輪。是也。是於轉筋痛處。用火針刺之也。

〔桑〕治偏墜。當外腎縫。沿皮針透即消。

〔集〕木腎。紅腫如升大。不痛。大敦。三陰交。海底。歸來。在水道下二寸

針入二寸。水腎。紅腫陰汗偏墜。針入二寸。蘭門。毛際玉莖旁開二寸。針入二寸半。二陰交。

〔甲〕癩疔。大巨及地機中郄主之。癩疔陰暴痛。中封主之。千金云癩疔。暴痛

癩厥身體不仁。氣癢癩疔。陰急股樞膈內廉痛。交信主之。丈夫上疔。陰跳

痛。引篡中不得解。腹支脇下搭滿閉癢。陰痿後時泄。四支不疼。實則

身疼痛。汗不出。目眈眈然無所見。怒欲殺人。暴痛。引髓下節。時有熱

氣。筋攣膝痛。不可屈伸。狂如新發。不食喘呼。小腹痛引噫。足厥痛。

湧泉主之。

〔撮〕木腎。紅腫疼痛。然谷。牛寸。瀉之

〔世〕灸關元者可愈。蓋灸之早方效。

〔垣〕前陰分大寒大熱。囊垂縮。陰陽別論云。三陽為病。發寒熱。下

為壅腫。及為痿厥。臈痛。其傳為索澤。又傳為癩疔。夫熱在外。寒在內。

則累垂。此九夏之氣也。寒在外。熱在內。則卵縮。此三冬之氣也。足太

陽膀胱之脈逆。上迎。手太陽小腸之脈下行。至足厥陰肝之脈不得

伸。其任脈並厥陰之脈。逆則如巨川之水。致陽氣下墜。是風寒濕熱

下出囊中。致兩辜腫大。謂之曰疔。太甚則為癩。足厥陰之脈。與大腸

膀胱寒水之脈。同至前陰之末。傷寒家說足厥陰肝經為病。煩滿囊

縮。急下之。宜大承氣湯以瀉大熱。靈樞經云。足厥陰肝經筋中為寒。

則筋攣卵縮為大寒。前說囊縮為大熱。此說為大寒。此說囊縮垂舉。下引癩疝脚氣為大寒。風濕盛下垂為寒。與上二說不同。何也。曰以平康不病人論之。夏暑大熱。囊卵果垂。冬天大寒。急縮收上。於前三說又不同。何也。是相乖耶。不相乖耶。答曰。傷寒家。囊卵縮大熱在內。宜承氣湯。急下之。與經筋說囊卵縮大寒在外。亦是熱在內。與傷寒家同。故再引平康人以證之。冬天陽氣在內。陰氣在外。人亦應之。故寒在外則皮急。皮急則囊縮。夏月陰氣在內。陽氣在外。人亦應之。故熱在外則皮緩。皮緩則囊垂。此癩疝之象也。三說雖殊。皆一理也。故藥者宜詳而審之。已上三論。各有所主。兼此考訂。則脈證陰陽寒熱虛實之辨。判然矣。

狐疝

臥則入腹。立則出腹。偏入囊中者是也。

〔海藏〕仲景療陰狐疝氣。有大小時時上下者。蜘蛛散主之。

狐夜伏而晝見以見

疝處厥陰之分即人之陰箕臑裏之所盡下而夜上故以狐疝名焉

蜘蛛十四枚

桂半錢要入厥陰取其肉厚者

右為散。每服一錢。蜜丸亦可。雷公云。凡使勿用五色者。兼大身上

有刺毛生者。并薄小者。已上皆不堪用。須用屋西南有網。身小尻

大。腹內有蒼黃膿者。真也。凡用去頭足了。研如膏。投藥中用。比余

狐疝
陰屬厥

之方法。若仲景炒焦用。全無功矣。

一方治水癩偏大。上下不定。疼痛不止。牡蠣不拘多少。鹽泥固濟。炭二斤。煨令火盡。冷取二兩。乾薑一兩。焙為細末。二味和勻。冷水調得所。塗病處。小便大利即愈。

內經刺灸狐疝。但取足厥陰一經。經云。肝足厥陰之脈。所生病者狐疝是也。隨其經盛虛寒熱。陷下取之也。

〔甲〕狐疝。太衝主之。陰股內痛。氣癰狐疝。走上下引少腹痛。不可俛仰上下。商丘主之。狐疝驚悸少氣。巨缺主之。

〔心〕婦人疝瘕。結核疼痛。發作無時。日出穴。夜入穴。或負重即下。稍輕即止。此狐疝也。天井五分。肘尖五分小壯。氣海三寸又五換東西上下。向病所各進三寸瀉之。

中極三寸立愈

耳後陷者腎下。腎下則腰尻痛。不可俛仰。為狐疝。全文見診
產後少腹痛。併見產後腹門痛

閉癰遺溺 閉癰分二病 小便不通 淋 胎

前淋閉 胎後淋閉 小便數 小便黃赤 遺

溺 妊娠遺尿 產遺尿

遺尿者。溺出不自知覺也。閉癰者。溺閉不通而淋瀝滴點也。惟肝與

肝脈
督脈
過陰
器

三焦
約下
焦

膀胱
藏溺

久暴

氣血
之分

督脈三焦膀胱主之。

肝脈督脈主之者。經至肝足厥陰之脈。過陰器所生病者。遺溺閉癰。又云。督脈者。女子入繫廷孔。其孔溺孔之端也。其男子循莖下至篡。與女子等。其生病癰痔遺溺。故遺溺閉癰。皆取厥陰腧穴。及督脈俞穴也。

三焦主之者。經云。三焦下脈。在於足太陽之前。少陽之後。出於膈中。外廉。名曰委陽。足太陽絡也。三焦者。足太陽少陽之所將。太陽之別也。上踝五寸。別入貫膈腸。出於委陽。並太陽之正。入絡膀胱。約下焦。實則閉癰。虛則遺溺。遺溺則補之。閉癰則瀉之是也。

膀胱主之者。經云。膀胱不利為癰。不約為遺溺是也。然遺溺閉癰。不取膀胱腧穴者。蓋膀胱但藏溺。其出溺皆從三焦及肝督脈也。

閉癰分二病

閉癰合而言之。一病也。分而言之。有暴久之殊。蓋閉者。暴病為溺閉。點滴不出。俗名小便不通是也。癰者。久病為溺癰。淋瀝點滴而出。一日數十次。或百次。名淋病是也。今分其病立為二門。

小便不通

〔垣〕小便不利。在氣在血之異。夫小便者。足太陽膀胱所主。長生於申。申者西方金也。金能生水。金者肺也。肺中伏熱。水不能生。是絕小

熱在氣分

便之源也。人法象天地膀胱之源。自頭項下至於足。故曰陽中之陰。如渴而小便不通者。肺不能降是也。治法皆用清燥金之正化。氣味薄之藥。茯苓、豬苓、澤瀉、琥珀、燈心、通草、車前子、瞿麥、扁蓄之類。皆為淡滲之藥。能瀉肺火而清肺金。滋水之化源也。若不渴熱在下焦。是絕其流而瀾不泄也。須用氣味俱厚。陰中之陰藥治之。二者之病。一居上焦。在氣分而必渴。一居下焦。在血分而不渴。血中有溫。故不渴也。二者之殊。至易分別耳。

清肺散治渴而小便閉。或黃或澀。邪熱在氣分也。

茯苓二錢

豬苓三錢

澤瀉三錢

琥珀五分

燈心二分

木通七分

通草二分

車前子一錢炒

瞿麥五分

扁蓄七分

桂五分

右為末。每服五錢。水煎熱服。五苓散。八正散。亦宜用之。

〔仲〕猪苓湯。治脈浮發熱。渴而小便不利。方見傷寒

五苓散。治煩渴飲水過多。或多水入即吐。心中澹澹。小便不利。方見傷寒

茯苓戎鹽湯方

茯苓半斤

白朮二兩

戎鹽丸大一枚

右三味。為末。白湯調下。

〔百〕小便不通。車前子草一斤。水三升。煎取一升半。分作三服。

〔東〕滋腎丸。治下焦陰虛。脚膝軟無力。陰汗陰痿。足熱不能履地。不渴而小便閉者。邪熱在血分也。

黃柏

二兩酒洗焙

知母

二兩酒洗焙

肉桂

二錢

內經云。熱者寒之。又云。腎惡燥。急食辛以潤之。以黃柏之苦寒瀉熱。補水潤燥。故以為君。以知母苦寒瀉腎火。故以為佐。肉桂辛熱。寒因熱用也。

右為細末。熟水為丸。如雞荳大。每服百丸。加至二百丸。煎百沸湯下。空心服。昔長安有大賈王善夫。病小便不通。漸成中滿。腹大堅硬如石。壅塞之極。腿脚腫脹。破裂出黃水。雙睛凸出。晝夜不得眠。飲食不下。苦痛不可名狀。求予治之。因問受病之始。知病不渴。近苦嘔噦。眾醫皆用治中滿利小便滲淡之藥。急難措手。乃辭歸。從夜至旦。耿耿不寢。窮究其理。忽記素問有云。無陽則陰無以生。無陰則陽無以化。又云。膀胱州都之官。津液藏焉。氣化則能出矣。此病小便癱閉。是無陰而陽氣不化者也。凡利小便之藥。皆淡味滲泄為陽。止是氣藥陽中之陰。非北方寒水。陰中之陰所化者。此乃奉養太過。膏梁積熱。損北方之陰。腎水不足。故膀胱腎之室。久而乾涸。小便不化。火又逆上而為嘔噦。非膈上所生也。獨為關非格病也。潔古老人曰。熱在下焦。填塞不便。是治關格之法。今病者。

內關外格之病悉具。死在旦夕。但治下焦可愈。隨處以稟北方寒水所化。大苦寒氣味俱陰者。黃柏知母桂為引用。丸如桐子大。沸湯下二百丸。服藥少時。須臾前陰如刀刺火燒之痛。溺出如瀑泉湧出。臥具皆濕。牀下成流。顧盼之間。腫脹消散。予驚喜曰。大哉聖人之言。豈可不遍覽而執一者也。其證小便閉塞而不渴。時見躁者是也。凡諸病居下焦皆不渴也。二者之病。在氣在血。最易分別。〔潔〕黃連丸。治因服熱藥過。小便不利。諸藥莫能效者。或臍下痛。不可忍者。

黃連妙

黃柏妙

甘草各等分

右以咀。水煎溫服。食前。如更不通。加知母。此藥助氣。使氣得化。則通矣。

〔羅〕白花散。治小便不通。膀胱有熱。用朴硝不以多少為細末。每服一二錢。煎茵香湯調下。食前簡要。先用茵香酒調。

〔垣〕導氣除燥湯。治小便不通。乃血濕致氣不通而竅澁之症。

知母三分酒洗

黃柏四錢

滑石二錢炒黃

澤瀉三分

茯苓二錢去皮

右和勻。每服半兩。水煎稍熱空心服。如急閉小便。不拘時候。

〔斗〕小便不通。用蚯蚓杵。以冷水攪過。濃服半碗。立通。大解熱疾。不

渴而
腹冷
為水
氣

氣鬱
于下
微者
以散
之

甚者
吐以
提之

知人事欲死者服之效

〔仲〕小便不利者有水氣其人若渴括藜麥丸主之

瓜藜根二兩

茯苓

薯蕷各二兩

附子一枚

瞿麥兩

右五味末煉蜜丸如桐子大服三丸日三服不知增至七八丸以

小便利腹中溫謂之知

小便不通腹下痛狀如覆碗痛悶難忍者乃腸胃乾涸臏中氣不下故經所謂膀胱者州都之官津液藏焉氣化則能出矣故臏中者臣使之官三焦相火腎為氣海也王註曰膀胱津液之府胞內居之少腹處間毛內藏胞器若得氣海之氣施化則溲便注下氣海之氣不及則隱秘不通故不得便利也先用木香沉香各二錢酒調下或入正散甚則宜上湧之令氣通達便自通利經所謂病在下上取之王註曰熱攻於上不利於下氣盛於上則溫辛散之苦以利之

調木香沉香末服之空心下

一方煎陳皮茯苓湯

〔丹〕小便不通屬氣虛血虛有實熱痰氣閉塞皆宜吐之以提其氣

氣升則水自降蓋氣承載其水者也氣虛用參朮升麻等先服後吐

或就參芪藥中調理吐之血虛用四物湯先服後吐或就芎歸湯探

吐之痰多二陳湯先服後探吐之痰氣閉塞二陳湯加香附木通探

血鬱
于下
微者
行之
輕劑

甚者
峻劑
被之

吐之。實熱當利之。或用入正散。蓋大便動。則小便自通矣。
〔丹〕治一男子。小便不通。用吐法。一吐便如注。論見治虛實法。病在
下取之上條。

蒲灰髮灰本草滑
石丹溪云

〔仲〕小便不利。蒲灰散。滑石白魚散。茯苓戎鹽湯主之。

蒲灰散方

蒲灰七分惡即 滑石三分

右二味。杵為散。飲服五分方寸匕。日三服。

滑石白魚散方

滑石二分 亂髮二分 白魚二分衣

右三味。杵為散。飲服五分匕。日三服。

〔無〕髮灰散。治臍下急滿。小便不通。用髮灰研細。每用二錢。米醋二

合調服。一法與葵子等分為末。飲服二錢訖。即炒黑苦藥蓋其上。即

通。丹溪云髮鬢補
陰之功甚捷

〔本〕桃仁煎。治婦人積血。頭在昆陵。有一貴宦妻妾。小便不通。臍腹
脹痛不可忍。衆醫皆作淋治。如入正散之類數種。皆治不通。病愈甚。
予診之曰。此血瘕也。非瞑眩藥不可去。予用此藥。初服至日午。大痛
不可忍。臥少頃。下血塊如拳者數枚。小便如黑荳汁一二升。痛止得

愈。此藥猛烈大峻。氣虛血弱者。宜斟酌之。

桃仁

大黃

朴硝各一兩

蠱蟲牛兩 妙黑

右四味為末。以醇醋二升半。銀石器內。慢火煎取一升五合。下大黃桃仁蠱蟲等。不住手攪。良久出之。丸如梧子大。前一日。不晚食。五更初。溫酒吞下五丸。日午取下如赤荳汁。或如雞肝蝦蟆衣狀。未下再作。如見鮮血即止。續以調血氣藥補之。此方出千金。此方不可妄用右四方。治汚血。小便不利。前三方輕劑可用。後一方峻劑。須認得分曉用之。

虛實

〔丹〕呂仲年。六十大歲。病傷寒得汗。熱退後。脈尚洪。此洪脈作虛脈論。與人參黃芪白朮炙甘草當歸芍藥陳皮。數日其脈仍大。未收斂。又小便不通。小腹下妨悶。頗為所苦。但仰臥則滴點而出。予曰。補藥服之未至。前藥倍加黃芪人參。大劑與服。兩日小便方利。小腹痛脹如覆碗為實。其法有二。氣壅塞於下者。用吐法以提之。血汚於下者。用桃仁之類以破之。二方並見血氣條

雜方

〔世〕治小便閉。用大田螺生去殼。搗細。封臍上即通。治傷寒後。小便不通。用生薑入九塊。杵碎。水十餘碗。麻布五六尺同煎數沸。用桶盛。至候通。手以布頻熨小腹良久。恰用紅荳末一七。紅茶二七。井花水調服。神效。小便如注。

〔本〕治小便難。小腹脹滿。不急治殺人。用葱白一斤。細剉。炒令熱。以帕子裹。分作兩處。更替熨臍下。卽通。

〔去〕陰陽關格。前後不通。利大便。小水自行。中有轉胞之證。諸藥不效。無救。則脹滿悶亂而死。予曾以甘遂末。水調傳臍下。內以甘草節湯飲之。藥汁至臍。二藥相反。而胞自轉矣。小水來如湧泉。此救急之良法也。

〔聖〕治小便難。腹滿悶。不急療之殺人。用秦艽一兩去苗。以水一大盞。煎取七分。去渣。每於食前。作兩服瘥。

〔世〕治小便不通。用大杏仁二十一枚。研水調分作二服效。

杏仁紫苑
利小便解

肺鬱鬱解則氣自
降而小便去矣

〔千〕治婦人卒不得小便。用紫苑末。以井花水。服三撮便通。小便血五撮立止。

〔外〕若小便不通。數病而微腫。方取陳筆頭一枚。燒爲灰和水服之。

此方
未詳

經云。腎合膀胱。膀胱者。津液之府也。小腸屬腎。腎上連肺。故將兩藏三焦者。中瀆之府也。水液出焉。是屬膀胱。乃腎之府也。又云。膀胱者。州都之官。津液藏焉。氣化則能出矣。由是言之。膀胱藏水。三焦出水。治小便不利。故刺灸法。但取三焦穴。不取膀胱也。小腸屬腎肺。故東

運氣

垣用清肺飲子滋腎丸利小便是也
運氣小便不利有三。

其一屬濕邪攻三焦。經云。太陰在泉。濕淫所勝。病小腹痛腫。不得小便。又云。水不及曰涸流。涸流之紀。上宮與正宮同。其病癰閉是也。
其二屬風邪攻脾。經云。厥陰司天。風淫所勝。病瘡癩泄水閉是也。
其三屬燥熱。經云。陽明司天之政。天氣急。地氣明。民病癰閉。初之氣。其病小便黃赤。甚則淋。又云。少陰司天之政。地氣肅。天氣明。二之氣。其病淋是也。

針灸

內經刺灸小便不利法有五。

其一取肝。經云。肝足厥陰之脈。所生病者癰閉。又云。小腹滿。身寒熱。小便不利。取足厥陰。又云。癰取陰蹻及三毛。上及血絡出血是也。
其二取三焦。經云。三焦病者。腹氣滿。小腹丸堅。不得小便窘急。盜則水流。即為脹候。在足太陽之外大絡。大絡在足太陽少陽之間。亦見於厥取委陽。又云。小腹痛腫。不得小便。邪在三焦。約取之太陽大絡。

大絡
委陽
視其絡脈。與厥陰小絡結而血者。當有取之二字是也。

其三取腎絡。經云。足少陰之別。名曰大鍾。當踝後繞跟。別走太陽。其病實則癰閉。取之所別也。

其四取脾。經云。足太陰之脈所生病者。瘡癩泄水閉。視虛實寒熱。陷

下而施補瀉。疾留灸也。

其五雜取。經云。內閉不得洩。刺足少陰。太陽與骶骨上。以長針。氣逆則取其太陰陽明厥陰。甚則取少陰陽明。動者之經也。

〔經〕治小便淋瀝。或有血。以赤根樓葱。近根截一寸許。安臍中。上以艾灸七壯。

〔羅〕治小便淋瀝不通。用鹽不以多少。炒熱填滿病人臍中。卻用艾如筋頭大。灸七壯。其小便自出。

〔摘〕內陰谷出密語 關元 八分令病人覺淋瀝三五次為度便揉小腹却取下穴 二二陰交 三分即透 陰谷

〔撮〕小便閉數不通。陰谷 一寸五分灸 陰陵泉 之

〔標〕又法。偏歷

〔集〕小便閉不通。陰陵泉 陰谷 二二陰交 氣海 關元 灸三十壯刺二十

寸五分不巳取下穴 太谿 陰交

〔東〕熱淋。小便黃。腹滿。陰陵泉 關元 各二寸 氣衝 二七壯 石淋不

得小便。關元 三七壯 氣門 大敦 各二七壯 血淋 氣海 丹山 各刺灸三七壯

小便熱痛。目赤尿如血。列缺 船皮一寸 太陵 承漿 各五分 又法。

曲骨 灸二七壯 陰陽一 各二寸五分 陵泉

〔甲〕少腹中滿。熱閉不得瀉。足五里取之。溺難痛。白濁。卒疝。少腹腫。數逆嘔吐。卒陰跳腰痛。不可以俛仰。面黑熱。腹中脹滿。身熱厥痛。

行間主之。

癰遺瀉。鼠鼷痛。小便難而白。期門主之。陰胞有寒。小便不利。扶承

主之。

筋急身熱。少腹堅腫。少腹時滿。小便難。尻股寒。髀樞痛。外引季脇。內

控入竅。委中主之。癰中竅主之。胸滿膨膨然。實則癰閉。腋下腫

虛則遺瀉。脚急。兢兢然。筋急痛。不得大小便。腰痛引腹。不得俛仰。委

陽主之。小腹脹急。小便不利。厥氣上頭巔。滿谷主之。勞痺小便

赤難。前谷主之。氣癰瀉黃。關元及陰陵泉主之。千金云寒熱不節腎病不可俛仰氣

癰。小便黃。氣虛則遺瀉。石門主之。小便難。竅中熱。實則腹皮痛。虛

則痒癢。會陰主之。

癰卽淋病

〔丹〕朱郎小便淋痛。脈左大右瀼。此爲勞傷經血。勿作淋治。可補血

行肝經滯血自愈。

生地

當歸

赤芍各一錢

川芎三分

條芩三分

甘梢三分

陳皮五分

木通五分

黃柏二分炒

紅花壹大

杜牛膝一錢

右桃仁泥研。滑石同煎。待淋病去。退滑石。桃仁。杜牛膝。木通。入川

牛膝。代木通。分兩倍之。

血受
傷者
補血

金華申明叔年踰七十。因壯年踏冷患腎氣疝痛。常食蒼朮烏附等藥。二十餘年。疝氣少止。卻患小便淋痛。又十三年。其間又服朴硝大黃治諸淋之藥。百方俱試。並無一效。至是年春。頸項帶右邊發一疽。延及缺盆。可尺許。不能食。淋痛愈加。必須叫號。其瘡淫潰。濃血淋漓。精神困憊。時正六月。診其脈。兩手濇短。左微。是弦狀。輕重皆近五。至予謂此瘡。皆前烏附等藥積毒所發。此淋亦因燥烈之藥。凝積滯血。滿膀胱。沉澱脈爲敗血。短脈爲血耗。遂令於溺後視之。有物出如敗膿者否。視之果然。因思之。忍痛則傷血。叫則傷氣。遂先治淋。令取杜牛膝根莖葉同煎取濃汁。卻煎四物湯。作大料與服。三日後。痛漸減。前所謂敗膿者。至是漸少。五七日。淋病全安。此時瘡亦定。蓋四物能生血也。但飲食減少。瘡未收斂耳。遂用參芪當歸白朮四藥大劑。於瓦器熬爲膏。以陳皮半夏縮砂木香煎取清汁。調膏藥飲。遂能食。又一月而瘡安。一方名血餘散。治血淋內崩。吐血。舌上出血。便血。用亂髮以皂角水洗淨。晒乾燒灰爲末。每服二錢。以茅根車前葉煎湯調下。

〔斗〕治五種淋。用苧麻根兩莖打碎。水一碗半。煎半碗。頓服卽通。大妙。丹溪云苧根補陰行滯血

〔博〕治五淋。赤芍藥一兩。檳榔一箇。麩裹煨爲末。每一錢七。水一盞

煎至七分。空心服。

氣虛淋。入物湯加杜牛膝。黃芩汁煎服。老人氣虛亦能淋。參朮中加木通山梔。

仁入姪淋病。脈沉而大。此主勞苦傷血。下焦蘊結。

人參

歸尾

白芍

香附錢五

條芩

木通錢三

山梔錢三
錢半

黃芪錢五

生甘草錢五分

分六帖。杜牛膝湯。兩盞煎取一盞。食前熱飲之。

胡雲六朝奉。七十餘。因顛後。誤與荆芥大黃等藥。傷正氣。以致惡血結聚。今則小便如淋。中滿食少。以此治之。

生芪錢三

人參錢二

歸頭

白朮

陳皮錢一

作一帖煎服。

又生氣藥。

縮砂錢三

海金砂

紅麴錢二

檀香錢二

木香

白芫薺

丁香錢一

分六帖。研桃仁十四枚。入生氣散。

死血作淋。牛膝膏妙。但虛人能損胃。不宜食。

〔本〕治婦人諸般淋苦。杖根。俗呼杜牛膝。多取洗淨碎之。以一合。用水五盞。煎至一盞。去渣。入麝香乳香少許。研調下。

鄞縣武尉耿夢得。其內人患砂石淋者十三年矣。每旋痛楚不可忍。瀾器中小便下砂石。剝剝有聲。百方不效。偶有此方。噉之。一夕而愈。目所見也。

〔千〕用牛膝以酒煮服。治小便淋痛。肘後方。用牛膝根莖葉。亦以酒煮服。治小便不利。莖中痛欲死。及治婦人血結堅痛如神。蓋牛膝治淋之聖藥也。但虛人當用補劑。監治之耳。

〔世〕茄櫨散。治放尿有血帶血線。童子小便煎茄樹根汁服之效。
〔羅〕琥珀散。治五淋瀝澀痛。小便有膿血出。
琥珀研 海金沙研 沒藥研 蒲黃各一兩研

右研為細末。每服三錢。食前煎萱草根湯調下。日三服。

黃明之。小便澀。莖中痛不可忍。相引膈下痛。以茯苓琥珀湯主之。

川棟子去核剉炒 甘草生各一錢 人參五分 玄胡索七分

茯苓四分 琥珀 澤瀉 歸梢

柴胡各三分

右咬咀。都作一服。長流水三盞。煎至一盞。去渣。溫服。空心食前。數服大效。

〔瑞〕治諸般砂石淋。琥珀二錢。研細。空心用葱白頭濃煎湯調下。無問諸般淋證。一二服立效。丹溪云。琥珀。古今方用以利小便。若血少不利者。反受其急。急之苦耳。本草。琥珀。瘡疔血極驗。

〔無〕鹿角霜丸。治膏淋。

鹿角霜

白茯苓

秋石各等分

右為末。糊丸。如桐子大。每服五十丸。米飲下。

〔圖〕治石淋導水。用螻蛄一枚。鹽二兩。同於新瓦上。鋪蓋焙乾。研末。溫酒調下一錢。七服之即愈。

〔靈苑〕治五種淋疾。氣淋。熱淋。勞淋。石淋。及小便不通。至甚者。透膈散。用硝石一兩。不夾泥土。雪白者。研為末。每服二錢。諸淋各依湯使。如勞倦虛損。小便不出。小腹急痛。葵子煎湯下。通後更須服補虛丸散。血淋。小便不出。時下血疼痛。並用冷水調下。氣淋。小腹滿急。尿後常有餘瀝。木通煎湯下。石淋。莖內痛。尿不能出。內引小腹。膨脹急痛。尿下砂石。令人悶絕。將藥末先入銚子內。隔紙炒至紙焦為度。再研令細。用溫水調下。小便不通。小麥湯下。卒患諸淋。並以冷水調下。並空心先調。使藥消散如水。即服之。更以湯使送下。服藥未效者。服此立愈。

〔子和〕百亭劉十三之子。年六歲。病砂石淋。戴人以苦劑三瀉之。以益腎散三下之。立愈。鹿邑一閭閻之家。有子二十三歲。病膏淋。三

年矣。鄉中醫不能治。往京師偏訪。多作虛損。補以溫燥。灼以針艾。無少減。聞戴人僑居纒東。見戴人曰。惑蠱之疾也。亦曰。白淫實由少腹熱。非虛也。可以瀉以泄。其人以時暑憚其法峻。不決者三日。浮屠一僧曰。予亦有暑病。近覺頭痛。戴人曰。亦可瀉。願與君同之。毋畏之。於是瀉痰三升。色如黑礬汁。內有死血。並黃綠水。又瀉積穢數行。尋覺病去。方其來時。面無人色。及治畢。次日面如醉。戴人慮其暑月路遠。又處數方使歸。以自備云。屈村張氏小兒。年十四歲。病約一年半矣。得之夏秋。發則小便大痛。至握其峻跳躍旋轉。號呼不已。小便數日不得下。下則成砂石。大便秘澁。肛門脫出一二寸。諸醫不能治。求治於戴人。戴人曰。今日治。今日效。時日在辰巳間矣。以調胃承氣僅一兩。加牽牛頭末二錢。汲河水煎之。令作三五度咽之。又服苦末丸。如芥子許六十丸。日加哺。上瀉下泄。一時齊出。有膿有血。瀉泄既覺定。令飲新汲水一大盞。小溲已利。一二次矣。是夜凡飲新水二三十遍。病去九分。止哭一次。明日困臥如醉。自晨至暮。猛然起走。索食於母。歌笑自得。頓釋所苦。繼以太白散入正散等調理。一日大瘥。恐暑天失所養。留五日而歸。戴人曰。此下焦約也。不吐不下。則下焦何以開。不令飲水。則小便何以利。大抵源清則流清也。苦末丸未詳考

〔丹〕諸淋皆屬於熱。余每用黃柏磁腎丸。每百丸。用四物湯加甘草

梢杜牛膝木通桃仁滑石木香煎湯空心吞服兼灸三陰交如鼓應桴累試累效者

〔保〕淋瀝者涼膈散加滑石四兩扶苓一兩涼膈散方見治發熱

〔羅〕石葦散治腎氣不足膀胱有熱水道不通淋瀝不宜出少起數臍腹急痛或尿如荳汁或便如砂石並皆治之

木通

石葦

滑石各二兩

炙甘草

王不留行

當歸各一兩

白朮

瞿麥

芍藥

葵子各二兩

右為細末每服二錢小麥粥湯調下空心服一方加沉香陳皮無

滑石瞿麥白朮木通

〔本〕治心經熱小便澁及治五淋火府丹

生地

木通

黃芩

甘草

右為細末煉蜜杵丸如桐子大每服二十粒木通煎湯下此藥治

淋澁臍下滿痛

右二方解熱利小便兼補之劑

〔無〕石燕丸治石淋多因憂鬱氣注下焦結所食鹹氣而成令人小便疼痛不可忍出砂石而後小便通

石燕

燒令通赤水中煅三次搗研水飛焙乾

滑石

石葦

去毛

瞿麥穗各一兩

右爲末。糊丸。桐子大。煎瞿麥燈心湯。下十丸。食前服。日二三。

〔羅〕海金沙散。治小便淋澀。及下焦濕熱。氣不施化。或五種淋疾。癃閉不通。

海金沙研

木通

瞿麥穗

滑石

通草各半兩

杏仁湯洗去皮尖
炒一兩

右爲細末。入燈心同煎。空心服。

入正散。治小便赤澀。或淋閉不通。及熱淋。並宜服之。

大黃剉

木通

瞿麥

滑石

篇蓄

車前子

山梔仁

甘草各九分

右爲末。入燈心同煎。小兒少少與之。

〔潔〕葵花散。治小便淋澀經驗。葵花根一味。洗淨剉。水煎至七沸。服之立效。味甘

〔世〕葛粉丸。治男女淋病疼痛。效速。勿輕忽之。

沙糖本草云治心
肺大腸熱

葛粉

和丸。如桐子大。井花水化開。一二丸。

治血石淋。楊樹蛙脣。烏梅一。大棗三。水一盞。煎服。

〔靈苑〕治卒患諸淋。遺澀不止。小腸赤澀。癢癢。三葉酸漿草。人家園

胞痺
似淋
屬寒

林亭檻中。着地開黃花。味酸者是。取嫩者淨洗。研絞自然汁一合。用酒一合攪勻。空心服之。立通。三葉酸漿草即布。數飯許見白帶門。

〔無〕葶草汁。治膏淋及尿血。葶草搗汁二升。醋二合和。空腹服一盞。

又濃煮汁飲。亦治淋瀝尿血。葶草俗名辣母藤又名葛。勒蔓處處纏牆上有之。

胞移熱於膀胱。則癰瀝血。全文見診病傳變。胞謂女子胞也。

〔難〕痺論云。胞痺者。小腹膀胱按之內痛。若沃以湯。澁於小便。上為清涕。夫膀胱為州都之官。津液藏焉。氣化則能出矣。今風寒濕邪氣客於胞中。則氣不能化出。故胞滿而水道不通。其小腹膀胱按之內痛。若沃以湯。澁於小便。以足太陽經其直行者。上交巔入絡腦。下灌鼻竅。則為清涕也。治胞痺。小便不通。腎着湯。千金方。問方同。

赤茯苓去皮

白朮各四兩

甘草各三兩

乾薑炮一兩

右為末。每服五錢。水二盞。煎至一盞。去渣。溫服。日三。

扶苓丸。治胞痺。小便內痛。

赤茯苓

防風

細辛

白朮

澤瀉

官桂各半兩

瓜蒌根

紫苑

附子

黃芪

芍藥

甘草各二分

生地

牛膝酒浸

山芋

獨活

半夏湯浸

山茱萸各一分

右十八味。爲細末。煉蜜丸。如桐子大。每服十丸。溫酒送下食前。

巴戟丸。治胞痺。臍腹痛。小便不利。

巴戟 去心一兩半

桑螵蛸 熬

遠志 去心

生地

山芋

附子 炮

續斷 各一兩

肉苁蓉 酒浸各一兩

杜仲 炙

石斛

鹿茸 酥炙

龍骨

兔絲子

五味子

山茱萸

官桂 各三錢

右十六味。爲細末。煉蜜丸。如桐子大。溫酒下三十丸。空心食前。

腎瀝湯。治胞痺。小腹急。小便不利。

桑白皮 炒

犀角屑

杜仲 炙去絲

五加皮

麥門冬

木通

桔梗 各一兩

赤芍藥 五錢

右八味。爲齏末。每服五錢。水一盞半。半腎一箇切。竹瀝少許同煎。去渣。溫服。

去渣。溫服。

諸淋皆屬於熱。古方有冷淋。蓋十百之一也。今因胞痺屬風寒濕。故

主寒條。

〔無〕暝眩膏。治諸淋疼痛不可忍受。及砂石淋。大蘿蔔切一指厚。四

五片。好白蜜淹少時。安淨鐵鏟上。慢火炙乾。又蘸又炙。盡蜜二兩。翻

覆炙令香軟。不可焦。候蜜盡細嚼。以鹽湯一盞送下立效。

〔聖〕治冷淋。小腸不利。莖中急痛。用槲葉搗末。每服二錢。水一盞。葱

白七寸煎六分去渣食前溫服。

〔雀〕療石淋便中有石子者。胡桃肉一升。細米煮漿粥一升。相和頓

服即瘥。胡桃性熱

運氣。小便淋氣。及針灸淋闕法。並見小便淋闕門

〔仲〕淋家不可發汗。發汗則便血。淋之為病。小便如粟狀。小腹弦

急。痛引臍中。

腎脈滑實為癰瘡。痺脈滑甚為瀆癰。全文見治虛實法

〔脈〕少陰脈數。婦人則陰中生瘡。男子則氣淋。

〔素〕病有癰者。一日數十溲。此不足也。身熱如炭。頸膺如格。人迎躁

盛。喘息氣逆。此有餘也。太陰脈細微如髮者。此不足也。其病安在。名

為何病。岐伯曰。病在太陰。其盛在胃。頗在肺。病名曰厥。死不治。奇病論○癰病

脈細不治

胎前淋闕

〔丹〕轉胞病。胎婦稟受弱者。憂悶多者。性急躁者。食味厚者。大率有之。古方皆用滑利踈導。藥鮮有應效。因思胞為胎所壓。展在一邊。胞系了戾不通耳。胎若舉起。懸在中央。胞系得踈。水道自行。然胎之墜下。必有其由。一日吳宅寵人患此。脈之兩手似瀉。重取則弦。左手稍和。予曰。此得之憂患。瀉為血少氣多。弦為有飲。血少則胞弱而不能

自舉氣多有飲。中焦不清而溢。則胞知所避而就下。故喜墜。遂以四物湯加參朮半夏。陳皮生甘草生薑。空心飲。隨以指探喉中。吐出藥汁。候少頃氣定。又與一帖。次日亦然。如是八帖而安。此法果爲的確。恐偶中耳。後有數人。屢歷有效。未知果何如耶。仲景云。婦人本肌盛。頭舉身滿。今反羸瘦。頭舉中空。減胞系了戾。亦致胞轉。其義未詳。必有能知之者。

一婦人四十一歲。妊孕九箇月。轉胞。小便不出。三日矣。下急脚腫。不堪存活。來告急。予往視之。見其形悴。脈之。右瀆而左稍和。此飽食而氣傷。胎系弱不能自舉。而下墜壓着。膀胱偏在一邊。氣急爲其所閉。所以水竅不能出也。轉胞之病。大率如此。予遂製一方。補血養氣。血氣既正。胎系自舉。則不下墜。方有安之理。遂作人參當歸身尾白芍藥白朮帶白陳皮炙甘草半夏生薑煎湯。濃與四帖。任其叫噉。至次早天明。又與四帖。藥渣作一帖。煎令頓飲之。探喉令吐。出此藥湯。小便立通。皆黑水。後就此方。加大腹皮枳殼青蔥葉縮砂仁。二十帖。與之。以防產前後之虛。果得就蓐平安。產後亦健。一婦人。妊娠七八箇月。患小便不通。百醫不能利。轉加急脹。診其脈細弱。予意其血氣虛弱。不然。水載其胎。故胎重墜下。壓住膀胱下口。因此溺不得出。若服補藥升扶。胎起則自下。藥力未至。愈加急滿。遂令一老婦。用香油

塗手自產門入。托起其胎。溺出如注。脹急頓解。一面卻以人參黃芪升麻大劑煮服。或少有急滿。仍用手托放。取溺如此。三日後。胎漸起。小便如故。

〔仲〕問曰。婦人病飲食如故。煩熱不得臥。而反倚息者。何也。師曰。此名轉胞。不得溺也。以胞系了戾。故致此病。但利小便則愈。宜腎氣丸主之。即八味丸方見治法。酒下十五丸至二十九丸。日再服。

〔產〕療小便不通及胞轉。桑螵蛸搗末。米飲服方寸匕。日三。

〔仲〕妊娠有水氣。重身。小便不利。洒淅惡寒。起即頭眩。葵子茯苓散主之。

葵子 各三兩 茯苓 各三兩

右二味。杵為散。飲服方寸匕。日三服。小便利則愈。

妊娠小便難。飲食如故。歸母苦參丸主之。

當歸 貝母 苦參 各四兩

右三味末。煉蜜丸。如小荳大。飲服三丸。加至十丸。男子加得石半兩

〔外〕治妊娠患子淋。猪苓五兩。一味為末。以白湯三合。服方寸匕。漸至二匕。日二夜一。

〔大〕治妊娠卒不得小便。杏仁一味。去皮尖。搗丸。如大荳荳。燈心湯吞七粒。立利。

鬱 肺氣

熱

〔丹〕朱宅婦人三十餘歲。四箇月胎。大小便閉。因與通利。冬葵子等藥已通。但氣未順。此由性急血耗氣亂。須和其氣。滋其血。乃安。

陳皮 青皮 芍藥一錢 人參

歸身尾 川芎 地黃 白朮半兩

茯苓 木通 甘草二分

〔甲〕小腸難。水脹滿。溺出少。胞轉。不得溺。曲骨主之。胞轉不得小便。小腹滿。關元主之。

產後淋閉

〔無〕治產前後淋。其法不同。產前當安胎。產後當去血。瞿麥蒲黃。最為產後要藥。

茅根湯。治產後諸淋主之。

白茅根兩八 瞿麥 葵子二兩 白茯苓各四兩

人參二兩 蒲黃 桃膠 滑石

甘草各一兩 紫貝十箇 石首魚枕石一兩

右剉為散。每服四錢。水一盞半。薑三片。燈心二十莖。煎至七分。去渣。溫服。亦可為末。木通煎湯調下。

〔大〕療產後小便不通。用陳皮去白。為末。空心服。酒調一二錢。一服便通。

瘡產後小便不通。腹脹如鼓。悶亂不醒。用鹽填臍中。卻以葱白剝去粗皮十餘根。作一縛。切作一指厚。安臍上。用大艾炷。隔葱餅上。以火灸之。覺熱氣入腹內。卽時便通神驗。

小便數

〔羅〕中書右丞令刺令孫病小便數而短。晝夜約二十餘行。臍腸填滿。腰脚沉痠。不得安臥。季春下旬。一日奉勅治之。遂往診視。脈得沉緩。時時帶數。常記小便不利有三。不可概論。若津液偏滲於腸胃。大便澀瀉。而小便澀少者。一也。宜利而已。若熱搏下焦津液。則濕熱不能行者。二也。必滲瀉則愈。若脾胃氣澀。不能通調水道。下輸膀胱而化者。三也。可順氣。令施化而出。今右丞平素膏梁濕熱內蓄。不得施行。膀胱竅澀。是以起頻而見少也。非滲泄分利。則不能快利。遂處一方。名曰茯苓琥珀湯。內經曰。甘緩而淡。滲。熱搏津液。內蓄臍腹脹滿。當須緩之。泄之。必以甘淡爲主。遂以茯苓爲君。甘寒滑以利竅澀。猪苓琥珀之淡。以滲泄利水道。故以二味爲臣。脾惡濕。濕氣內蓄。則脾氣不舒。益脾勝濕。必以甘爲助。故以甘草白朮爲佐。鹹入腎。鹹味湧泄爲陰。故用澤瀉之鹹。以泄伏水。腎惡燥。急食辛以潤之。津液不行。以辛散之。桂枝味辛。散濕潤燥。故以爲使。煎長流甘爛水。使不助其腎氣。大作湯劑。令直達於下而急速也。兩服減半。旬日良愈。

費而
小爲

茯苓琥珀湯

茯苓

白朮

琥珀各半

甘草炙

桂去皮各二錢

澤瀉一兩

滑石七錢

猪苓半兩

右為細末。每服五錢。煎長流甘爛水一盞調下。空心食前。待少時以美饍壓之。

〔食〕主下焦虛冷。小便數損無力。生薯蕷半斤。刮去皮。以刀切碎。於鍋中煮酒沸。下薯蕷不得攪。待熟加鹽葱白更添酒。空腹下二三盞妙。

〔羅〕水芝丸。治上焦真氣虛弱。小便頻數。日夜無度。

蓮肉

去皮不以多少用好酒浸一兩宿。豬肚一箇將酒浸蓮肉入肚中。多半為度。水煮熟取出。蓮肉切焙乾。

右為細末。酒煮麵為丸。如芡實大。每服五十九丸。米飲湯下。食前。

〔世〕治夜少小便。用益智三十四箇為末。鹽五分。水一盞。煎八分。臨

臥溫服。

〔本〕衛真湯。治丈夫婦人。元氣衰憊。榮衛怯弱。真陽不固。三焦不和。上盛下虛。夜夢鬼交。覺來盜汗。面無精光。唇口舌燥。耳內蟬鳴。腰痛背倦。心氣虛乏。精神不寧。驚悸健忘。飲食無味。目漸瘦悴。外腎濕痒。夜多小便。腫重冷痛。牽引小腹。足膝緩弱。行步艱難。婦人血海久冷。經候不調。或過期不至。或一月兩來。赤白帶下。漏分五色。子宮感寒。

數而多為虛

虛寒

久不成孕。並皆治之。此藥大能生氣。血遇夜半子時腎水旺極之際。補腎實臟。男子攝血化精。諸病未萌之前。皆能制治。使不復為梗。

當歸 一兩酒 煨一宿

人參 一兩 午

金釵石斛 五兩

白茯苓

木香

肉苳蔻

山藥 已上各 三兩

生地 二兩

熟地 溫水洗 三兩

丁香 一兩

青皮 一兩 去白

川牛膝 二兩童便酒各 半盞煨一宿

右為細末。每三大盞酒調下。鹽亦得。空心食前一服。婦人諸病。童便同酒調空心下。

又方。治男子婦人。一切虛冷之疾。活血駐顏。減小便。除盜汗。治婦人久不生。產似帶疾。而非時有遺瀝。並皆治之。功驗不可具述。

蒼朮 切 煨

川棟

茴香

吳茱萸 湯洗

破故紙

胡蘆芭 已上各一 兩並炒

川薑

川烏

草烏 已上各 半兩炮

山藥 二兩

右各炮治如法。同為細末。醋糊為丸。如桐子大。每服十五丸。空心

溫酒鹽湯任下。婦人艾醋湯下。日二服。耳目永不昏聩。髮髮不白。

〔衍〕隣家有一男子。小便日數十次。如稠米泔色。心神恍惚。瘦瘁食

減。令服桑螵蛸散。未終一劑而安。此藥能安神魂。定心志。治健忘。小

便數。補心氣。用桑螵蛸遠志菖蒲龍骨人參茯苓當歸龜甲醋炙。已

上各一兩為末。以人參湯調下二錢。

〔海〕薑附石脂神砂丹。治小便數而不禁。怔忡多忘。方見帶下

〔丹〕因看盧氏醫鏡。見此一藥味數分兩同。惟丹砂用伏火者。及治病有差。所治者。小便數而不禁。怔忡多忘。覺夢不已。不同耳。見其不同。審而詳之。乃得此治法不差。且泛論之。經言。腎主大便。肝主小便。淋瀝。難經云。小腸爲赤腸。是面赤色。及便瀦色赤。皆出心與小腸。南方赤色。顯於外也。經言。下焦如瀦者。正謂大小便也。大便爲陰。爲有形氣化。乃下焦之下者也。謂腎主大便。不言大腸者。明子行父道。爲腎臟病。小便爲陽。爲無形氣化。乃下焦之高者也。謂肝主小便淋瀝。亦是子行父道。爲腑病。凡諸無形氣化者。皆腑病所主。諸有形氣化者。皆臟病所主。此二證。俱在下焦。則同。但有形無形。及在腑在臟有殊。俱是丹田衰敗。不言心火者。以其相火代行君之政令故也。細分之。則膀胱壬水勝丙火。小腸者。不傳入陰。故爲泄血。泄血利不禁。爲有形質病。且不傳陰。則陰不病。何爲有形病。此爲陰之體也。爲腑之用也。天地陰陽。互爲體用。以斯可見。是明五臟者。爲六腑所用。六腑者。爲五臟所用。明矣。是有形皆爲傳陰也。大小便不禁。是膀胱不禁。爲遺瀦。此不傳陰也。是丹田胞絡受寒。爲壬所克。大抵諸腑皆乘有形。有形病者。皆在腑。責其所乘。皆在臟也。用伏火丹砂者。去其寒性耳。治法同者。以其俱在下焦。補諸無形。同在胞絡耳。以其胞與腎相

運氣

數而
肺久屬

夜臥
多驚
屬肝

針灸

便赤
為熱

脈冷
為寒
臟腑

對。有渠相通故也。腎主大便。肝主小便。所治安得不殊。經曰。腎肝同歸一治。又曰。少陽主骨。所生病。便溲難。膀胱主筋。所生病。亦可知也。小便不禁。扶菴湯下。大便不禁。米飲下。此論局方案附神砂丹而發運氣小便數。皆屬火。經云。少陽之復。便數憎風是也。小便數。惟二藏有之。

一屬肺。經云。肺手太陰之脈。氣盛有餘。則肩背痛。風寒汗出。中風。小便數而欠是也。以刺言之。瀉手太陰則愈。

一屬肝。經云。足厥陰之瘧。令人如癡狀。而小便不利。又云。肝痺者。夜臥則驚。多飲。數小便。是也。視虛實。補瀉之則愈。

〔東〕小便數。脾痛。尿胞 在玉泉下一寸屈骨端

〔玉〕小便多。命門 髓年壯灸 腎俞 一分沿皮向外大分補大呼瀉一吸

〔集〕小便滑數。中極。灸 腎臑 陰陵泉 下穴 不已取

二陰交

瀉赤

諸病水液渾濁。皆屬於熱。全文見診小便黃者。少腹中有熱也。全文見水腫小便黃無如黃柏知母效。

脈尺澹。足脛逆冷。小便赤。宜服附子四逆湯。足太衝補之。

臟腑小便黃有四。

一屬肝熱。經云。肝熱病者。小便先黃。是也。

二屬胃實。經云。胃足陽明之脈。氣盛。則身已前皆熱。其有餘於胃。則消穀善饑。溺色黃是也。

三屬肺虛。經云。肺手太陰之脈。氣虛。則肩背痛。寒少氣。不足以息。溺色變故耳。

四屬腎虛。經云。冬脈者腎脈也。冬脈不及。則令人眇。清脊痛。小便變是也。

運氣小便黃有二。

一屬風。經云。厥陰之勝。祛腦氣。并化而為熱。小便黃赤。是也。

二屬熱。經云。少陰司天。熱淫所勝。病溺色變。又云。少陽之勝。溺赤善驚。又云。陽明司天。燥氣下臨。暴熱至。乃暑陽氣鬱發。小便變是也。蓋

暴熱謂地氣少陰之熱也。

邪之所在。皆為不足。中氣不足。溲便為之變。補足外踝下留之。全文見刺

虛實法

〔甲〕小腸有熱。溺赤黃。中管主之。溺黃。下廉主之。小便黃赤。完

骨主之。小便黃。腸鳴相追逐。上廉主之。

遺溺

〔垣〕小便遺失者。肺金虛也。宜安臥養氣。禁勞役。以黃芪人參之類

下虛
盤脫

補之。不愈。當責有熱。加黃柏生地。甲乙云肺脈則少氣不足。以息卒遺失無度。下虛。謂膀胱下焦虛。經云。水泉不止者。是膀胱不藏也。仲景云。下焦竭。則遺溺失便。其氣不能自禁制。不須治。久則愈。又云。下焦不歸。則遺洩。世用桑螵蛸雞陸脰之類是也。

〔丹〕治遺溺。桑螵蛸酒炒為末。薑湯送下二錢妙。

〔無〕鷄內金散。治溺牀失禁。雞陸脰一具。並腸洗淨燒為灰。男用雌。女用雄。即是鷄肫內黃皮研為末。每服二錢。酒飲調服妙。又方。用羊肚系盛水滿。線縛兩頭煮熟。取中水頓服之。瘡。

〔山〕大人遺溺不知。薔薇根細研酒下。

〔丹〕鹿茸丸。治久虛冷。小便自濁。滑數不禁。

鹿茸

椒紅

桂

附子

牡蠣

石斛

補骨脂

肉蓯蓉

雞陸脰

沉香各一兩

桑螵蛸三分

右為末。酒糊丸。桐子大。食前酒下三十丸。此方因沉香解諸。蓋故丹溪取之。

又云。鹿角屑炒黃為末。溫酒下二錢妙。本草云。鹿角逐陰中邪氣。惡

血。鹿茸丸。方見虛條

〔河〕熱甚客於腎部。手足厥陰之經。廷孔鬱結極甚。而氣血不能宣通。則痿痺。神無所用。故津液滲入膀胱。而旋溺遺失。不能收禁也。經

寒熱
鬱結

汚血

虛寒

曰。目得血而能視。耳得血而能聽。手指得血而能攝。掌得血而能握。足得血而能走。臟得血而能液。腑得血而能氣。然血所通流。則氣亦然也。氣血先行。則其中神自清和。而應機能爲用矣。故經曰。血氣者。人之神。不可不謹養也。故諸所運動。時習之。則氣血通利。而能爲用。閉塞之。則氣血行微。而其道不得通利。故劣弱也。若病熱極。甚則鬱結。而氣血不能宣通。神無所用。而不遂其機。隨其鬱結之微甚。而有不用之大小焉。是故目鬱則不能視色。耳鬱則不能聽聲。鼻鬱則不能聞香臭。舌鬱則不能知味。至如筋痿骨痺。諸所出不能爲用。皆鬱結之所致也。

〔丹〕千金翼。白薇散。治尿出不知時。

白薇 本草云
氣大寒

白芍藥 各等分

右爲末。溫酒調下方寸匕。日三服。食前。

嘗治一男子。遺溺不覺。服洪大盛。以黃柏知母杜牛膝爲君。青皮甘草爲臣。木香爲佐。桂些少反佐。服數帖。大效。此法與前白薇散。皆河間所謂熱甚。廷孔鬱結。神無所用。不能收禁之意也。

〔世〕神芎導水丸。治遺尿有實熱者。每百丸。空心白湯下。若一服利。

止後服。 前法河間所謂廷孔鬱結不能收禁此所謂
淫氣遺滿脾聚在腎痺謂氣血不通宜也

〔無〕茯苓丸。治心腎俱虛。神志不守。小便淋瀝不禁。及遺泄白濁。

雜方

赤茯苓 白茯苓

右爲末。以新汲水。擦洗澄去新沫。控乾。別取地黃汁。同好酒。銀石器內。熬成膏。搜和爲丸。如桐子大。空心熱酒嚼下。

〔世〕用薏苡仁。鹽炒。煎服效。方見小兒

〔本〕燕蓐草。主眠中遺溺不覺。燒令黑研。水進方寸匕。亦主噦氣。卽燕窠中草也。

膀胱效者。效而遺溺。全文見效

針灸

針灸遺溺法有四。

其一取肝。其二取督脈。其三取三焦。並見遺溺閉癰門。其四取肺。經云。手太陰之別。名曰列缺。其病虛。則欠欬。小便遺數。取之去腕一寸。別走陽明者。是也。

〔東〕遺尿失禁。陰陵泉 陽陵泉二寸 大敦七 又方。 曲骨

陰陽二陵泉各二寸半

〔甲〕遺溺。關門及神門委中主之。 氣癰小便黃。氣滿。虛則遺溺。石門主之。

肝脈微滑爲遺溺。全文見治法

妊娠遺尿

〔大〕白薇散。治妊娠不知尿出時。方見前錄條

診

產後一味桑螵蛸散治妊娠小便數不禁。方見前下虛條

又方用鷄尾毛燒

產遺尿

〔無〕婦人產蓐產理不順致傷膀胱遺尿無時。

〔丹〕嘗見尿胞因收生者不謹以致破損而得淋瀝病途為廢疾。一日有徐婦年壯難產得此因思肌肉破傷在外者宜可補完胞雖在腹恐亦可治。遂診其脈虛甚予曰難產之由多是氣虛產後血氣尤虛試與峻補因以參芪為君芎歸為臣桃仁陳皮黃芪茯苓為佐煎以猪羊胞中湯極饑時飲之但劑小率用一兩至一月而安蓋令氣血驟長其胞自完恐稍緩亦難成功矣。

〔喬〕町婦人產後尿不禁面微浮略發熱於午後此膀胱為坐婆所傷。

黃芪

歸身尾

芍藥各一錢半

白朮錢一

人參

陳皮五分

甘草些

右煎熱飲之。

〔雲〕桑螵蛸散治產後小便數及遺尿。

桑螵蛸三十箇炒

鹿茸酥炒

黃芪各三兩

牡蠣煨

人參

赤石脂

厚朴各三兩

右為細末。空心。米飲調下三錢七。
又方。

桑螵蛸

牛兩
炒

龍骨

兩一

右為細末。米飲調下二錢。空心。

前陰諸疾

陰縮陰縱

陰痿陰汗陰冷陰瘡

陰

臭陰腫陰痛陰吹

前陰諸疾。前陰所過之脈有二。一曰肝脈。二曰督脈。經云。肝足厥陰之脈。入毛中過陰器。抵小腹。是肝脈所過也。又云。督脈者。起於小腹。以下骨中央。女子入繫庭孔。循陰器。男子循莖下至篡。與女子等。是督脈所過也。

陰縮陰縱

陰縮。謂前陰受寒。入腹內也。陰縱。謂前陰受熱。挺長不收也。經曰。足厥陰之筋。傷於寒。則陰縮入。傷於熱。則縱挺不收。治在行水。清陰氣是也。

〔丹〕鮑兄二子。餘歲。玉莖挺長。腫而痿。皮塌常潤。磨股不能行。兩脇氣上。手足倦弱。先以小柴胡加黃連大劑。行其濕熱。略加黃柏。降其逆上之氣。其挺腫漸收。漸減及半。但莖中有堅塊未消。遂以青皮一味為君。佐以散風之劑。未服。外以絲瓜汁。調五倍子末傅而愈。平

寒熱

紅王氏子。年三十歲。忽陰挺長。腫而痛。脈數而實。用朴硝荊芥湯浸洗。又用三一承氣湯大下之。愈。

內經刺灸前陰挺長之法。有一經云。足厥陰之別。名曰蠱溝。去內踝五寸。別走少陽。其病實。則挺長。取之所別是也。

〔明堂〕陰卵入腹。臍下六寸。兩旁各一寸六分。灸二七壯

〔內經〕診陰縮而死者。皆屬肝傷。經云。肝悲哀動中。則傷魂。魂傷則狂妄不精。不精則不正當。陰縮而攣筋。兩脇骨不舉。毛悴色夭。死於秋。又云。厥陰終者喜瀉。舌卷卵上縮。是也。

陰痿陰汗陰冷陰瘁

陰痿。皆耗散過度。傷於肝筋所致。經云。足厥陰之經。其病傷於內。則不起。是也。

〔垣〕陰痿陰汗臊臭論。一富者前陰間嘗聞臊臭。又因連日飲酒。

腹中不和。求予治之。予應之曰。夫前陰者。足厥陰之脈。絡陰器。出其挺末臭者。心之所走。散入於五方為臭。入肝為臊臭。此其一也。當於肝經中瀉行間。是治其本。後於心經中瀉少衝。以治其標。如惡針當用藥除之。治法當求其本。連日飲酒。夫酒者。氣味俱能生濕熱。是風濕熱合於下焦為邪。故經云。下焦如瀆。又云。在下者。引而竭之。酒者。是濕熱之水。亦宜決前陰以去之。是合下焦二法治之。

龍膽瀉肝湯。治陰部時復濕痒。有臊臭。

柴胡梢

澤瀉各一錢

車前子

木通各五分

當歸梢

龍膽草

生地各三分

右剉。如麻苳大。作一服。水三大盞。煎至一盞。去渣。稍熱服。空心宿食消盡。服。便以美饍壓之。柴胡入肝為引。用澤瀉車前子木通。其淡滲之味。利小便。亦除臊臭。是名在下者。引而竭之。生地黃草龍膽之苦寒。瀉酒濕熱。更兼車前子之類。以徹肝中邪氣。肝主血。用當歸以滋肝中血不足也。

升麻

柴胡

羌活各一錢

甘草炙

澤瀉各一錢半

草龍膽炒

知母炒

黃柏各二錢

右剉。如麻苳大。水三盞。煎至一盞。去渣。稍熱空腹服。以美饍壓之。溫腎湯。治面色痿黃身黃。腳軟弱無力。陰汗。陰莖有天色。二月定此方。

麻黃六分

防風根一錢五分

白朮一錢

蒼朮一錢半

澤瀉二錢

猪苓

升麻

白茯苓

黃柏一錢

柴胡梢六分

右件分作二服。每服水二大盞。煎至一盞。去渣。稍熱服。食前。天晴明服之。候一時辰許。方食。

補肝湯。治前陰如水冷。並冷汗。兩脚痿弱無力。

黃芪分七

人參

葛根各三分

甘草分五

升麻分四

知母

柴胡

羌活

陳皮

歸身

黃柏炒

防風

白茯苓

澤瀉各二分

蒼朮分五

麴末分二

猪苓分四

連翹分二

右咬咀。水二大盞。煎至一盞。去渣。稍熱服。食前。忌酒濕麵。

清震湯。治瀉黃。膝臭。淋瀝。兩丸如冰。陰汗浸兩股。陰頭亦冷。正值十

二月。天寒凜冽。霜雪交集。寒之極矣。

升麻分五

柴胡分二

羌活錢一

黃柏酒一錢

蒼朮分五

防風分三

甘草分二

藁本分三

紅花分一

歸身分二

猪苓分三

澤瀉

黃芩分五

麻黃根分一

右剉。如麻荳大。都作一服。水二大盞。煎至一盞。去渣。臨臥服。忌酒

濕麵。

柴胡勝濕湯。治兩外腎冷。兩脾樞陰汗。前陰痿弱。陰囊濕痒。膝氣。

澤瀉牛一錢

羌活牛一錢

升麻牛一錢

生甘草

柴胡各二錢

草龍膽三錢

黃柏酒二錢

紅花少許

當歸各一錢

麻黃

漢防己

茯苓各一錢

五味子二十箇

右咬咀水三大盞煎至一盞去渣稍熱服食前忌酒濕麵房事

〔垣〕仲景八味丸治陽事多痿不振今依全方夏減桂附一半春秋

三停減一疾去精足全減桂附只依六味地黃丸〇八味方見治法

腎脈大甚為陰痿全文見診

運氣陰痿皆屬濕土制腎經云太陰司天濕氣下臨腎氣上從陰痿

氣衰而不舉是也

椒粉散治前陰兩丸濕痒秋冬尤甚冬月減

麻黃錢

黑狗脊分五

斑貓箇二

猪苓分三

肉桂分二

歸梢分三

輕粉少許

紅花少許

蛇牀子分五

小椒分三

右為極細末滲上避風寒濕冷處坐臥

〔丹〕腎囊濕痒先以吳茱萸煎湯洗之後用吳茱萸半兩寒水石三

錢黃柏二錢半樟腦蛇牀子各半兩輕粉一錢白礬三錢硫黃二錢

板榔三錢白芷三錢為末摻之

雜方

運氣

〔子〕有人陰冷。漸漸冷氣入陰囊腫滿。恐死。日夜痛悶不得眠。取生椒擇之洗淨。以布帛裹着丸囊。令厚半寸。須臾熱氣大通。日再易之。取出瘡。

〔本〕會有人陰冷。漸次冷氣入陰囊腫滿。晝夜疼悶不得眠。煮大薊汁服。立瘡。

內經針灸陰暴痒痛。足厥陰之別。名曰蠱溝。上內踝五寸是也。全文見針灸門

〔撮〕陰痿。關元補 陰濕 陰合寸半瀉灸

〔恠穴〕陰中濕痒。外腎生瘡。

海底在陰囊底十字文縫中灸瀉二十七壯

獨陰在足第二指節下橫文灸

篇二十七壯

陰臭陰腫陰痛陰吹

〔溪〕婦人陰腫。腎痛。枳實半斤切碎。炒熱布裹包熨之。冷即易。秘錄

交接勞復。陰卵痛。是勞復陰陽易

〔仲〕胃氣下泄。陰吹而正喧。此穀氣之實也。膏髮煎導之。方見黃疸

〔潔〕男子陰頭痛。女子陰中痛。大敦

〔集〕陰莖虛痛。中極 太谿 三陰交 復溜不已。取血郄 陰

陵泉 關元 海底

〔甲〕婦人陰中痛。少腹堅急痛。陰陵泉主之。 女子陰中寒。歸來主

之。

筋 轉筋 霍亂轉筋 爪

〔靈〕足太陽之筋起於足小指上結於踝邪上結於膝其下循足外側結於踵上循跟結於膈其別者結於蹠外上膈中內廉與膈中並上結於臂上挾脊上項其支者別入結於舌本其直者結於枕骨上頭下顏結於鼻其支者為目上綱下結於頰其支者從腋後外廉結於肩髃其支者入腋下上出缺盆上結於完骨其支者出缺盆邪上出於頰其病小指支跟腫痛膈攣脊反折項筋急肩不舉腋支缺盆中紐痛不可左右搖治在燔針劫刺以知為數以痛為輸名曰仲春痺也以知為數以痛為輸者言經筋病用燔針之法但以知覺所針之病應效為變數非如取經脈有幾呼幾吸幾度之定數法但隨筋之痛處為輸穴亦非如取經脈法有榮俞經合之定穴也

足少陽之筋起於小指次指上結外踝上循脛外廉結於膝外廉其支者別起外輔骨上走脾前者結於伏兔之上後者結於尻其直者上乘眇季脇上走腋前廉繫於膺乳結於缺盆直者上出腋貫缺盆出太陽之前循耳後上額角交巔上下走頰上結於頰支者結於目皆為外維其病小指次指支轉筋引膝外轉筋膝不可屈伸膈筋急前引脾後引尻即上乘眇季脇痛上引缺盆膺乳頸維筋急從左之右右目不開上過右角並蹠脈而行左絡於右故傷左角右足不用命曰維筋相交治在燔針劫刺以知為數以痛為輸名曰孟春痺也

足陽明之筋起於中二指結於跗上邪外上加於輔骨上結於膝外

廉。直上結於髀樞。上循脇。屬脊。其直者。上循肝。結於膝。其支者。結於外輔骨。合少陽。其直者。上循伏兔。上結於髀。聚於陰器。上腹而布。至缺盆而結。上頸。上挾口。合於頰。下結於鼻。上合於太陽。太陽爲目上網。陽明爲目下網。其支者。從頰結於耳前。其病足中指支脛轉筋。脚跳墜。伏兔轉筋。髀前腫。癢疝。腹筋急。引缺盆及頰。卒口僻。急者。目不合。熱則筋縱。目不開。頰筋有寒。則急引頰移口。有熱則筋弛縱緩。不勝收。故解。治之。以馬膏。膏其急者。以白酒和桂。以塗其緩者。以桑鈎鈎之。卽以生桑灰置之坎中。高下以坐等。以膏熨急頰。且飲美酒。噉美炙肉。不飲酒者。自強也。爲之三拊而已。治在燔針。以知爲數。以痛爲輸。名曰季春痺也。

治在燔針之上。當有其病轉筋者。五字如足厥陰筋行水清陰氣之下。所言也。蓋燔針但宜施于筋寒轉筋之病。其筋熱緩縱者。則不宜也。○搏擊也。指也。蓋治口喎僻之法。以火烘馬之脂膏。熨其半邊。急者。以水調生桑灰。於鈎柄之坎。縱處。其半邊緩者。又以桑鈎鈎其口。吻之僻。偏復於故處。使高下相等。復以水調生桑灰。於鈎柄之坎。縱處。連頰塗之。以收其緩。其桑鈎柄。別用線繫縛於肩後。使勿走作也。復飲酒。噉肉。使筋脈柔和。以助心之塗。熨不飲酒者。則自強其筋。骨使正。以手相拍。其變處也。張子和云。左寒右熱。則左急而右緩。右寒左熱。則右急而左緩。故偏于左者。左寒右熱。偏于右者。右寒左熱。夫寒不可輕用。辛熱之劑。蓋左中寒。則通熱于右。右中寒。則通熱于左。陽氣不得宣行。故也。

足太陽之筋。起於大指之端內側。上結於內踝。其直者。絡於膝內輔骨。上循陰股。結於髀。聚於陰器。上腹。結於臍。循腹裏。結於肋。散於胸中。其內者。着於脊。其病足大指支內踝痛。轉筋痛。膝內輔骨痛。陰股引髀而痛。陰器紐痛。下引臍兩脇痛。引膺中脊內痛。治在燔針。以知爲數。以痛爲輸。名曰孟秋痺也。

足少陰之筋。起於小指之下。並足太陰之筋。邪走內踝之下。結於踵。與太陽之筋。合而上結於內輔之下。並太陽之筋。而上循陰股。結於陰器。循脊內挾脊。上至項。結於枕骨。與足太陽之筋合。其病足下轉筋。及所過而結者。皆痛及轉筋。病在此者。主癩瘰及瘡。在外者。不能俛。在內者。不能仰。故陽病者。腰反折不能俛。陰病者。不能仰。治在燔針劫刺。以知爲數。以痛爲輸。在內者。熨引飲藥。此筋折紐。紐發數甚者。死不治。名曰仲秋痺也。

足厥陰之筋。起於大指之上。上結於內踝之前。上循脛。上結內輔之下。上循陰股。結於陰器。絡諸筋。其病足大指支內踝之前痛。內輔痛。陰股痛。轉筋。陰器不用。傷於內則不起。傷於寒則陰縮入。傷於熱則縱挺不收。治在行水清陰氣。其病轉筋者。治在燔針劫刺。以知爲數。以痛爲輸。名曰季秋痺也。

手太陽之筋。起於小指之上。結於腕。上循臂內廉。結於肘內銳骨之後。彈之應小指之上。入結於腋下。其支者。後走腋後廉。上繞肩胛。循頸。出走太陽之前。結於耳後完骨。其支者。入耳中。直者出耳上下。結於頤上。屬目外眥。其病小指支肘內銳骨後廉痛。循臂陰入腋下。腋下痛。腋後廉痛。繞肩胛。引頸而痛。應耳中鳴痛。引頤。目瞑良久。乃得視。頸筋急。則爲筋癭。頸腫。寒熱在頸者。治在燔針劫刺。以知爲數。以

痛爲輸。其爲腫者。復而銳之。本支者。上曲牙。循耳前。屬目外眥。上頷。結於角。其痛當所過者支轉筋。治在燔針劫刺。以知爲數。以痛爲輸。名曰仲夏痺也。

手少陽之筋。起於小指次指之端。結於腕。上循臂。結於肘。上繞臑外廉。上肩。走頸。合手太陽。其支者。當曲頰入繫舌本。其支者。上曲牙。循耳前。屬目外眥。上乘頷。結於角。其病當所過者。卽支轉筋舌卷。治在燔針劫刺。以知爲數。以痛爲輸。名曰季夏痺也。

手陽明之筋。起於大指次指之端。結於腕。上循臂。上結於肘外。上臑。結於臑。其支者。繞肩胛。挾脊。直者。從肩臑上頸。其支者。上頰。結於頰。直者。上出手太陽之前。上左角。絡頭。下右頷。其病當所過者支痛及轉筋。肩不舉。頸不可左右視。治在燔針劫刺。以知爲數。以痛爲輸。名曰孟夏痺也。

手太陰之筋。起於大指之上。循指上行。結於魚後。行寸口外側。上循臂。結於肘中。上臑內廉。入腋下。出缺盆。結肩前臑。上結缺盆。下結胸裏。散貫膈。合貫下抵季脇。其病當所過者支轉筋。痛甚成息。膈急吐血。治在燔針劫刺。以知爲數。以痛爲輸。名曰仲冬痺也。

手心主之筋。起於中指。與太陰之筋並行。結於肘內廉。上臂陰。結腋。下。散前後挾脇。其支者。入腋。散胸中。結於臂。其病當所過者支轉筋。

前及胸痛息賁。治在燔針却刺。以知為數。以痛為輸。名曰孟冬痺也。
 手少陰之筋。起於小指之內。側結於鏡骨。上結肘內廉。上入腋。交太
 陰。挾乳裏。結於胸中。循臂。下繫於臍。臂富作胸其病內急心承伏梁。下為
 肘網。其病當所過者支轉筋。筋痛。治在燔針却刺。以知為數。以痛為
 輸。其成伏梁。唾血膿者。死不治。名曰季冬痺也。名曰季冬痺也。六字元誤在後。無用燔針之下。今移在此。
 經筋之病。寒則反折筋急。熱則筋弛縱不收。陰痿不用。陽急則反折。
 陰急則腕不伸。焮刺者。刺寒急也。熱則筋縱不收。無用燔針。艾灸亦然。今世不分。
 寒急熱緩皆用艾灸者。未知此理也。

足之陽明。手之太陽。筋急則口目為僻。皆急不能卒視。治皆如右方也。俱見靈樞經筋篇。

形樂志苦。病生於筋。治之以熨引。全文見治法

諸筋病皆屬於節。經云。諸筋者。皆屬於節。又云。手屈而不伸者。病在筋是也。肝主諸筋。經云。肝主筋。又云。在臟為肝。在體為筋。又云。酸生肝。肝生筋。筋生心。是也。筋病忌風。忌食酸辛。忌久行。經云。風傷筋。燥勝風。酸傷筋。辛勝酸。又云。酸走筋。筋病無多食酸。又云。多食辛。則筋急而爪枯。又云。久行傷筋是也。

轉筋

〔丹〕轉筋皆屬血熱。四物加黃芩紅花蒼朮南星。有筋轉於足大指

轉上至大腿近腰結了。乃因奉養厚飲酒感寒而作。加酒芩紅花蒼朮南星薑煎服。

〔聖〕治肝虛轉筋。用赤蓼荳葉切。作三合。水一盞。酒二合。煎至四合。去渣。溫分二服。

孫尙藥治脚轉筋。疼痛攣急。松節二兩。細剉如米粒。乳香一錢。右件藥用銀石器內慢火炒令焦。只留一分性。出火毒。研細。每服一錢。至一二錢。熱木瓜酒調下。同是筋病。皆治之。

〔外〕治轉筋。取故綿以醋浸。甑中蒸及熱。用綿裹病人脚。令更易。勿停。瘥止。

〔仲〕轉筋之為病。其臂脚直。脈上下行。微弦。轉筋入腹者。鷄尿白散主之。用鷄尿白一味為散。取方寸匕。以水六合和溫服。

〔丹〕轉筋。偏身入肚。不忍者。作極鹹鹽湯。於槽中暖浸之。

〔靈〕轉筋於陽。治其陽。轉筋於陰。治其陰。皆焯刺之。四時氣篇○此則經所火燒燔針刺轉筋之時。當察轉筋之痛在何處。在陽刺陽。在陰刺陰。隨其所痛之處刺之。故曰以痛為輪也。若以一針未知。則再刺之。以知覺痛效為度。故曰以知為數是也。

〔竇〕轉筋而疼。灸承山而可治。

足太陽之下。血氣皆少。則善轉筋。腫下痛。全文見治法

霍亂轉筋

〔海〕吐瀉轉筋。身熱脈長。陽明本病也。宜和中。四君子湯。平胃散。建

中湯。方見治虛實氣虛條每服一兩。水三盞。薑五片。煎至一盞。去渣溫服。如吐

瀉轉筋。自汗脈浮者。四君子加桂五錢主之。如吐瀉轉筋脇下痛。

脈弦者。宜建中加木瓜。柴胡湯。平胃散。加木瓜五錢亦可也。

桂枝二兩 芍藥三兩 甘草一兩 膠飴半升

生薑半兩 大棗六枚 木瓜五錢 柴胡五錢

右剉。如麻荳大。每服一兩。水三盞。煮至一盞半。去渣。下膠飴兩匙。

煎化服。如吐瀉後。小便不通。胃中實痛者。四君子湯加大黃一

兩主之。如吐瀉轉筋。腹中痛。體重脈沉而細者。宜四君子湯。加

芍藥高良薑湯。四君子湯。四味各一兩。芍藥良薑各五錢。同前煎

法。如吐瀉霍亂。四支拘急。脈沉而遲者。宜四君子湯加薑附厚

朴湯。四君子四味各一兩。生薑附子厚朴。炮製各三錢同前煎服。

如吐瀉轉筋。四支厥冷。脈微緩者。宜建中湯。加附子當歸湯。

桂枝一兩 當歸二錢 甘草半兩

膠飴半升 生薑一兩 附子三錢 大棗六枚

右同前煎服。

〔活〕香薷散。治非時霍亂。大渴煩躁。汗出轉筋。疼痛不可忍。方見傷寒吐利門

〔丹〕怡六官。霍亂泄多吐少。口渴。脚轉筋。

滑石三錢 白朮二錢 蒼朮 厚朴

不渴
為寒

諸藥
不效
者寒
熱兼
施

乾葛

陳皮 各錢
半

甘草 些

木通 一錢

下保和丸四十粒。

〔本〕霍亂轉筋。香薷煮汁飲之。無不瘥者。

〔肘〕治霍亂。心腹痛煩短氣。未得吐下。若轉筋燒梔子二十枚。研末。熟水調下。

〔保〕霍亂轉筋。吐瀉不止。宜半夏湯。

半夏麴

茯苓

白朮 各半
兩

甘草 些

右為末。渴者涼水下。不渴溫水下。無時。如吐瀉不止。身無汗者。

可與瀉痢門。漿水散兼桂枝湯。又可與白朮湯。

〔直指〕木瓜湯。治霍亂吐瀉轉筋擾悶。

木瓜 二兩

茴香 二錢五
分微炒

甘草 些二
錢

吳茱萸 洗焙七
次二兩

右咬咀。每服四錢。水一盞半。生薑五片。烏梅少許。煎溫服。

〔活〕霍亂轉筋者。用理中湯去朮。加附子一枚。生用。理中湯方見傷寒。

〔本〕治霍亂吐瀉不止。及轉筋諸藥不效者。一粒青金丹。

硫黃 一兩
研

水銀 八錢

右二味。銚子內炒。柳木篋子不住手攪勻。更以柳枝蘸冷醋頻頻

灑。候如鐵色。結如青金塊方成。刮下去火研粉。留小半為散。餘以

雜方

粽子尖三箇醋約半盞研稀。並以所成膏和丸。如鷄荳大。硃砂爲衣。每服一丸。煎丁香湯。磨化下熱服。如服散丁香湯。調下一錢。傷寒陰陽乘伏。用龍腦冷水磨下。日二三服。

〔梅〕治霍亂轉筋。皂角末一小荳許。入鼻中。取嚏便瘥。

〔古今錄〕治霍亂轉筋。取蓼花一把。去兩頭。以水二升半。煮一升半。頓服之。

〔食〕治吐後轉筋。煮木瓜汁飲之甚良。

〔外〕治霍亂往痢不止。轉筋入腹欲死。生薑三兩搗碎。以酒一升。煮三四沸頓服。

〔世〕霍亂之症。輕則上吐下瀉。兩脚轉筋。甚則遍體轉筋。腹肚疼痛。手足厥冷。若欲絕者。倉卒之際。宜於臍中灼艾。及用蓼一把。煎湯炮洗。次投以薑附理中湯之類。其脈洪大者易治。脈微腎縮舌卷者。不治。

針灸

診

〔世〕霍亂轉筋。灸承山。灸二十七壯神效 又法中風亦灸承山。

〔東〕霍亂轉筋。在兩臂及胸腔中者。筋拘不及動搖。 亶中 中府

巨闕 胃脘 尺澤 太陰灸七壯

〔甲〕霍亂轉筋。 金門 僕參 承山 承筋主之。

爪

肝之合筋也。其榮爪也。全文見五藏
則筋急而爪枯。全文見五藏

肝熱者。色蒼而爪枯。全文見痿

多食辛。



醫學綱目卷之十五 肝膽部

頭風痛 產頭痛 偏頭痛 雷頭痛 大頭痛

眉痛 頭重 頭風屑

〔丹〕頭痛 多主於痰。痛甚者火多。有可吐者。亦有可下者。

〔垣〕金匱真言論云。東風生於春。病在肝。俞在頸項。故春氣者病在頭。又諸陽會於頭面。如足太陽膀胱之脈。起於目內眥。上額交巔。直入絡腦。還出屬下項。病衝頭痛。又足少陽膽之脈。起於目銳眥。上抵

頭角。病則頭角額痛。夫風從上受之。風寒傷上。邪從外入。客經絡。令人振寒頭痛。身重惡寒。治在風池風府。調其陰陽。不足則補。有餘則

瀉。汗之則愈。此傷寒頭痛也。治法見傷寒條頭痛耳鳴。九竅不利者。腸胃之所

生。乃氣虛頭痛也。治法見氣虛條如氣上不下。頭痛巔疾者。下虛上實也。過在

足少陰巨陽。甚則入腎。寒濕頭痛也。治法見寒濕條有厥逆頭痛者。所犯大寒

內至骨髓。髓以腦為主。腦逆故令頭痛。齒亦痛。治法見寒條有心煩頭痛者。病在膈中。過在手巨陽少陰。乃濕熱頭痛也。治法見實條

頭痛。分三陰。三陽。見陰陽條諸氣虛頭痛。當歸川芎主之。諸氣虛頭痛。人參黃芪主之。主者。主

三陽散而寒之

二陰濕而燥之

者。於調中益氣湯。加川芎。蔓荊子。細辛。其效如神。諸濕厥頭痛。清

空膏主之。即風濕熱頭痛也。方見濕氣條。諸痰厥頭痛。半夏白朮天麻湯主之。方見脾土條。

諸厥逆頭痛。羌活附子湯主之。方見寒條。如濕熱在頭者。以苦吐之。不

可執方而治。方見實條。

〔海〕三陽頭痛。

羌活 防風 荆芥 升麻

葛根 白芷 柴胡 川芎

芍藥 細辛 葱白連鬚分兩旋加

陰證頭痛。只用溫中藥。如理中。薑附之類也。

〔垣〕凡頭痛。皆以風藥治之者。總其大體而言之也。高巖之上。惟風

可到。故味之薄者。陰中之陽。自地升天者也。然亦有二陰三陽之異。

太陽經頭痛。惡風寒。脈浮緊。川芎獨活之類為主。少陽經頭痛。

脈弦細。往來寒熱。柴胡黃芩主之。陽明經頭痛。自汗發熱。不惡寒。

脈浮緩長實者。升麻葛根石膏白芷主之。太陰經頭痛。必有痰體

重。或腹痛為痰癖。脈沉緩者。蒼朮半夏南星主之。少陰經頭痛。三

陰三陽經不流行。而足寒氣逆。為寒厥。其脈沉細。麻黃附子細辛湯

主之。厥陰經頭疼。項痛。或吐痰沫冷厥。其脈浮緩。吳茱萸湯主之。

方見傷寒

清空膏治偏正頭痛。年深不愈者。及療風濕熱頭痛。上壅損目。及腦痛。年深不止。

羌活

防風各一兩

柴胡七錢

川芎五錢

甘草炙一兩半

黃連炒一兩

黃芩三兩一牛酒製一牛炒

右為細末。每服二錢。熱盞內入茶少許。湯調如膏。抹在口內。少用白湯送下。臨臥如苦頭痛。每服中加細辛二錢。如太陰脈緩有痰。名曰痰厥頭痛。加羌活防風川芎甘草。又加半夏一兩半。如偏正頭痛。服之不愈。減羌活防風川芎一半。加柴胡一倍。如發熱惡熱而渴。正陽明頭痛。只與白虎湯。加白芷。

東垣云。諸濕熱頭痛。清空膏主之。丹溪云。東垣清空膏。諸般頭痛皆治。惟血虛頭痛。從魚尾相連痛者不治。又云。治少陽頭痛。如痛在太陽厥陰者勿用。蓋謂頭巔痛也。

〔丹〕小清空膏。治諸般頭痛。惟血虛頭痛。不治。用片芩細切。酒拌勻。晒乾。為末。茶清調下。酒亦可。

〔垣〕清上瀉火湯。昔有人年少時。氣弱。於氣海三里節次。約灸五七百壯。至年老。添熱厥頭痛。雖冬天大寒。猶喜風寒。其頭痛便愈。微來煖處。或見烟火。其痛復作。五七年不愈。皆灸之過也。

羌活三錢

防風七分

升麻七分

柴胡五分

藁本錢半

細辛許少

川芎分二

荆芥分二

蒼朮分三

蔓荊子分二

黃芩酒製一錢半

黃連酒製半錢

黃柏酒製一錢

甘草分五

知母酒製一錢半

當歸分三

生地錢半

黃芪錢一

紅花許少

右剉如麻荳大分作二服每服水二盞煎至一盞去渣稍熱服食遠。

補氣湯服前藥之後服此藥。

黃芪分八

甘草炙

歸身錢各二

柴胡

升麻各二分

細辛許少

麻黃炒

苦丁香各半錢

水煎服。

安神散治頭旋眼黑頭痛。

羌活兩一

防風半錢

柴胡錢五

升麻分五

酒黃柏兩一

酒知母錢五

酒生地兩半

黃芪兩一

甘草炙三錢

生甘草錢三

右咬咀每服半兩水二大盞煎至一盞半加蔓荊子半錢川芎三分再煎至一盞臨臥去渣熱服。

右東垣丹溪治虛熱頭痛大率皆以酒芩酒連酒柏加風劑也。

〔羅〕川芎散治頭風偏正頭痛昏眩。

川芎

細辛

羌活

槐花

甘草 炙

香附子

石膏 炙半兩

荆芥

薄荷

菊花

防風

茵陳 各一兩

右為細末。每服二錢。食後。茶清調下。日三服。

石膏散。治頭疼不可忍。

麻黃 去根節

石膏 各一兩

何首烏 半兩

葛根 七錢

右為細末。每服三錢。生薑三片。水煎稍熱服。

石膏散。治頭疼。

川芎

石膏 亂紋好者

白芷

右各等分為細末。每服四錢。熱茶清調下。

〔本〕荆芥散。治頭風。 王太醫方

荆芥

石膏 煨存性

右為細末。每服二錢。薑三片。葱白三寸。和鬚使水一盞。煎至七分。食後服。

食後服。

治丈夫婦人。風虛頭疼。氣虛頭疼。婦人胎前。產後。傷風頭疼。一切頭疼。並皆治之。

茵陳 揀淨五兩

麻黃

石膏 煨存性各二兩

右為末。每服一錢。臘茶調下。食後服。服畢。仰臥霎時。

寒濕

玉真丸治腎氣不足氣逆上行頭疼不可忍謂之腎厥其脈舉之則弦按之則堅

硫黃二兩

石膏煨通赤研

半夏湯洗

硝石研各一兩

右為細末研勻生薑汁糊為丸如桐子大陰乾每服二十九薑湯或米飲下更灸關元百壯良方中黃丸子亦佳虛寒甚者去石膏用鍾乳粉一兩

腎虛則頭痛肝虛則頭暈

素問云頭疼巔疾下虛上實過在足少陰巨陽甚則入腎狗蒙招尤目眩耳聾下實上虛過在足少陽厥陰甚則入肝下虛者腎虛也故腎虛則頭痛上虛者肝虛也故肝虛則頭暈狗蒙者如以物蒙其首招搖不定目眩耳聾皆暈之狀也故肝厥頭暈腎厥巔痛不同如此神妙丸治頭疼及腦風

治肝厥狗蒙散見眩門

食鹽

硫黃各等分

右為末水調生麵為丸如桐子大每服十五丸用薄荷茶食前下荆芥酒亦得

〔丹〕孫兆口訣治頭疼附子炮石膏煨等分為末入腦麝少許酒茶下半錢妙

右硫附中加石膏之劑

治頭風如神。附子一枚。生去皮臍。用菘荳一合同煮。荳熟為度。去附子。只喫荳。立瘥。每附子一枚。可煮五次。後未服之。修真秘要
〔本〕治氣虛頭疼。用大附子一枚。剉去心。入全蠍二箇在內。取前附子末。同鍾乳一分。麵少許。水和裹炮熟。却研為末。以焦黃為度。蔥茶調下。一錢或半錢。

又方用大附子一枚和皮 臍生為末 大川芎一箇剉 作四片

以水和附子末如麵。劑裹川芎。作四處。如附子末少。入少麵裹畢。以針穿數孔。子用真腦麝薰其穴內。覺附香再捻合穴子。如未覺內有香。即再薰一炷。細羅成灰。用銚子內熱灰。炮熟末之。每服半錢。蔥茶調下。不拘時候。右泗醫揚吉老二方神効
右附子純熱例。

〔素〕帝曰。人有病頭痛。數歲不已。此安得之。名為何病。岐伯曰。當有所犯大寒。內至骨髓。髓以腦為主。腦逆故令頭痛。齒亦痛。病名曰厥逆。奇病論

〔垣〕羌活附子湯。治冬月大寒犯腦。令人腦痛齒亦痛。名曰腦風。出奇病論中。

防風分二

黃芪錢一

麻黃錢一

蒼朮錢半

升麻分二

甘草分二

黑附子分一

羌活錢半

白芷

白殭蠶

黃栢各三分

右咬咀。水煎去渣。溫服。食後若有寒嗽。加佛耳草三分。

〔羅〕川芎神功散。治風熱上攻。偏正頭痛。無間微甚。久新。並皆治之。

川芎兩一

甘草二錢半

川烏生去皮臍

白芷

天南星

麻黃去根各半兩

右為末。每服三錢。水二盞。生薑三片。煎至七分。投清酒半盞。和渣

溫服。密室避風。如人行五七里。再服。汗出為度。其病立愈。

救苦神白散。治男子。婦人。偏正頭痛。眉骨兩太陽穴痛。及熱上攻頭

目。目赤不已。項筋拘急。耳作蟬鳴。

川芎

甘草炙各八錢

甘松去土

赤芍藥

白芷

兩頭尖

川烏頭去皮臍各六錢

右為細末。每服二錢。溫茶調下。服藥後。飲熱水半盞。

〔本〕治一切頭疼。黑龍丸。

天南星洗

川烏各半斤黑芷拌蒸二次

石膏半兩

麻黃

薄荷各四兩

藁本

白芷各二兩

京墨兩半

右為細末。煉蜜杵丸。彈子大。每服一丸。薄荷茶湯調下。

治傷寒頭疼。太陽頭疼。及一切頭疼。

川烏炮

草烏各半

麻黃

川芎

防風

羌活各一兩半

地龍去土

全蠍一箇

雄黃三錢

右為細末。每服半錢。食後茶清調下。

〔垣〕麻黃吳茱萸湯。治頭痛。胸中痛。食減少。咽噎不利。寒冷脈左寸弦急。

麻黃半錢

吳茱萸三分

黃芩二分

川烏一分

羌活五分

細辛少許

蔓荊子一分

藁本

柴胡

黃芪各二分

蒼朮錢一

黃連二分

半夏一分

黃栢

升麻各二分

紅花少許

當歸二分

右咬咀。作一服。水二大盞。煎至一盞。去渣。稍熱服。食後。

〔丹〕東陽陳兄。露筋骨體稍長。患體虛而勞。頭痛。甚至有訣別之言。予察其脈。弦大而帶數。以人參為君。川芎陳皮為佐。至五六日未減。衆皆訝之。以藥之不對也。予曰。藥力有次第。更少俟一二宿。當自安。忽其季來問曰。何不少加黃芪。予不答。又經一宿。忽自言病頓愈。予脈之。覺指下稍盛。又半日。病者言。胸上滿。不覺飢。視其腹紋已隱矣。予曰。藥中莫加黃芪否。曰然。止與三貼。遂連與二陳湯。加厚朴枳殼。

虛虛

黃連以瀉其衛。三貼而安。

血虛頭痛。自魚尾上攻頭痛。必用川芎當歸湯。眉尖後近髮際曰魚尾

〔大〕一奇散。治血虛頭痛神妙。即芎歸湯也方見產頭痛 又方。用川芎半兩為末。

每服二錢。臘茶調下甚效。曾有產後頭痛者。一服即愈。

〔外〕治頭痛欲裂。當歸一兩。酒一升。煮取六合。飲至醉效。

〔素〕頭痛耳鳴。九竅不利。腸胃之所生也。通評虛實論〇東垣云此氣虛頭痛也用人參黃芪主之

〔羅〕氣虛頭痛治驗。參謀栢仲實。年六十一歲。二月間。患頭痛不可忍。晝夜不得眠。邀往視之。其人云。近在燕京。患頭昏悶微痛。醫作

傷寒解之。汗出後。痛轉加。復汗解。病轉加。而頭愈痛。遂歸。每召醫用

藥雷同。到今痛甚。不得安臥。惡風寒而不喜飲食。診其脈弦細而微。

氣短而促。懶言語。內經曰。春氣者。病在頭。今年高氣弱。清氣不能上

升。頭面故昏悶。此病本無表邪。因發汗數四。清陽之氣愈虧損。不能

上榮。亦不能外固。所以頭苦痛。而惡風寒。不喜飲食。氣短弱。宜升陽

補氣。頭痛自愈。名之曰順氣和中湯。

黃芪半錢

人參錢一

白朮分五

陳皮分三

當歸分五

芍藥分五

甘草分三

升麻分三

蔓荊子分二

柴胡分三

川芎分二

細辛分二

內經曰。陽氣者。衛外而為固也。今年高氣弱。又加發汗。衛外之氣

氣血俱虛實

愈損。故黃芪甘溫。補衛實表為君。人參甘溫。當歸辛溫。補氣補血。芍藥味酸。收衛氣為臣。白朮陳皮炙甘草苦甘溫。養衛氣。生發陽氣。上實皮毛。腠理為佐。柴胡升麻苦辛。引少陽陽明之氣上升。通百脈。灌溉周身者也。川芎蔓荊子細辛辛溫。體輕浮。清利空竅為使。

右件以咀。作一服。水二盞。煎至一盞。去渣溫服。食後服之。減半。再服而愈。

〔垣〕調中益氣湯。加川芎。蔓荊子。細辛。治氣血俱虛頭痛。方見治法門

〔子和〕青黛散。治頭風。

猪牙皂角 玄胡索分一 青黛少許

右為細末。水調荳許。鼻內灌之。其涎自出。先仰臥。灌鼻。俟喉中酸味。即起身。涎出口。咬銅錢一文。任流下。

〔丹〕頭痛搐鼻取涎。

葶撥 川芎 薄荷 白芷 細辛各等分

為末。入猪膽內。與汁拌勻。陰乾。再為末。用無根水為丸。如葶荳大。青黛為衣。每一丸。茶清化灌鼻中。口噙銅錢三文。其涎來如泉。一方有玄胡索。葶本。青黛。無薄荷。細辛。

〔本〕治偏正頭風。夾腦風。并一切頭風。不問年深日近。尅日取效。名

透頂散

細辛 表白者 三莖

瓜蒂 七箇

丁香 三粒

糯米 七粒

腦子

麝香 各一黑 荳大

右將腦麝乳鉢內研極細。却將前四味研勻。另自治為末。然後入乳鉢內。盪起腦麝令勻。用瓦罐子盛之。謹閉罐口。患人隨左右搐之。一大荳許。良久出涎一升許。則安。

東垣云。濕熱在頭而頭痛者。必以苦吐之。若用上項搐鼻藥。而涎少者。必兼下項吐法治之。

〔聖〕治疲厥頭痛。以烏梅十箇取肉。鹽二錢。酒半盞。合水煎至七分。去渣。非時溫服。吐即住。

〔丹〕頭痛難忍。支風疲所致。梔子末。蜜和濃。塗舌上。吐即止。兵部集

頭痛非冷非風。此腦有痰也。濃煎茶。啜一二升。探吐之。吐而又吐。候苦汁出。乃止。不損人。待渴自止。妙。外臺秘要

〔子和〕茶調散。瓜蒂好茶二味。等分為末。每服二錢。薑汁調下。空心用之。

丹霞僧。病頭痛。常居暗室。不敢見明。其頭熱痛。以布圍其額。上置冰於其中。日易數次。熱不能已。諸醫莫識其證。求見戴人。戴人曰。此三陽畜熱故也。乃置炭火於暖室中。出汗。涌吐三法。併行七日。方愈。常仲明之子。自四歲得風痰疾。至十五歲轉甚。每月發一二

偏熱
在頭
必吐
之

邪在胃必下之

頭面多汗為首風

腦戶極冷為腦風

次發必頭痛痛則擊數百拳出黃綠涎一二盞方愈此年發益頻目見黑花昏不知人三四日方省諸醫皆用南星半夏化痰之藥終無一效戴人以雙解散發汗以苦劑吐痰病去八九續以分劑平調自春至秋如此數次方獲全瘥

邪在胃而頭痛者必下之其證必兼隔痞或動作則痛甚或右手脈滑盛者是也治法並見脾胃條

東風生於春病在頭俞在頸項全文五臟春氣者病在頭惡風為胃風

〔河〕新沐中風為首風頭面多汗惡風當先風一日則病甚至其風日則少愈大川芎丸主之

大川芎丸治首風旋暈眩急外合陽氣風寒相搏胃膈痰飲偏正頭疼身體拘蹇

川芎

斤一

天麻

四兩用
鄭州者

右為末煉蜜丸每兩作十丸每服一丸細嚼茶酒下食後服風氣循風府而上則為腦風項背怯寒腦戶極冷神聖散主之神聖散治腦風邪氣留飲不散項背怯寒頭痛不可忍者

麻黃去節

細辛去苗

乾葛生一牛

藿香葉各等分

右為末每服二錢煮荊芥薄荷酒調下茶亦得并治血風證又方治腦風邪氣留飲頭疼不可忍者用遠志末不以多少於鼻中

搐於痛處揉之。相兼前藥可用也。

〔丹〕頭疼連眼痛。此風痰上攻。須用白芷開之。

雨前茶

川芎

白芷

防風

台烏

細辛

當歸

為末。湯調服。

〔世〕偏正頭風。川芎。細辛。防風。白芷。烏頭尖。全蠍。梢。南星。薑製。麝香。少許。為末。每一字。溫酒調服。

〔丹〕頭風方。

羌活三錢

細辛一錢

川芎二錢

乾葛二錢

甘草半錢

防風二錢

半夏一錢

右除川芎細辛二味外。研為末。用酒和炒。晒乾。入川細二味末和勻。每服一錢。茶清調下。
又方。

荆芥

草烏尖七片

防風

甘草

台芎

蔓荆子

桔梗

麻黃

右為末。茶調服。

〔本〕治頭疼。面赤。煩悶咽乾。上膈風痰。頭目暈昏。百節疼痛。背項拘急。芎辛丸。

風虛則壅塞而痛宜辛散之

風盛則碎而散宜收

川芎

桔梗三兩

羌活

右為細末。煉蜜丸。如彈子大。每服一粒。茶酒吞下。食後。

〔垣〕徹清膏。

川芎三錢

薄荷三分

右為細末。食後。茶清調下一錢。或半錢。

〔本〕治頭目風。荆芥穗。細辛。川芎。等分為末。飯後湯點二錢。

凡治頭痛。皆用芎芷羌防辛等溫氣藥。升散者。由風木虛。不能升

散。而土寡于畏。得以壅塞而痛。故用此助肝木。散其壅塞也。若風

盛。踈散太過。而痛。服辛散藥。反甚者。則宜用酸澀收而降之。乃愈。

後乳香。盡落散是也。

〔羅〕乳香。盡落散。治男子婦人偏正頭疼。不可忍。大有神効。

御米殼去蒂四兩

柴胡去苗各一兩

右為細末。每服二錢。水一鍾。入燈心十莖。長四指。同煎七分。去渣。

食後溫服。

防風

麻黃

甘草各四兩

薄荷

細辛一分

蔓荊子一錢

炙甘草半錢

獨活各一兩

白附子

荆芥各一兩半

藁本一錢

陳皮

甘草炙

桔梗去蘆

〔垣〕半夏白朮天麻湯。治太陰痰厥。頭痛。眼黑頭旋。惡心煩亂。方見眩門
東垣先生。壯歲病頭痛。每發時。兩頰青黃眩暈。目不欲開。懶於言語。
身沉體重。兀兀欲吐。數日方過。潔古老人曰。此厥陰太陰合而為病。
名曰風痰。宜以局方玉壺丸治之。少風濕藥二味。可加雄黃白朮。以
治風濕。更有水煮金花丸。更灸俠溪二穴。各二十七壯。不旬日愈。是知
方者。體也。法者。用也。徒知體而不知用者。弊。體用不失。可謂上工。信
矣哉。金花丸方見咳嗽
〔丹〕徐舍人。因作勞。頭與目眩痛。足冷身熱。脈大而不甚數。作勞痰
治之。

半夏二錢

川芎

黃芩

白朮

陳皮各一錢半

木通一錢

甘草少許

分二貼煎薑一片。下保和丸三十丸。

〔羅〕茯苓半夏湯。治風熱痰逆嘔吐。或眩暈頭痛。

半夏三箇稍大者製

赤茯苓一錢

陳皮一錢湯洗

黃芩一錢

甘草一錢

右用水二鍾。生薑三片。煎一盞。分三服。作一日。溫服無時。

〔丹〕又治濕痰頭痛。

黃芩酒炒三錢

蒼朮酒炒一兩

川芎

細辛各二錢

甘草一錢

為末搗生薑一片和勻茶清調服。
賈孺人脈沉有痰頭痛。

川芎一錢

澤瀉一錢
酒炒

白朮一錢
牛酒

煎下茯苓丸三十粒。
苓扶丸方見痰飲門

〔聖〕治偏正頭疼併夾腦風連兩太陽頭痛以白殭蠶細研為末用蔥茶調服方寸匕。

右濕痰頭痛用半夏南星及酒朮酒芩燥其痰也風痰頭痛用風藥餘者並見風頭痛條。

〔素〕陽明所謂客孫脈則頭痛鼻鼾腹腫者陽明并於上上者則其孫絡太陰也故頭痛鼻鼾腹腫也。
脈解

〔孫〕館職學士張居易嗜酒散誕不為名利拘束忽發熱頭疼俾翰林醫官治之十日愈甚諸學士共議召孫孫至脈之曰餘人皆曰傷寒故作此疾也張學士好酒多痰食所傷也今疾非傷寒而右手脈甚數左手脈平和此必傷酒食而作頭痛宜喫食藥五七丸俟之半日進選決矣孫遂用食藥經食久膈漸寬頭痛遂減再進利膈藥遂獲安大凡陽邪頭疼經十日豈得不變發熱而狂亂故知非傷寒乃食病之過也。

右為
氣口
者是也

鼻動
腹腫
邪在
胃

〔丹〕胡孺人因喫冷粉與肉頭痛自汗。膈痞。小便赤。

白朮二錢

陳皮一錢

木通

川芎

黃芩各半

薑水煎熟。吞下草薺蔻丸。阿魏丸。保和丸。各五十粒。

脈動作頭重痛熱。氣潮者。屬胃。謂胃有酒食及痰疾之類也

〔丹〕頭痛如破。酒炒大黃半兩。茶煎服。

右以酒炒大黃。下頭痛。蓋病在胃而頭痛者必下之。方愈也。如孫

兆以利膈藥。下張學士傷食頭痛。詳見本條。郭茂恂以黑龍丹下

其嫂金華君產後汚血頭痛。詳見產後頭痛。皆下咽即安是也。

心煩頭痛。病在膈中。過在手巨陽少陰。東垣清空膏之類治之。全文見治虛實

後法

頭痛巔病。下虛上實。過在足少陰巨陽。甚則入腎頭痛。全文見治虛實法

許學士謂之腎厥頭疼也。用玉真丸治之。東垣云。此寒濕頭痛。氣上

而不下也。玉真丸方見寒熱條

運氣頭痛有四

一曰火鬱於上而痛。經云。少陽司天之政。初之氣。風勝乃搖。候乃大

濕其病。氣拂於上頭痛。二之氣。火反鬱。白埃四起。其病熱鬱於上頭

痛。又云。少陽司天。火淫所勝。民病頭痛。發熱惡寒而瘧。治以寒劑為

心火

腎水

運氣

君也。

二曰寒氣逐熱氣上行而痛。經云。歲金不及。炎火乃行。復則陰厥且格。陽反上行。頭腦戶痛。延及腦頂發熱。又云。太陽之勝。熱反上行。頭項頂巔腦戶中痛。目如脫。又云。太陽之復。心痛。痞滿。頭痛。治以熱劑為君也。

三曰濕邪傷腎。膀胱而痛。經云。太陰司天。濕淫所勝。腰脊頭項痛。時眩。又云。太陰在泉。濕淫所勝。病衝頭痛。目似脫。項似拔。又云。太陰之復。頭頂痛重而掉瘳尤甚。亦治以熱劑為君也。

四曰陽明復氣。兼非位之心病而痛。經曰。陽明之復。欬噦煩心。病在膈中。頭痛。治以溫劑也。

〔垣〕白芷散。治風頭痛。搐鼻。

石膏二錢

薄荷三錢

芒硝二錢

鬱金

右細末。口噀水。搐鼻。若症在太陽。加羌活二錢。防風一錢。紅苳二粒。為末。搐之。

川芎散。搐鼻。

青黛二錢

蔓荊子

川芎各一錢

鬱金

硝芒各一錢

石膏三錢

細辛根一錢

薄荷葉二錢

紅苳一錢

右為末搗鼻。

〔丹〕瘦人搗鼻藥。

軟石膏

朴硝

各半錢

腦子

檀香皮

荊芥

薄荷葉

各一錢

白芷

細辛

各三錢

〔羅〕如聖散。治眼目偏痛。頭風。

麻黃

燒灰半兩

盆硝

二錢半

麝香

腦子

各少許

右伴為細末。搗之神效。

又方。

楊梅青

硝石

伏龍肝

等分

右為末。搗鼻立效。

〔河〕瓜蒂神妙散。治偏正頭目昏眩。及偏正頭痛。

焰硝

雄黃

川芎

薄荷葉

道人頭

即童子耳子

藜蘆

各一分

天竺黃

一錢半

右為細末。含水鼻中。搗一字神驗。

右六方。搗鼻。治頭痛屬熱者也。

〔本〕治八般頭風。

草烏尖

細辛

等分

黃丹

少許

右為細末。葦管搗入鼻中。立效。

〔丹〕治卒頭上痛。皂莢末吹鼻。嚏則止。斗門方

〔世〕火筒散。治頭風應驗方。

蚯蚓糞錢四 乳香錢二 麝香許少

右為末。用紙筒自下燒上。吸烟搐鼻內。神效。

〔仲〕頭痛摩散方。

大附子一枚 食鹽等分

右二味為末。以方寸七摩疹上。令藥力行。

〔聖〕治風頭痛。每天欲陰風雨先發者。用桂心一兩為末。以酒調如膏。用傳頂上。并額角。

治頭風餅子。

五倍子 全蠍 土狗七個

右為末。醋糊作如錢大餅子。發時再用醋潤透。貼太陽穴上。多熱貼之驗甚。仍用帕子縛之。啜濃茶。睡覺即愈。

〔聖〕治時氣頭痛不止。用朴硝二兩為末。生油調塗於頂上。

〔經〕患頭風。山荳根搗末。油調塗之。

〔食〕治熱風頭痛。燒杏仁令烟盡。去皮尖。以亂髮裹之。咬於所患處齒下。其痛便止。

〔世〕偏正頭痛風。醉頭風。以葶麻子九粒。先用米調成膏。塗茶碗底。

却用火燒葶苈仁烟出。以茶碗覆薰烟上。候烟盡。用少湯衝開服之。覺額上痒是效。

〔丹〕頭內如蟲蛀響。名天白蟻。用茶子細末吹鼻中。周氏方

〔靈〕厥頭痛。面皆腫起而煩心。取之足陽明太陰。厥病篇 厥頭痛。頭

脈痛。心悲善泣。視頭動脈反盛者。刺盡去血。後調足厥陰。頭痛項脾盛者取血與厥陰

厥頭痛貞貞。都卦切 頭重而痛。瀉頭上五行。行五。先取手少陰。後取

足少陰。厥陰頭痛。意善忘。按之不得。取頭面左右動脈。後取足太

陰。厥頭痛。項先痛。腰脊為應。先取天柱。後取足太陽。經云頭目苦痛取之項中兩筋間蓋

風府穴也又云足太陽脈是動則衝頭痛目如脫項似披所生病者頭顛項痛故應頭痛取足太陽也 厥頭痛。頭痛甚。耳前後脈湧

有熱。瀉出其血。後取足少陽。經云足少陽脈從耳後入耳中出走耳前所生病者頭痛故耳前後脈湧者取足太陽也 眞頭

痛。頭痛甚。腦盡痛。手足寒至節。死不治。頭痛不可取于臞者。有所

擊墮。惡血在于內。若肉傷痛未已。可側刺。不可遠取也。頭痛不可

刺者。大薄為惡。日作者。可令少愈。不可已。陽迎頭痛腦滿。不得息。

取之人迎。陽迎即陽逆也又云肝氣逆則頭痛耳聾煩腫取血者是瘀血腫滿處取之也

〔摘〕偏正頭風 絲竹空 沿皮向外透率谷 風池 橫針入寸半透風府 合谷 牛寸已上穴未愈再取

解溪 三里 中脘 中脘一穴灸五十壯 上星 二分灸七壯三 合谷 不愈再取 神庭 灸七

〔集〕正頭風 百會 七壯 太陽 在兩額角眉後紫脈上三棱針出血亦得

太陽 在兩額角眉後紫脈上三棱針出血亦得

醉頭風 內攢竹一穴通玄同

印堂 一分灸五壯

攢竹 一分沿皮橫透魚鰓

二里 宣中 灸

風門

沿皮向
外一寸

〔摘〕頭風面腫項強不得回顧

天牖 五分留七呼不宜補亦不宜灸若灸之則面腫眼合當取下穴

諷諷

六分留三呼瀉五吸後取天牖風池即瘥此古流注之法

〔潔〕頭風 後谿 京骨

右手足太陽

〔玉〕頭痛嘔吐 神庭 一分 印堂 在兩眉中沿皮透左攢竹補三吸轉掃元穴退針沿皮透右攢竹補三吸

〔摘〕風痰頭痛 豐隆 五分灸亦得 腎厥頭痛 湧泉 三分彈針出血

嘗治一老婦人頭痛久歲不已因視其手足有血絡皆紫黑遂用

三稜針盡刺出其血如墨汗者數盡後視其受病之經灸刺之而

得全愈即經所謂大痺為惡及頭痛久痺不去身視其血絡盡出

其血是也

〔甲〕腦風頭痛惡見風寒動輒鼻塞喘息不通承靈主之 頭痛身

熱引兩頰急 一作痛 腦空主之 頭痛目窻天衝風池主之 已上諸穴在頭部第三行也

善嚏頭痛身熱頰厭主之 熱病頭痛引目外眥而急煩滿汗不

出引頰齒面赤皮疼懸釐主之 熱病偏頭痛引目外眥懸釐主之

醉酒風熱發兩角眩 一云兩目痛 不能飲食煩滿嘔吐率谷主之 千金云此條在風籬

頸額瘡滿引牙齒口噤不開急痛不能言曲鬢主之 已上諸穴皆在耳前也

頭痛引頸。竅陰主之。頭風耳後痛。煩心及足不收。失履。口喎僻。頭

頂搖。瘰。牙車急。完骨主之。已上諸穴皆在耳後也。頭目瞳子痛。不可以視。俠項

強急。不可以顧。陽白主之。頭痛目眩。頸項強急。胸脇相引。不得傾

側。本神主之。已上諸穴皆在面部也。頭痛振寒。清冷淵主之。頭痛項背急。消

鑠主之。頭風痛。鼻鼾。眉頭痛。善嚏。目如欲脫。汗出寒熱。面赤。頰

中痛。項強不可左右顧。目系急。瘰癧。攢竹主之。頭眩痛重。目如脫。

項似拔。狂見鬼。目上反項。直不可顧。暴擊足不任。身痛欲拆。天柱主

之。風眩頭痛。鼻不利。時嚏。清涕自出。風門主之。暴病頭痛。身熱

痛。肌肉動。耳聾。惡風。目皆爛赤。項不可以顧。脾樞痛。泄腸辟。束骨主

之。風眩頭痛。少海主之。厥頭痛。面浮腫。煩心。狂見鬼。喜笑不休。

發於外。有所大喜。喉痺不能言。豐隆主之。陽厥。淒淒而寒。少腹堅。

頭痛。脛股腹痛。消中小便不利。善嘔。三里主之。厥頭痛。面腫起。商

丘主之。厥頭痛。孔最主之。頭重頂痛。目不明。風到腦中寒。重衣

不熱。汗出頭中。惡風。刺腦戶主之。頭重目暝。厥寒熱項強。難以顧。

汗不出。陶道主之。頭痛如破。身熱如火。汗不出。瘰癧。裏急。腰股相

引痛。命門主之。

〔素〕寸口之脈。中手短者。曰頭痛。平人氣象論。推而下之。下而不上。頭項

痛。

血虛

寒熱

〔脈〕診頭痛。目痛。久視無所。圮者死。久視不見見諸脈病雜法下而不
上甲乙經作卒視上而不下者是病若

產後頭痛

〔大〕一奇散。治產後頭疼。用當歸川芎為細末。每服二錢。水一盞煎七分。溫服。

〔丹〕產婦年三十餘。身熱頭痛肚痛。

陳皮

白朮

白芍各二錢

黃芩二錢

川芎一錢

乾薑

牡丹皮

甘草各一錢

荆芥半錢

分四貼煎服。

〔保〕治產後頭痛。血虛疲癢。寒厥。皆令頭痛。加減四物湯。

蒼朮一兩六錢

羌活

川芎

防風

香附炒

白芷各一兩

石膏二兩

細辛一兩

當歸

甘草各五錢

右籠末。每一兩水煎。服無時。如有汗者。知氣弱頭痛也。方中加芍

藥三兩。桂一兩半。生薑煎。如疲癢頭痛。加半夏三兩。茯苓一兩。

生薑煎。如熱疲頭痛。加白芷三兩。石膏三兩。知母一兩。如寒

厥頭痛。加天麻三兩。附子一兩半。生薑三片煎服。

敗血

〔大〕芎附散。治產後敗血作梗。頭痛。諸藥不効。

右大附子一枚。醋一碗。用火四畔炙透。蘸醋令盡。去皮臍。加川芎一兩。並為細末。每服一錢。茶清下。

郭茂恂嫂金華君。產七日。不食。始言頭痛。頭痛已。又心痛作。既而目睛痛。如割如刺。更作更止。相去無瞬息間。每頭痛甚。欲取大石壓。良久漸定。心痛作。則以十指抓壁。血流滿掌。痛定。目復痛。又以兩手自剜取之。如是十日。不已。衆醫無計。進黑龍丹半粒。疾少間。中夜再服下。瞑目寢如平昔。至平旦下一行。約三升許。如蝗蟲子。三疾減半。已刻。又行如前。則頓愈矣。黑龍丹方見產後血不下條

偏頭風

頭半邊痛者是也。當與前頭痛相參用之。

〔丹〕偏頭風。有痰者多。

左屬風 荆芥 薄荷 左屬血虛 川芎 當歸

右屬痰 蒼朮 半夏 右屬熱 黃芩

〔羅〕川芎散。治偏頭痛。神効。

甘菊 石膏 川芎 白僵蠶生各六錢

右為極細末。每服三錢。茶清調下。

〔潔〕治頭痛連睛痛。

大法

熱

石膏

鼠粘子妙

右為末。茶清食前調下。

〔垣〕細辛散治偏頭風。

細辛二分

川芎七分

柴胡二錢

黃芩酒炒一錢

生黃芩五分

瓦粉二分

甘草錢半

黃連酒炒七分

芍藥錢半

右咬咀。每服三錢。水煎食後溫服之。

〔經〕治偏頭痛絕妙。葶撥為末一兩。於食前用清粥飲調半錢服。

〔本〕治風寒客於頭中。無時疼痛。牽引兩目。遂至失明。宜白附散。

白附子一兩

麻黃節不去

川烏

南星各半兩

全蠍五箇

乾薑

硃砂

麝香各一分

右為細末。酒調一字服。略睡少時效。一族人患頭痛不可忍。一服

瘥。

治偏頭風。

豬牙皂角去皮

香白芷

白附子各等分

右為末。每服一錢。臘茶調下。右疼右邊臥。左疼左邊臥。皆疼仰臥。

食後服。

〔丹〕偏頭風。葶撥。豬膽。搐鼻中。

針灸

〔本〕治偏頭風。用好蘿蔔自然汁。一蠅殼許。令患人仰臥。左疼往左。右疼往右。或兩邊皆疼。皆往之。雖十年患者亦效。王荆公患十二年。用之立效。後醫數人皆愈。此禁中祕方。

〔靈〕頭半寒痛。先取手少陽陽明。後取足少陽陽明。厥病痛雷頭風。

頭痛而起核塊者。是也。

〔子和〕凡雷頭懶于俗呼之謬名也。可用茶調散吐之。次用神芎丸下之。然後服烏荊丸。及愈風餅子之類。衰者可用涼膈散。消風散。熱茶調散方。見上下部即二仙散是也

實者下之

大黃

黃芩各二兩

牽牛

滑石各四兩

右為細末。滴水為丸。如小荳大。溫水下十五丸。每服加十丸。以利為度。日三服。

愈風餅子。

川烏炮半兩

川芎

甘菊

白芷

防風

細辛

天麻

羌活

荊芥

薄荷

甘草炙已上各一兩

右為細末。水浸蒸餅為劑。捏作餅子。每服三五餅。細嚼。茶酒送下。不計時候。

表散

涼膈散。方見前
寒熱條

〔保〕夫治雷頭風者。諸藥不效。為與證不相對也。蓋雷頭風者。震卦主之。震仰盂。故予製藥內。加荷葉者。象震之形。其色又青。乃述類象形。當煎局方中升麻湯主之。

升麻湯治頭面疔瘡。憎寒拘急。發熱。狀如傷寒。

升麻

蒼朮

荷葉

右為細末。每服五錢。水一盞。煎七分。溫服。食前後。或燒全荷葉一箇。研細調藥服之妙。

〔子和〕雷頭風者。是頭上有赤腫結核。或如酸棗狀。可用排針出血。則愈矣。

〔素〕雷頭風 上顙 百會 風池

大頭痛

頭痛如腫。大如斗是也。大率多是天行時疫病。

〔垣〕泰和年。東垣以監納濟源稅時。長夏多疫癘。初覺憎寒。體重。次傳面目腫盛。目不能開。上喘。咽喉不利。舌乾口燥。俗云。大頭。天行。親戚不相訪問。如染之。多不救。張縣丞亦得此證。至五六日。醫以承氣湯。加藍根下之。稍緩。翌日。其病如故。下之又緩。終莫能愈。漸至危篤。或曰。李明之存心於醫。可以請治。遂命診視。具說其由。曰。夫身半已

上天之氣也。身半已下。地之氣也。此雖邪熱客於心肺之間。上攻頭而為腫盛。以承氣下之。瀉胃中之實熱。是誅罰無過。殊不知適其病所為故。遂處方。用黃連、黃芩、味苦寒。瀉心肺間熱。以為君。橘紅、玄參、苦寒。生甘草、甘寒。瀉火補氣。以為臣。連翹、鼠粘子、薄荷、葉苦辛平。板藍根、味甘寒。馬屁勃、白殭蠶、味苦平。散腫消毒。定喘。以為佐。新升麻、柴胡、苦平。行少陽陽明二經。不得伸。桔梗、味辛溫。為舟楫。不令下行。共為細末。用湯調。時時服之。拌蜜為丸。嚙化之。服盡良愈。因歎曰。往者不可追。來者尤可及。凡他所有是病者。皆書方以貼之。全治甚眾。曾濟消毒飲子。

黃芩

黃連 各半兩

人參 三錢

橘紅

玄參

甘草 生各二錢

連翹

鼠粘子

板藍根

馬屁勃 各一錢

白殭蠶 炒七分

升麻 十分

柴胡

桔梗 各二錢

右為細末。服如前法。或加防風、薄荷、川芎、當歸身、咬咀。如麻荳大。每服五錢。水煎去渣。熱服之。食後時時服之。如大便硬。加酒煨大黃一錢。或二錢。以利之。腫熱甚者。宜砭刺之。

〔海〕大頭病者。雖在身半以上。熱伏于經。以感天地四時非節。瘟疫之氣所着。以成此疾。至於潰裂膿出。而又染他人。所以謂之疫癘也。

大抵足陽明邪熱太甚。實資少陽相火爲之熾。多在少陽。或在陽明。甚則逆傳。視其腫勢在何部分。隨其經而取之。濕熱爲腫。木盛爲痛。此邪發於首。多在兩耳前後。所先見出者爲主。爲根治之。宜早藥。不宜速。恐過其病。所謂上熱未除。中寒已作。有傷人命矣。此疾是自外而之內者。是爲血病。况頭部分受邪。見於無形之處。至高之分。當先緩而後急。先緩者。謂邪氣在上。着無形之部分。既着無形。所傳無定。若用重劑大瀉之。則其邪不去。反過其病矣。雖用緩藥。若又急服之。或食前。或頓服。咸失緩體。則藥不能除病矣。當徐徐漬無形之邪。或藥性味形體。據象服餌。皆須不離緩體。及寒藥或酒炒浸之類。皆是也。後急者。謂前緩劑已經高分。瀉邪氣入於中。是到陰部。染於有形質之所。若不速去。反損陰也。此却爲客邪。當急去之。是治客以急也。且治主當緩者。謂陽邪在上。陰邪在下。各爲本家病也。若急治之。不惟不能解其紛。而反致其亂矣。此所以治主當緩也。治客當急者。謂陽分受陽邪。陰分受陰邪。主也。陰分受陽邪。陽分受陰邪。客也。凡所謂客者當急去之。此治急以客也。假令少陽陽明之爲病。少陽爲邪者。出於耳前後也。陽明者。首面大腫也。先以黃芩黃連甘草通炒過剉。煎少少不住服。呷之。或服畢。再用大黃或酒浸或煨。又以鼠粘子新瓦上炒香。吹咀煎去渣。內芒硝。各等分。亦細細呷之。當食後用。

徐得微利。及邪氣已。只服前藥。如不已。再服後藥。依前次第用之。取大便秘。邪已即止。如陽明渴者。加石膏。少陽渴者。加瓜蒌根湯。陽明行經。加升麻。葛根。芍藥之類。太陽行經。加羌活。防風。荆芥之類。選而加之。並與上藥均合。不可獨用散也。

〔潔〕黑白散。治大頭病如神。

烏黑蛇酒浸

白花蛇去頭尾酒浸 雄黃二錢

大黃兩

右為極細末。每服一二錢。白湯調無時。

〔海〕疫毒頭腫者。甘桔湯。加鼠粘子。大黃。芒硝。

〔丹〕大頭天行病。

羌活

酒芩

酒蒸大黃

〔素〕巨陽之厥。則腫首頭重。全文見厥

〔山〕大頭風。用井底泥。調大黃。芒硝塗之。此方若在表者忌之。在裏者宜之。

運氣。大頭病皆屬火。蓋經所謂上腫者。即其屬也。經云。少陽司天之政。風熱參布。大陰橫流。寒乃時至。民病上。憊腫色變。又云。少陰司天之政。熱病生於上。清病生於下。民病噎乾腫。上終之氣燥。令行。餘火內格。腫於上。咳喘。其治方。東垣普濟消毒飲子得之矣。

眉痛

〔丹〕眉痛。屬風熱。與痰。作風痰治。類頭風。用白芷。酒黃芩末。酒調下。

風熱痰

運氣

厥

又方。

川烏

草烏

二味為君 童便煨炒

細辛

羌活

黃芩

甘草

各等分 為佐

〔垣〕選奇湯。眉骨痛。不可忍。

防風

羌活

酒黃芩

一錢冬不用如能 食熱痛者加之

甘草

三錢夏生 冬夜用

右咬咀。每服三錢。水煎。稍熱服。食後時時。

〔撮要〕

眉攢內痛

解溪

〔玉〕眉間痛

攢竹

膿出血沿 皮透魚腹

頭維

一分沿皮斜向下透懸 顧選而用之不必盡取

眉稜骨痛

攢竹

合谷

神庭

頭重

〔垣〕紅荳散。治頭重如山。此濕氣在頭也。

麻黃根

炒半 錢

苦丁香

半 錢

紅荳

十 粒

羌活

錢

連翹

各三 錢

右五味為細末。鼻內搗之。

又方。

羌活根

燒

連翹

各三 錢

紅荳

半 錢

右為末。搗鼻。

督脈之別名曰長強。挾脊上項。散頭上下。當眉胛左右。別走太陽。虛則頭重高搖之。挾脊之。有過者。取之所別也。全文見針灸○長強穴在脊髓即尾骨端也

〔撮〕頭重如石

印堂 一分沿皮透攢竹先左後右薄針出血

頭風屑

〔羅〕肝經風盛。木自搖動。尙書云。滿招損。老子云。物壯則老。故木凌脾土。金來克之。是子來為母復仇也。使梳頭有屑皮。見肺之證也。謂肺主皮毛。大便實。瀉青丸主之。虛則消風散主之。瀉青丸方見治虛實法消風散治諸風。上攻。頭目昏痛。項背拘急。肢體煩痛。肌肉蠕動。目眩旋運。耳簫蟬鳴。眼澁好睡。鼻塞多嚏。皮膚頑麻。燥癢癩疹。又治婦人血風。頭皮腫癢。眉骨疼。旋欲倒。痰逆惡心。

芎藭

羌活

人參

茯苓 去皮

白殭蠶

藿香 去土

荊芥

甘草 炒

蟬殼 去土各二兩

厚朴 去皮薑製

陳皮 去白各半兩

防風

右為細末。每服二錢。茶清調下。如久病偏頭風。每日三服。便覺輕減。如脫着沐浴。暴感風寒。頭痛身重。寒熱倦疼。用荊芥茶清調下。半盞。不拘服之。小兒虛風目澁。昏倦。及急慢驚風。用乳香荊芥湯調下亦得。

〔丹〕頭痺風屑發黃。用酒炒大黃茶調服。

〔海〕萬病紫苑丸。治頭多白屑。每服三丸。至五七丸。薑湯下。大身者塊條

〔本〕治風屑極燥癢無時。此乃氣虛。風邪侵於皮表而生。用藜蘆不拘多少為末。先洗頭。須避風。候未至十分乾時。用末糝之。須用入髮至皮。方得緊縛之。兩日夜。次日。即不燥癢。如尙有些少。可再用一次立効。

禹錫按陳藏器云。鹽麩子。主頭風白屑効。俗名鹽梳其末結五倍子

〔經〕患頭上白屑極多。山荳根油浸塗。以孩兒乳汁調塗効。
〔本〕又方。

白芷 零零香各等分

右為末。如前法用之。候三三五日。篋去。傳三二次。終始不生。

多臥 不得臥

〔靈〕黃帝曰。病而不得眠者。何氣使然。岐伯曰。衛氣不得入於陰。常留於陽。留於陽。則陽氣滿。陽氣滿。則陽蹻盛。不得入於陰。則陰氣虛。故目不瞑矣。又曰。病目不得視者。何氣使然。岐伯曰。衛氣留於陰。不得行於陽。留於陰。則陰氣盛。陰氣盛。則陰蹻滿。不得入於陽。則陽氣虛。故目閉也。大藏論
足太陽有通項入于腦者。正屬目本。名曰眼系。頭目苦痛。取之在項中兩筋間。入腦乃別。陰蹻陽蹻。陰陽相交。陽入陰。陰出陽。交于目銳眦。以頰脈考之當作目內眦 陽氣盛則瞑目。陰氣盛則瞑目。寒熱

論

帝問曰。夫邪氣之客人也。或令人目不瞑。不臥出者。何氣使然。

伯高曰。衛氣者。晝日行於陽。夜行於陰。常從足少陰之分間。行於五

臟六腑。今厥氣客於五臟六腑。則衛氣獨衛其外。行於陽。不得入於

陰。行於陽。則陽氣盛。陽氣盛。則陽蹻陷。陷當不得入於陰。陰氣虛。故

目不瞑。黃帝曰。治之奈何。伯高曰。補其不足。瀉其有餘。調其虛實。以

通其道。而去其邪。飲以半夏湯一劑。陰陽已通。其臥立至。黃帝曰。善。

此所謂決瀆壅塞。經絡大通。陰陽和得者也。愿聞其方。伯高曰。其湯

方。以流水千里以外者。入升。揚之萬遍。取其清五升。煮之。炊以葦薪

火沸。置秫米一升。治半夏五合。徐炊令竭。為一升半。去其渣。飲汁一

小杯。日三。稍益。以知為度。故其病新發者。覆杯則臥。汗出則已矣。久

者。三飲而已也。邪客篇○按本草秫米即所謂糯米是也黃帝曰。人之多臥者。何氣使然。岐

伯曰。此人腸胃大。而皮膚濕。而分肉不解焉。腸胃大。則衛氣留久。皮

膚濕。則分肉不解。其行遲。夫衛氣者。晝常行於陽。夜行於陰。故陽氣

盡則寐。陰氣盡則寤。故腸胃大。則衛氣行留久。皮膚濕。分肉不解。則

行遲。留於陰也久。其氣不清。則目瞑。故多臥矣。其腸胃小。皮膚滑。以

緩分肉解。則衛氣之留於陽也久。故少瞑焉。黃帝曰。其非常經也。卒

然多臥者。何氣使然。岐伯曰。邪氣留於上焦。上焦閉而不通。已食。若

飲湯。衛氣留久於陰而不行。故卒然多臥焉。大威

〔海〕膽虛不眠。寒也。酸棗仁炒竹葉湯調服。聖惠方 膽實多睡。熱也。

酸棗仁生用末。茶薑汁調服。濟衆方 一法酸棗仁一兩生用。薑茶二兩以生薑汁塗。炙微焦。搗羅爲末。每服二錢。水七分。盡煎六分。溫服。無時。

不得臥

〔仲〕虛勞虛煩。不得眠。酸棗湯主之。

酸棗仁二升

甘草一兩

知母

茯苓

芎藭

各二兩 一方加生薑二兩

右以水八升。煮酸棗仁得六升。內諸藥。煮取三升。分溫三服。

〔本〕治膽虛不得眠。四肢無力。驚甲丸。

驚甲

酸棗仁

羌活

牛膝

黃芪

人參

五味子各等分

右爲細末。煉蜜杵爲丸。如桐子大。每服三四十九。溫酒送下。

〔聖〕治骨蒸勞煩心。不得眠。用酸棗仁一兩。水一大盞半。研絞取汁。下米二合。煮粥。候熟。下地黃汁一合。更煮過。不計時服之。

〔素〕帝曰。人有臥而有所不安者。何也。岐伯曰。藏有所傷。及精有所

寄之。則安。故人不能懸其病也。精有所寄之。則安。太素作精有所倚。則臥不安。是也。

〔海〕胡洽治振悸不得眠。人參。白朮。茯苓。甘草。生薑。酸棗仁。六物煮

服。

〔本〕眞珠母丸。治肝經因虛。內受風邪。臥則寬散而不收。狀若驚悸。

珠母三分研細用碾

當歸

熟地各一兩半

人參

酸棗仁

栝子仁

犀角

茯苓各一兩

沉香

龍齒各半錢

右為細末。煉蜜為丸。如桐子大。辰砂為衣。每服四五十丸。金銀薄荷湯下。日午後臥服。

獨活湯。

獨活

羌活

人參

前胡

細辛

半夏

五味子

沙參

白茯苓

酸棗仁

甘草各一兩

右為粗末。每服四大錢。水一盞半。薑三片。烏梅半箇。同煎至七分。去渣。不拘時候。

紹興癸丑。予待次四明。有董生者。患神氣不寧。每臥則魂飛揚。覺身在牀。而神魂離體。驚悸多驚。通夕無寐。更醫不效。予為診視。詢之曰。醫作何病治。董曰。衆皆以為心病。予曰。以脈言之。肝經受邪。非心病也。肝氣因虛。邪氣襲之。肝藏魂者也。遊魂為變。平人肝不受邪。臥則魂歸於肝。神靜而得寐。今肝有邪。魂不得歸。是以臥則魂飛揚。若離體也。肝主怒。故小怒則劇。董欣然曰。前此未之聞。雖未服藥。已覺沉痾去體矣。願求治之。予曰。公且持此說。與衆醫議所治之方。而徐質

肝虛則脾
飲之水

肝虛則脾
慮勝之思

診

之。閱旬日。復至云。醫徧議古今方。無與病相對者。故予處此二方。以贈服一月。而病悉除。此方用真珠母為君。龍齒佐之。真珠母入肝經為第一。龍齒與肝同類也。龍齒虎睛。今人例以為鎮心藥。殊不知龍齒安魂。虎睛定魄。各言其類也。蓋東方蒼龍木也。屬肝而藏魂。西方白虎金也。屬肺而藏魄。龍能變化。故魂遊而不定。虎能專靜。故魄止而有守。予謂治魄不寧者。宜以虎睛。治魂飛揚者。宜以龍齒。萬物有成理而不失。在夫人達之而已。

〔垣〕羌活勝濕湯。加柴胡。治臥而多驚。邪在少陽厥陰也。

方見腰痛

諸

水病者。故不得臥。臥則驚。驚則效甚也。

全文見水腫

內經半夏湯。治不得

臥。乃去飲之劑也。

方見前陰陽條

〔無〕溫膽湯。治大病後。虛煩不得眠。兼治驚悸。

方見驚悸

〔丹〕煩不得眠。六乙散。加牛黃服之。

即益元散

〔子和〕一富家婦人。傷思慮過甚。二年不得寐。無藥可療。其夫求戴

人治之。戴人曰。兩手脈俱緩。此脾受邪也。脾主思。故也。乃與其夫議

以怒激之。多取其財。飲酒數日。不處一法而去。其婦大怒。汗出。是夜

困眠。如此者。八九日不寤。自是食進。其脈得平。

此因膽虛不能制脾之思慮。而不寤。今激之怒。膽復制脾。故得

也。

〔素〕陽明者。胃脈也。胃者。六腑之海。其氣亦下行。陽明逆。不得從其

道故不得臥也。下經曰：胃不和則臥不安。此之謂也。按調論

喘不得臥。以喘法治之。

厥不得臥。以腳氣法求之。

〔素〕帝曰：人之不能偃臥者何也。岐伯曰：肺者藏之蓋也。肺氣盛則

肺大。肺大則不得偃臥。

〔撮〕膽寒不得臥。竅陰一分補之灸

〔甲〕驚不得眠。善斷水氣上下。五臟遊氣也。陰交主之。不得臥。浮

郄主之。

多臥

偏氣

〔子和〕陳州長史。一小兒病。寐而不寤。三日。諸醫作睡驚治之。或欲以艾火灸之。或以大驚丸。及水銀餅子治之。其父曰：此子平日無疾。何驟有驚乎。以子之病問戴人。戴人診其兩手脈。皆平和。戴人曰：若驚風之脈。當洪大而強。今則平和。非驚風也。戴人竊問其乳母。爾二日前曾飲酒醉否。遽然笑曰：夫人以煮酒見飽。酒味甚美。三飲一罌而睡。夫陳酒味甘而戀膈。酒氣滿。乳兒亦醉也。乃剉甘草。乾葛。葛花。縮砂仁。貫衆煎汁。啜之立醒。運氣多睡。皆屬內熱。經云：陽明司天之政。初之氣。陰始凝。氣始肅。病中熱。善眠是也。

運氣

針灸

怪穴困睡多

無名指第二節尖

灸一壯屈手指取之

咽喉

喉痺

咽噎痛

乳蛾

喉中中介介如梗

諸物梗咽

項頸強痛

經云。一陰一陽結。謂之喉痺。又云。肝者。中之將也。取決於膽。咽為之使。故以喉咽入肝膽部。

〔素〕喉主天氣。咽主地氣。太陽陽明論

咽即噎之高處也

地氣通於噎。全文見五藏〇咽喉下接連胸中肺葉之間噎即咽之低處也

咽喉者。水穀之道也。喉嚨者。氣之所以上下者也。會厭者。音聲之戶也。懸壅者。音聲之關也。全文見瘡

〔子和〕咽與喉。會厭與舌。此四者同在一門。而其用各異。喉以納氣。故喉氣通於天。咽以納食。故咽氣通於地。會厭管乎其上。以司開闢。掩其喉。則其食下。不掩之。其喉錯。必舌抵上齶。則會厭能閉其喉矣。四者交相為用。闕一則飲食廢而死矣。

喉痺

凡經云。喉痺者。謂喉中吸呼不通。言語不出。而天氣閉塞也。云咽痛。云噎痛者。謂咽喉不能納唾與食。而地氣閉塞也。云喉痺。咽噎痛者。謂咽喉俱病。天地之氣。並閉塞也。蓋病喉痺者。必兼咽噎痛。病咽噎痛者。不能兼喉痺也。今以喉咽俱病諸方。並入喉痺門中。

惡寒寸脈皆為小者證

喉痺惡寒。及寸脈小弱於關尺者。皆為表證。宜甘桔湯。半夏桂枝甘草湯。詳寒熱發散之。若水漿不得入口者。用解毒雄黃丸四五粒。以極酸醋磨化灌入口內。吐出膿痰。却服之間。以生薑自然汁一蜺殼。噙下之。神効。

按喉痺惡寒者。皆是寒折熱。寒閉於外。熱鬱於內。薑汁散其外寒。則內熱得伸而愈矣。切忌膽礬。酸寒等劑。點喉反使其陽鬱結不伸。又忌硝黃等寒劑下之。反使其陽下陷入裏。則禍不旋踵矣。韓祗和云。寸脈弱小於關者。宜消陰助陽。垣云。兩寸脈不足。乃陽氣不足。故用表藥提其氣。升以助陽也。或三部俱小弱。亦可用其法也。

喉痺。鄉村病皆相似者。屬天行運氣之邪。治必先表散之。亦大忌酸藥點之。寒藥下之。鬱其邪於內。不得出也。其病有二。

其一屬火。經云。少陽所至。為喉痺。又云。少陽司天之政。三之氣。炎暑至。民病喉痺。治宜仲景桔梗湯。或面赤斑者。屬陽毒。宜陽毒諸方汗之。

其二屬濕。經云。太陰之勝。火氣內鬱。喉痺。又云。太陰在泉。濕淫所勝。病隘腫喉痺。治宜活人半夏桂枝甘草湯。或面青黑者。屬陰毒。宜陰毒諸方汗之。

運氣

熱邪以寒表之

寒邪以熱表之

〔仲〕桔梗湯。治傷寒客熱咽痛。方見傷寒咽痛。○梅蘘治咽痛。甘桔湯加風粘子竹茹妙。

〔無〕荆芥湯。治咽喉腫痛。語聲不出。嚙之痛甚。

荆芥兩半 桔梗二兩 甘草一兩

右劉散。每服四錢。水一盞。薑三片。煎六分。去渣溫服。

〔活〕半夏桂枝甘草湯。治暴寒中人咽痛。方見傷寒咽痛。

〔無〕治卒喉痺不得語。小續命湯。加杏仁七箇。煎甚妙。續命湯方見中風門。

〔和〕五香散。治喉咽腫痛。毒氣結塞不通。

木香 沉香 雞舌香 薰陸香各一兩

麝香另研三錢

右爲末。入麝香研勻。每二錢。水一盞。煎服不拘時。

〔本〕治中風急喉痺欲死者。白僵蠶搗篩爲末。生薑自然汁調下。喉

立愈。丹鑪云。僵蠶屬火而有土與木。老得金氣而僵。治喉痺者。取其火中消化之氣。以從治相火散獨逆結帶之疾。

〔陳〕附子去皮。炮令拆。以蜜塗上炙之。令蜜入內。含之。勿咽其汁。主

喉痺。

〔和〕如聖勝金錠。治咽喉急閉。腮頰腫痛。并單蛾。結喉。重舌。木舌。

硫黃細研一兩半 川芎一兩 臘茶 薄荷去根梗各半兩

貫衆二兩 硝石研四兩 荆芥二兩

右爲末。生蔥汁。搗和爲錠。每服先用新汲水灌漱。次嚼生薄荷五

七葉却用藥一錠。同嚼極爛。井水嚥下。甚者連進三服。并以一錠安患處。其病隨藥便消。

〔羅〕征南帥。不隣吉歹。病咽痛下利。方見表熱裏寒門

洪武戊辰春。鄉村病喉痺者甚衆。蓋前年終之氣。及當年初之氣。二火之邪也。予累用甘桔湯。加黃連。半夏。殭蠶。鼠粘子。根等劑。發之。挾虛者。加參芪歸輩。水漿不入者。先用解毒雄黃丸。醋磨化之。灌喉。痰出。更用生薑汁灌之。却用上項藥。無不神驗。若用膽礬等酸寒點過者。皆不治。蓋邪鬱不出故也。

〔羅〕解毒雄黃丸。治纏喉風。及急喉閉。卒然倒仆。牙關緊急。

雄黃

鬱金各一分

巴荳去皮油十四箇

右爲細末。醋糊爲丸。菴荳大。茶清下七丸。吐出頑痰。立甦。未吐再服。如至死者。心頭猶熱。灌藥不下。幹口開灌之下咽。無有不治。如小兒驚熱。痰涎壅塞。或二丸。三丸。量小大加減。一法用雄黃丸三粒醋磨化灌之。尤妙。其痰立出即瘥。

〔大〕治纏喉風。雄黃一塊。新汲水磨。急灌吐瘥。

〔丹〕纏喉風。屬熱痰。宜用鵝翎蘸桐油探吐之。又法。用射干逆流水吐之。

〔世〕遠志去心。爲末。每半錢。水小半盞。調服。口含竹管。吐痰涎極捷。

喉閉者先取痰

治喉痺如神。

烏犀角膏。治咽喉腫痛。及一切結喉。爛喉。鎖尸。纏喉。痺喉。急喉。飛絲入喉。重舌。木舌等證。

皂莢 兩條子搗碎用水三升浸一時久攪汁去渣入瓦器內熬成膏

好酒 一合

餒硝

百草霜 研一錢同皂角膏攪勻令稠

人參 一錢為末

硼砂

白霜梅 各少許並研入膏中

右拌和煎藥。用鵝毛點少許於喉中。以出盡頑涎為度。却嚼甘草二寸。嚥汁吞津。若木舌。先以籠布蘸水。舌揩冷。次用生薑片擦之。然後用藥。

〔山〕纏喉風。皂角揉水。灌下。得吐愈。

〔子〕治纏喉風。喉痺。飲食不通欲死者。用反魂草根一莖。淨洗。內入喉中。取寒痰出。即痊。神驗。更以馬牙硝。津嚥之。即絕根。反魂草。一名紫苑。

〔世〕治咽痛。用土烏藥。即矮樟根。以醋兩盞。煎一盞。先嚥後嚥。吐出痰涎為愈。

〔杜〕治纏喉風。束氣不通。用蛇蛻炙黃。當歸等分。為末。溫酒調下。一錢。七得吐愈。

〔羅〕備急如聖散。治時氣纏喉風。漸入咽塞。水穀不下。牙關緊急。不

閉者
擄鼻
取痰

不惡
寒寸
脈大
者皆
證屬
下

省人事。

雄黃細研

藜蘆生用

白礬飛

猪牙皂角去皮
炙黃

右等分。為細末。每用一荳大。鼻內搐之。立効。

〔世〕一字散。治喉閉。氣塞不通。飲食不下。

雄黃另研
一分

蠟七
枚

白礬生

藜蘆各一
錢

猪牙皂角七
錢

右為末。每用一字。吹入鼻中。即時吐出。頑涎為愈。

治喉咽痛。牙關緊急。用巴荳去殼。以紙壓出。巴荳油在紙上。以此紙作捻子。點火吹滅。以烟薰入鼻中。即時口鼻涎流。牙關開矣。

喉痺不惡寒者。及寸脈大滑實於關尺者。皆屬下證。宜硝石青黛等寒藥降之。或白礬等酸劑收之也。韓祗和云。寸脈大於關尺者。宜消陽助陰。東垣云。兩寸脈實。為陰盛陽虛。下之則愈。故予每用此法。治急喉痺。如鼓應桴。或三部俱實。亦可用其法也。

〔無〕玉鑰匙。治風熱喉痺。及纏喉風。

鐵硝一兩
半

硼砂半
兩

腦子一
字

白殭蠶一
分

右為末。以竹管吹半錢入喉中立愈。

〔世〕治喉痺。咽痛。用蒲黃。甘草。青黛。芒硝。等分為末。時時咽荳許。神効。

〔外〕療喉痺。神驗。朴硝一兩。細細含嚥。汁立愈。

〔無〕玉屑無憂散。治纏喉風。咽喉疼痛。語聲不出。咽物有礙。或風涎壅滯。口舌生瘡。大人酒癩。小兒妳癖。或誤吞骨屑。哽塞不下。

玄參

貫衆

滑石

砂仁

黃連

甘草

茯苓

山荳根

荊芥各半兩

寒水石煨

硼砂各三錢

右爲末。每服一錢。先抄入口。以清水嚥下。此藥除三尸。去八邪。辟

瘟療渴。

〔丹〕治喉痺。呼吸不通。須臾欲絕。絡石草二兩。水升半。煎取一盞。去

渣。細細呷之。立通。外臺祕要○本草云。絡石味苦溫。微寒。無毒。主風熱。

治喉痺。白瑞香花根寸許。研細調灌之。妙。白瑞香藥性未詳

〔葛〕卒喉痺。取黃栢片含之。又黃栢一斤。以酒一斗。煮二沸。去渣

恣飲便愈。

〔世〕喉痺。水穀不下。蘿蔔汁咽之。甚佳。蘿蔔下氣甚捷

〔丹〕又方。李實根一片。噙口內佳。治風熱痰。喉痺。先以千縉湯。次

以四物湯。加黃栢知母。養陰則火降矣。

〔靈苑〕治急喉閉。送巡不救者。蠶魚膽。臘月收。陰乾爲末。每用少許。

點患處。藥至卽瘥。病深。則水調灌之。

〔丹〕用李實根。研水。傳頂上一遭。治喉痺卒不語。羊蹄獨根者。勿見風日。及婦人雞犬。以三年醋研和如泥。生布拭喉令赤。傳之。千金方又方。

酸硝

枯礬各五分

礪砂一錢

杜牛膝調傳

右降之劑。

〔羅〕開關散。治喉風。氣息不通。

白殭蠶妙一兩

枯白礬各等分

右為細末。每服三錢。生薑蜜水調下。細細服之。

〔本〕治纏喉風。用白礬末半錢。烏雞子清一箇。二味調勻。灌入喉中。立効如神。此方活人不計數。幸毋忽。

〔山〕喉閉。用枯礬末。吹納喉中。急用燈盞底油脚灌下。

〔世〕治喉痺。馬屁勃。白礬等分為細末。以鵝翎吹入喉中。吐痰二升。愈。馬屁勃味辛平

治喉閉。一握金一握。燒灰。拌白礬末炒青色為度。用筋三四根。壓下舌。看喉中端的。吹入患處。妙。此藥一名八角荷。一名山荷。

葉。如川芎。樣生深山。詩云。一葉一枝花。深山是我家。疏黃怕我死。水銀化成砂。

〔無〕神効散。荊芥。葶麻肉。等分為末。蜜丸。皂子大。綿裹含化。治喉痺。

語聲不出者佳。

又方猪牙皂角和霜梅為末噙之。

〔世〕治喉痺咽腫手足不和惡寒者用鴨嘴膽礬末以筋蘸藥點患處藥至即瘥神効。

右收之之劑。

〔海〕治喉痺取蟻螬蟲汁點在喉中下咽即開。

〔崔〕治喉痺壅塞不通取紅藍花搗絞取汁一小升服之以瘥為度如冬月無花可浸乾者濃絞取汁如前服之極驗咽喉塞服之皆瘥。

〔丹〕又方用茜草一兩煎服降血中之火。

〔世〕治咽腫杜牛膝搗自然汁和醋服之。本草云杜牛膝主血結及血塊

〔無〕馬鞭草散治患喉痺咽腫連頰吐氣數者。

馬鞭草 本草云馬鞭草味辛涼破血主癰癤血癩通目經

右搗自然汁每服嚥一合許又一法用馬脚鐵煮汁服亦妙。

〔丹〕治喉痺射干切一片含嚥汁。外臺祕要○本草云射干破血消癰治癩老血在心脾間味辛涼微溫有毒

〔孫〕押班都知潘元從喉閉急召孫至於夾袋中取藥末半匕吹入

喉中少頃潘吐出膿血立愈翌日潘詣孫謝曰火急之難非明公不能救救人之急非藥不能療贈金一百兩願求方以濟非常之急孫以其方授之用猪牙皂角白礬黃連等分細剉新瓦上焙乾為末每

肺絕

用半錢吹入喉中。因曰。神方無價。安用以利易哉。遂不受所贈。

〔急〕喉痺。其聲如鼾。有如痰在喉嚨者。此為肺絕之候。速宜參膏救之。用薑汁。竹瀝。放開服。如未得參膏。或先煎獨參湯救之。服早者。十全七八。次則十全四五。遲則十不全一也。

〔素〕一陰一陽結。謂之喉痺。陰陽別論

〔海〕治喉閉。逡巡不救方。

皂莢 去皮弦子生半兩為細末以篩頭點少許在腫痛處更以醋糊調藥末厚塗項上須臾便破血出立痊 ○丹溪以雞毛蘸傳腫處尤妙

又用遠志去心。水調傅項上一遭。

〔丹〕治喉痺。青艾和莖葉一握。用醋同杵傳痺處。冬月用乾者。李亞方

一法用青艾汁灌下。

〔山〕喉閉。用蛇床子燒烟薰入喉中愈。

〔本〕喉中卒被毒氣。攻痛者。切商陸根炙熱。隔布熨之。冷輒易。立愈。

〔丹〕有人患纏喉風。食不能下。大麥麵作稀糊嚥之。滑膩容易下嚥。

以助胃氣。衍義云以此代粥食也若能食者不必用此

〔山〕挫喉氣不通者。以冷水徐灌之。

〔內經〕刺灸喉痺法有二。今以經脈所過。咽喉取之。驗者。及他病相

干。而致喉痺。取之者。通六經也。

其一。取手足陽明。經云。喉痺不能言。取足陽明。能言。取手陽明。又云。

針灸

雜方

胃足陽明脈。從大迎前下人迎。循喉嚨。所生病者。頸腫喉痺。視盛虛熱寒陷下取之。又云。足陽明之別名曰豐隆。去踝八寸。別走太陰。其病氣逆。則喉痺卒瘖。取之所別也。又曰。大腸手陽明脈。所生病者。喉痺。視盛虛熱寒陷下取之也。

其二。取手少陽。經云。三焦手少陽之脈。出缺盆。上項繫耳後。是動則病。噎腫喉痺。視盛虛熱寒陷下取之。又曰。邪客手少陽之絡。令人喉痺。刺手中指次指爪甲上去端如韭葉各一瘡。壯者立已。老者頃已。左取右。右取左是也。

其三。以經絡所過喉咽者。有二。經云。肝足厥陰之脈。循喉嚨之後。故喉之後疼者。取之。累驗也。又云。腎足少陰之脈。上貫肝鬲。循喉嚨。竇漢卿所謂必准者。照海治喉中之閉塞是也。

其四。他病相干。致喉痺者。有一。經云。心欬之狀。喉中介介如梗狀。甚則咽腫喉痺。取心之俞。蓋太陵穴是也。

〔孫〕文潞公。一日喉腫。翰林咽科治之。經三日愈甚。上召孫治之。孫曰。病得相公書判筆一管。去筆頭。水霑筆管。點藥入喉。便愈。孫隨手便刺。相公昏仆。不省人事。左右皆驚愕流汗。孫乃笑曰。非我不能救相公。須臾嘔出膿血升餘。旬日乃平復如故。見上。上喜曰。孫召良醫。甚有手段。予嘗治一男子喉痺。於大溪穴刺出黑血半盞而愈。由

是言之。喉痺以惡血不散故也。凡治此疾。暴者必先發散。發散不愈。次取痰。取痰不愈。次去汚血也。

〔摘〕治喉痺 豐隆 湧泉 關衝 甚者以小三稜針藏筆鋒中詐言點藥於喉痺上乃刺出紫血頓下立愈

〔撮〕喉痺乳蛾 少商 針入一分臥針向後三分 照海 太衝

〔潔〕喉閉不通 少商 隱白 少衝 湧泉

〔摘〕喉痺頰腫如升。水粒不下。少商 出血 手大指背頭節 三稜折刺三針出血

陽谷 三分

〔甲〕喉痺完骨。及天窻。氣舍。天鼎。尺澤。合谷。商陽。陽溪。中渚。前谷。商丘。然谷。陽交。悉主之。喉痺胸中暴逆。先取衝脈。後前二里。雲門。皆屬之。

〔脈〕喉痺刺少陰。少陰在手腕。當小指掌後動脈是也。針入三分補之。

〔甲〕喉痺咽如梗。三間主之。喉痺不能言。溫留曲池主之。喉痺氣逆。口噤。咽喉如扼狀。行間主之。喉痺咽腫。水漿不下。璇璣主之。

喉痺食不下。鳩尾主之。

白色龔理者肺大。肺大則多飲。善病喉痺。 全文見診 心脈大甚為喉喞。

全文見治 虛實法

咽噎痛 咽噎不能納 唾與食是也

形苦志苦。病生於咽噎。治之以百藥。 全文見診

〔丹〕咽痛必用荊芥。陰虛火炎上者必用玄參。

氣虛人參加竹瀝。血虛四物加竹瀝。

咽痛有陰氣大虛。陽氣飛越。痰結在上。遂成咽痛。脈必浮大。重取必澹。去死為近。宜補陰陽。人參一味濃煎湯。細細飲之。此證皆是勞嗽日久者。有之如用實喉痺條下。

諸方非徒無益而反害之。

咽瘡多虛火。游行無制。客於咽喉。宜用人參。蜜炙黃柏。荊芥治之。

潤喉散。治氣鬱夜熱。咽乾梗塞用。

桔梗二錢

粉草

紫荷車

香附各三錢

百藥煎一錢

右為細末。傅口內。

咽喉生瘡損了。不用生薑。用之辛辣痛。又能散不收。

咽痛實熱者。

黃連

荊芥

薄荷

蜜薑汁調嚙。

咽中瘡腫。葶麻子一粒。去皮。朴硝一錢。同研。新汲水作一服。連進二

三服效。丹溪云。葶麻子屬金。性毒。收能遣毒。腫又似屬水。當是外科要藥。

〔羅〕龍麝聚聖丹。治心脾客熱。毒氣攻衝。咽喉赤腫。頭痛。或成喉痺。

或結硬不消。愈而復發。經久不瘥。或舌本腫脹。滿口生瘡。飲食難咽。

並宜服之。

川芎一兩

生地

犀角屑

鈴羊角

琥珀研各五錢

馬牙硝研三錢

硼砂研一兩

人參

赤茯苓各三錢

玄參

桔梗

升麻

鉛白霜研錢

連翹各五錢

硃砂水飛二錢

牛黃研二錢

麝香研三錢

腦子研三錢

金箔為衣

右為細末。煉蜜為丸。每兩作十丸。用金箔為衣。每服一丸。薄荷水化下。或細嚼。或噙化。如無薄荷新水亦可。臨臥用之。祛毒牛黃膏。治大人小兒。咽喉腫痛。舌本強硬。滿口生瘡。涎潮喘急。飲食難進。咽膈不利。

牛黃研三錢半

人參

琥珀

犀角取細末

桔梗

生地

硼砂各半兩

雄黃一兩

玄參

升麻各三錢

蛤粉水飛四兩

寒水石煨一兩

硃砂飛研七錢

鉛白霜

腦子各一錢

金箔為衣

右為細末。煉蜜丸。如小彈子大。金箔為衣。用磁石器內收貯。每服一丸。濃煎薄荷湯化下。或新汲水服。亦得。日進二三服。噙化亦得。

咽喉備急丹。

實熱降收之

青黛

芒硝

白殭蠶各一兩

甘草四兩

右為細末。用臘月內牛膽有黃者。盛藥其中。陰四十九日。多時為妙。

〔經〕患喉痛。含山荳根一片。細咽津極妙。

〔丹〕咽痛。硼砂。或和膽礬。白殭蠶。白霜梅。和噀。又方。百藥煎。去黑

皮。硼砂。甘草。生白礬。等分為細末。每服一錢。食後米飲調。細細咽下。

〔肘〕咽喉卒腫。食飲不通。黃藥搗傅腫上。冷復易之。用苦酒和末佳。

〔丹〕婦人患咽疼。用桔梗一兩。生甘草半兩。分三貼。水二碗。煎取一

小盞。稍熱飲之。先與蚤休末。細咽之。蚤休末即金線重樓是也

〔羅〕增損如聖湯。治風熱攻衝會厭。語聲不出。咽喉妨悶。腫痛並治之。

桔梗二兩

甘草炙一兩半

枳殼湯浸去穢

防風各半兩

右件為細末。每服三錢。水一大盞。煎至七分。去渣。入酥如棗許。攪

勻。食後溫服。

〔本〕治虛煩。上壅。脾肺有熱。咽喉生瘡。利膈湯。

雞蘇葉

荊芥

防風

桔梗

人參

牛蒡子隔紙炒

甘草各一兩

右為細末。每服一錢。沸湯點服。如咽痛。口瘡甚者。加殭蠶一兩。

〔垣〕桔梗湯。治咽腫。微覺痛。聲破。季冬合之。

麻黃不去節
半錢

桔梗一錢

黃芩三錢

甘草一錢

白殭蠶三錢

馬屁勃一兩

桂枝少許

歸身三分

右以水二盞煎去渣稍熱服食後可徐徐呷之。

〔羅〕發聲散治咽痛妨悶咽物則微痛不宜寒涼藥過泄之此妨悶虛熱也。

瓜蒌一箇

白殭蠶微炒
半兩

桔梗七錢
半

甘草炒二錢

右為細末每用少許乾糝咽喉中若腫痛左右有紅或只一壁紅紫長大水米難下用此散一錢朴硝一錢和勻糝喉中咽津如喉中生赤腫或有小白頭瘡用前散一錢七白礬細研半錢乾糝

〔丹〕薑汁調殭蠶末治咽痛神效詳見喉痺。

〔無〕蜜附子治感寒咽門閉不能咽大附子一枚生去皮臍切作大片蜜塗炙令黃含嚙津甘味盡更以附子片塗蜜炙用之。

〔丹〕治咽痛用諸藥不效者此非咽痛乃是鼻中生一條紅線如髮懸一黑泡大如櫻珠垂掛到咽門而止口中飲食不入須用採取牛膝根直而獨條者洗淨入好醋三五滴同研細就鼻孔滴二三點入去則絲斷珠破其病立安。

〔素〕肝者中之將也取決於膽咽為之使奇病論

〔世〕咽痛用倒摘刺根淨洗入好酒醋同研滴在喉中耳若痒即安。

雜方

傷之血 溫邪

范汪方。治喉中腫痛。不得飲食。燒筆頭灰。漿水飲下方寸七。

〔廣〕主咽喉塞。鼻中瘡出。及乾嘔頭痛。食不下。生雞子一箇。開頭取

白去黃。著米酢煨拌。漉火頓。沸起擊下。沸定須頓二度。就熱飲酢盡。

不過一二次瘥。

運氣。咽喉噎痛。皆屬寒。經云。太陽在泉。寒淫所勝。民病噎痛。頰腫。是

也。

〔內經〕灸刺咽喉有二。

其一。取足少陰。經云。腎足少陰之脈。所生病者。咽腫。上氣。噎乾痛。又

云。噎中腫。不能內。唾時不能出。唾者。刺然骨之前出血。立已。左刺右。

右刺左。又云。邪客足少陰之絡。令人噎痛。不可納食。無故善怒。氣上

走贛上。林億云。贛。膈也。謂氣上走膈上也。刺足下中央之脈各三疇。凡六刺立已。左刺右。

右刺左。是也。

其二。取手太陽。經云。小腸手太陽之脈。是動則病噎痛。頰腫。視虛實

寒熱陷下取之也。

〔甲〕咽中痛。不可納食。湧泉主之。咽腫難言。天柱主之。喉痛。瘖

不能言。天突主之。

乳蛾

〔竹〕咽喉乳蛾方。

者收

實熱者降

有表者散

雄黃

鬱金各五錢

白礬主用二錢半

膽礬五分

右為細末。以竹管吹入喉中。立能言語。

粉香散。吹乳蛾即開。

白礬三錢

巴豆三粒去皮油

輕粉

麝香各少許

右於鐵器上飛白礬。沸入巴豆在礬上。枯去不用。巴豆為細末。三

味和合吹喉中。

〔孫〕治懸癰。垂長咽中。妨悶。白礬一兩。燒灰。鹽花一兩。二味細研。以

筋頭點藥在上。

〔竹〕羅青散。治單雙乳蛾。

蒲黃五錢

羅青

盆硝研各三錢

甘草二錢

右為細末。每服一錢。冷蜜水調。細細咽之。吞不下。雞翎蘸藥喉內

掃之。立效。

〔本〕玄參散。治懸癰。痛不下食。

玄參一兩

升麻

射干

大黃各半兩

甘草

右為細末。用水煎至七分。放溫。時時含咽。良驗。

〔無〕乾薑散。治懸癰。熱卒暴腫大。

乾薑

半夏湯洗去滑等分

右爲細末。以少許著舌上。嚥津。

〔世〕乳蛾。用杜牛膝根紅者研調。男用女乳汁。女用男乳汁。納鼻吸之。

〔丹〕治喉中卒生肉。綿裹筋頭蘸鹽搯。一日六七次易之。孫真人方

咽中介介如梗狀

〔仲〕婦人咽中。如有炙鬱。半夏厚朴湯主之。

半夏升一

厚朴兩三

茯苓

生薑各四兩

蘇葉兩二

右五味。以水七升。煮取四升。分溫四服。日三夜一。

〔丹〕痰結核在咽。此濕痰。必用痰藥中。鹹能軟堅之味。

瓜蒌實

青黛

杏仁

海蛤粉

桔梗

連翹

風化硝

右爲末。薑蜜丸。嚥化。

〔內經〕灸刺咽嗑。介介如梗狀。有二。

其一。取陽陵泉。經云。膽病者。善太息。口苦。嚔宿汁。嗑中介介然數唾。

取陽陵泉。是也。

其二。取太陵。經云。心欬之狀。喉如吟吟然。如梗狀。取心之俞。是也。

諸物梗喉

〔無〕治諸哽。煮薤白令半熟。以線縛定。手執線頭。少嚼薤白。咽之。度薤白至哽處。便牽引。哽即出矣。又法。用綿一小塊。以蜜煮。用如食薤法。

〔世〕治骨哽入喉。

縮砂

甘草各等分

右爲末。以綿裹少許。噙之。旋旋咽津。久之即出。

骨哽。以乳香燒烟。吸入喉。即吐出。

〔本〕治諸魚骨哽。久不出。方以皂角少許。吹入鼻中。得嚏。哽出。多祕此方。

〔陳〕鰓主魚骨哽不可出者。取鰓足於項下脍之。亦可煮汁食之。

〔外〕治哽。螻蛄膽一枚。吞下。亦治刺不出。傳之刺即出。

〔古今錄〕療魚骨橫喉中。六七日不出。取鯉魚鱗皮合燒。作屑水服之。即出。未出再服。

右治骨哽。

〔子和〕一小兒誤吞一錢在喉中。不下。諸醫皆不能出。亦不能下。乃命戴人。戴人熟思之。忽得一策。以淨白表紙。令卷實如箸。以刀縱橫亂割其端。作鬚鬚之狀。又別取一箸。縛針鉤於其端。令不可脫。先下咽中。輕提輕抑探之。覺鉤入於錢竅。然後以紙卷納之。咽中。與鉤尖

相抵覺鈎尖入紙卷之端不礙肌肉提之而出。

〔葛〕誤吞釵取薤白曝令萎黃煮使熟勿切食一大束釵即隨出。

〔丹〕治誤吞錢釵及釵用飴糖一片漸漸食之自出。外臺祕要

右治錢哽

〔世〕治骨哽槿樹葉油馬屁勃砂糖三味熬膏為丸噙化累効。

治骨哽喉痛用水牛尿上生出葷晒乾為末用砂糖為丸徐徐嚥吞下仍用砂糖為衣不然損牙。

〔外〕治魚骨哽在喉中以少礪砂口咀嚼咽之立下。

〔世〕治魚骨哽用玉簪花根研細取汁竹管灌喉中不可著齒著則齒酥骨哽用萱草根汁服之傳者云可立視骨下。邵云萱草即鹿蔥也又名宜男 又

方魚骨哽細嚼蘿蔔徐徐咽之愈。

〔丹〕治魚骨哽百法不能療者錫糖丸如鷄子黃大吞之立出。肘後方

治諸哽生艾數升水酒各五升煮取四升稍熱服之。外臺

〔世〕魚骨哽楮子搗自然汁濾去渣服或收晒乾為末水和汁服亦可。楮子即谷櫛子也 一方用楮樹皮。

〔衍〕橄欖味澁食久則甘嚼汁咽治魚哽。

〔外〕治哽以瞿麥為末水調方寸七服。

〔本〕治骨哽白茯苓一味臨時細切為末以所哽骨煎湯調下。

〔世〕治雞骨哽。用水簾草搗汁。飲之。骨自消。治骨哽。以野苧根洗淨。搗爛如泥。每用龍眼大。如被雞骨所傷。以鷄糞化下。如魚骨所傷。魚湯化下。治一切骨哽。用金鳳花子。嚼爛嚙下。無子。用根亦好。

〔山〕誤吞稻芒。麥芒。咽間者。急取鵝口中涎灌之。或取薦頭草嚼亦妙。

〔丹〕魚骨在肚中刺痛。煎茱萸汁一盞。飲之。骨軟而出。食療

〔丹〕治吞錢。艾一把。水五升。煎至一升。頓服便下。錢氏備中方

治吞錢及鐵物在喉者。不得下。南燭根。燒細末。湯調一錢下之。

〔山〕誤吞錢。百部根四兩。酒一升。漬一宿。溫服一升。日再服之。外臺祕要

又方。誤吞銅錢。用家茱萸取汁。呷飲自消。見山居方

〔外〕誤吞錢。併金銀等物。以糊粉一兩。搗調之。分再服。如吞金銀物在腹中。以水銀服之。令消焯。

〔無〕凡治哽之法。皆以類推。如鷓鴣治魚哽。磁石治針哽。髮灰治髮哽。狸虎治骨哽。亦各從其類也。

項頸強痛

〔靈〕缺盆之中。任脈也。名曰天突。當缺盆中央動脈是也 一。次任脈側之動脈。

足陽明也。名曰人迎。扶喉二旁之動脈是也 一。次脈手陽明也。名曰扶突。扶喉動脈之後曲頰

之前一寸後是 三。次脈手太陽也。名曰天窻。手陽明之後當曲頰之下是也 四。次脈足少陽也。

名曰天容。曲頰之後當耳之下是也。

五。次脈手少陽也。名曰天膈。耳後當完骨上是也。

六。次脈

足太陽也。名曰天柱。扶項大筋中是也。七。次脈頸中央之脈。督脈也。名曰風

府。足陽明挾喉之動脈也。其輸在膺中。手陽明次在其輸外。不

至曲頰一寸。太陽當曲頰。足少陽在耳下。曲頰之後。手少陽

出耳後。上加完骨之上。足太陽挾項。大筋之中。俱本輸屬。

〔內經〕刺灸項頸痛。有二。

其一。取足手太陽。治項後痛。經云。足太陽之脈。是動則病項如拔。視

虛盛寒熱陷下取之。又云。項痛不可俛仰。刺足太陽。不可以顧。刺手

太陽。又云。大風項頸痛。刺風府。風府在上椎。又云。邪客於足太陽之

絡。令人頭項肩痛。刺足小指爪甲上與肉交者。各一瘡。立已。不已。則

刺外踝下三瘡。左取右。右取左。如食頃是也。

其二。取足手陽明。治頸前痛。經云。足陽明之脈。所生病者。頸腫。又云。

手陽明之脈。是動則病頸腫。皆視盛虛寒熱陷下取之也。

〔玄〕頸項痛 後谿

〔王〕項強 承漿 風府

〔甲〕頭項痛重。暫起僵仆。鼻塞鼽衄。喘息不得通。通天主之。頂上

痛風。頭重。目如脫。不可左右顧。百會主之。頸痛。項不得顧。目泣出。

多眦。鼻鼽衄。目內皆赤痛。氣厥。耳目不用。咽喉僂引。項筋攣不收。風

池主之。項腫不可俛仰。頰腫引耳。完骨主之。項強刺瘖門。頸項痛。不可以俛仰。頭痛。振寒。瘧癘。氣實則脇滿。俠脊有奔氣。熱汗不出。腰背痛。大杼主之。

東風生於春。病在肝。膺。在頸項。全文見五藏

〔本〕治筋急。項不得轉側。木瓜煎。

木瓜 兩箇取蓋去研

沒藥 研二分

乳香 研一分

右二味。內木瓜中。用蓋子合了。竹簽簽定。飯上蒸三四次。研爛。成膏子。每服三五匙。地黃酒化下。生地黃汁半盞。無灰酒二盞和之。用八分一盞。熱煖化服。有人患此證。自午後發至黃昏時定。予曰。此患先必從足起。經言足十二經絡。各有筋。惟足太陽之筋。自足至項。大抵筋者肝之合也。日中至黃昏天之陽。陽中之陰也。又曰。陽中之陰肝也。自離至兌。陰旺陽弱之時。故靈寶畢法云。離至乾。腎氣絕。而肝氣弱。肝腎二臟。受陰氣故發。於是時。予授此方。三服而愈。

〔丹〕男子項強。不能回顧。動則微痛。診其脈弦而數實。右手為甚。予作痰熱。客太陽經治之。用二陳湯。加酒洗黃芩。羌活。紅花。服後二日愈。

養神湯。治精神短少。不得睡。項筋腫急難伸。禁甘溫。宜苦寒。

肝筋
念

熱痰

虛熱

黃芪錢一

人參分三

甘草分七

蒼朮分五

白朮分三

柴胡錢四

升麻錢四

歸身分五

麥芽分五

木香分一

川芎分三

半夏分七

橘皮錢一

黃連分五

黃芩分二

黃蘗分一

右咬咀。每服五錢。水二盞煎。去渣。稍熱服。不拘時。

〔本〕治腎氣上攻項背。不能轉移。椒附散。

大附子一枚大錢上者
炮去皮臍末之

右末。每二大錢。好川椒二十粒。用白麩填滿。水一盞半。生薑七片。

通煎至七分。去椒入鹽。空心服。予一親戚。患項筋痛連背脾。不可

轉移。服諸風藥皆不効。予嘗憶千金髓有腎氣攻背強一證。予處

此方與之。一服頓瘥。自爾與人。皆不驗。蓋腎氣自腰夾脊。上至曹

溪穴。然後入泥丸宮。曹溪一穴。非精於搬運者。不能透。今逆行至

此。不得通。用椒以引歸經。則安矣。氣上達椒下達。故服之愈。


〔予〕治風。項強。不得顧視。穿地作坑。燒令通赤。以水洒之。令冷。納生

桃葉鋪其席下。臥之。令項在藥上。以衣着項邊。令氣上蒸。病人汗出。

良久即瘥。

又方。治頭項強。不得顧視。蒸大豆一升。令變色。納囊中枕之。

諸瘧。項強。皆屬於濕。全文見診法治法
見傷寒項強條



醫學綱目卷之十六 心小腸部

心痛 卒心痛 胎前心痛 產後心痛

諸般氣痛

寒熱

〔丹〕心痛即胃脘痛。凡心痛必用溫藥。此是鬱結不行。阻氣不運。故痛在下者。多屬食。宜溫利之。大凡心膈痛。須分新久。若明知身受寒氣。口喫寒物而得者。於初得之日。當與溫散或溫利之。

溫散。謂治身受寒氣於外者。如陳無擇麻黃桂枝湯。治外因心痛之類是也。方見表條

溫利。謂治口食寒物於裏者。如仲景九痛丸。潔古煮黃丸。治大實心痛之類是也。方見實條

若曰。病得之稍久。則成鬱。久鬱則蒸熱。熱久必生火。原病式中備言之矣。若欲行溫散溫利。寧無助火添病耶。由是方中多以山梔為熱藥之向導。則邪易伏。病易退。正氣復而病安矣。然病安之後。若恣縱口味。不改前非。病復作時。乃委咎於醫誤也。大概胃口有熱而作痛。非山梔不可。須薑汁佐之。多用台芎開之。用山梔炒去皮。每十五枚。煎濃湯一呷。入薑汁令辣。再煎少沸。吞九枚。加川芎一錢尤妙。又方。用山梔去殼炒黃為末。以薑汁調粥丸。有寒者。加草荳蔻末。

身受寒氣 宜溫散 口食寒物 宜溫利 久病鬱熱 為鬱熱之

丸服之。

又方。治氣實心痛。

山梔去殼炒
焦六錢

香附一錢

茱萸一錢

右為末。炊餅丸如花椒大。以生地黄用酒洗淨。同生薑煎湯下廿丸。外用胡椒搗各半兩。為末。以醋調捏成丸子吞之。

心痛方

黃連炒

山梔炒

茱萸各一錢

荔枝核燒存性為末三錢

滑石

右為末。薑汁化炊餅為丸。

又方。治心痛。

白朮

白芍藥

砂仁

半夏

當歸各三錢

桃仁

甘草

黃連

神麴炒

陳皮

吳茱萸各一錢半

殭蠶

人參各一錢

又方。二陳湯加川芎蒼朮。倍加炒梔。痛甚者。加炒乾薑。此從治反治之法。

〔保〕寒厥心痛者。手足逆。而通身冷汗出。便利。瀉清。或大便利而不渴。氣微力弱。急宜以朮附湯溫之。寒厥暴痛。非久病也。朝發暮死。宜

暴病為寒之宜溫

急救之。是知久病非寒，暴病非熱也。

朮附湯。治寒厥暴心痛。脈微氣弱。即仲景朮附湯也。

附子炮去皮 臍一兩 白朮四兩 甘草炙一兩

右麤末。附子令勻。每三錢。水一盞半。薑五片。棗一枚。煎至一盞。去

渣。溫服食前。

〔羅〕胃脘當心而痛。治驗。漕運使崔君。長男雲卿。年二十五。體本

豐肥。奉養膏粱。時時有熱證。友人勸食寒涼物。因服寒藥。至元庚辰

秋。瘧發。醫以砒霜等藥治之。新汲水下。禁食熱物。瘧病未除。反添吐

瀉。脾胃復傷。中氣愈虛。腹痛腸鳴。時復胃脘當心而痛。不任其苦。屢

醫未效。至冬不瘥。延至四月間。勞役煩惱過度。前證大作。請予治之。

診視脈得弦細而微。手足稍冷。面色清黃不澤。情思不樂。惡人煩冗。

飲食減少。微飽則心下痞悶。嘔吐酸水。每發作。冷汗時出。氣促悶亂。

不安。須人額相抵而坐。少時易之。予思內經云。中氣不足。溲便為之

變。腸為之苦鳴。下氣不足。則為痿厥。心窵。又曰。寒氣客於腸胃之間。

則卒然而痛。得熱則已。非甘辛大熱之劑。則不能愈。遂製一方。名曰

扶陽助胃湯。

附子炮去皮 臍二錢 乾薑炮一錢半 草苴蔻 益智仁

揀參 甘草炙 官桂 白芍藥各一錢

吳茱萸

陳皮

白朮各五分

內經曰。寒淫於內。治以辛熱。佐以苦溫。附子乾薑大辛熱。溫中散寒。故以為君。草荳蔻益智仁辛甘大熱。治客寒犯胃為佐。脾不足者。以甘補之。炙甘草甘溫。白朮陳皮苦溫。補脾養氣。水挾木氣亦來侮土。故作急痛。桂辛熱。以退寒水。芍藥味酸。以瀉木來剋土。吳茱萸苦熱。泄厥氣上逆於胸中為使。右剉如麻荳大。都作一服。水二盞。薑三片。棗二枚。同煎至一盞。去渣。溫服食前。三服大勢去。痛減半。至秋。先灸中脘三七壯。以助胃氣。次灸氣海百餘壯。生發元氣。滋榮百脈。以還少丹服之。喜飲食。添肌肉。皮膚潤澤。明年春。灸三里二十七壯。乃胃之合穴。亦助胃氣。引氣下行。又以芳香助脾。服育氣湯。加白檀香平治之。戒以慳忿窒慾。慎言語。節飲食。一年而平復。

〔保〕熱厥心痛者。身熱足冷。痛甚則煩躁而吐。額上自汗。知為熱也。其脈洪大。宜灸太谿崑崙。表裏俱瀉之。是為熱病引熱下行。汗遍身出者安也。灸後與金鈴子散。痛止。服枳實白朮丸。去其餘邪也。

金鈴子散。治熱厥心痛。或作或止。久不愈者。

金鈴子

玄胡索各一兩

右為末。每服三錢。酒調下。痛止與枳朮丸。

〔外〕療胸心痛。熊膽如大荳許。和水服大效。

本草熊膽味苦寒

身熱
足冷
煩躁
脈洪
者為

〔仲〕心中寒者。其人病。心中如噉蒜狀。劇者心痛徹背。背痛徹心。譬如蠱注。其脈浮者。自吐乃愈。

經云。寒氣客於背俞之脈。則血脈澁。血脈澁則血虛。血虛則痛。其俞往於心。故相引而痛。按之則熱氣至。熱氣至則痛止矣。此亦寒氣客心背而痛也。

心痛徹背。背痛徹心。烏頭赤石脂丸主之。

蜀椒兩一分

烏頭炮一分

附子炮半兩

乾薑炮一兩

赤石脂兩一分

右五味。為末。蜜丸。如桐子大。先食服一丸。日服三。不效稍加服。

胸痺不得臥。心痛徹背者。栝蔞薤白半夏湯主之。

栝蔞實一枚

薤白三兩

白酒一斗

半夏半升

右四味。同煮至四升。服一升。日三服。

心胸中大寒痛。嘔不能飲食。腹中寒。上衝皮起。出見有頭足。上下痛而不可觸近。大建中湯主之。

蜀椒二合去汗

乾薑四兩

人參二兩

右三味。以水四升。煮取二升。去渣。內膠飴一升。微火煎取一升半。分溫再服。如一炊頃。可飲粥二升後。更服。當一日食糜。溫覆之。

心中痞。厥逆。心懸痛。桂枝生薑枳實湯主之。

桂枝

生薑各一兩

枳實五箇

右三味以水六升。煮取三升。分溫三服。

〔聖〕治寒疝心痛。四肢逆冷。全不飲食。用桂心二兩去皮。搗羅為散。不計時候。熱酒調下一錢七。

〔世〕果附湯。治寒氣心痛。

附子

草果

良薑等分

以酒煎服。立效。

〔羅〕二薑丸。養脾溫胃。去冷消痰。大治心脾疼。寬胸下氣。進飲食。及一切冷物所傷。並皆治之。

乾薑炮

良薑

右等分。為細末。麵糊丸。如桐子大。每服十五丸至二十九丸。食後。陳

皮湯。妊娠婦人不宜服。

右方。辛甘熱。以散寒結。

〔世〕治心痛累效。冰梅一箇。去核。生硫黃為末。相和搗勻。以可丸為度。作一丸。白湯下。立愈。病不再作。

右方。酸熱。以收散寒。凡服辛劑反甚者。改服酸劑立愈也。

〔丹〕客寒犯胃。草荳蔻丸主之。熱亦宜用。止可一二服。

草荳蔻一錢四分。麵裹。煨熟。去皮。臍。

吳茱萸湯泡洗。焙乾。益智仁

僵蠶炒

歸身

青皮各六分

神麴

薑黃各四分

生甘草三分

桃仁去皮七分

半夏湯泡七次一錢

澤瀉一錢小便利減半

麥蘖炒黃一錢半

炙甘草六分

柴胡四分詳蘆下痛多少與之

人參

黃芪

陳皮

右一十八味。除桃仁另研如泥外。為極細末。同研勻。湯浸炊餅為

丸。如桐子大。每服三十九丸。熱白湯送下。食遠旋斟酌多少用之。

監縣之閭。年五十餘。春末。心脾疼。自言腹脹滿。手足寒過肘膝。須綿

裹火烘。胸襟畏熱。却喜掀露。得風涼則快。脈皆沉細而澁。稍重則絕。

輕取似弦而短。口渴乾而喜熱飲。穀肉全不食。遂以草苴薏丸三倍。

加黃連滑石炒神麴為丸。白朮為君。茯苓為佐。陳皮為使。作湯送下

一百丸。服至二斤。諸證皆愈。

以物性按而痛者挾虛。以二陳湯加炒乾薑和之。

按之痛止者。為虛。治法並見寒心痛條。丹溪云。草苴薏丸治氣餒弱

人。心痛方見寒熱通用條。

〔仲〕九痛丸。治九種心痛。

附子三兩炮

生狼牙一兩炙香

巴豆一兩去皮心炒研如脂

人參

乾薑

吳茱萸各一兩

右六味。為末。煉蜜丸。如桐子大。酒下。強人初服三丸。日三服。弱者

寒實

二丸兼治卒中惡腹脹痛口不能言。又治連年積冷流注心胸痛。併冷腫上氣落馬墜車血疾等證皆主之。忌口如常法。

〔潔〕煮黃丸。治大實心痛。方見飲食內傷

藁本湯。治大實心痛。大便已利。宜以此徹其痛也。

藁本兩半

蒼朮兩一

右劉每服一兩。水二盞。煎至半盞。溫服。

右寒實

熱實

〔仲〕按之心中滿痛者。此為實也。當下之。宜大柴胡湯。方見傷寒

〔子和〕一將軍病心痛。不可忍。戴人曰。此非心痛。乃胃脘當心痛也。

內經曰。歲木太過。民病胃脘。當心而痛。乃與神祐丸一百餘粒。病不

減。或曰。此胃脘有寒。宜溫補。不宜與涼劑。將軍素知戴人明了。復求

藥於戴人。戴人復與神祐丸二百粒。作一服。大下六七行立愈。神祐丸方見水

門腫

右熱實

食積痛

〔丹〕蔣氏子。年十六。久瘧方愈。十日而心脾大痛。兩手脈皆伏。痛稍殺時。氣口緊盛。餘脈皆弦實而細。予曰。此宿食也。詢之。因食冷油煎堆子。遂以小胃丹。津嚥十餘粒。仍斷飲食。經三日。凡與小胃丹十二次。痛不作。至晚下忽大痛。連及兩脇。予曰。此必與穀太早。問之果然。

遂斷其飲食。亦不與藥。蓋宿積已因小胃而稍解其痛。又因新穀與
餘積相併而復作。若又攻擊。必大傷胃氣。所以不與藥。又斷食三日。
其家大恐。以爲不救。時有怨言。予曰。六日不能思食。強禁不與。方成
惡候。待其索食與之。又須較量方可。至夜更餘。心嘈索食。予先用白
朮黃連陳皮作丸子。遂以熱湯下七八十九丸。以除其嘈雜。若以爲飢
而與粥。其痛必如前矣。其家苦欲與予詢病者。屬問莫尙悶否。答曰。
或纔飢作。必繼之薄悶。今雖未甚快然。亦未嘗思食。過兩時許。又索
食。予以前丸與之。如是者。又一晝夜。飢不再作。人亦昏困思睡。予教
以用稀粥減平日之半。兩日禁其雜食。調理半月而安。小胃丹方見
飲食內傷

〔保〕心痛用小胃丹。津下十五丸。
右漸除熱宿食積法。

木香

丁香

三稜

蓬朮

青皮

陳皮各二錢半

檳榔二錢

白荳蔻一錢

巴荳肉十五粒用醋
煮令無白心

右末醋糊丸。麻子大。

〔本〕治一切積聚有飲心痛礪砂丸。

礪砂

三稜另末

乾薑

香白芷

巴苳去油各半兩

大黃各末

乾漆各半兩

木香

青皮

胡椒各一分

檳榔

肉苳蔻各一箇

右為細末。臘醋二升。煎五七沸。後下三稜大黃末。同煎五七沸。入礬砂同煎成膏。稀稠得所。入諸藥和勻。杵丸如菴苳大。年深成塊。生薑湯下四五丸。食積熱水下。白痢乾薑湯下。赤痢甘草湯。白痢當歸湯。蔥酒亦得。

〔潔〕厚朴丸。紫苑丸。治積聚心痛。厚朴丸方見翻胃紫苑丸方見積塊

〔仲〕心傷者。其人勞役。即頭面赤而下重。心中痛而自煩發熱。臍跳其脈弦。此為心臟所傷也。

〔丹〕心痛輕者散之。麻黃桂枝。重者加石碱用川芎蒼朮沙山梔作丸服。

桂枝

麻黃

石碱

右為末。薑汁浸。炊餅為丸。桐子大。熱薑湯下十五丸。如服丸數多。

又治痰飲。

〔無〕麻黃桂枝湯。治外因心痛。惡寒發熱。內攻五臟。拘急不得轉側。

麻黃去節湯浸焙

桂心

芍藥

細辛去苗

乾薑

甘草炙各七錢半

半夏

香附各五錢

右剉。每五錢。水盪半。生薑五片。煎七分。去渣。食前服。大便秘。入大

心痛 外因

黃。量虛實加減。

〔世〕治心疼甚效。

檳榔

桂心

葛根

甘草

細辛

半夏

桔梗

枳殼

川芎

防風

右等分。惟甘草半之。水煎服。有人心疼。諸藥不效。服此愈。

〔丹〕青巖劉山長子。年三十六歲。得心疼十八年矣。因酒飲牛乳。病發時。飲食無得。得病八年後。盛暑及沐浴飲食時。皆無汗。中間更醫不一。悉以丁附諸丹等熱藥治之。至是黃瘦食減。若不勝衣。痛作時。須以一物拄之。診其脈。皆三至弦弱而瀼。未風先寒。大便或閉或泄。最苦是胸膈吞酸。七月內。遂以二陳湯加白朮黃連黃芩桃仁郁李仁澤瀉。每日用此藥飲而出之。所吐皆苦黑水。雜以如浸木耳片者。此日却再與兩帖。飲而不出。如此兩月。近二百餘帖。澁脈漸退。至數漸添。忽一日診其脈純弦。漸有充滿之狀。時正立冬後。頗暄暖。意其必欲作汗。又意其血氣未充。汗難以發。以人參黃芪芍藥當歸陳皮半夏甘草調理二日。此時痛雖緩。每晝夜一二作。至第三日。與麻黃蒼朮當歸川芎甘草等藥。纔下咽。目上視口噤。面無神色。予呼之不應。見其四肢不收。急以左手抱其頭。就坐於牀。以右手拇指捻其人

中須臾而愈。通體汗如雨。自此痛不復作。但人倦。食未增耳。續又大為嘔酸所苦。每一晝夜六七作。其作時有一酸塊。自胸膈間直衝上咽喉。情狀極惡。遂悉罷諸藥。以黃連濃煎。取冷。俟酸塊欲上時。以冷黃連汁數滴與之。卽回。如此六七次。半日許。其塊亦除。於是罷藥。淡粥調養。又近三箇月。時以立春節旬餘。中脘處微有脹急。面帶青色。氣息喘促。時天氣尙寒。意謂脾土因久病衰弱。木氣行令。此肝凌脾急。以索矩三和湯與之。至四日而安。

一婦人年四十餘歲。因二十年憂患。後心痛。或可按。或不可按。食甚減。口渴而不能飲水。形瘦骨立。心痛止則頭痛作。其痛無常處。頭痛止則心痛作。夜間全不寐。大便七八日一行。堅小而黑。而出亦難。累與四物加陳皮生甘草。前後約百餘帖。病雖不增。却無退減。予曰。此肺久爲火所鬱。氣不得行。由是血亦畜塞。遂成汚濁。氣壅則頭痛。血濁不行則心痛。通一病也。治肺當自愈。遂做東垣方。清空膏。例細切酒炒透。令赤色。爲細末。以熱白朮湯調下。頭上稍汗。如此十餘帖。漸漸汗至通身。及膝而止。諸病皆愈。因其膝下無汗。形瘦病久。小便數。大便澁。兩手皆見澁脈。當議補血。以防後患。聞其又思水而不飲。遂與四物加陳皮生甘草桃仁酒芩以補之。遂安。

裏實心痛並見。按之滿痛爲實條。丹溪云。心痛脈堅實。不大便者。下

之

〔羅〕化蟲丸

鶴虱

白礬 飛十
二兩

檳榔

胡粉 炒

苦棟根 去厚皮各
五十兩

右爲末。麪糊爲丸。桐子大。小兒疾病。多有諸蟲。或因臟腑虛弱而動。或因食甘肥而動。動卽腹中疼痛。往來上下。攻心痛。則笑不休。合眼仰身。撲手。心神悶亂。嘔噦涎沫。或吐清水。四肢羸困。面青色黃。飲食雖進。不生肌肉。或寒或熱。沉沉默默。不的知病處。一歲兒服五丸。溫漿下。入香油一兩點。打勻下之。米飲亦得。其蟲自下。

〔保〕妙香丸。治男子婦人心痛。強中搐熱如癇狀。方見
燥門

風癇者。完活湯引下妙香丸。完活湯方
見諸風條 血癇者。當歸湯引下妙香丸。

當歸湯方
見諸血條

〔丹〕蟲痛者。面上白斑。唇紅能食。治用棟根錫灰之類。服堅實不大便者下之。

〔羅〕補金散。治諸般蟲。

鶴虱 生

雷丸

定粉

錫灰 已上各
等分

右爲末。每服三錢。空心少油調下。又用猪肉一兩。燒熟。摻藥在上。細嚼亦得。用翎毛掃甘遂末一錢。與前藥一處服之。其蟲自下。

〔本〕治寸白蟲方。黑鉛灰炒。四錢。一服。先喫猪肉脯少許。一時來。却用砂糖濃水半盞調灰。五更服。蟲盡下。白粥將息。一日良。又療寸白蟲。用錫灰蕪荑檳榔者。極佳。予宣和中。每覺心中多嘈雜。意欲作飲。又疑蟲。漫依此方所說。翌日。下長蟲二條。一長二尺五寸。頭扁闊。尾尖銳。每寸作一節。斑如錦紋。一條皆寸斷矣。千金謂勞則生熱。熱則生蟲。心蟲曰蛔。脾蟲曰寸白。腎蟲如方截絲縷。肝蟲如爛杏。肺蟲如蠶。皆能殺人。惟肺蟲為急。肺蟲居肺葉內。蝕人肺系。故成瘵疾。咯血聲嘶。藥所不到。治之為難。道藏中載諸蟲頭皆向下行。唯自初一至初五以前。頭上行。故服藥多取月朏以前。蓋為此也。取寸白蟲方。

畫粉 密陀僧 各等分

右為末。每服二錢。用麻油調服。空心下。頃刻成涎取下。

取寸白蟲

錫灰 兩一 木鱉
 輕粉 文十 蘆薈 文二十 黃丹 文十

右為末。猪膏油丸。如桐子大。先齋一日。晚莫喫飯。次早五更溫水調下。分作二服。

制蟲制勞。悅肌膚。去勞熱。

檳榔半一兩

龍膽草兩

乾漆半兩

右爲細末。煉蜜丸。如桐子大。每服十九丸至十五丸。熱水吞下。

張仲文治寸白蟲。熬胡粉令燥。平日作肉臙。以藥方寸七。入臙中服之效。

〔丹〕治諸蟲。楝皮細末。米飲調下。二錢七。斗門方

〔子〕主脾胃有蟲。食卽痛。面黃無色。疼痛無時。以石州蕪荑仁二兩。和麵炒令黃色。爲末。非時米飲。調二錢七瘥。

〔經〕治蛔蟲吐水心痛。鶴虱三兩爲末。蜜丸。平日漿水服二十九愈。千金方。爲末。空心溫醋湯下。蟲當出。

〔經〕胸宿食冷。多寸白蟲。每朝空心。熱酒調山荳根末三錢。服之其蟲自出。

〔簡〕治諸蟲。在臟腑久不瘥。檳榔半兩炮。搗爲末。每服一錢至二錢。蔥蜜煎湯。空心調下。

〔外〕療蛔蟲心痛。惡心吐水。乾漆熬搗蜜丸。服十五丸。日再服。

〔范旺〕治寸白蟲方。狼牙五兩。搗末蜜丸。麻子大。隔宿不夜食。明日以漿水下一合。服盡愈。

〔大〕治寸白蟲。以酸石榴東引根一握。淨洗細剉。用水三升。煎取半碗已下。去渣。五更初溫服盡。至明日取下蟲一大團。永絕根本。一日

喫粥補之。

〔本〕金櫻東行根。治寸白蟲。剉二兩。入大米三十粒。水二升。煎五合。空心服。須臾瀉下。

〔千〕治寸白蟲。茱萸根洗去土。四兩切。以水酒各一升。漬一宿。平旦分再服。凡茱萸皆用細根。東北陰者良。若稍大。如指已上者。皆不任用。

〔食〕治蛔蟲。心痛面青。口中沫出。取臨水扁蓄葉一斤。細切。以水三斗。煮如錫。去渣。空心服一升。蟲即下。至重者再服。仍通宿不食。來日平明服之效。

〔本〕取寸白蟲。苦絲瓜不以多少。研為末。每服二錢。好酒二盞。空心調服。

〔竹〕木香三稜散。治腹中有蟲。面色痿黃。一切積滯。

黑牽牛 牛生 半炒 大腹子 多 檳榔 雷丸

錫灰 醋 炒 二稜 煨 蓬朮 煨 木香

大黃 已上各 一兩

右為細末。每服三錢。空心用蜜水調下。或砂糖水亦可。須先將燒肉一片。口中嚼之。休嚥下。吐出口中肉汁。後服藥。右方有攻性而下蟲者。

〔本〕崔元亮海上方。治一切心痛。無問新久。以生地黄一味。隨人所食多少。搗取汁。搜麵作餠。或冷淘食。良久當利出。蟲長一尺許。頭似筆管。後不復患。至元十年。通事舍人崔抗女。患心痛。垂氣絕。遂作地黃冷淘食之。便吐一物。可方一寸。如蝦蟆狀。無目足等。微似有口。蓋爲此物所苦。自此頓愈。麵中忌用鹽。

〔丹〕治虻蟲吐清水。氣口刺痛。取生艾汁。隔宿勿食。以肥香脯方寸片先喫。令蟲聞香。次卽飲一升。必下虻蟲。胸喉中覺有蟲上下。偏喜聞蔥豉油食之香者。兩三日不食。開口而臥。將油煎蔥豉。令香放口邊。蟲當自出。引而去之。但隨所喜物用之亦可。

〔世〕治心痛。稀蕪草搗汁。醋和服之。效。有人服此。吐蟲二條。終身不發。

〔子和〕酒官楊仲仁。病心氣痛。此人常好飲酒。初飲二三杯。必奔走三五十次。其酒稍散。方能復席。飲至前量。醉後至明日。嘔清黃水數口。夜變魚腥臭。六七日始安。戴人曰。宜吐。乃吐蟲一條。青黃色。長六七寸。口目鼻俱全。二目膜瞞。狀如蛇類。楊醢乾示人。
〔仲〕虻蟲爲病。令人吐涎。心痛。發作有時。毒藥不止。甘草粉蜜湯主之。

甘草
兩

粉
兩

蜜
兩

右三味以水三升先煮甘草取二升去渣內粉蜜攪令和煎如薄粥溫服一升瘥即止。

〔孫〕向大王宮中有一宮人七太尉所寵也忽患一疾凡惡心則吐蟲數條後乃頗作七太尉甚愍之累治不瘥每用殺蟲藥則吐蟲愈多召孫診之孫曰六脈皆細非蟲脈也今雖吐蟲乃臟寒而蟲不安失居上膈因而吐出復用殺蟲藥蟲為藥所苦不能自安所以吐蟲愈多也孫遂用藥不三五服皆一色丸子蟲遂不吐明日再召孫至六脈漸大進前藥其病不作後求方乃硫黃附子各一兩並末粳米糊為丸每三十丸米飲下。

〔仲〕烏梅丸治虻

方見傷寒厥陰病

〔河〕正氣天香散治心痛但忍氣則發者

方見盧實法

〔丹〕心痛脈澁者有死血又云作時飲湯水下作吃者有死血桃花承氣湯下之

方見傷寒

凡治證必要先問起居何如假如心痛有因平日喜食熱物以致死血留於胃口作痛用桃仁承氣湯下之切記輕者用葦汁桔梗能開提其氣血藥中兼用之

〔經〕失笑散治婦人心痛氣刺不可忍五靈脂淨好者蒲黃等分為末每二錢用黃醋一杓熬成膏再入水一盞煎至七分熱服效

〔世〕手拈散治心脾疼極驗詩云草果玄胡索靈脂并沒藥酒調三

氣痛
血痛

一二錢一似手拈却。又治心痛。劉寄奴末六錢。玄胡索末四錢。薑汁熱酒調服妙。

〔簡〕治九種心痛。腹脇積聚滯氣。筒子乾漆二兩。搗碎。炒出烟。細研。醋煮。麪糊和丸。如桐子大。每服五丸至七丸。熱酒下。醋湯亦得。服無時。

〔外〕治心痛。當歸為末。酒調服方寸匕。

〔丹〕治心痛。亦能治哮喘。半夏研碎。香油炒。薑汁炊餅為丸。薑湯下二十九。

五味鹹栗堅條海蛤丸。寒條栝萸半夏萐白湯。表條桂麻石碱丸。皆治痰飲心痛之妙劑也。

〔世〕治心痛累效。陳年白蠅螺殼。洗淨為末。熱酒調下一錢半。即愈。

〔丹〕一味牡蠣粉。酒調下二錢。氣實者可用。

治痰飲心痛海蛤丸。

海蛤 燒為灰研極細過
數日火毒散用之

瓜萐仁 蒂萐
同研

右以海蛤入瓜萐內。乾濕得所為丸。每服五十丸。

又方。治脾疼。海蛤粉佐香附末。用川芎山梔生薑汁煎辣湯調服為佳。

〔斗〕治血氣攻心。痛不可忍。以蓼根剉。酒浸服之。瘥。

〔世〕心痛枯礬辰砂少許。每半錢。人參湯調下。一方用白礬辰砂糊丸。好醋吞下神效。又方。辰砂一味研好醋調服效。又方。用白礬為細末。每服一錢。茶調下。

〔外〕黃連湯。肘後龍膽湯。並見卒心痛熱條

〔仲〕粉蜜丸。脾受肝制而急。故蟲不安。用粉蜜之甘緩以安之。方見蟲條

〔素〕少陽所謂心脇痛者。言少陽盛也。盛者。心之所表也。九月陽氣盡而陰氣盛。故心脇痛也。所謂不可反側者。陰氣藏物也。物藏則不動。故不可反側也。脈解篇

〔瑞〕蠶沙散。治男子婦人。心氣痛不可忍者。晚蠶沙不拘多少。為細末。用滾湯泡過濾淨。取清水服之。立止。又方。黃荊子炒焦為末。米飲調下。亦治白帶。治心痛。用洗淨玉簪花根。搗濃汁。雜和好酒一半。熱服。

〔千〕治心腹俱痛。以布裹椒。薄注腹上。火熨。令椒汗出。良。

運氣心痛。凡熱風濕寒燥五氣之初。皆能干心而痛。蓋心為五臟之主。故也。

一曰。熱邪干心。經云。少陰司天。熱淫所勝。病心痛肺腫。又云。少陰之復。暴痞心痛。又少陽之勝。熱客於胃。煩心心痛。又云。陽明司天。燥氣下臨。暴熱至。甚則心痛。此在泉之熱為痛。治皆以寒劑是也。

二曰寒邪干心。經云。太陽司天。寒氣下臨。甚則心痛。又云。陽明司天之政。四之氣。寒雨降。病心痛。又云。歲水太過。民病上下中寒。煩心。躁悸。心痛。又云。歲金不及。炎火乃行。復則寒雨暴至。心痛。又云。水鬱之發。民病寒客心痛。又云。太陽司天。寒淫所勝。病厥心痛。又云。太陽之復。心胃生寒。心痛痞滿。又云。少陽在泉。主勝則熱。反上行而客于心。心痛。蓋終之氣。寒勝其客也。又云。歲火不及。寒乃大行。病鬱冒蒙昧。心痛。又云。太陽之勝。寒厥入胃。則內生心痛。其治以熱劑是也。

三曰風邪干心傷胃。經云。少陽司天之政。終之氣。風乃至。心痛。又云。少陽司天。風行于地。心痛胃脘痛。鬲不通。又云。歲水不及。濕乃大行。復則暴風大發。鬲中痛於心腹。又云。木鬱之發。民病胃脘當心而痛。鬲咽不通。又云。厥陰在泉。風淫所勝。心痛支滿。又云。厥陰司天。風淫所勝。胃脘當心而痛。又云。厥陰之復。厥心痛。又厥陰之勝。胃脘當心而痛。治皆以涼劑是也。

四曰濕邪干心。經云。土鬱之發。心痛脇脹。又云。太陰在泉。濕淫所勝。病飲積心痛。又云。太陰之勝。火氣內鬱。心痛熱格。治皆以熱劑是也。

五曰燥邪干心。經云。陽明之復。善太息。心痛痞滿。治以溫劑是也。

六曰寒熱中于心。經云。少陰司天之政。寒熱凌犯而爭於中。寒厥入胃。心痛。三之氣。大火行。寒氣時至。民病氣厥心痛。治分寒熱多少調

針灸

之是也。

厥心痛者。他臟病干之。而痛皆有治也。真心痛者。心臟自病而痛。故夕發旦死。旦發夕死。無治也。然心臟之經絡。有病在標者。其心亦痛。而有治經者。心手少陰之脈。是動則病。啞乾心痛。渴而欲飲。又心主手少陰之脈。所生病者。心痛掌中熱。皆視盛虛熱寒。陷下取之。又經云。手心主之。別名曰內關。去腕二寸。出於兩筋之間。實則心痛。取之兩筋間也。又云。邪在心。則病心痛。喜悲時眩仆。視有餘不及。調其俞是也。

〔靈〕厥心痛。與背相控。善瘦。如從後觸其心。傴僂者。腎心痛也。先取京骨崑崙。發針不已。取然谷。厥病篇下同

心痛引背。灸刺法有四。

其一。取足太陽經刺節云。取京骨崑崙者。是其穴也。蓋足太陽之正。循膺當心入散絡。故心痛。引背取之也。

其二。取足少陰經刺節云。取京骨崑崙。不已。取然谷者。是其穴也。又經云。腎足少陰經之脈。所生病者。煩心心痛。視盛虛熱寒。陷下取之也。又經云。心痛引腰脊欲嘔。取足少陰者是也。蓋足少陰脈。貫脊絡心。故亦治心痛引背也。

其三。取足少陽經云。心痛引背。不得息。刺足少陰不已。取少陽者是也。

也。蓋手少陽之脈。散絡心脈。又三焦下俞曰委陽。是足太陽絡。足太陰循膻當心。入散絡。故亦治心痛引背也。

其四。取督在脈。經云。背爲心相控而痛。所治天突與十椎及上紀。上紀者。胃脘也。下紀者。關元也。又云。心痛當九節刺之。按已。次按之。立已。不已。上下求之。得之。立已者是也。蓋十椎與九節者。督脈也。胃脘與天突者。任脈也。

厥心痛。腹脹胸滿。心尤痛。甚者。胃心痛也。取之太都太白。心痛兼脹。灸刺法有二。

其一。取足太陰。經云。取太都太白者。是其穴也。又經云。脾足太陰之脈。是動則病胃脘痛。腹脹。所生病者。煩心。心下急痛者。視盛虛熱寒。陷下取之。又云。心痛腹脹。嗆嗆然。大便秘利。取足太陰者。是也。蓋足太陰脈從胃上膈。注心中。故心痛。腹脹者。取之也。

其二。取足陽明。經云。胃病者腹脹。胃脘當心而痛。飲食不下。取之三里者。是也。蓋胃脘當心痛者。似心痛。實非心痛也。

厥心痛。如以錐針刺其心。心痛甚者。脾心痛也。取之然谷太谿。脾心痛而取然谷太谿者。故孫真人張潔古謂之妄經也。

厥心痛。色蒼蒼如死狀。終日不得太息。肝心痛也。取之行間太衝。

心痛色蒼如死狀者。取肝。其兼小腸滿便溲難者。亦取肝。經云。心

痛引少腹滿。上下無常處。便溲難。刺足厥陰是也。

厥心痛。臥若徒居。心痛間。動作痛益甚。色不變。肺心痛也。取之魚際太淵。

徒居。謂閒居。閒謂痛緩。心痛。臥與閒居則痛緩。動作則益甚者。取肺。其兼短氣者亦取肺。經云。心痛但外氣不足以息。刺手太陰者是也。

心痛不可刺者。中有盛聚。不可取于臚。腸中有蟲瘕及蛟蝟。皆不可取。以小針。心腸痛。懷作痛。腫聚。往來上下行。痛有休止。腹熱喜渴。涎出者。是蛟蝟也。以手聚按而堅持之。無令得移。以大針刺之。久持之。蟲不動。乃出針也。

〔集〕九種心痛。 間使 靈道 公孫 太衝 三里 陰陵泉

〔桑〕心氣痛。 巨缺 各取一寸 雄尾 各取一寸 輿隆 瀉之

〔撮〕脾脊後心疼痛。 中渚 瀉之 灸心痛背上穴。 心俞 鬲俞

〔潔〕心痛脈弦。肝原穴。 脈沉腎原穴。 脈瀦肺原穴。 脈浮心原穴。

穴。 脈緩脾原穴。

〔摘〕冷心痛。 巨缺 播針刺之如五臟氣相干而脇痛。 疝痛。 痙。 痲。 皆能痛至心宜審之。

〔玉〕心脾疼。 上腕 二寸半瀦 中腕 二寸半補多瀦少

〔甲〕心痛不可按。煩心。巨缺主之。 心痛有蟲。多涎。不得反側。上管

主之。心痛上搶心。不欲食。支痛引鬲。建里主之。

〔撮〕心痛。并氣攻。勞宮。大陵。各三分。內關。瀉之。

〔甲〕心痛善悲。厥逆懸心。如飢之狀。心恆而驚。太陵及間使主之。

心寒痛。難以俛仰。心疝衝胃。死不知人。中腕主之。心痛。嘔噦嘔血。

驚恐畏人。神氣不足。郄門主之。

〔難〕陰維為病。苦心痛。內關穴通陰維。

〔甲〕脾逆氣寒。厥急煩心。善唾噦噫。胸滿噉呼。胃氣上逆。心痛。太淵

主之。針云肺脹胃逆。心膨痛。尺澤主之。千金云心煩悶亂少氣不足以息。心痛。卒欬逆。尺澤主

之。出血立已。胸痺心痛。肩內麻木。天井主之。胸脇背相引而痛。

嘔吐不食。幽門主之。胸痺心痛。不得息。痛上常處。臨泣主之。千金云不得反側。

〔丹〕心痛雖日數多不喫飯不死。若痛止便喫物。還痛。必須三五服

藥。方可喫物。心痛。左手脈數熱多。脈瀼有死血。右手脈實是痰

積。脈大必是久病。兩手脈堅實不大便者下之。痛甚者。脈必

伏。多用溫藥附子之類。不可用參朮。

心脈微急。為心痛引背。食不下。全文見治虛實法。

〔仲〕問曰。病腹痛有蟲。其脈何以別之。師曰。腹中痛。其脈當沉。若弦

反洪大。故有蛇蟲。脾脈微滑。為蠱毒蝮蝎腹熱。全文見治虛實法。

者主

〔脈〕關上脈緊而滑者。虵毒。脈沉而滑者。寸白。肘後蠱。以下三四寸熱者。腸中有蟲。全文見診真心痛。手足青至節。心痛甚。旦發夕死。夕發旦死。

卒心痛

〔竹〕治急心疼方。

斑猫

七箇頭翅全者

胡椒

四十粒

右將二味同炒。令斑猫焦碎。吹去斑猫不用。却將淨胡椒研為細末。只作一服。熱酒調下。不拘時候。

治暴心痛。不可忍者。

荔枝核

丹溪云荔枝核屬金性燥熱

右為末。每服一錢。水醋各半盞。煎七分。稍熱服。

〔外〕治卒心痛。黃連八兩一味。炒咀。水七升。煮五升。絞去渣。溫飲五合。日進三服。

〔肘〕卒心痛。龍膽草四兩。酒三升。煮一升半。頓服。

〔仲〕走馬湯。治中惡心痛。腹脹。大便不通。

巴豆

二枚去皮心炒

杏仁

二枚

右二味。以綿纏椎。令碎。熱湯二合。捻取白汁。飲之當下。老少量服。通治飛尸鬼擊等病。

〔竹〕海上方。急救男子婦人。心疼。牙關緊。欲死者。用隔年陳蔥白三五根。去皮鬚葉。搗為膏。將病人口斡開。用匙將膏送入咽喉。用香油四兩。灌送下油。不以多少。但得蔥下喉。其人必甦。少時將腹中所停蟲病等物。化為黃水。微得利為佳。除根。永不再發。累效。一方。用真香油頓服一盞亦妙。

〔肘〕治卒心痛。白艾成熟者一升。水二升。煮取一升。去渣。頓服。若為客氣中者。當吐蟲。丹溪云艾屬火而有水服多者有毒發

治卒心痛。東引桃枝一握。切碎。以酒一升。煎去半升。頓服大效。

經云。邪客于足少陰之絡。令人卒心痛暴脹。胸脇支滿。無積者。刺然骨之前出血。如食頃而已。不已。左取右。右取左。病新發者五日已。

〔摘〕卒心痛。不可忍。上腕八分先補後瀉覺針下氣行如瘦雞子入腹為度次取後穴 氣海 湧泉

無積者刺之如食頃而已有積者先飲藥利之刺之立已如不已再刺後穴 間使 支溝 三里

〔丹〕鍼灸經治卒心痛不可忍。吐冷酸水。及原臟氣少。灸足大指次指內約文中各一壯。如小麥大。下火立瘥。

〔甲〕卒心痛。痠癢。互相引肘內廉痛。心救救然。間使主之。卒心痛汗出。大敦主之。出血立已。心腹中卒痛而汗出。石門主之。

胎前心痛

〔大〕治妊娠卒心痛。氣欲絕。

虛熱

川芎

當歸

茯苓

厚朴

各等分

右水六升。煎二升。分二服。

白朮散。治妊娠卒心痛。欲死不可忍者。

白朮

赤芍藥

各二兩

黃芩

二兩

右水六升。煮取二升半。分三服。半日令盡。微下水。令易產。忌桃李

雀肉。

產後心痛

滯氣

〔羅〕火龍散。治產後心痛。

艾葉

鹽炒

茴香

炒

川棟子

炒各一兩

右為末。水煎服。

汚血

〔大〕治婦人血崩。心痛甚者。名曰殺血心痛。小產下血過多而心痛者亦然。用烏賊魚墨炒為末。醋湯調下。此魚腹多有墨汁見人。道必吐其墨以蔽身。

失笑散。治心腹痛。百藥不效。服之即愈。方見心痛汚血條

〔救〕治產後血不盡。心腹痛。荷葉熬令香。為末。水煎下。方寸匕。

〔大〕大岳蜜湯。治產後血寒。心痛。

寒

熟地

當歸

獨活

吳茱萸

芍藥

乾薑

甘草

桂心

小草

各一兩

細辛

半兩

右為散每服半兩水三盞煎至一盞去渣稍熱服

〔聖〕治產後惡血衝心痛氣悶欲絕用桂心三兩搗羅為散狗膽汁和丸如櫻桃大不拘時候熱酒磨下二丸

諸般氣痛

〔丹〕氣痛一身腔子裏氣痛少用木香於藥內行得開

〔河〕正氣天香散治婦人一切諸氣或上痿心胸或攻築脇肋腹中結塊發渴刺痛月水不調或眩暈嘔吐往來寒熱減食方見治虛實氣血條

〔丹〕調氣方

香附四兩

人參一兩

烏藥三兩

砂仁一兩

甘草炙二兩

右為細末熟湯調服

〔本〕治脾積氣婦人諸般氣痛

香附五兩

蓬朮醋

甘草各二兩

右各淨研為細末每服二錢入鹽少許百沸湯空心熱服

治一切氣疾丈夫婦人撞心冷氣並皆治之

香附一斤妙

陳皮四兩

甘草一兩

右為細末每服二錢空心鹽湯點服

〔丹〕寬中丸 枳殼為末酒糊丸

濕痰

婦人患氣痛。喜食熱物。一陳湯。加木通薑五片。煎下保和丸。

女子患氣痛。要揉者。會服烏沉湯有效。又再發。

陳皮六錢

半夏

青皮兩半

芍藥二錢

木通

川芎

萊萸一錢

甘草五分

右分五帖。薑三片。煎服。

明五院君出外怒歸。膈痞痛。不思食。脈沉弦。稍數。此氣抑不通也。

半夏三錢

青皮

枳殼各二錢

黃芩

芍藥各錢

木通

甘草各一錢

右薑三片。煎取半盞。下保和丸三十粒。

三七嫂。怒後氣痛。脈沉。不思食。

青皮一錢

柴胡半錢

甘草各二分

半夏一錢

黃芩五分

木通三錢

陳皮五分

右薑三片。煎服。

感村婦人五十七歲。氣痛不可按。漸漸痛至足。

青皮

芍藥各三錢

川芎

陳皮各三錢

黃柏炒

木通各二錢

甘草些

右分三帖。煎熱飲。

〔本〕治婦人室女血氣刺痛。不可忍。日夜叫喚可憐者。一服效。

薑薑子

肉桂板桂也

良薑

沒藥各等分

右焙乾為末。每服三錢。乳香湯調下。熱服。不拘時候。

〔孟詵〕心腹中結伏氣。杏仁陳皮桂心訶黎勒皮為丸。空心服三十丸。

〔本〕和氣散。治男婦一切氣疾。他藥不瘳者。

甘草炙半兩

白芨一兩

地骨皮

山蜈蚣

藿香兩半

白芷一兩

木香

紅內消

山慈菴各半兩

右焙乾為末。每服二大錢。空心鹽湯點服。余鄉村有一老醫。數世習醫。凡婦人氣疾。惟憑此藥。百發百中。

胸痛胸滿

心病

經云。南風生於夏。病在心。俞在胸脇。又云。仲夏善病胸脇。此則胸脇痛。屬心。故入心部。

肝病

肝虛。則胸痛引背脇。肝實。則胸痛不轉側。喜太息。肝著。則常欲踏壓其胸。經云。春脈如弦。其氣不實而微。此謂不及。令人胸痛。引背下。則兩脇脹滿。此肝虛。而其脈症見於春如此也。

〔仲〕肝中寒者。兩臂不舉。舌本燥。喜太息。胸中痛。不得轉側。食則吐而出汗也。肝著。其人常欲踏其胸上。先未苦時。但欲飲熱。旋覆花

湯主之。方未考金匱婦人門有旋覆花湯方或云是此

〔素〕陽明所謂胸痛短氣者。水氣在臟腑也。水者。陰氣也。陰氣在中。故胸痛少氣也。

〔仲〕胸痺之病。喘息咳唾。胸背痛。短氣。寸口脈沉而遲。關上小緊數者。宜以栝蒌薤白白酒湯主之。

栝蒌實一箇 薤白半升 白酒七升

右三味同煮。取二升。分溫再服。

栝蒌薤白半夏湯。治胸痺不得臥。心痛徹背。方見心痛門

胸痺心中痞留。氣結在胸。胸滿脇下逆搶心。枳實薤白桂枝湯主之。

人參湯亦主之。

枳實薤白桂枝湯

枳實四枚 厚朴四兩 薤白半升 桂枝兩

栝蒌實一箇

右五味。以水五升。先煮厚朴枳實取二升。去渣。納諸藥煮數沸。分

溫作三服。

人參湯

白朮 人參 甘草 乾薑各二兩

右四味。以水八升。煮取三升。溫服一升。日三服。

服沉遲者
寒痰
虛痰

按之
滿痛
者熱
痰實

痰
雜
方

汚血

孫主簿季述之母。患胸中痞急。不得喘息。按之則痛。脈數且瀦。曰胸痺也。因與仲景三物小陷胸湯。一劑知。二劑愈。方見傷寒

厚朴一兩

大黃六兩

枳實四枚

右三味。水五升。煮取二升。分溫再服。

〔脈〕寸口脈沉。胸中引脇痛。胸中有水氣。宜澤漆湯。及刺巨闕瀉之。

澤漆湯仲景方也見咳門

杜工。治胸脇痛徹背。心腹痞滿。氣不得通。及治痰咳。大栝蒌去穰取子。熟炒連皮研。和麵糊為丸。如桐子大。米飲下五十丸。

〔斗〕治胸腹壅滯。去痰開胃。用半夏洗淨焙乾。搗羅為末。生薑自然汁。和為餅子。用濕紙裹。於慢火中煨令香。熟水一盞。用餅子一塊。如彈丸大。入鹽半錢。煎取一盞。溫服。能去胸膈壅逆。大壓痰毒。及治酒食所傷。其功效大矣。

〔丹〕鄭仲游年二十有二。隔有一點相引痛。吸氣皮覺急。

滑石一兩

桃仁半兩

枳殼一兩

黃連半兩

甘草錢二

右為細末。每錢半。以蘿蔔根自然汁研。煎熟飲之。一日五六次。

仲本年二十七。因吃熱補藥。又妄自學吐納。以致氣亂血熱。嗽血消

瘦。遂與行倒倉法。今嗽血消瘦已除。因喫炒荳米。膈間有一點氣梗痛。似有一條絲垂映在腰。與小腹亦痛。大率偏在左邊。此肝部有惡血。行未盡也。

滑石兩一

黃丹三錢

枳殼一兩

黃連五錢

生甘草二錢

紅花一錢

柴胡五錢

桃仁二兩

右為細末。每服一錢半。以蘿蔔自然汁煎沸服之。

〔垣〕上清散。清利頭目。寬快胸中。不利者悉利於表。

黃芪三錢

甘草二錢

人參三錢

葛根一錢

防風根一錢

蔓荊子半錢

右以咀。分作二服。每服水一盞半。煎至一盞。去渣。臨臥溫服。以夾衣蓋覆面首。不語。須臾汗出為效。未服藥。預一日不語。如服藥畢。亦一日不語。

運氣胸痛有二。

其一。火邪助心。經云。歲火太過。甚則胸中痛。脇支滿。脇痛膺背肩胛。兩臂內痛是也。

其二。金邪傷肝。經云。歲金太過。民病胸痛引背。兩脇滿。且痛引少腹。又云。歲土不及。風乃大行。民病體重腹痛。金復則胸脇暴痛。引少腹者是也。

內經灸刺胸痛有四。

其一。取心。經云。心痛者。胸中痛。脇支滿。脇下痛。膺臂肩胛間痛。兩肩臂內痛。實則胸腹大。脇下腰子相引而痛。取其經少陰太陽舌下血者。其變病。刺郄中血者是也。

其二。取腎。經云。腎虛則胸中痛。大腹小腹痛。取其經少陰太陽血者。按刺法不分補瀉。但言取血。王註謂先去血脈。後調虛實也。

其三。取膽。經云。膽足少陽脈。所生病者。胸脇肋髀膝外皆痛。許盛虛熱寒。陷下取之也。

其四。取筋。經云。手心主之筋。其病當取過者。又轉筋前及胸痛息賁。治在燔針劫刺。以知為數。以痛為輸。又足太陽之筋。足少陽之筋。痛皆引胸痛。治在燔針劫刺。以知為數。以痛為輸也。

灸刺胸滿有三法。
其一。取氣海。經云。膻中者。氣之海。其輸上在手柱骨之上下。前在於人迎。氣海有餘者。氣滿。胸中悒息。面赤。審守其輸。而調其虛實。無犯其害是也。
手柱骨。僂伯仁謂肩胛上際會處是穴也。

其二。取肝。經云。肝足厥陰脈。所生病者。胸滿。嘔逆。飧泄。狐疝。遺溺。閉癢。許盛虛熱寒。陷下取之也。

其三。取胃。經云。厥逆腹滿。面腫唇漯漯然。暴言難。甚則不能言。取足

陽明是也。

〔集〕胸脇痛不堪。

期門四分

章門

六分多七壯至七七壯

行間

丘墟

湧泉

〔東〕又法。

期門沿皮二寸

支溝

膽俞

沿皮一寸五分

〔甲〕胸滿痛。璇璣主之。

胸脇摺滿。痛引胸中。華蓋主之。

胸脇摺

滿。痺痛骨疼。飲食不下。嘔逆上氣。煩心。紫宮主之。

胸中滿。不得息。

脇痛骨疼。喘逆上氣。嘔吐煩心。玉堂主之。

胸脇背相引痛。心下胸

中。嘔吐多睡。飲食不下。幽門主之。

胸脇摺滿。痛引膈。不得息。悶亂

煩滿。不得飲食。靈墟主之。

胸脇摺滿。却引背痛。臥不得轉側。胸鄉

主之。大氣不得息。息即胸脇中痛。實則其身盡寒。虛則百節盡縱。

大包主之。

胸滿善太息。胸中膨膨然。丘墟主之。

千金云胸背急

胸中痛。天

容主之。胸脇摺滿。勞宮主之。

胸痺引背。時寒。間使主之。

胸滿

不得息。頸領腫。陽谷主之。

千金云陽谷

胸脇摺滿。膈塞。飲食不下。嘔吐食

後還出。中庭主之。

胸脇摺滿。痠癢。引臍腹痛。短氣煩滿。巨闕主之。

胸脇摺滿。不得息。咳逆。乳癰。洒淅惡寒。神封主之。

胸脇摺滿。膈逆

不通。呼吸少氣。喘息不得舉臂。步廊主之。

胸脇摺滿。惡聞人聲。木

音巨虛。上廉主之。

胸下滿痛。膺腫。乳根主之。

胸脇摺滿。喘逆上

氣。呼吸喘息。不知食味。氣戶主之。

胸脇脹。腸鳴切痛。太白主之。

〔撮〕胸滿血膨。

期門

一分沿皮向外一寸五分滿

〔甲〕傷食。脇下滿。不能展轉反側。目青而嘔。期門主之。暴脹胸脇

攢滿。足寒大便難。面唇白。時時嘔血。太衝主之。胸中暴滿。不得眠。

輒筋主之。胸脇攢滿。寒如風吹狀。俠溪主之。胸脇滿。頭痛。項內

寒熱。外丘主之。多臥善唾。胸滿腸鳴。三間主之。

〔仲〕脈當取太過不及。陽微陰弦。即胸痺而痛。所以然者。極虛也。今

陽虛知在上焦。所以胸痺心痛者。以其陰弦故也。白色。龕理者。肺大。

脇偏疎者。肺偏傾。肺偏傾。則胸偏痛。全文見 診下同

胸痺短氣緩急

〔仲〕胸痺。胸中氣塞短氣。茯苓杏仁甘草湯主之。橘枳薑湯主之。

茯苓杏仁甘草湯。

茯苓兩二 杏仁五十箇 甘草一兩

右三味。以水一斗。煮取五升。溫服一升。日三服。

橘枳薑湯

陳皮一斤 枳實三兩 生薑一斤半

右三味。以水三升。煮取二升。分溫再服。

〔干〕治胸痺氣滿壅。心膈不利。枳實二兩。麩炒微黃。為末。非時以清

粥飲調下。二錢。聖惠方同

卷十六 心小腸部

三七

寒

〔仲〕胸痺緩急者。薏苡仁附子散主之。

薏苡仁十五兩

大附子十箇

右二味。杵為散。服方寸匕。日三服。

煩躁

虛煩

胎前虛煩

產後虛煩

躁

懊懣齧

大法

〔垣〕煩躁發熱論。黃帝針經五亂篇云。氣亂於心。則煩心。密默俛首靜伏云云。氣在於心者。取少陰心主之。俞又云。咳喘煩寃者。是腎氣之逆也。又云。煩寃者。取足少陰。又云。煩寃者。取足太陰。仲景分之為二。煩也。躁也。蓋火入於肺則煩。入於腎則躁。俱在於腎者。以道路通於肺母也。大抵煩躁者。皆心火為病。心者。君心也。火旺則金爍水虧。惟火獨存。故肺腎合。而為煩躁。又脾經絡於心中。心經起于脾中。二經相搏。濕熱生煩。夫煩者。擾擾心亂。兀兀欲吐。怔忡不安。躁者。無時而熱。冷汗自出。少時則止。經云。陰躁者是也。仲景以梔子色赤而味苦。入心而治煩。鹽豉色黑而味鹹。入腎而治躁。名梔子豉湯。乃神藥也。若有宿食而煩者。梔子大黃湯主之。

運氣煩躁有二。

一曰。熱助心火煩躁。經云。少陰之復。燠熱內作。煩躁鼽嚏。又云。少陽之復。心熱煩躁。便數憎風。是也。

二曰。寒攻心虛煩躁。經云。歲水太過。寒氣流行。邪害心火。病身熱煩。

運氣

心躁悸陰厥是也。

〔成〕煩為擾而煩躁為憤躁之躁合而言之煩躁為熱也。折而言之煩陽也。躁陰也。煩為熱之輕者。躁為熱之甚也。

〔無〕內熱曰煩。外熱曰躁。

謹按先賢治煩躁俱作。有屬熱者。有屬寒者。治獨煩不躁者。多屬熱。惟悸而煩者為虛寒。治獨躁不煩者。多屬寒。惟火邪者為熱。蓋煩者心中煩。胸中煩為內熱也。躁者身體手足躁擾。或裸體不欲近衣。或欲在井中。為外熱也。內熱者有本之熱。故多屬熱。外熱者多是無根之火。故屬寒也。

內外俱虛。身體冷而汗出。微嘔而煩擾。手足厥逆。體不得安靜者死。熱病七八日。其脈微細。小便不利。加暴口躁。脈代。舌焦乾黑者死。

虛煩

活人云。虛煩似傷寒。非傷寒也。成無已云。傷寒有虛煩。有心中煩。有胸中煩。二說不同。攻之於書。成無已之言。實出仲景。活人無據。然往往有非因傷寒而虛煩者。今故兩存之。立虛煩一門於此心部。立傷寒煩一門於傷寒部。

〔無〕虛煩身不覺熱。頭目昏疼。口乾咽燥不渴。清清不寐。皆虛煩也。

〔保〕起臥不安。睡不穩。謂之煩。宜梔豉湯。竹葉石膏湯。二方並見傷寒

但煩熱者去痰

煩熱神者

活云。但獨熱者。虛煩也。諸虛煩熱。與傷寒相似。但不惡寒。身不疼痛。故知非傷寒也。不可發汗。頭不痛。脈不緊數。故知非裏實也。不可下。病此者。內外皆不可攻。攻之必遂煩渴。當與竹葉湯。若嘔者。與陳皮湯一劑。不愈。再與之。孫真人云。此法數用有效。

陳皮湯

陳皮一兩

甘草炙五錢

人參一分

竹茹五錢

右剉如麻。豈大。每服五錢。水一盞半。薑三片。棗二枚。煎至七分。去渣。食前服。

〔無〕淡竹茹湯。治心虛悶。頭疼短氣。肉熱不解。心中悶亂。及婦人產後心虛。驚悸煩悶欲絕。

麥門冬去心

小麥各二兩半

甘草炙一兩

人參

白茯苓各一兩半

半夏湯洗二兩

右剉散。每服四錢。水二盞。薑七片。棗三枚。淡竹茹一塊如指大。煎至七分。去渣。食前服。

〔垣〕朱砂安神丸。治心亂。煩熱怔忡。心神顛倒。兀兀欲吐。胸中氣亂而熱。有似懊惱之狀。皆膈上血中伏熱。蒸蒸不安。宜用權法。以鎮陰火之浮行。以養上焦之元氣。用甘草之甘溫補之。當歸生地。又為長生陰血之聖藥。黃連去心煩。除濕熱。朱砂納浮游之火。而安神明。

下後之者吐
煩出而
汗解
者不
之飲
湯之

入煩
井欲
伏井
口渴
手熱
下之

朱砂 一錢研
水飛

黃連 淨酒炒
一錢半

甘草 炙五
分

生地

當歸頭 各一
錢

右為極細末。蒸餅為丸。如黃米大。每服十九丸。津下。

〔仲〕下痢後更煩。按之心下濡者。為虛煩也。梔子豉湯主之。方見傷寒
鄰煩門

〔素〕帝曰。有病身熱。汗出煩滿。煩滿不為汗解。此為何病。岐伯曰。汗

出而身熱者。風也。汗出而煩滿不解者。厥也。病名曰風厥。帝曰。願卒

聞之。岐伯曰。巨陽主氣。故先受邪。少陰與其為表裏。得熱則上從之。

從之則厥也。帝曰。治之奈何。岐伯曰。表裏刺之。飲之服湯。評熱論刺謂針
足太陽六陰也

飲之服湯謂仲景止逆
下氣麥門冬湯之類也

〔丹〕一女子年二十餘歲。在室素強健。六月間發煩悶。困憊不食。發

時欲入井。六脈皆沉細而弱數。兩日後微渴。眾以為病暑。治不效。四

五日。加嘔。而人瘦。手心極熱。喜在陰處。漸成伏脈。時妄語。予急制局

方妙香丸。如桐子大。以井水下一丸。半日許大便。藥已出。病無退減。

遂以麝香水洗藥。以針穿三竅。次日以涼水送下。半日許大便。下稠

痰數升。是夜得睡。困頓伏枕。旬日而愈。因記金匱云。昔肥而今瘦者。

痰也。遂作此藥治之。

妙香丸。丹溪云。疏決腸胃。制伏木火藥也。

辰砂 飛研
五兩

牛黃

龍腦

膩粉

麝香研各一兩

金箔九十片

巴豆三百十五粒去尖膜炒熟研

右令研勻。煉黃蠟六兩。入好蜜三分。同煉令勻為丸。每兩作三十丸。如要此藥。速行針刺一眼子。冷水浸。少時服。效更速。小兒百病。丸如菴荳大。

〔無〕溫膽湯。治大病後。虛煩不得眠。方見不得眠門

〔仲〕酸棗湯。治虛勞虛煩不得眠。方見不得眠門

右九法。治熱煩。前五法。煩熱怔忡。知熱在心肺也。故用竹葉石膏。

辰砂鎮墜其熱。使下行也。第六法。煩而下利。知熱在上也。故用梔。

豉湯吐之。第七法。煩而汗出不解。知表裏有邪也。故用表裏飲湯。

第八法。脈沉口渴。手心熱。知熱不在表也。故用妙香丸下之。第九

法。溫膽酸棗。治不得眠也。

凡心虛則煩。心肝腎脾虛亦煩。心經云。夏脈者心也。其不及者。令人

煩心。又云。肝虛腎虛脾虛。皆令人體重。煩寃者。是知煩多生於虛也。

運氣煩有五。

一曰熱助心實而煩。經云。少陰司天。熱淫所勝。病胸中煩熱。嗑乾。又

云。少陽司天。火淫所勝。病煩心。胸中熱。又云。少陽之勝。煩心心痛。治

以鹹寒是也。

二曰。心從制而煩。經云。太陽司天。寒氣下臨。心氣上從。寒清時。舉火

煩皆
得眠
補者
脾
生於
虛於
運氣

煩皆
得眠
補者
脾

氣高明心熱煩是也。

三曰。金攻肝虛而煩。經云。歲金太過。燥氣流行。肝木受邪。民病體重煩寃是也。

四曰。土攻腎虛而煩。經云。歲土太過。雨濕流行。腎水受邪。民病體重煩寃。又云。歲水不及。濕乃大行。民病煩寃足痿是也。

五曰。木攻脾虛而煩。經云。歲木太過。風氣流行。脾土受邪。民病體重煩寃。蓋肝虛腎虛。皆令人體重煩寃。故金太過則肝虛。土太過則腎虛。木太過則脾虛。凡此三大過之歲。則肝腎脾受邪而虛。皆病體重煩寃也。

灸刺煩心有四。

其一。取心俞。經云。心主手厥陰心包絡之脈。所生病者。煩心。心痛。掌中熱。許盛虛熱寒。陷下取之。又云。氣亂于心則煩心。密默俛首靜伏取之。手少陰心主之膻是也。

其二。取腎膀胱俞。經云。腎足少陰之脈。所生病者。煩心。心痛。痿厥。足下熱痛。視盛虛熱寒。陷下取之。又云。舌縱涎下。煩悅。取足少陰。又云。足少陰之別名曰大鍾。當踝後繞跟。別走太陽。其病氣逆則煩悶。取之所別也。又汗出煩滿。不解表裏。取之巨陽少陰也。

其三。取肺俞。經云。手太陰之脈。所生病者。煩心。胸滿。視盛虛熱寒。陷

下取之。又云。振寒洒洒鼓頷。不得汗出。腹脹煩冤。取手太陰是也。其四。取脾俞。經云。脾足太陰之脈。所生病者。煩心。心下急痛。瘡癢泄。水閉。視盛虛熱寒。陷下取之是也。

胎前虛煩

大竹葉湯。治妊娠苦煩悶。名曰子煩。

防風

黃芩

麥冬去心各二兩

白茯苓四兩

右剉散。每服四錢。水二盞。竹葉十數片。煎七分。去渣。溫服之。

益母丸。治子煩似虛不得臥者。即知母丸。但用蜜肉為丸。以人參湯嚼下方見。日月數未足。欲產門。

治子煩口乾不得臥。用黃連去鬚。為細末。每服一錢。粥飲調下。

產後虛煩

血攻心

〔大〕治產後。餘血不盡。奔心煩悶。生藕汁飲二升。甚效。竹瀝亦得

治產後餘血攻心。或下血不止。心悶面青。冷氣欲絕。衄血一盞。頓服。如不定。更服立效。

產後血虛氣煩。生地黃汁清酒各一盞相和。煎一沸。分二服。服之。

治產後虛煩。用蒲黃以東流水和服。方寸匕。極良。

治產後短氣欲絕。心中煩悶。竹葉湯。

竹葉細切

麥門冬

小麥各一升

甘草一兩

生薑二兩

大棗十四箇

短氣欲絕者補之

煩不得眠者吐之

熱

重可去怯

四肢煩熱者為表

雜方

右切以水一斗。煮竹葉小麥至八升。去渣。納餘藥。煮取三升。去渣。溫服。虛悸加入人參二兩。少氣力加糯米五合。
〔雲〕產後虛煩不得眠。芍藥梔子湯。

芍藥

當歸

梔子各五錢

香豉合

右如梔子豉湯修服。產後傷寒。便同下後變證。此方雖雲豉法不若仲景酸棗湯穩當

〔大〕竹葉湯。方見虛條

〔經〕治產後煩躁。禹餘糧一枚。狀如酸餡者。入地埋一半。四面緊築。用炭一秤。發頂火一斤。煨。去火三分。耗二為度。用濕沙土罨一宿。方取出。打去外面一重。只使裏內細研水淘澄。五七度。將紙襯。乾再研。數千遍。用甘草煎湯調二錢匕。只一服立效。

〔仲〕三物黃芩湯。婦人在草蓐。自發露得風。四肢苦煩熱。頭痛者。與小柴胡湯。頭不痛但煩者。此湯主之。小柴胡湯方見傷寒

黃芩兩一

苦參兩二

乾地黄兩四

右三味。以水八升。煮取二升。溫服一升。多吐下蟲。

婦人產中虛煩亂。嘔逆。安中益氣竹皮大丸主之。

生竹茹二分

石膏二分

桂枝一分

甘草七分

白薇一分

右五味末之。棗肉和丸。彈子大。以飲服一丸。日三。夜二。服有熱者。

倍白薇。煩喘者加栢實一分。

躁

諸躁狂越皆屬於火。全文見診○丹溪治一女子煩欲入井中口渴心熱脈伏者妙香丸下之愈此乃火之躁也

陰盛發躁名曰陰躁欲坐井中宜以熱藥治之。成無已云雖躁欲坐井中但欲水不得入口是也

〔垣〕陰躁之極欲坐井中陽已先亡醫猶不悟復指為熱重以寒藥

投之其死也何疑焉况寒涼之劑入腹周身之火得水則升走矣

〔活〕霹靂散方見煩燥 診躁法見煩燥

懊懣

懊懣虛煩之劇者治法並見虛煩門成無已云懊者懊惱之懣懣者

鬱悶之貌即心中懊懣惱惱煩煩懣懣鬱鬱然不舒暢憤然無奈比

之煩悶而甚者懊懣也

瞽悶

瞽悶亦虛煩之甚者治法並與傷寒虛煩同蓋瞽者昏也悶者煩也

凡瞽而不悶者名曰昏迷悶而不瞽者名曰虛煩今日瞽悶者謂昏

迷虛煩併病許學士所謂懊懣終夕不得臥心中無曉會處者是也

運氣瞽悶者屬內熱經云火鬱之發民病瞽悶懊懣又云太陽司天

之政三之氣寒氣行民病心熱瞽悶不治者死是也

譫妄附中惡尸注等症

產後譫妄

產後循衣撮空

運氣

診

診

寒虛熱手不火伏熱手口
為脈脈不渴為脈脈心渴

〔丹〕虛病痰病。有似鬼祟論。血氣者。身之神也。神既衰乏。邪因而入。理或有之。若夫血氣兩虧。痰客中焦。妨礙升降。不得運用。以致十二官各失其職。視聽言動。皆有虛妄。以邪治之。其人必死。吁哉冤乎。誰執其咎。憲幟之子傅兄。年十七八。時暑月。因大勞而渴。欲飲梅漿。又連得大驚三四次。妄言妄見。病似鬼邪。診其脈。兩手皆虛弦而帶沉數。予曰。數爲有熱。虛弦是大驚。又梅漿之酸。鬱於中脘。補虛清熱。導去痰滯。病乃可安。遂與人參白朮陳皮茯苓連等藥。濃煎湯。入竹瀝薑汁。與旬日未效。衆皆尤藥之不對。予脈之。知其虛之未完。與痰之未導也。仍與前方入荆瀝。又旬日而安。外弟戚。一日醉飽後。亂言妄見。詢之。係伊亡兄附體。言出前事甚的。乃叔在邊吐之曰。非邪。乃食魚生與酒太過。痰所爲耳。灌鹽湯一大碗。吐痰一二升。汗因大作。歷一宵而安。金氏婦。壯年暑月赴筵歸。乃姑詢其坐次失序。遂赧然自愧。因此成疾。言語失倫。其中多間一句曰。奴奴不是。脈大率皆數而弦。予曰。此非邪。乃病也。但與補脾清熱導痰。數日當自安。其家不信。邀數巫者。噴水而咒之。旬餘而死。或曰病非邪。而以邪治之。何遽至於死。予曰。暑月赴宴。外境蒸熱。辛辣適口。內境鬱熱。而况舊有積痰。加之愧悶。其痰與熱。何可勝言。今乃驚以法尺。是驚其神。而血不寧也。噴以法水。是瀋其體。密其膚。使汗不得泄。汗不出。則蒸

熱內燔。血不寧。則陰消而陽不能獨立也。不死何為。或曰。外臺祕要有禁呪一科。庸可廢乎。予曰。移精變氣。乃小術耳。可治小病。若內有虛邪。當用正大之法。自有成式。昭然可攷。然符水惟膈上熱痰。一呷冷涼。胃熱得之。豈不暫快。亦可取安。若內傷而虛。與冬令嚴寒。符水下咽。必冰胃而致害。彼鬱熱在上。熱邪在裏。須以汗解。卒得清冷。膚腠固密。熱何由解。必致內攻。陰陽離散。血氣乖爭。去死為近。又何訝也。

〔仲〕邪哭使魂魄不安者。血氣少也。血氣少者。屬於心。心氣虛者。其人多畏。合目欲眠。夢遠行而精神離散。魂魄妄行。陰氣衰者為顛。陽氣衰者為狂。

〔本〕治因驚言語顛錯。不能服溫藥。宜遠志丸。

硃砂 半兩入麝少許同研 金箔 五片 遠志 南星

人參 白附子 白茯苓 酸棗仁 各半兩

右為細末。煉蜜丸。如桐子大。朱砂為衣。每服三十丸。薄荷湯下。食後臨臥服。

扶神散

扶神 乾地黃 白芍藥 川芎

當歸 桔梗 白茯苓 遠志 已上各等分

右為細末。每服二錢。水二盞。燈心棗肉同煎。至七分。不拘時候。貫明遠教授母。七十四歲。因戎為驚。疾如上證。服此二方得效。運氣。譫妄。即傷寒家譫妄也。其病有二。

一曰。火邪助心。經云。歲火太過。上臨少陰。少陽病反譫妄狂越。又云。火太過。曰赫曦其動。炎灼妄擾。又云。少陰所至。為譫妄。又云。少陰之復。振慄譫妄。又云。少陽之勝。心痛煩心。善驚譫妄。治以鹹寒是也。二曰。寒邪傷心。經云。歲水太過。寒氣流行。邪害心火。病身熱煩心。躁悸陰厥。上下中寒。譫妄。上臨太陽。渴而妄冒。又云。陽明司天之政。四之氣。寒雨降。振慄譫妄。治以甘熱是也。〔無〕加減續命湯。治中風。或歌哭。或笑語。無所不至。

麻黃三兩

人參

桂枝

白朮各二兩

當歸

防己

黃芩

甘草

白芍藥

芎藭

杏仁各一兩

右剉散。每服四大錢。水一盞半。棗二枚。煎七分。去渣。不以時服。

病者卒心腹脹滿。吐利不行。如乾霍亂狀。世所謂中惡是也。由人精神不全。心志多恐。遂為邪鬼所擊。或附着。沉沉默默。妄言譫語。誹謗罵詈。訐露人事。不避讖嫌。口中好言未然禍福。及至其時。毫髮未失。人有起心。已知其故。登高涉險。如履平地。或悲泣呻吟。不欲見人。如

醉如狂。其狀萬端。但隨方俗攷驗治之。

〔羅〕入毒赤散。治男子婦人染着神鬼。謂之鬼注病。

雄黃

礬石

朱砂

牡丹皮

附子炮

藜蘆

巴苳各一兩

蜈蚣一條

尸症

右八味。為細末。煉蜜為丸。如小荳大。每服十丸。冷水送下。無時。

〔本〕飛尸者。發無由。漸昏然而至。其狀心腹刺痛。氣息喘急。脹滿。頭尸者。停頓在人肌肉血脈之間。觸即發動。亦令人心腹脹滿刺痛。喘急。攻脇衝心。瘡後復發。沉尸者。發時亦心腹絞痛。脹滿喘急。雖歇之後。猶沉痼在人府藏。令人無處不惡。風尸者。在人四肢循環經絡。其狀冷躍去來。沉沉默默。不知痛處。衝風則發。伏尸者。其病隱伏五藏。積年不除。未發身體都如無患。發則心腹刺痛。脹滿喘急。又有諸尸注候者。則是五尸內之尸注。而挾外鬼邪之氣。流注身體。令人寒熱淋漓。或腹痛脹滿喘急。或礫塊踊起。或攣引腰脊。或舉身沉重。精神雜錯。恒覺昏謬。每節氣改變。輒到大惡。積年累月。漸至頓滯。以至於死。死後復易傍人。乃至滅門。故為尸注。皆用忍冬藤葉剉數斛。煮令濃。取汁煎服。日三瘡。

太乙神精丹。蘇合香丸。治此疾第一。

因喪驚憂。悲哀煩惱。感尸氣。成諸證。變動不已。似冷似熱。風氣觸則

發用雄朱散

雄黃

朱砂

桔梗

羌活

芍藥

當歸炒

升麻

川烏

龍腦

川芎

南星炮

山梔

陳皮

木香

莽草

白朮

枳殼

檳榔

黃芩各等分

麻黃五分

白殭蠶炒

虎頸骨醋炙

紫蘇子

鬼箭羽炒等分

蜈蚣三條酒炙

右為細末。每服二錢。酒調下。日三服。

頃在徽城。日常修合神精丹一料。庚申。予家一婦人。夢中見二蒼頭。一前一後。手中持一物。前者云。到也未。後應云。到也。擊下。爆然有聲。遂覺。後心一點痛不可忍。昏悶一時許。予忽憶神精丹。有此一證。取三粒。令服之。少頃已無病矣。云。服藥覺痛止神醒。今如常矣。日後相識。稍有邪氣。與一二服。無不應驗。方在千金中。治中風之要藥。但近世少得。會青磁石。為難合爾。

〔無〕還魂湯。治卒中惡。奄忽氣絕。口噤不開。方見卒中暴厥門與仲景方同但加佳耳

〔千〕五邪湯。治邪氣啼哭。或歌或笑。

禹餘糧

防風

桂心

芍藥

獨活

甘草

白朮

人參

石膏

牡蠣

秦朮

防己

菖蒲

扶神

雄黃

蛇蛻皮

各一兩

右以咀。每服五錢。水三盞。煎七分服之。

〔仲〕大棗湯。治婦人悲傷欲哭。象如神靈。

方見肺部悲門

產後譫妄

〔雲〕奪命散。治產後血暈入心經。語言顛倒。健忘失志。

沒藥

血竭等分

右研細為末。產後用童便與細酒各半盞。煎一二沸。調下一二錢。良

久再服。其惡血自下行。一婦人產後譫妄。如有神靈。諸藥不效。用此服而愈。

又方。治產後敗血衝心。發熱。狂言奔走。脈虛大者。

乾荷葉

生地黃

牡丹皮等分

右三味。濃煎湯。調蒲黃二錢。七。一服即定。

扶寒

郭氏論產後乍見鬼神者何。答曰。心主身之血脈。因產耗傷血脈。心

氣虛。則敗血得積。上干於心。心不受觸。遂致心中煩躁。臥起不安。乍

見鬼神。言語顛倒。醫人不識。呼為風邪。如此。但服調經散。每服加龍

扶熱

敗血

沒藥

琥珀並細研

桂心各一錢

芍藥

當歸各一分

麝香

細辛各三分

右為末。每服半錢。生薑汁溫酒各少許調服。

〔大〕治方產一日見鬼。言語顛倒。用蘇合香丸一錢。以童便調服即醒。

〔雲〕治產後發熱。狂言奔走。脈虛大者。四物湯加柴胡。如不愈。加甘草柴胡。生地黃等分。煎服亦可。

〔廣〕治產後血暈。心悶不識。神言鬼語。氣急欲絕。

芍藥

甘草

丹參各一兩

生地汁

生薑汁各一升

白蜜一合

右水二升。先煮三味。取八合。下地黃生薑汁蜜調。分為二次服。

〔大〕治產後敗血。及邪氣入心。如見祟物顛狂。用大辰砂一二錢。研極細。用乳汁三四茶匙許調。仍握紫項活地龍一條入藥。候地龍滾三滾。取出地龍不用。不令帶藥出。但欲得地龍身上涎耳。入無灰酒。與前乳汁和合。七八分盞。重湯溫。遇疾作分三二服。

栝子仁

遠志去心

人參

桑寄生

防風

珀琥另研

當歸炒

生地焙

甘草等分

右為籠末。先用白羊心一箇。切片。以水一大盞半。先煮至九分。去羊心。入藥末五錢。煎至六分。去渣。無時服。

循衣撮空

〔海〕治婦人血風症。因大脫血崩漏。或前後失血。因而枯燥。其熱不除。循衣撮空。摸牀。閉目不省。擲手揚視。搖動不寧。錯語失神。脈弦浮而虛。內躁熱之極也。氣籠鼻乾不潤。上下通躁。此為難治。宜生地黃黃連湯主之。

川芎

生地黃

當歸各七錢

赤芍藥

梔子

黃芩

黃連各三錢

防風兩

右為籠末。每服三錢。水二盞。煎至七分。去渣。取清。飲無時。徐徐與之。若脈實者。加大黃下之。

大承氣湯。氣藥也。自外而之內者用之。生地黃黃連湯。血藥也。自內而之外者用之。氣血合病。循衣撮空。證同。自氣而之血。血而復之氣。大承氣湯下之。自血而之氣。氣而復之血。地黃黃連湯主之。二者俱不大便。

〔華〕病人循衣縫。謔語者。不可治。病人陰陽俱絕。掣衣撮空。妄言者死。

喜笑不休

喜笑皆屬心火。經云。心藏神。神有餘則笑不休。又云。在藏為心。在聲為笑。在志為喜。又云。精氣併於心則喜。又云。火太過為赫曦。赫曦之紀。其病笑狂妄。又云。少陰所至為喜笑者是也。

〔河〕笑。蕃茂鮮嫩。舒榮彰顯。火之化也。故喜為心火之志也。喜極而笑者。猶燔爍太甚。而嗚笑之象也。故病笑者。心火之盛也。

〔子和〕路經古宅。逢一婦病喜笑不止。已半年矣。眾人皆無術。求治於戴人。戴人曰。此易治也。以滄鹽成塊者二兩餘。用火燒令通赤。放冷。研細以河水一大碗。同煎至三五沸。放溫。分三次噉之。以釵探於喉中。吐出熱痰五升。次服降火劑。火主苦解毒是也。不數日而笑定矣。內經曰。神有餘者。笑不休也。所謂神者。心火是也。火得風而焰。故笑之象也。五行之中。惟火有笑。常治一老男子。笑不休。口流涎。黃連解毒湯。加半夏竹葉竹瀝薑汁。而笑止矣。

黃喜笑不休。諄盛虛熱寒。陷下取之。

健忘

〔丹〕健忘精神短少者多。亦有痰者。

〔靈〕黃帝曰。人之善忘者。何氣使然。岐伯曰。上氣不足。下氣有餘。腸胃實而心氣虛。虛則榮衛留於下。久之不以時上。故善忘也。大惑論

〔千〕孔子大聖枕中方。

龜甲即龜板
自敗者 龍骨

遠志

菖蒲

右四味等分爲末。酒服方寸匕。日三服。常令人大聰明。

衍義云龜甲以其靈於物象用

補心
甚驗

治多忘方

菖蒲分一

茯苓

茯苓

人參各五分

遠志分七

右五味爲末。酒服方寸匕。日三夜一。五日效。

〔局〕定志丸。治善忘。安神定志。方見驚門

〔聖〕千金翼聖惠同補心虛。治健忘。令人耳目聰明。用戊子日。服開

心不忘方。

菖蒲 遠志各一分

右搗爲細末。服方寸匕。食後令人耳目聰明。從外見裏。及千里外

事。令人長生。去二百病毒。不能爲害。

〔肘〕治人心孔憎塞。多忘喜譏。丁酉日。密自至市。買遠志著巾角中

爲末。服之。勿令人知。

腎盛怒而不止。則傷志。志傷則喜忘其前言。全文見診死生

血并於下。氣并於上。亂而喜忘。全文見刺虛實

運氣喜忘皆屬心火虛。經云。火不及曰伏明。伏明之紀。其病昏或悲忘。又云。太陽司天。寒氣下臨。心氣上從。善忘。又云。太陽之復。甚則入心。善忘善悲是也。

本草商陸花。主人心昏塞。多忘喜誤。取花陰乾。百日搗末。日暮水服方寸匕。臥思念所欲事。即於眼中自覺。

〔集〕健忘。列缺 心俞 神門 中脘 三里 少海 灸

〔無〕鬲飭者心高。心高則滿於肺中。愧而善忘。難開以言。 全文見診

諸痛門

諸部分痛。各入本門。如痛風入痺門。目痛入目門。此特痛之大法耳。〔素〕黃帝問曰。予聞善言天者。必有驗於人。善言古者。必有合於今。善言人者。必有厭於己。如此則道不惑而要數極。所謂明也。今予問於夫子。令言而可知。視而可見。捫而可得。令驗於己。而發蒙解惑。可得而聞乎。岐伯再拜稽首對曰。何道之問也。帝曰。願聞人之五臟卒痛。何氣使然。岐伯對曰。經脈流行不止。環周不休。寒氣入經而稽遲。泣而不行。客於脈外則血少。客於脈中則氣不通。故卒然而痛。帝曰。其痛卒然而止者。或痛甚不休者。或痛甚不可按者。或按之而痛者。或按之無益者。或喘動應手者。或心與背相引而痛者。或脇肋與小腹相引而痛者。或腹痛引陰股者。或痛宿昔而成積者。或卒然痛死

不知人。少間復生者。或痛而嘔者。或腹痛而後泄者。或痛而閉不通者。凡此諸痛。各不同形。別之奈何。岐伯曰。寒氣客於脈外。則脈寒。脈寒則縮。縮則脈急。急則外引小絡。故卒然而痛。得炅則痛立止。因重中於寒。則痛久矣。良古也切熱也寒氣客於經脈之中。與炅氣

相薄。則脈滿。滿則痛而不可按也。寒氣客於腸胃之間。膜原之下。血不

而血氣亂。故痛甚不可按也。寒氣客於腸胃之間。膜原之下。血不

得散。小絡急引。故痛。按之則血氣散。故按之痛止。寒氣客於俠脊

之脈。則深按之不能及。故按之無益也。寒氣客於衝脈。衝脈起於

關元。隨腹直上。寒氣客則脈不通。脈不通則氣因之。故喘動應手矣。

寒氣客於背俞之脈。則血脈泣。脈泣則血虛。血虛則痛。其俞注于

心。故相引而痛。按之則熱氣至。熱氣至則痛止矣。治見心痛寒氣客於

厥陰之脈。厥陰之脈者。絡陰器。繫於肝。寒氣客於脈中。則血澁脈急。

故脇肋與小腹相引痛矣。治見脇痛厥陰客於陰股。寒氣上及小腹。血

泣在下相引。故腹痛引陰股。治見腹痛寒氣客於小腸膜原之間。絡血

之中。血澀不得注於大經。血氣稽留不得行。故宿昔而成積矣。治見積

寒氣客於五臟。厥逆上泄。陰氣竭。陽氣未入。故卒然痛死不知人。

氣復反則生矣。寒氣客於腸胃。厥逆上出。故痛而嘔也。治見吐法寒

氣客於小腸。小腸不得成聚。故後泄腹痛矣。治見下熱氣留於小腸。

形氣
陰陽

痛隨
利減

小腸中痛。瘴熱焦渴。則堅乾不得出。故痛而閉不通矣。秘結 帝曰

所謂言而可知者也。視而可見奈何。岐伯曰。五臟六腑。固盡有部。視

其五色。黃赤為熱。白為寒。青黑為痛。此所謂視而可見者也。帝曰。

捫而可得奈何。岐伯曰。視其主病之脈。堅而血及陷下者。皆可捫而

得也。俱舉痛論篇

〔素〕氣傷痛。形傷腫。故先痛而後腫者。氣傷形也。先腫而後痛者。形

傷氣也。陰陽應象論

〔靈〕有形而不痛者。陽之類也。無形而痛者。陰之類也。無形而痛者。

其陽完而陰傷之也。急治其陰。無攻其陽。有形而痛者。其陰完而陽

傷之也。急治其陽。無攻其陰。陰陽俱動。乍有形。乍無形。加以煩心。命

曰陰勝其陽。此謂不表不裏。其形不久。

〔垣〕通則不痛。痛則不通。又云。通隨利減。亦有當隨其經絡而通之。

則疼痛去矣。如輕可去實。麻黃葛根之屬是也。謂如頭痛當用川芎

細辛之類通之。則無凝滯。痛隨利減也。

〔海〕諸痛為實。痛隨利減。世多以下之為利也。假令痛在表者實也。

痛在裏者實也。痛在血氣者亦實也。故在表者汗之。則愈。在裏者下

之則愈。在血氣者散之行之則愈。豈可以利為下乎。作通字訓。則可

得矣。故經曰。通則不痛。痛則不通。此之謂也。

運氣

運氣諸痛皆屬火。經云。諸疼痛皆屬於火是也。

一屬火實。經云。火鬱之發。民病骨痛。節乃有動是也。

一屬火虛。經云。火不及曰伏明。伏明之紀。其發痛是也。

〔丹〕諸痛皆屬火。寒涼藥不可峻用。必用溫散之藥。諸痛不可用人參。蓋補氣氣旺。則不通而痛愈甚矣。

禁忌

諸逆衝上

逆氣象陽。全文見五藏凡氣逆。必見象陽症。面赤脈洪。當以法降其逆。乃

愈。若以氣象陽盛。而用寒藥攻之。則不救矣。氣上衝心。咽不得息。治法見傷寒厥陰病條。

秋冬為寒 春夏為熱

〔垣〕如秋冬之月。胃脈四道為衝脈所逆。并脇下少陽脈二道。而反上行。病名曰厥逆。經曰。逆氣上行。滿脈去形。七神昏絕。離去其形。而死矣。其證氣上衝咽不得息。喘息有聲不得臥。於調中益氣。加吳茱萸半錢。或一錢。觀厥氣多少用之。如夏月有此症。為大熱也。蓋此症隨四時為寒熱溫涼。宜以酒黃連酒黃柏酒知母各等分為細末。熟湯為丸。如桐子大。每服二百丸。白湯空心下。仍多飲熱湯。服畢。少時。便以美飲食壓之。使不得胃中停留。直至下焦。以瀉衝脈之邪也。寒氣厥逆。赤丸主之。

茯苓

桂心各四兩

細辛一兩

烏頭

腹引 舉丸 小在 心逆 腸小 嘔吐 在 胃逆 嘔吐 在 喘咳 在 肺大 腸大 耳聾 煩腫 在 肺在 奔豚 脚氣 不得 前後 針灸 在

附子 各二兩

射罔 如大棗二兩

右六味為末。內真珠為色。蜜丸。如麻子大。先食。酒飲下三丸。日三夜一。服不知。稍增之。以知為度。一方用半夏四兩不用桂

逆氣五臟皆有。

一曰心小腸。經云。諸逆衝上。皆屬於火。又云。少腹控辜。引腰脊。上衝心。邪在小腸。取之盲原以散之。刺太陰以予之。取厥陰以下之。取巨虛下廉以去之。按其所過之經。以調之是也。

二曰胃。經云。胃為氣逆是也。胃逆有嘔。有吐。有噦。故刺嘔吐取中脘三里也。刺噦取乳下黑根盡處。及臍下三寸。皆大驗也。治各有本門。

三曰肺大腸。經云。肺苦氣上逆。急食苦以泄之。又云。腹中常鳴。氣上衝胸。喘不能久立。邪在大腸。刺盲之原。巨虛下廉是也。其肺逆曰咳喘。取天突。人迎泄之也。治亦各有門。

四曰肝。經云。肝氣逆則耳聾不聰。煩腫取血者是也。

五曰腎。即奔豚氣逆。脚氣衝心之類是也。治亦各有門。

六曰腎。經云。督脈別絡生病。從少腹上衝心而痛。不得前後為衝疝是也。治見插兩

〔玉〕腎氣衝心。關元 二寸半補 帶脈 一分沿皮向外二寸半瀉

〔摘〕腹有逆氣。上衝心腹。脹滿不得息。氣衝 右臍下七寸兩旁相去遠二寸動脈應手灸七壯忌針

是也。治見插兩

〔玉〕腎氣衝心。關元 二寸半補 帶脈 一分沿皮向外二寸半瀉

〔摘〕腹有逆氣。上衝心腹。脹滿不得息。氣衝 右臍下七寸兩旁相去遠二寸動脈應手灸七壯忌針

運氣

三里立愈。

運氣厥逆有三。

一曰風火。經云。少陽司天。火氣下臨。風行于地。厥逆。隔不通是也。

二曰寒。經云。水鬱之發。善厥逆是也。

三曰濕。經云。太陰司天。濕氣下臨。厥逆是也。

噫飽氣也俗作噯氣

下氣

上下藏府

〔仲〕上焦竭。善噫。何謂也。師曰。上焦受中焦氣未和。不能消。是故能噫耳。經云衛出于上焦上焦不歸者。噫而酢酸。經云不歸不至也。上焦之氣不至其部則物不能傳化故噫而酢吞噫屬

心脾。及二陽一陰。經云。心為噫。又云。太陰所謂上走心為噫者。陰

盛而上走於陽明。陽明絡屬心為噫。故曰上走心為噫也。又云。二陽

一陰發病。主驚駭背痛。善噫欠也。

〔仲〕旋覆代赭湯。治痞而噫。方見傷寒格門

〔本〕心下蓄積痞悶。或作痛。多噫。敗卵氣。枳殼散主之。

枳殼

白朮各半兩

香附兩

檳榔二錢

右為細末。每服二錢。米飲調下。日三服。不拘時候。龐老云

〔丹〕宣州人。與前方證。皆除氣上築。心膈噫氣。稍寬。脈之右關弱短。

左關左尺長洪大而數。此肝有熱。宜瀉肝補脾。

青皮錢

白朮二錢

木通

甘草二錢

寒熱

煎下保和丸十五粒。抑青丸二十粒。

噫氣。胃中有火有痰。

南星製

半夏

軟石膏

香附

各等分水煎服。

運氣噫有三。

一曰。熱助心實而噫。經云。少陰之復。噫噦是也。

二曰。寒攻心虛而噫。經云。太陽司天。寒淫所勝。善噫。又云。太陽之復。唾出清水。及為噦噫是也。

三曰。風攻脾虛而噫。又云。厥陰在泉。風淫所勝。腹脹善噫是也。

針灸噫獨取脾。經云。脾足太陰之脈。是動則病腹脹。善噫。視盛虛熱寒。陷下取之也。

〔仲〕寸口脈弱而緩。弱皆陽氣不足。緩者胃氣有餘。噫而吞酸。食卒不下。氣填於膈上。

〔脈〕寸脈緊。寒之實也。寒在上焦。胸中必滿而噫。跌陽脈微而澁。微無胃氣。澁即傷脾。寒在膈而反下之。寒積不消。胃微脾傷。穀氣不行。食已自噫。寒在胸膈。上虛下實。穀氣不通。為閉塞之病。跌陽脈

微澁。及寸脈緊而噫者。皆屬寒。全文見診條 太陰中者。腹脹閉。噫氣嘔逆。

下氣

心虛

腸胃
鬱結

診

下氣屬心虛。經云。夏脈者心也。心脈不及。下爲氣泄者是也。

〔河〕腸胃鬱結。穀氣內發而不能宣通於腸胃之外。故善噫而或下氣也。

〔診〕癰癘癆瘵。若氣下泄不止者。必死。此真氣竭絕。腸胃腠理閉塞。穀氣不能宣通於腸胃之外。故從腸胃中泄出也。

醫學綱目卷之十七 心小腸部

諸見血門

衄血

久衄

產後衄

吐血

咳唾血

妊娠咳唾血

瘦血

妊娠尿血

下

血

中蠱下血

大法

〔垣〕衄血出於肺。以犀角升麻梔子黃芩芍藥生地紫參丹參阿膠之類。主之。咯唾血者出於腎。以天門麥門貝母知母桔梗百部黃柏遠志熟地黃之類主之。如有寒者。乾薑肉桂之類主之。痰涎血者出於脾。葛根黃芪黃連芍藥甘草當歸沉香之類主之。嘔血出於胃實者。犀角地黃湯主之。虛者。小建中湯加黃連主之。

榮之生病也。寒熱少氣。血上下行。方見寒熱。

〔素〕帝曰。有病胸脇支滿者。妨於食。病至則先聞腥臊臭。出清液。先唾血。四肢清。目眩。時時前後血。病名爲何。何以得之。岐伯曰。病名血枯。此得之年少時有所大脫血。若醉入房中。氣竭肝傷。故月事衰少不來也。帝曰。治之奈何。復以何術。岐伯曰。以四烏鯁骨一蔥茹。二物并合之。丸以雀卵。大如小菘。以五丸爲後飯。飲以鮑魚汁。利腸中。及傷肝也。腹中論

熱

〔潔〕諸見血無寒。衄血吐血。溺血。皆屬於熱。但血家症。宜服生地黃

散主之

生地

熟地

枸杞子

地骨皮

甘草

天門冬

黃芪

芍藥

黃芩

右剉每一兩。水盞半。煎一盞。去滓。溫服。脈微身涼。惡風。每一兩加

桂半錢。吐血者多有此證。

〔海〕龍腦鷄蘇丸。治上焦熱。除煩解勞。去肺熱。咳衄血熱。驚悸。脾胃熱。口甘吐血。肝膽熱。泣出口苦。腎熱。神志不定。上而酒毒。膈熱消渴。下而血滯。五淋血崩等疾。

薄荷斤一

麥冬去心 二兩

甘草半一兩

生地六兩

黃芪

新蒲黃妙

阿膠妙二兩

黃連兩一

人參二兩已 上俱末

木通二兩

銀柴胡二兩剉同木通 湯浸一日夜絞汁

右爲細末。好蜜二斤。先煎一二沸。然後下生地黃末。不住手攪。時

加木通柴胡汁。浸熬成膏。勿令火緊焦了。然後加前藥末和丸。如

豌豆大。每服二十九丸。白湯下。虛勞虛煩。梔子湯下。肺熱。黃芩

湯下。心熱。悸動恍惚。人參湯下。唾咳吐衄。四血。去心麥門冬

湯下。肝熱。防風湯下。腎熱。黃柏湯下。已上並食後臨臥服。

治五淋及婦人漏下。車前子湯下。痰嗽者。生薑湯下。莖中

痛者。蒲黃滑石水一鍾調下。氣逆者。橘皮湯下。室女虛勞。寒熱潮作。柴胡人參湯下。

〔梅〕治吐血下血。并婦人漏下。雞蘇莖葉煎取汁飲之。

〔海〕胸中聚集之殘火。腹裏積久之太陰。上下隔絕。脈絡部分陰陽不通。用苦熱以定于中。使辛熱以行於外。升以甘溫。降以辛潤。化嚴肅爲春溫。變凜冽爲和氣。汗而愈也。然餘毒土苴猶有存者。周身陽和。尙未泰然。胸中微躁而思涼飲。因食冷物。服涼劑。陽氣復消。餘陰再作。脈退而小。弦細而遲。激而爲衄。血唾血者有之。心肺受邪也。下而爲便血。溺血者有之。腎肝受邪也。三焦出血。色紫不鮮。此重沓寒濕。化毒凝泣。水穀道路。浸漬而成。若見血證。不詳本源。便用涼折。變乃生矣。陽證盜出鮮血。陰證下如厥肝。

上而血者。黃芪桂枝湯。白芍當歸湯。

中而血者。當歸建中湯。增損胃風湯。

下而血者。芎歸米附湯。桂附六合湯。若三血證在行陽二十五

度見。黃芪四君子湯主之。若三血證在行陰二十五度見。當歸四

逆加吳茱萸主之。

〔去〕血證。吐血衄血便血。其人陰虛陽走。其脈沉而散。其外證虛寒無熱候。宜烏金丸散止之。法宜上用散。下用丸。次以木香理中湯加

運氣

大七氣湯。入川芎煎調蘇合香丸溫之。
運氣上下出血有四。

一曰熱助心火甚。而血湧沸也。經云。歲火太過。炎暑流行。肺金受邪。民病血盜血泄。又云。少陽之復。火氣內發。血盜血泄。王註。謂血上七竅爲血盜。泄利便血。爲血泄者。是也。

二曰寒攻心火虛。而血逃亡也。經云。太陽司天。寒淫所勝。血變于中。民病嘔血血泄。軌衄善悲。又云。太陽在泉。寒淫所勝。民病血見。是也。
三曰濕勝血亡。經云。太陰在泉。濕淫所勝。民病血見。是也。
四曰寒熱凌犯血亡。經云。少陰司天之政。水火寒熱持於氣交。熱病

生於上。冷病生於下。寒熱凌犯而爭於中。民病血盜血泄。是也。

〔丹〕血餘散。治血淋。兼治內崩吐血。舌上出血。小便出血。用亂髮皂角水淨洗。晒乾燒灰爲末。每二錢。以茅草根車前草煎湯調下。本草謂髮灰消瘀血。通關格。利水道。破癥瘕。血衄。有人生血瘤。大如粟。常被衣擦破。則血出不止。用此血餘灰敷之愈。一人刀傷血流不止。用胎髮灰敷之亦愈。

〔海〕孫真人九竅出血方。荊葉搗取汁。酒和服之。

〔丹〕九竅出血。以刺薊一握絞汁。以酒半盞和服之。如無生者。搗乾者爲末。冷水調三錢。舌上無故出血如線。用槐花炒研末。用手摻

舌上

雜方
治諸
竅血

之

〔肘〕舌上忽出血如簪孔者。香薷汁服一升。日三服。
〔無〕用髮灰二錢。米醋二合。調服。或敷舌上。血出孔處。
文蛤散治熱壅。舌上出血如泉。

五倍子洗

白膠香

牡蠣粉各等分

右為末。每用少許。搽患處。或燒熱鐵烙孔上。

〔丹〕治陰虛。牙出鮮血。氣鬱以四物加牛膝香附生甘草側柏。

〔羅〕牙疼腫痒動搖。牙齦潰爛。宜露出血口氣等疾。

當歸

藁本

地骨皮

防風

白芷

槐花

川芎

甘草炙

升麻

細辛各等分

右為細末。每用少許擦牙。痛甚者。取三錢。水一盞半。黑荳半合。生薑二斤。煎至一盞。去粗。熱漱。冷吐之。

〔孫〕治滿口齒有血。枸杞根為末。煎湯漱。後喫。又治膈上吐血妙。

〔衍〕齒縫中多出血。當以鹽湯漱。又能益齒走血之驗也。

〔丹〕齒痛斷出血。夜以鹽厚敷齦上。有涎瀝盡。乃臥。涎出時叩齒勿住。十夜瘥。忌魚肉熱物。

〔肘〕齒間出血不止。苦竹茹以醋浸一宿。含之。

〔干〕濃煎竹葉湯入鹽少許。含之止。濃煎茶含漱亦妙。
治牙血。用附米白芷大黃三物燒灰。以青鹽和擦之。

〔本〕治一切牙疼。風熱。齦常出鮮血。以至崩落。口臭不可近人者。宜服之。

大黃 米泔浸
令軟

生地黃 大者
薄切

右二味。旋切各用一片。二片合定。貼所患牙上。一夜即愈。未全可。則再如前法用。忌說話。恐引風毒津液漬痛處。

〔世〕無故牙動。牙宣血出。香附米用薑汁浸一宿。晒乾為末。漱口揩齒。令白且堅而不動無血矣。又方。以楊梅樹皮。濃煎湯漱。口勿嚙。神妙。

〔干〕治齦斷間津液出血不止。以礬石一兩燒。水三升。煮取一升。先拭齒。乃含之。

〔衍〕有人病齒縫中血出。以紙撚蘸蟾酥少許於血出處按之。立止。
〔靈苑〕治虛氣攻牙齒痛。血出。牙斷痒痛。骨碎補二兩。細剉炒令黑色。杵末。依常盥漱後。揩齒斷下。良久吐之。臨臥後嚙之無妨。
〔無〕治耳中出血。以龍骨末吹入即止。

病者汗出汚衣。名曰汗血。皆由大喜傷心。喜則氣散。血隨氣行。婦人產蓐有此證。治以葶草汁。

葶草 不拘多少俗名葛勒蔓也蔓生葉似葶麻而小薄有細刺花黃白子如麻子

右搗汁二升醋二合和空腹飲一盞或煮濃飲亦治沸瀝尿血
右九竅血舌血牙血汗血不愈又當於衄血吐血條相參用之

〔潔〕衄血吐血下血婦人下血不止 隱白五分

〔東〕又法 隱白 太陵 神門各五分 太谿七分

〔心〕婦人經脈妄行鑽心脇疼妄行於上則衄血中則吐血下則下

血 瘧門一分治衄血 巨缺一分治吐血 氣海五分治崩血 中極三分補 二陰交五分

〔海〕血證與黃證俱頭汗出

〔垣〕血溢上行或唾或嘔或吐皆凶也若變而行下為惡利者順也

血上行為逆其治難下行為順其治易故仲景云畜血症下血者當

自愈意同若無病之人忽然下利者其病進也今病血症上行而復

下行惡利者其邪欲去是知吉也

脈沉為在裏榮衛內結胸滿必吐血

〔仲〕尺脈浮目睛暈黃衄未止暈黃去目睛慧了知衄今止 病人

面無血色無寒熱脈沉弦者衄也浮弱手按之絕者下血煩欬者必

吐血 心脈微瀼為血溢全文見診下同 肺脈滑甚為唾血 肺脈微滑為

上下出血

〔仲〕脈弦而大弦則為減大則為乳減則為寒乳則為虛虛寒相搏

此名曰革。婦人則半產漏下。男子則亡血失精。

〔素〕脫血而脈實者難治。玉機真藏論

衄而不止。脈大而逆也。全文見診生死

〔難〕病若吐血。復軌衄。脈當沉細。反浮大而牢者死。吐血衄血脈

滑弱小者生。實大者死。汗出若衄。其脈滑小者生。大躁者死。

衄血胸滿引背。脈小而疾者逆也。全文見診生死

〔素〕脈至而搏。血衄身熱者死。大奇論

〔仲〕吐血欬逆上氣。其脈數而有熱。不得臥者死。

〔垣〕諸見血身熱。脈大者難治。難治者。邪勝也。身涼脈靜者。易治。易

治者。正氣復也。衄血者。若但頭汗出。身無汗。及汗出不至足者死。

〔素〕衄走血。血病無多食鹹。宜明五氣篇

衄血

〔無〕止衄散

黃芪六錢

赤茯苓

白芍藥各三錢

當歸

生地

阿膠炒各三錢

右為細末。煎黃芪湯調下三錢。未止再服。

〔垣〕治血衄不愈。以三稜針於氣衝上出血。立愈。更服此藥尤妙。

五味子十粒

麥門冬去心五分

當歸五分

黃芪一錢

生地三分

人參五分

右咬咀作一服。水二盞煎一盞空心熱服。

〔丹〕鼻血不止。諸方不效。糯米炒微黃為末。新水下二錢。此方甚妙。
〔梅〕治鼻衄出血。眩冒欲死。燒亂髮細研。水服方寸匕。須臾吹鼻中
瘥。

〔保〕衄血先服朱砂蛤粉。次服木香黃連。大便結者下之。用大黃芒
硝甘草生地。糖軟者。梔子黃芩黃連。可選用之。

〔丹〕衄血以涼血行血為主。犀角地黃湯。入鬱金同用。丹溪云犀角性
走散血虛者用
至之補

〔虞世〕治咯血衄血。白芍藥一兩。犀角一分。為末。新水服一錢七。衄
止為限。

〔竹〕畫粉散。治鼻衄血不止。一二服除根。白土即畫匠所用畫粉。研
極細。每服五錢。新井水調服立止。

〔世〕人中白為末。白湯調服。治衄累效。

〔羅〕生地黃湯。治鼻衄。昏迷不省。

生地二五斤不暇取汁使患人生吃啣汁三斤
許又以其渣塞鼻須臾血止取汁尤佳

〔保〕衄血不止。麥門冬飲子。

麥門冬去心 生地黃

右切水煎服。

〔孫〕凡治鼻衄及膈上熱盛乾地黃龍腦薄荷等分爲末冷水下。

〔丹〕鼻衄脈數有熱。

人參三分

黃柏炒二分

黃連五分

地黃一錢

歸尾五分

甘草二分

黃芩五分

芍藥一錢

〔玄〕鼻衄血者初出多不能止用黃丹吹入鼻中乃肺金受相火所制然也宜生料雞蘇散治之。

雞蘇葉

黃芪去蘆

生地

阿膠

白茅根各一兩

麥門冬去心

桔梗

蒲黃炒

貝母去心

甘草炙各五錢

右咬咀每服四錢薑三片水煎服。

〔衍〕治大熱衄血用萱草根洗淨研汁一大盞生薑汁半盞相和時

時細呷。丹溪云萱草屬水性下行陰分

〔丹〕鼻血貫衆根細末水調一錢七立止。

〔羅〕寸金散治鼻衄不止。

黃藥子五錢

土馬糞半兩有足者

生甘草各一錢

右爲細末每服二錢新水調下未止再服立瘥。

本草云土馬糞即苔與垣衣之類垣衣生垣垣之側

土馬糞生垣垣之上背陰古牆上多有之

結者散之

散者收之

運氣

〔仲〕從春至夏衄者太陽。從秋至冬衄者陽明。

〔丹〕衄血不止。以養胃湯一帖煎服效。一方治衄血妄行。用百藥

煎半燒半生。和水酒調服。

〔本〕茜梅丸。治衄血無時。

茜草根

艾葉各一兩

烏梅肉焙乾半兩

右為細末。煉蜜丸如桐子大。烏梅湯下二十九丸。

運氣衄有三。

一曰熱助心火。而血溢為衄。經云。少陰所至為衄。又云。少陰司天。

熱氣下臨。肺氣上從。衄衄鼻窒。又云。少陰司天。熱淫所勝。民病衄衄。

又云。少陽司天。三之氣。炎暑至。其病血溢衄衄。又云。少陽司天。火氣

下臨。肺氣上從。衄衄鼻窒。又云。少陽司天。火淫所勝。病甚則衄衄。又

云。少陽之復。大熱將至。效衄必也。

二曰寒攻心火。而血逃為衄。經云。太陰司天。寒淫所勝。衄血血泄。衄

衄善悲。時眩仆也。

三曰寒熱相逼而衄。經云。陽明司天之政。初之氣。陰始凝。氣始肅。民

病中熱。衄衄。此外寒鬱內熱而衄也。又云。少陰司天之政。四之氣。寒

熱互至。民病衄。此下寒迫上熱而衄也。

〔世〕衄血。白芨末新汲水調下。神妙。

御院麝香散治鼻衄不止

白礬 枯礬 另研

白龍骨 粘舌者另研各半兩

麝香 另研半字

右三味杵和勻。每用一字。先將冷水洗淨鼻內血涕。然後吹藥於鼻中。或以濕紙蘸藥塞鼻。尤妙。

〔廣〕治鼻中衄血及咯吐血不止。五色龍骨作末。吹一荳許於鼻中立止。

〔圖〕榴花百葉者。主心熱吐血及衄血等。乾之作末。吹鼻中立瘥。上 皆靈劑 亂髮微溫。主效嗽五淋。大小便不通。小兒驚癇止血。鼻衄燒

之吹鼻內立已。髮灰破落 血補陰

〔本〕山梔不拘多少。燒存性為末。搐入鼻中。立愈。蔡子渥傳云。同官趙無疵。其兄衄血甚。已死入殮。血尙未止。偶一道人過。聞其家哭。詢問其由。道人云。曾服丹或燒煉藥。予有藥用之。即出此藥半錢七。吹入鼻中。良久得活。併傳此方。

〔世〕治鼻衄。人中白係尿缸結者。燒灰少許。吹入鼻中。已上塞劑

〔本〕鼻衄過多。昏冒欲死。用香墨濃研。點入鼻中。

〔丹〕鼻血。龍腦葉研塞立止。入豉尤妙。

〔勝金〕治衄血。以葱白一握搗汁。投酒少許。抄三四撮入鼻中。瘥。〔無〕白芨散。治鼻衄立效。白芨不拘多少為末。冷水調。用紙花貼鼻

窟中。一方用黃膠湯浸令軟貼鼻窟中。鼻窟山根也

〔垣〕治鼻衄久不止。或素有熱而暴作者。諸藥不效。神法以大白紙一張。作十數摺。於冷水內浸濕。置頂中。以熱熨斗熨之。至一重或二重紙乾立止。

〔簡〕治鼻血不止。服藥不應。宜用蒜一枚。去皮細研如泥。攤一餅子如錢大。厚一荳許。左鼻血出。貼左腳心。右鼻血出。貼右腳心。如兩邊俱出。貼兩腳心。卽瘥。血止卽以溫水洗去之。一法用紙圓兒。右衄塞左耳。左衄塞右耳。又冷水調白麪飲之。

治衄不止。百藥不效。因心憂慮得者。急縛兩手中指上立止。

針灸衄取四經。

其一取足手太陽。經云。衄而不止血流。取足太陽。大衄衄血。取手太陽。不已取宛骨下。不已刺膈中出血。又云。膀胱足太陽之脈。所生病者。鼃衄。項背腰尻膈端痛。視盛虛熱寒。陷下取之。又云。足太陽之別名曰飛陽。去踝七寸。別走少陰。虛則鼃衄。取之所別也。

其二取足手陽明。經云。胃足陽明之脈。所生病者。鼃衄。又云。大腸手陽明之脈。所生病者。目黃口乾。鼃衄。皆視盛虛熱寒。陷下取之。又云。邪客於足陽明之絡。令人鼃衄。上齒寒。刺足中指次指爪甲上與肉交者各一疔。左刺右。右刺左。

〔摘〕衄血。瘖門分三 合谷 內庭

〔密〕又法。瘖門 三里瀉 照海分五

〔世〕又法。三里 外關瀉 重者風府

〔集〕又法。風府 上星 百勞 合谷 不已取後穴。迎香

人中 印堂

口鼻出血不止。上星 灸三根穴。

〔集〕頭腦中寒。鼻衄目泣出。神庭主之。衄血不止。承漿及委中主

之。黠衄。腰脊脚膈痠重。戰慄不已。久立膈如裂。脚急跟痛。足攣。引

少腹痛。咽喉痛。大便難。腹脹。承山主之。頭重鼻黠。反瘦癢汗不出。

煩心。足下熱。不欲近衣。項痛。目瞤。及小便皆不利。至陰主之。

診衄法。見諸見血門。

久衄

〔世〕久衄。炒糯米為末。水調服神妙。詳見

〔垣〕黃芪芍藥湯。治鼻衄血。面多黃。眼澁多眩。手麻木。張彥明男衄

血多歲。不效用此方。

黃芪雨一

甘草雨二

升麻雨一

葛根

羌活雨各半

白芍藥雨二

右為龕末。每服半兩。水二盞。煎至一盞。去滓。溫服。二十五帖而愈。

六脈細弦而澹。按之空虛。其色必白。而天不澤者。脫血也。此大寒證。以辛溫補之。以養血。以甘溫潤之。劑佐之。即愈。此脫血傷精氣之證也。六脈俱大。按之空虛。心動面赤。善驚上熱。乃手少陰心之脈也。此因氣盛多而亡血。以甘寒鎮墜之劑。瀉火與氣。以墜浮氣。以辛溫微苦。峻補其血。再用三黃補血湯。

三黃補血湯

熟地二錢

生地三錢

當歸

柴胡各錢

白芍藥五錢

川芎二錢

牡丹皮

升麻

黃芪各一錢補之治血溢者上竭

右為龕末。每服半兩。水二盞。煎五沸。去渣溫服。食前。兩手脈扎。兩頭則有。中間全無。而虛曰扎。血至胸中。或衄血吐血。以犀角地黃湯主之。

〔羅〕地黃散。治衄血往來久不愈。

生地

熟地

枸杞子

地骨皮各錢分

右為細末。每服二錢。蜜湯調下。日三服。

〔世〕治鼻血常發者。於發時。用生薑杵碎。合額上一日。如痒就搔之。永不再發。

〔肘〕治人少小鼻衄。小勞輒出。桑耳無多少。炒令焦搗末。每衄發以

杏仁大塞鼻中。數度可。大病瘥後。小勞便鼻衄。牡蠣一分。石膏五分。搗末酒服。方寸匕。日三四服。亦可蜜丸。如桐子大服之。

產後衄

〔大〕產後口鼻黑氣起。及鼻衄者。名曰胃絕肺敗。此證不可治。遇有此疾。急取緋線一條。并產婦頂心髮兩條。緊係中指節。即止。治產後鼻衄。中風。以荊芥為末。童便調下。神驗。此方氣虛人勿用

吐血

〔丹〕治吐血。以人參一味為末。雞子清投新汲水。調下一錢服之。千金方

〔垣〕人參救肺湯。治吐血亦用。

人參

升麻

柴胡

歸棗

蒼朮

各一錢

熟地

白芍藥

黃芪

各二錢

陳皮

蘇木

甘草

各五分

右為龕末。作一服。水二盞。煎一盞。去滓。稍熱食前服。

〔局〕必勝散。治血妄流溢。或吐或衄。

小薊

并根用

人參

去蘆

蒲黃

炒

當歸

熟地

川芎

烏梅

去核各等分

右咬咀。每服四錢。水一盞。煎七分。溫服。不拘時。

〔保〕雞蘇散。治虛損氣逆。吐血不止。

雞蘇葉

黃芩

刺薊

生地

阿膠

黃芪各一兩

當歸

赤芍藥各半兩

伏龍肝二兩

右爲蠶末。每服四錢。薑三片。竹茹彈子大。水同煎。

〔丹〕朱富六因辛苦吐血或衄。夜間發熱口乾。身疼食少。當作虛勞治。

白朮六錢半

人參

青皮炒

生地

芍藥

陳皮

歸尾

甘草炙半兩

川芎三錢

紅花五分

分十帖。水二盞。煎至三分之一。食前稍熱飲。下保和丸十四粒。與點丸十粒。

一婦人年五十餘。嘗吐血。今又作面黃。身蠕動。食少。

青皮半兩

人參三錢半

白朮

陳皮各三錢

白芍藥

木通各二錢

黃連炒

乾薑

黃芩炒

川芎各錢半

黃柏炒一錢

生甘草

生地各錢半

歸頭二錢

分七帖。水二盞。煎至三分之一。去滓。入藕汁半盞。再煎沸。通口飲之。

夫口鼻出血皆係陽盛陰虛有升無降血隨氣上越出上竅法當補陰抑陽氣降則血歸經也

大補血丸治陰虛吐血

當歸錢一 生地錢一

右以杜牛膝汁浸三日取起酒洗淨入臼內杵千杵為丸桐子大白湯下

〔梅〕治吐血神效方。生地黃汁一升二合。白香膠二兩。以磁器盛入甌。蒸令膠消服妙。一方。獨用生地黃汁半升飲之立止神妙。

〔雲〕五神湯。治婦人熱毒上攻。吐血不止。

生藕汁 刺薊汁 生地汁各二 生薑汁半

白蜜一

右和煎三兩沸。無時以一小盞調炒麪一錢。食前服。聖惠治心熱吐血口乾獨用刺薊搗

絞取汁一
小盞服

〔大〕四生丸治吐血衄血。陽乘於陰。血熱妄行。

生荷葉 生艾葉 生柏葉 生地黃各等分

右研爛丸如雞子大。每服一丸。水三盞煎一盞。德過溫服。經驗治吐血咯血一

味荷葉焙乾為末米湯下二錢七亦佳又
山居治吐血一味側柏葉研細酒調服妙

〔丹〕經血逆行。或血腥或吐血。用韭菜汁服立效。

〔簡〕治吐血咯血。蒲黃一兩。搗為散。每服三錢。溫酒或冷水調服。妙。
治吐血。茜草一兩。生搗羅為散。每服三錢。水一盞。煎七分。放冷食後服。

〔世〕治內損吐血。飛羅麪不以多少微炒。濃磨細墨一匙。茶調下。二錢立效。又方。治吐血。用松烟墨磨汁服。立效。

〔衍〕治大吐血。好墨細末二錢。以白湯化阿膠清稠稀得所。頓服。熱多者尤相宜。

扶痰者清
痰降火

〔丹〕先見紅。後見痰。多是陰虛火逆。痰不下降。四物湯加痰火藥。

治火血上錯經妄行。四物湯加炒山梔。童便薑汁。此後諸方用童便薑汁。雖無痰亦吐血要藥也。一方不用酒。治吐血。紅

山茶花。陰乾為末。每服一錢。用童便半鍾。生薑汁少許。調服。

〔大〕治吐血鼻紅。生薑二分絞汁。并壯健丈夫小便一升。乘熱頓飲。瘥。

痰積者下

〔丹〕又方。以童便一分。酒半分。搗柏葉溫飲之。吐血挾痰積方可下。若一碗兩碗吐者。只補陰降火。用四物大劑之類。挾痰若用血藥。則泥而不行。只治火。其血自止。山梔最清胃腕血。

〔玄〕吐血者。由憂思諸氣鬱極。方散而生熱。則心血妄行。宜玄明粉加黃丹服之。次用四物解毒。加藕節治之。如前症之熱。並宜清之。

血紫
胸中
氣塞
若下
滯
氣

汚血

傷損
吐血

〔仲〕心氣不足吐血衄血瀉心湯主之。亦治霍亂

大黃二兩

黃連

黃芩各一兩

右三味以水三升煮取一升頓服之。

〔海〕雲岐子犀角地黃湯治寸扎血在上焦。

生地二兩

黃芩一兩

黃連一兩

大黃半兩

右咬咀秤一兩水二盞煎去滓食後服之。

〔簡〕治吐血川大黃一兩搗為散每一錢生地黄汁一合水半盞煎三五沸無時服。

〔丹〕吐血覺胸中氣塞上吐紫血桃仁承氣湯下之。

馮鼻氣上奔吐血心膈疼。

枳殼三錢

生地

木通

牡丹皮一錢

青皮二錢

川芎

黃芩

黃連一錢

桃仁二十箇

甘草少

桔梗

分四帖煎服。

或暴吐紫血一碗者無事吐出好此熱傷血死肝中宜服四物解毒

之類。

〔千〕治墜馬積血心胃唾血無數乾荷花根為末酒服方寸匕日三

服。

〔無〕加味芎歸湯。治打撲傷損。敗血流入胃脘。嘔吐黑血。或如荳羹汁。

川芎

當歸

白芍藥

百合水煨

荊芥穗各等分

右剉散。每四錢。水一盞。酒半盞。煎七分。去滓。不拘時候。

內傷
飲食
吐血

〔仲〕夫酒客效者。必致吐血。此因極飲過度所致也。此即肺疽之屬。〔干〕吐血有三種。有內衄。有肺疽。有傷胃。內衄者。出血如鼻衄。但不從鼻孔出。是近從心肺間津液出。還流入胃中。或如荳羹汁。或如切。嗽血凝停胃中。因即滿悶便吐。或去數斗至一石者。是也。得之於勞。倦。飲食過常也。肺疽者。或飲酒之後。毒滿悶。吐之時。血從吐後出。或一合半。升一升是也。傷胃者。因飲食太飽之後。胃中冷。不能消化。便煩悶。強嘔吐。使所食之物。與氣共上衝。因傷裂胃口吐血。色鮮正赤。腹亦絞痛。自汗出。其脈緊而數者。為難治也。嘔韻書音 嗽凝血也

〔無〕理中湯。能止傷胃吐血。以其方最理中脘。分利陰陽。安定血脈。海藏亦云。飲冷傷脾。吐血。以理中湯理治中脘。分利陰陽。此亦理治內衄之法也。方見傷寒。

一合。或半升許。名曰肺疽。

紅棗和核燉

百藥煎煨各等分

右為細末。每服二錢。米飲調下。

外感
雨濕
吐血

扶熱
者內
虛

扶寒
者外
入

除濕湯。治胃雨着濕鬱于經絡。血溢作衄。及血溢流入胃。胃滿吐血。

茯苓

乾薑各四錢

甘草炙

白朮各二錢

右剉。每服四錢。水一大盞。煎八分。去滓服。頭疼。加川芎二錢。最止。

浴室中發衄。此方治胃用吐血。理中湯治傷胃吐血。皆用乾薑為君。丹溪治大吐血不止。亦用乾薑一味。炮為末。重便調服。從治之者。可見乾薑亦為吐血要藥也。

〔丹〕男子年十七。家貧而多勞。十一月得寒病。時吐三兩口血。六脈

緊。齋一日。食減中痞。醫投溫膽湯。枳桔湯。三日後發微熱。口乾不渴。

口中有痰。此感寒也。詢知云。因十日前霜中曾渡三四次溪水。心下

有悲泣事。腹亦飢。遂以小建中湯去芍藥。加桔梗。陳皮。半夏。四帖而

安。又方。治吐血。以交趾桂五錢為末。冷水調服。亦小建中湯治感寒

吐血之義。經云。太陽司天。寒淫所勝。血變于中。嘔血泄血。孰衄。平以

辛熱者。即理中。建中。用乾薑。桂枝。治吐血之類。皆同也。

吐血挾熱者。治法並見血虛。隨火上行條。

〔經〕治嘔血。黃柏好者。以蜜塗炙乾。杵末。用麥門冬熱水調下。二錢

七立瘥。

〔廣〕治心熱吐血不止。生葛根搗汁半大升。頓服。立瘥。

吐血挾寒者。多是口食寒物。身受寒氣之病。治法並見內傷飲食。外

感雨寒條。

〔仲〕吐血不止。柏葉湯主之。

柏葉

乾薑各二兩

艾三把

右三味。以水五升。取馬通汁一升。合煮取一升。分溫再服。馬通即馬屎淋汁
〔廣〕治吐血鼻衄不止。伏龍肝半升。以新汲水一大升。淘取汁。和蜜頓服。

運氣血盜有五。

一曰。熱助心血。沸而盜。經云。少陽司天之政。初之氣。候乃大溫。其病氣沸於上。血盜。又云。少陰司天。客勝甚則血盜。又云。少陽司天。客勝則血盜。又云。火鬱之發。民病血盜。客以鹹寒是也。

二曰。寒攻心血。迷而盜。經云。太陽司天之政。寒濕之氣。持於氣交。民病血盜。治宜苦以燥之溫之也。

三曰。內火格拒。外寒壅遏。而血盜。經云。少陰司天之政。終之氣。燥令行。餘火內格。甚則血盜是也。

四曰。風濕相薄。血盜。及下寒相薄。蒸熱於上。而血盜。經云。太陰司天之政。初之氣。風濕相薄。民病血盜。此風濕相薄血盜也。四之氣。畏火臨。溽蒸化。地氣騰。天氣否隔。寒風曉暮。蒸熱相薄。民病痿痺。熱血暴盜。此地氣之寒相薄。天氣蒸熱於上。而血盜也。

五曰。燥邪攻肝。血盜。經云。歲金太過。燥氣流行。病反側。欬逆甚。而血盜是也。

〔素〕夫傷肺者。脾氣不守。胃氣不清。經氣不為使。真藏壞決。經脈傍絕。五臟漏泄。不衄則嘔。示從容論。傷肺即傷氣。當於氣虛不能攝血條參治之。

〔羅〕門冬。飲子。治脾胃虛弱。氣促氣弱。精神短少。衄血吐血。

五味子五箇

甘草

芍藥

黃芪各一錢

紫苑半錢

人參

歸身

麥門冬

右為籠末。作二服。水煎食後服。

〔本〕天門冬丸。治吐血咯血。能潤肺止咳。

天門冬

甘草

杏仁炒

貝母

白茯苓

阿膠各半兩

右為細末。煉蜜丸如彈子大。每服一丸。嚥津含化。日夜十丸。

〔丹〕酒色過度。飢飽吐血痰血。神妙。

枇杷葉

款花

北紫苑

杏仁去雙仁皮尖

鹿茸炙如法

桑白皮

木通各一兩

大黃半兩

右煉蜜丸。臨臥含化。

經云。怒則氣逆。甚則嘔血。故氣上矣。又云。陽氣者。大怒則形氣絕。而血菀於上。使人薄厥。此皆怒則傷肝氣而嘔血。以黃連香附青黛柴胡甘草平其肝。自愈矣。宜服赤茯苓瀉心湯。

〔世〕治嘔血咯血衄血肝損。白芨為末。米飲調服。神妙。

針灸

〔簡〕治吐血。桐葉搗末。每服二錢。水一盞。煎七分。和滓服。

中蠱毒吐血。見下血門

刺灸吐血有二。

其一取肺。經云。暴痺內逆。肝相搏。血盜鼻口。取天府是也。

其二取筋。經云。手太陽筋病。當所過者。支轉筋痛。甚成息奔。脇急。吐血。治在燔針劫刺。以知為數。以痛為驗。是也。

〔密〕吐血。風府 大椎 鬲俞 肝俞各五分

〔東〕又法。胃脘 賈中 肝俞各沿皮二寸半

〔集〕又法。賈中 中脘 氣海 三里 乳根 支溝 不已。取

下穴。肺俞 腎俞 心俞 膏肓 關元

〔東〕嘔血。脇痛口乾不可效。引腎痛。

不容傍刺向外 上脘三寸 太陵 郄門 神門

〔甲〕嘔血。太陵及郄門主之。嘔血上氣。神門主之。心下有隔。嘔

血上腕主之。嘔血。肩急。脇下痛。口乾。心痛。與背相引。不可效。效則

肩痛。不容主之。

肝脈太甚。為內癰。善嘔衄。全文見治虛實法

診吐血法。見前諸見血門

咳唾血

〔丹〕咳血痰盛身熱多是血虛。

〔丹〕七傷散治勞嗽吐血痰。

黃藥子

白藥子各一兩半

赤芍藥七錢

知母

玄胡索各半兩

鬱金二錢

當歸半兩

山藥

乳香

沒藥

血竭各二錢

右爲末。每服二錢。茶湯下。

本草云黃藥子白藥子治肺熱有功。一法紅花當歸煎湯下。

〔羅〕恩袍散治咯血吐血及治煩躁。

眞生蒲黃

薄荷各一兩

右研勻細。每服三錢。濃煎桑白皮湯調下。

地黃散治一切吐血咯血。能解一切毒。及諸熱煩躁。

茜草根四錢

大豆子

黃藥子

甘草各二兩

右爲細末。每服二錢。新汲水調下。加入參二兩。治痰嗽有血。

〔丹〕痰帶血絲出。童便竹瀝主之。又方。用韭汁童便二物合和。加

鬱金細研入內。服之其血自消。經血逆行。或血腥吐血。唾血。韭汁

服立效。咯血。用薑汁童便青黛入血藥中。加四物湯。牛膝膏。地黃膏

之類。

〔子〕治一切肺病。咳嗽膿血及唾膿血不止方。好酥三十斤。煉取凝

當中醍醐。服一合。日三升。卽止。一切藥皆不及此方。

血虛

〔海〕甘桔加阿膠紫苑湯。治肺痿唾膿血。方見傷寒咽痛門

〔梅〕肺疾膿血。取薏苡仁十兩。杵碎。以水三升。煎取一升。入酒少許

服之。本草云薏苡仁下氣利腸胃消水腫

〔羅〕大阿膠丸。治嗽血唾血。

阿膠微炒

卷柏

生地

熟地

大薊獨根者晒乾

雞蘇葉

五味子各一兩

柏子仁研

茯苓

百部

遠志

人參

麥門冬

防風各半兩

乾山藥一兩

右為細末。煉蜜丸。如彈子大。煎小麥麥門冬湯。嚼下一丸。食後。

右方。保養精血。純補劑也。血虛者宜之。

〔丹〕治上氣喘息。咳嗽吐血咯血。人參細末。雞子清調三錢。五更初

服。便去枕睡。仰臥。只一服愈。年深再服。忌酸鹹酢醬麪等物。及過醉

飽。須好將息。一男子三十歲。因連夜勞倦不得睡。成一痰嗽。出白

黃膿。嗽聲不出。時初春大寒。醫與青龍湯四帖。遂覺咽喉有血絲。腥

氣逆上。兩日後。血腥氣多。遂有血線一條。自口中右邊出直上。如此

每晝夜十餘次。診其脈。弦大而散弱。左大為甚。人倦而苦於嗽。予作

勞倦感寒。強以甘辛燥熱之劑。以動其血。不宜急治。恐成肺痿。遂與

人參黃芪當歸身白朮芍藥陳皮炙甘草生甘草。不去節麻黃。煎熟。

氣虛

入藕汁與之。兩日而病減嗽止。却於前藥去麻黃。又與四日而血症除。脈之散大者。未收斂。人亦倦甚。遂於前藥中除藕汁。加黃芩醋砂半夏。至半月而安。

〔大〕却身散。治肺癆痰嗽。痰中有紅線。盜汗發熱。熱過即冷。飲食減少。

白芍藥六兩

黃芪

甘草

人參

當歸

半夏

白茯苓

熟地

五味子

阿膠二兩 炒各

右以咀。每服三錢。水盞半。生薑二片。棗三枚。煎九分。無時溫服。日三。陳日華云。有女及笄。病甚危。一歲之間。百藥無效。偶得此方。只一料除根。

〔羅〕五味子黃芪散。治嗽。咯血成勞。眼睛疼。四肢困倦。脚軟無力。

麥門冬

熟地

黃芪

桔梗各半兩

甘草一分

白芍藥

五味子二分

人參二錢

右為齏末。每服四錢。水煎。日三服。

雲岐子芩散。涼心肺。解勞熱。

黃芪兩一

白芍藥

黃芩

人參

白茯苓

麥門冬

桔梗

生地各半兩

右為籠末。先用竹葉一握。小麥七十粒。水三盞。薑三片。煎一盞半。入藥末二錢。煎七分。去滓。溫服。

席延賞治虛中有熱。咳嗽膿血。口苦咽乾。又不可服涼藥。好黃芪四兩。甘草一兩。為末。每服三錢。如茶點羹粥中。亦可服。

右參芪例。純補劑也。丹溪云。脈大發熱為氣虛。此氣血俱虛者宜之。若血虛而氣不虛者不宜。當用前阿膠丸之類。及芎藭條求之。

〔丹〕婦人五十六歲。盛夏吐紅痰。有一二聲嗽。

人參錢一

防風分五

白朮半錢

陳皮

茯苓各二錢

乾薑分三

生甘草分一

桔梗半錢

右煎二之一。入藕汁二大蛤。再煎。帶熱下三黃丸。

王升四大發熱。脇痛。咳嗽紅痰。口渴。大便祕。倦怠。脈稍數而虛。詢之發熱會飲水一碗。病因飲食不節。成積痰。發又飲冷水。傷胃成虛。傷肺成痰。

白朮半錢

人參

陳皮

川芎各一錢

芍藥

茯苓

桔梗

甘草各五分

右作二帖。煎取八分。入竹瀝二分。再煎沸熱飲。下龍薈丸廿丸。如嗽三十丸。

右丹溪參朮藕汁竹瀝法也。

脈大發熱。喉中痛者。是氣虛用參芪蜜炙黃芪并荆地黃管蠶汁。童便薑汁。磨鬱金飲之。其血自消。

右參芪加鬱金韭汁童便。補中解鬱也。

〔羅〕黃芪鱉甲散。治虛勞客熱。肌肉消瘦。四肢倦怠。五心煩熱。口燥咽乾。頰赤心忡。日晚潮熱。夜有盜汗。胸膈不利。食減多渴。咳嗽稠粘。時有膿血。

黃芪一兩

桑白皮

半夏

黃芩

甘草炙

知母

赤芍藥

紫苑各五錢

秦朮

白茯苓焙

生地

柴胡

地骨皮各六錢
六分

肉桂

人參

桔梗各三錢
二分

鱉甲去裙
酥炙

天門冬去心焙
各一兩

右為籠末。每服二大錢。水一大盞。食後煎服。

人參黃芪散。治虛勞客熱。肌肉消瘦。四肢倦怠。五心煩熱。咽乾。頰赤。心忡。潮熱。盜汗。減食。咳嗽膿血。

人參一兩

秦朮

茯苓各二兩

知母二錢
半

桑白皮一兩
半

桔梗一兩

紫苑

柴胡二兩
半

黃芪三兩
半

半夏湯洗
兩半

鱉甲去裙酥
炙二兩

右為籠末。每服三錢。去渣服。

右參芪驚甲例。補中有通也。

〔羅〕人參蛤蚧散。治三二年間。肺氣上喘。咳嗽。咯唾膿血。滿面生瘡。遍身黃腫。

蛤蚧 一對全者河水浸五宿逐日換水洗去腥氣酥炙黃色

杏仁 去皮尖炒五兩

甘草 炙三兩

人參

茯苓

貝母

知母

桑白皮 各二兩

右為細末。磁器內盛。每日如茶點服。神效。

〔海〕蛤蚧補肺勞虛嗽有功。治久嗽不愈。肺間積虛熱。久則成瘡。故嗽出膿血。曉夕不止。喉中氣塞。胸膈噎痛。用蛤蚧阿膠生犀角鹿角膠羚羊角各一兩。除膠外。皆為屑。次入膠。分四服。每服用河水三升。於銀石器內。慢火煮至半升。濾去渣。臨臥微溫。細細呷之。其渣候服盡再搥。都作一服。以水三升。煎至半升。如前服。病人久虛。不喜水。當減水。

右蛤蚧例。亦補中有通。久嗽不愈者宜之。

麥門冬湯。治傷寒後傷肺。欬唾膿血。胸膈脹滿。上氣羸瘦。

麥門冬 去心

桑白皮

生地 各一兩

半夏 湯洗七次

紫苑

桔梗 炒

淡竹茹

麻黃 去根節各七錢五分

五味子

甘草 炙各半兩

右爲龕末。每服五錢。水一盞。生薑二錢半。棗三枚。劈破。同煎。去渣。食後溫服。

〔羅〕續斷散。治骨蒸勞熱。傳尸瘦病。潮熱煩躁。喘嗽氣急。身疼盜汗。兼治咳嗽。唾膿血。

續斷

紫苑

桔梗

青竹茹

五味子 各三錢

生地

桑白皮 各五兩

甘草 炙二兩

赤小豆 升半

右爲龕末。每服三錢。入小麥五十粒。水煎去渣。日三服。

〔海〕紫苑散。治咳嗽唾血。虛勞症。肺痿變癰。

紫苑

人參

知母

貝母

桔梗

甘草

五味子

茯苓

阿膠

右爲龕末。生薑水煎服。

右門冬五味例。亦補中有通也。

〔外〕療傷唾血方。用茅根一味。服方寸匕。日三服。亦可絞汁飲之。主熱渴。

〔丹〕治勞瘵傳尸。寒熱交攻。久嗽咯血。日漸羸瘦。先服三拗湯。與蓮心散。萬不失一。

三拗湯

麻黃不去節

甘草生

杏仁不去皮尖

右剉碎。薑棗煎服。

蓮心散

當歸

黃芩

甘草炙

枳殼炒

鱉甲醋炙

前胡

柴胡

防己

阿膠

蓮肉去心

南星各一錢

川芎兩

芫花醋炒十分乾黑

右十二味。以咀合和。獨芫花另包。每服二錢半。水一小盞半。生薑

二片。棗一枚。入芫花一撮。煎八分。服無時。須吐有異物後。芫花漸

減。蓋芫花反甘草。多之所以殺蟲。少之所以去寒熱。妙處在此。與方

纂要不同宜考之

攻中有補

〔本〕治勞瘵吐血損肺。及血妄行。神傳膏。用剪草一斤。葵台州皆有。

惟葵州者可用。狀如茜草。又如細辛。每用一斤。淨洗為末。加入生蜜

一斤。和為膏。以器盛之。不得犯鐵。九蒸九曝。日一蒸曝。病人五更起。

面東坐。不得語。用匙挑藥。如粥服。每服四兩。良久。用稀粟米飯壓之。

藥冷服。粥飲亦不可太熱。或吐或下。皆不妨。如久病肺損咯血。只一

服愈。尋常咳嗽。血妄行。每服一兩可也。有一貴人其國討寇。其

人常以此方畀之。九日而藥成。前一夕。病者夢人戒令。翌日勿亂服藥。次日將服之。爲屋上土墜器中。不可服。再合既成。又將服之。爲貓覆器。又不得服。又再合未就。而是人卒矣。此藥之異如是。若小小血妄行。一噉而愈。或云是陸農師夫人。鄉人艾孕先。嘗親說此事。渠後作大觀本草。亦收入集中。但人未識。不肯信爾。

〔外〕療咳逆。唾膿。且雞子湯。

雞子箇一

甘草炙二分

甘遂分一

大黃分二

黃芩分二

右用水六升。煮取二升。去渣。內雞子攪令調。盡飲之。良。忌海藻菘菜。

〔子和〕臆陽劉氏一男子。年二十餘歲。病勞嗽咯血。吐唾粘臭。近不可聞。秋冬少緩。春夏則甚。寒熱往來。日晡發作。狀如痲瘧。寢汗如水。累服麻黃根敗蒲扇止汗。汗自若也。又服寧神散寧肺散止嗽。嗽自若也。戴人先以獨聖散湧其痰。痰狀如雞黃。汗隨湧出。昏憤三日不省。時時飲以涼水。精神稍開。飲食加進。又與人參半夏丸。桂苓甘露散服之。不數日愈。

〔丹〕台州林德方。年二十餘歲。得嗽而咯血發熱。肌體漸瘦。衆醫以補藥調治數年。其症愈甚。予診其六脈皆盛。予曰。此好色而多怒。精

脈浮
大作
虛治

脈沉
滑作
實治
熱

血耗少。又因補塞藥太多。榮衛不行。汚血內積。肺氣壅遏。不能下降。治肺壅。非吐不可。精血耗少。非補不可。惟倒倉二者俱備。但使之吐多於瀉耳。兼灸肺俞五次而愈。

〔雲〕雞蘇丸。治虛熱昏憤。倦怠。下虛。上壅。嗽血衄血。

雞蘇葉斤半

黃芪兩一

甘草

川芎各半兩

防風兩一

桔梗兩半

荆芥兩二

甘菊三兩

生地兩半

腦子半錢

右為細末。煉蜜丸。如彈子大。每服一丸。麥門冬去心。煎湯嚼下。若肺損吐血。日漸乏力。瘦弱。行步不得。喘嗽痰涎。或發寒熱。小便赤澀。加車前子二錢。用桑枝剉炒香。煎湯嚼下。

脈浮大者作虛治。宜虛條下參芪諸方主之。若浮大而上壅甚者。宜此雞蘇丸方。脈沉滑有力者作實治。宜實條諸方主之。

〔丹〕先痰嗽。後見紅。多是痰積熱。降痰火為急。痰涎帶血出。此胃口熱血蒸而出。重則山梔。輕則藍實。荆芥能散喉管痰血。

欬血方

青黛

瓜蒌實

訶子

海石

山梔

右為末。薑汁蜜調。噲服。嗽甚。加杏仁。後以人物湯加減調理。

〔垣〕鄭仲本年二十三歲。因心痛。服丹附等藥。得上氣病。膈兩脇急迫。脹觸不快。便時嗽。咯出血。病形漸瘦。大便燥而難。脈弦數。夜間略熱。食稍減。因與燈籠草和節麻黃細末。以白朮桔梗木通甘草湯調下。十餘服。病減半。又與通聖散。去石膏為丸。以桃仁湯下之。

〔經〕治咯血。黃藥子漢防己各一兩。為末。每服一錢。七水一盞。小麥二十粒同煎。食後溫服。

〔羅〕朱砂膏。鎮心安神解熱。及肺損嗽血等疾。

蒼朮二錢

朱砂另研

生犀

人參

玳瑁

甘草炙

珍珠末各一兩

牛黃

麝香

龍腦

南鵬砂

琥珀另研

羚羊角

安息香醋煮另研

赤茯苓去皮

遠志去心各半兩

鐵粉

蘇合香油和藥亦得各一兩

右為末。煉蜜。破蘇合香油劑。諸藥為小錠子。更以金箔裹之。磁器收貯。每服一皂子大。食後嚥化。衛尉葉丞得效。并阿膠丸相雜服。

此藥治血安神。更勝至寶丹。每兩作五錠子。

肺熱咳唾血。惟七傷散。用黃藥子白藥子。最有效方。見血鬱血汚條。又脈浮數。忌灸。若誤灸之。必唾血。仲景云。脈浮熱甚。反灸之。必咽燥唾血是也。孫兆因博士王珣。患咽喉噎塞。胸膈不利。時發寒熱。夜

寒

多盜汗。忽心胸塞悶。咳血三數日即止。晚後脈數。口乾。涎唾稠粘。咳嗽一二聲不透。肩背微痛。嘗於關元氣海中脘三里等穴着艾。不許病得之。肺虛。其狀中客熱症。皆因誤灸服暖藥所致。遂與外臺第一廣濟紫苑湯為丸合服之。立效。方未考

〔千〕百部丸。主諸咳不得氣息唾血方。

白部根二兩

升麻半兩

桂心

五味子

甘草炙

紫苑

乾薑各一兩

右七味。蜜丸。桐子大。每服三十九丸。日三次。知為度。忌生葱海蔘松菜。

〔外〕療肺偏損胸中虛。肺偏痛唾血氣欬。款冬散。

款冬花

當歸各六分

桂心

芎藭

五味子

附子炮各七分

細辛

貝母各四分

乾薑

生地各八分

白朮

甘草炙

杏仁去皮尖各五分

紫苑三分

右共為末。清酒服。方寸七日二服。忌生葱生菜桃李雀肉海藻菘

菜猪肉蕪荑。

按唾血咳血。屬寒者少。今此二方。用薑附熱劑。蓋為腎足少陰脈

是動。病咳唾血者設也。用者審之。

肺虛
宜酸
收之

肺盛
宜辛
散之

〔脈〕肺傷者。其人勞倦。則咳唾血。其脈細緊浮數。皆吐血。此為躁擾。嗔怒得之。脈傷氣壅所致。

經云。肺脈不及。則令人喘。呼吸少氣而咳。上氣見血下者。此病皆肺虛。咳唾血之症。治法並見氣虛條。

治虛勞。久嗽咯血。用五倍子焙為細末。每服一錢。用溫茶一大口許調勻。食後米飲半盞調服。

〔玄〕肺經嘔咳諸血。及痰中有血。初用生蘿蔔汁半盞。入鹽少許。服之立效。如無生蘿蔔。用蘿蔔子一錢。蘇葉一錢。同煎服。次用雞蘇散。

加阿膠治之。本草云。蘿蔔大下氣。氣下則血亦下也。

〔經〕治咳嗽甚者。或有吐血。鮮桑白皮一斤。米泔浸三宿。淨刮上黃皮剉細。入糯米四兩焙乾。一處搗為末。每服一二錢。米飲調下。此方神效。

〔本〕治久嗽咯血。成肺痿。及吐白涎。胸膈滿悶不食。扁豆散。

扁豆

生薑各半兩

枇杷葉去毛

半夏

人參

白朮各一分

白茅根三分

右剉。水三升。煎一升。去渣。下檳榔末一錢和勻。分四服。不拘時候。

〔干〕治上氣咳嗽。喘息。喉中有物。唾血方。

生薑汁

杏仁各一升

糖

蜜各一升

猪膏二合

右五味。先以猪膏煎杏仁色黃。出之。以紙拭令淨。搗如膏。又和薑汁。蜜糖等合煎。令可丸。每服如杏仁一枚。日夜六七服。漸次增加之。右後二方。生薑多。肺虛及汗多亡陽。與血下便者忌用。

咳唾

〔素〕少陰所謂咳。則有血者。陽脈傷也。脈解篇

運氣咳唾血有二。

一曰熱傷肺。經云。少陰司天。熱淫所勝。民病唾血。又云。少陽司天。火淫所勝。病欬唾血。治以鹹寒是也。

二曰濕傷腎。經云。太陰司天。濕淫所勝。咳唾則有血。治以苦熱是也。

〔丹〕治咯血。用白芨一兩。藕節半兩。為細末。每一錢。湯調服。神效。或云。芩下咽至血竅。則竅為芩末填而血止也。

〔山〕咯血。新棉灰半錢。酒調下。

針灸唾嗽血毒。取足少陰一經。經云。腎足少陰之脈。是動則病咳唾有血。視盛虛熱寒。陷下取之也。

〔東〕吐血內損。地五會三分灸魚際五分

尺澤一寸

〔甲〕唾血時。寒熱。瀉魚際。補尺澤。唾血振寒。啞乾。大淵主之。內傷唾血不足。外無膏澤。地五會灸。胸膈脹滿。咳逆上氣。呼吸及唾

雜方

針灸

濁沫膿血庫房主之

〔外〕治上氣唾膿血灸兩乳下黑肉際各一十壯。

〔仲〕寸口脈數其人咳口中及有濁唾涎沫者何。師曰此為肺痿之病。若口中辟辟燥咳即胸中隱隱痛脈反滑數此為肺癰。咳唾膿血脈數虛為肺痿。數實為肺癰。

右肺痿唾膿血治法散見本門諸方。若肺痿但唾涎沫無膿血者。見咳嗽門。

肺脈微急為肺寒熱急情咳唾血引腰背痛。若鼻息肉不通。經云急者多寒○全

文見治虛實法

〔素〕肺脈搏堅而長當病吐血。王註云肺虛極則咯逆故唾血○脈要精微篇

〔脈〕唾血脈緊強者死滑者生。

手少陰筋病內急心承伏梁下為肘網其成伏梁唾膿血者死不治。

全文見筋曰伏梁心之精在膈上

心脈微緩為伏梁在心唾血。全文見虛實法

〔羅〕肺痿辨。華嚴寺何上座年未四十四月間因澡浴大汗出還

寺剃頭傷風寒頭疼四肢困倦就市中撮取通聖散服之又發汗頭

疼少減再日復作又以前藥發之汗數次四肢添勞重喘促自汗惡

風咳而有血賴於言語飲食減少求醫治之與藥又多以生薑為引。

至六月間精神愈困。飲食減少。形體羸瘦。或咳或唾。經血極多。請予治之。具說前由。診其脈浮數七八至。按之無力。予曰。不救矣。或曰。何為不救。予曰。血之與汗。異名同類。奪汗者無血。奪血者無汗。金匱要略云。肺痿之病。從何得之。師曰。或從汗出。或被快藥下利。重亡津液。故得之。今肺氣已虛。又以辛藥瀉之。重虛其肺。不死何待。藏氣法時論云。肺欲收。急食酸以收之。以酸補之。以辛瀉之。蓋不知內經之旨。仲景云。醫術淺狹。懵然不知病源為治。乃誤發汗吐下之相反。其禍至速。世人但務彼翕習之榮。而莫見此傾危之習。惟明者居然能護其本。近取諸身。夫何遠之有焉。其僧不數日果亡。

妊孕咳唾血

〔心〕妊孕寒熱往來。咳嗽血痰。或嘔吐不食。無方。或喘滿乳脊相應痛。或口中唾如霜雪。出語無聲。或耳鳴。或痰涎。日夜數碗。誤用熱藥之故也。風門 魂戶各五分 支溝 間使各相遠

如寒熱未解。百節痠癢皆憤。再取絕骨五分 太溪三分

如脈氣未平。瀉太淵。太白各二分 熱府

已上穴。實瀉虛補。治產前病立效。此病安後半年。必有一變。四肢消瘦。單腹腫脹。即取陰交一穴。去其惡物也。

瘦血

氣虛

〔無〕玉屑膏。治尿血并五淋。砂石。疼痛。不可忍受者。

黃芪

人參各等分

右為末。用蘿蔔大者。切一指厚。三指大。四五片。蜜淹。少時蘸蜜炙乾。復蘸復炙。盡蜜二兩為度。勿令焦至熟。蘸黃芪人參末吃。不以時仍以鹽湯送下。

〔外〕療虛尿血方。乾膠三兩。炙搗末。酒二升。和溫服。

〔無〕髮灰散。治小便尿血。

髮灰

本草云髮灰能消瘀血通關格利水道破癰疽血衄丹溪云髮補陰甚捷

右一味。每用二錢。以米醋二合。湯少許服。并花水調亦得。一法茅草根車前子煎湯。調下尤妙。兼治肺疽心衄內崩吐血一兩口。或舌上出血如針孔。若鼻衄吹內立已。

〔葛〕治小便出血。當歸四兩。細剉。酒三升。煮取一升。頓服。

〔丹〕有血虛四物湯。加牛膝膏。

悲哀太甚。則胞絡絕。胞絡絕。則陽氣內動。發則心下崩。數洩血也。文全

見

〔姚氏〕治小便出血。龍骨末方寸匕。水調溫服。日三服。瘥。

〔肘〕治淋下血。麻根十枚。水五升。煮取二升。一服。取血神效。

〔經〕治尿血不止。以鬱金一兩。搗為末。葱白一握。相和水一盞。煎三

汚血

盡可去脫

胞絡絕則洩血

血虛

合。去渣。溫服。日三服。

〔濟〕鹿角膠丸。治房室勞傷。小便尿血。

鹿角膠半兩

沒藥另研

油頭髮灰各三錢

右爲末。用茅根汁。打麩糊丸。如桐子大。每服五十丸。鹽湯下。

胞移熱於膀胱。則癰溺血。全文見診病傳變

〔仲〕熱在下焦者。則尿血。亦令淋瀝不通。

〔丹〕溺血屬熱。山梔炒水煎。或用小薊琥珀。

〔玄〕小便出血。是心伏熱在於小腸。宜鏡面草自然汁。加生蜜一匙。

服之。以八正散加麥門冬。葱煎服。如小便澀痛。以海金砂細末調治。

之。八正散見淋條

〔外〕治尿血。車前草搗取汁五合。空心服之。

〔濟〕小薊飲子。治下焦結熱。尿血成淋。

生地兩

小薊根

滑石

通草

蒲黃炒

藕節

淡竹葉

當歸去蘆酒浸

山梔仁

甘草炙各半兩

右以咀。每服四錢。水一盞。煎八分。空心溫服。

〔蕪〕葶草汁法。方見淋

〔丹〕尿血實者。可用當歸承氣湯下之。後以四物加山梔。當歸承氣湯

熱

實熱

〔脈〕尺脈滑。氣血實。婦人經脈不利。男子尿血。宜服朴硝煎大黃湯下。去經血。針關元瀉之。

〔丹〕冬藥散。治小便出血。及腸風下血。用夏枯草燒灰存性。為末。米飲下。一方用涼水調下。

少陰瀉。則病積。瘦血。又見積塊

咳而且瘦。血脫形。其脈小勁。是逆也。全文見診生死

咳瘦血。形肉脫。脈搏。是逆也。同上○凡脈曰勞曰強曰勁曰搏者皆謂有力而實也

妊娠尿血

〔聖〕治妊娠尿血。用阿膠炒黃為散。每食前以粥飲調下二錢七。

〔大〕治妊娠尿血。

阿膠

熟地各等分

右為末。空心粥飲調二錢。

下血

〔丹〕下血不可用純寒涼藥。必於寒涼藥中。加辛味為佐。久不愈者。後用溫劑。必兼升舉。藥中加酒浸炒涼藥。如酒煮黃連丸之類。凡用血藥。不可單行單止。腸風獨在胃與大腸出。治用黃芩秦艽槐角升麻青黛。定腸風痛。用蒼朮滑石當歸生地黃黃芩甘草。下

血屬虛者。當溫散之。四物加乾薑升麻。

便血過多者。四物加蠟皮。

有熱者。四物加山梔升麻秦芫阿膠。

有兼風者。蒼朮秦芫芍藥。

香附。胃清血。非藍實不除。

〔本〕如下清血色鮮者。腸風也。血濁而色黯者。藏毒也。肛門射如血線者。蟲痔也。亦是一種下部虛。陽氣不升。血隨氣而降者。

仲景云。脈弦而大者。弦為緊。大為芤。緊則為寒。芤則為虛。寒虛相搏。此名為革。婦人則半產漏下。男子則亡血失精。此下部虛而下者也。若得革脈。須宜服溫補藥。蟲痔宜熏。千金用蠟皮艾者佳。予嘗用有

效。方見痔。

〔垣〕升麻補胃湯。治宿有腸血症。因五月大熱。吃杏腸餅。下血遠三四尺。散漫如篩。腰沉沉然。腹中不痛。血色紫黑。病名濕毒腸餅。是陽明少陽經血症。升陽湯主之。

升麻半錢

羌活一錢

獨活五分

柴胡

防風各錢半

葛根三分

肉桂少許

白芍藥五分

牡丹皮半錢

黃芪一錢

熟地

生地各五分

歸身三分

甘草炙五分

右剉如麻子大。作二服。水二盞。煎一盞。去渣。稍熱。食前服。

和中益胃湯。治太陰陽明腹痛。大便常溏泄。若不泄。即秘而難。見在

扶瀝

虛者宜升補

蟲痔宜熏

革脈為虛補

辨腸風藏毒蟲痔

後傳。作濕熱毒下鮮紅血。腹中微痛。脇下急縮。脈緩而洪弦。中指下得之。按之空虛。

熟地三錢

歸身酒洗三分

升麻五分

柴胡五分

蘇木一分

藁本二分

甘草後三分

益智三分

右作一服。水三大盞。煎至一盞。去渣。午食前溫服。一帖愈。

升陽除濕和血湯。治腸僻下血。另作一派。其血御出有力。而遠射四散如篩下。春二月中旬。日下二行。腹中大作痛。乃陽明氣衝熱毒所作也。當升陽去濕熱和血脈。不兩服而愈。

生地

牡丹皮

甘草各五分

白芍藥一錢

熟地

黃芪一錢

升麻七分

歸身

蒼朮

秦朮

肉桂各三分

陳皮二分

甘草後五分

右以咀作一服。水四大盞。煎一盞。稍熱。空心服。立效。

益智和中湯。治腸僻下血。紅或深紫黑色。腹中痛。腹皮惡寒。右三部脈中。指下得之。俱弦。按之無力。關脈甚緊。肌表陽明分涼。腹皮熱。而喜熱物熨之。內寒明矣。

升麻錢一

葛根五分

白芍藥錢半

甘草後一錢

桂枝四分

益智五分

半夏五分

肉桂一分

歸身錢一

黃芪錢一

乾薑許少

牡丹皮

柴胡各五分

右為龕末。作一服。水三盞。煎一盞。食後溫服。

挾不
如意

實者
清表
攻裏

〔丹〕婦人年六十。性多沉怒。大便下血。十餘年不止。食減形困。心搖動。或如烟熏。情性極惡。早起面微浮急。此時便血尤未盡絕。中間若得一二日不來。則意思稍清。但遇稍不如意事。則血復作。百法不治。左三部脈浮大。稍重手則無。久取之。又似滯澁。而至數不勻。右三部沉澁細弱。寸脈沉絕。予謂氣鬱生涎。涎鬱胸中。清氣不升。經脈壅遏不降。心血絕少。不能自養。所以有如熏之狀。非開涎不足以行氣。非氣行則血不能歸隧道。以壯脾為君。諸藥佐之。遂以二陳湯加酒紅花。升麻當歸身。酒黃連。青皮。貝母。澤瀉。黃芪。人參。白朮。酒芍藥。每帖生附子一小片。煎服。四帖後血止。遂去附子。加乾葛。牡丹皮。山梔子。而如熏之狀亦除去。又於前方。加礞砂。炒神麩。熟地。木香。倍參朮。服半月而全愈。治下血。蒼朮。地黃。同搗細末為丸。不用鐵器。

〔玄〕大便下血。曰腸風。切勿止澁。究其本末症狀。先清其表。後攻其裏。其血自止。如脈洪大。宜後方四物合解毒湯調治。解毒湯方見發熱

〔本〕治腸風瀉血。

牽牛五兩

牙皂三兩不蛀者搥碎

腹中
不痛
者為
漏毒

腹中
痛者
為熱
毒

長夏
病甚
者為
濕熱

右二味。水浸三日。後除皂角不用。將酒一升。煮令乾。焙為末。煉蜜丸。如桐子大。每服七丸。溫酒送下。空心。日午夜臥各一服。或轉下黃物不妨。病可後。每日常服五丸。飯飲送下。

〔潔〕黃連湯。治大便秘下血。腹中不痛者。謂之濕毒下血。

黃連

當歸各五錢

甘草炙二錢半

右呔咀。每服五錢。水煎。

芍藥黃連湯。治大便秘下血。腹中痛者。謂熱毒下血。

芍藥

黃連

當歸各半兩

大黃一錢

淡桂五分

甘草炙二錢

右呔咀。每服五錢。水煎。如痛甚者。調木香榔檳末一錢。服之。

〔垣〕夫腸癖者。為水穀與血。另作一派。如瀉桶湧出也。夏濕熱太甚。正當客氣盛。而主氣弱。故腸癖之病甚也。以涼血地黃湯主之。

黃柏去皮

知母炒各一錢

青皮炒

槐子炒

當歸

熟地各五分

右呔咀。俱作一服。水一盞。煎七分。溫服。如小便澁。臍下悶。或大便前後重。調木香檳榔細末各半錢。稍熱於食前空心服。如裏急後重。又不去者。當下之。如腹中動搖有水聲。而小便不調者。停飲也。診是何臟。以去水飲藥瀉之。假令脈洪大。用瀉火利小便之。

類是也。如胃虛不能食。而大渴不止。不可用淡滲之藥止之。乃胃中元氣少故也。與七味白朮散補之。方見消渴如發熱惡熱煩躁。大渴不止。肌熱不欲近衣。其脈洪大。按之無力。或無目痛鼻乾者。非白虎湯症也。此血虛發躁。當以黃芪一兩。當歸二錢。以水煎服。如大便祕塞。或裏急後重。數至圜而不能便。或少有白膿。或少有血。慎勿利之。利之則必致病重。及鬱結不通。以升陽除濕防風湯。升其陽則陰氣自降矣。

升陽除濕防風湯

蒼朮酒浸炒去皮淨四錢 白朮一錢

白茯苓

白芍藥各一錢

防風二錢

右以水一碗半。煮至一大盞。內諸藥同煎。至一大盞。去渣。稍熱。空心食前服。如飧泄不禁。以此藥導其濕。如飧泄及泄不止。以風藥升陽。蒼朮益胃去濕。脈實。腹脹閉塞不通。宜從權。以苦多甘少藥泄之。如得通。復以升陽湯助其陽。或不便。以升陽湯中加泄藥通之。

當歸和血散。治腸辟下血。或濕毒下血。

槐花

青皮

荆芥

熟地

白朮各六分

當歸

升麻各一錢

川芎四分

右爲末。每服二三錢。清水飲湯調。食前下。

〔本〕治腸風臟毒。槐花散。

槐花炒

柏葉搗爛

荊芥

枳殼

右等分爲末。每服二錢。米飲調。空心食前服。經驗治下血槐花荊芥等分爲末酒調下一錢

〔玄〕大便下血者。肺與大腸受熱。宜四物同解毒藥。入艾煎。下三黃

丸調治之。

〔丹〕治便血久久傷血。并麻風症。癬瘡見面者用。

龜板兩二

升麻

香附各半

白芍藥一兩

側柏葉兩一

椿皮七錢

右爲末。粥丸。先用四物。加白朮黃連甘草陳皮等藥。作湯送下。

積熱便血。

蒼朮

陳皮各二錢半

黃柏

黃芩各七錢半

連翹錢半

生地膏兩六

右爲末。以地黃膏搜爲丸。

脈緩大。口渴便血。月經紫色。勞挾濕熱。

白朮錢五

地黃

黃柏炒

白芍藥各三錢

地榆錢二

黃芩錢一

香附錢二

右爲末。炊餅爲丸。

寒濕
下血
者為
結陰

孫用和。治腸風瀉血。黃芪黃連等分。為末。酒糊丸。如菘荳大。每服三十丸。米飲下。

〔羅〕結陰丹。治腸風下血。臟毒下血。諸大便秘疾。

枳殼款

葳靈仙

黃芪

陳皮去

椿根白皮

何首烏

荆芥穗各半

右為末。酒糊丸。如桐子大。每服五七十丸。陳米飲入醋少許煎過。

放溫送下。

〔本〕椿皮丸

臭椿皮刮去鱗皮
焙十四兩

蒼朮

枳殼各二兩

右為末。醋糊丸。如桐子大。空心食前。米飲下三四十丸。

治腸風瀉血。久不止。玉屑丸。

槐根白皮去鱗皮

苦棟根去皮各三兩

椿根白皮四兩三味於九月後
二月前取軟者晒乾

天南星

半夏各半兩
並生用

葳靈仙一兩

寒食麩三兩

右為末。滴水丸。如桐子大。每服三十丸。以水一盞煎燒下丸子。煮

令浮。以匙抄起。溫溫送下不嚼。空心食前服。頃年有人下血。幾盈

盆。頓爾疲萎。諸藥不效。予曰。此正腸風。令服玉屑丸。三服而愈。

〔經〕治臟毒下血。以苦棟子炒黃。為末。蜜丸。米飲下。十丸至二十丸

甚妙。

〔斗〕治腸風痔瀉血。羊蹄根葉。蒸爛一碗。食之立瘥。

〔外〕治卒下血不止。龍膽草一虎口。以水五升。煮取二升半。分爲五服瘥。

〔本〕蕨菜花不以多少。文武火焙乾爲末。每服三錢。飯飲調下。

〔子和〕一男子臟毒下血。當六月熱不可堪。自甘於死。忽思蜜水。猛捨性命。飲一大盞。痛止血住。

〔素〕結陰者。便血一升。再結二升。三結三升。驟龍吉云結陰之病陰氣內結不血也其脈虛澁者是也因血得外行血無所稟滲入腸間故便結不行故下。〇陰陽別論

血泄者脈急。血無所行也。從容

〔羅〕眞定總管史侯男。年四十二歲。形體本瘦。因勉強飲酸酒。得腹痛。次傳泄瀉。十餘日。便後見血。或紅或紫。腸鳴腹痛。醫以諸見血皆熱。治以芍藥柏皮湯之類。前證如故。仍不欲食。食則嘔酸。形體愈瘦。面色青黃不澤。心下痞。惡冷物。口乾。時有煩躁。不得安臥。請予治之。診得脈弦細而微遲。手足稍冷。內經曰。結陰者。便血一升。再結二升。三結三升。又曰。邪至五臟。則陰脈不和。陰脈不和。則血留之。結陰之病。陰氣內結。不得外行。血無所稟。滲入腸間。故便血也。以平胃地榆湯主之。

蒼朮錢一

白朮

陳皮

茯苓

厚朴各五分

甘草炙

乾薑

當歸

炒麩

白芍藥

益智仁

人參各三分

地榆七分

升麻一錢

葛根五分

黑附子炮一錢

右作一服。水二盞。生薑三片。棗二枚。煎至一盞。去渣。食前溫服。此藥溫中散寒。除濕和胃。數服病減大半。又灸中脘二七壯。引胃氣上升。次灸氣海百壯。生發元氣。灸則強食生肉。以還少丹服之。至春再灸三里二七壯。溫脾壯胃。生發元氣。次服芳香之劑。慎言語。節飲食而愈。

日食
寒物

身感
寒氣

〔海〕楊師大醉。醒發大渴。飲水三大盞。又飲冰茶三碗。後。病便鮮血四次。約一盆。先與吳茱萸丸。翌日。又與平胃五苓各半散。三大服。血止後自利。又與神應丸。四服自利乃止。或問曰。何不用黃連之類以解毒。予曰。若用寒藥。其疾大變。難治。寒飲內傷。復用寒藥。非其治也。况血為寒所凝。入大腸間。而便下血。溫之乃行。所以得熱則自止。楊氏飲冷酒。瀉血。服對金散止。亦理中脘。分利陰陽。安定血脈之意也。唐生病。因飲酪水。及食生物。下利紫黑血十餘行。脾胃受寒濕毒。與六神平胃散半兩。加白朮三錢。以利腰臍間血。一服愈。

〔易〕胃風湯。治大人小兒。風冷乘虛。入客腸胃。水穀不化。泄瀉注下。及腸胃濕毒。下如荳汁。或下瘀血。日夜無度。

人參

茯苓

川芎

官桂

當歸

芍藥

白朮分

右咬咀。每服二錢。水一大盞。粟米百餘粒。同煎七分。去渣。稍熱空

心服。小兒量力增減。若加熟地黃。芪甘草等。分爲十味。名十補

湯。若虛勞嗽。加五味子。若有痰。加半夏。若發熱。加柴胡。

若有汗。加牡蠣。若虛寒。加附子。若寒甚。加乾薑。皆依本方等

分。若骨蒸發熱。飲食自若者。用十補湯。加柴胡一兩。若氣弱。

加人參。若小便不利。加茯苓。若脈弦澀。加川芎。若惡風。加

官桂。若脈澀。加當歸。若腹痛。加白芍藥。若胃熱濕盛。加白

朮。

〔潔〕治血下。防風爲上使。黃連爲中使。地榆爲下使。若血瘀色紫

者。陳血也。加熟地黃。若血鮮色紅者。新血也。加生地黃。若寒熱

者。加柴胡。若肌熱者。加地骨皮。若脈洪實痛甚者。加酒浸大黃。

治腸風。烏荊丸。

川烏頭一兩地 去皮尖 荆芥穗二兩

右爲末。醋丸桐子大。每服二十九丸。溫酒送下。熱水亦得。有病發時。

食前。日三服。無病時。日一服。

〔仲〕下血。先便後血者。此遠血也。黃土湯主之。

甘草

熟地

白朮

附子炮

五五

衄血

阿膠

黃芩各三兩

灶中黃土半升

右七味以水八升煮取三升分溫二服

下血先血後便者此近血也赤小豆當歸散主之

赤小豆

五兩浸令芽出曝乾

當歸兩

右杵為末漿水服方寸匕日三服

梅師云治熱毒下血或因食熱物發動以赤豆杵末水調吞下方寸匕又方治腸風赤小豆炒

黑為末每服二錢米飲調下

內傷飲食

食飲不節起居不時者陰受之陰受之則入五臟入五臟則腹滿閉塞下為飧泄久為腸癖全文見五臟

〔素〕因而飽食筋脈橫解腸癖為痔生氣通天論

右飲食不節腸癖如羅謙甫治真定總管史侯男飲酸酒下血法及海藏治楊師飲冰茶下血法治唐生飲酪水下血法是也並見寒濕條

〔世〕治酒積下血不止糞後見諸藥不效

神麴半兩 白酒藥二丸

神麴

白酒藥

右同為末用清水平調捏作餅子慢火上炙黃為細末每服二下白湯調下亦治泄瀉神效

〔靈〕春傷於風夏生飧泄腸癖論疾診尺篇

〔易〕胃風湯治風冷乘虛入客腸胃下血方論寒

外感風寒

〔丹〕治腸風下血及血崩。用五靈脂炒去火毒每膠一錢。

〔世〕腸風下血。馬鞭草葉研碎扭汁服。

〔丹〕臟毒下血。車前草連根一握。生薑一小塊。新水研碎。去渣。候血欲下時。腰間必覺重。便服此藥一盞。少坐。漸覺冷下腹中。即登廁。已不見血矣。甚者不過再服。

〔本〕治腸風臟毒。酒痢下血。

黃連 生薑

右二味煎湯。下二氣丸。次服五槐丸。方列于後。

又方

金星草 三兩草味苦寒
大解丹石毒

陳乾薑

右為末。每服一錢。新汲水調。空心服。

孫真人治糞後有血。濃煎艾葉湯。和生薑汁三合。服之。

〔本〕治臟毒。蒜連丸。鷹爪黃連末。用獨頭蒜一顆。煨香熟。研和丸。如桐子大。每服三四十丸。陳米飲下。

〔衍〕患暴下血。以葫五七枚。去梗皮。量多少。入豆豉。搗為膏。可即丸。

如桐子大。以米飲下五六十九丸。無不愈者。葫即蒜也本草稱其能清血

〔垣〕烏梅丸。治腸風下血。服之立效。

眞僵蠶 一兩 烏梅肉 焙乾

右為末。薄糊丸。如雞頭肉大。每服百丸。食前白湯送下。日三服。

〔本〕五槐丸。治臟毒。

五倍子

槐花陳者

百藥煎好者各等分

右焙乾為末。酒糊丸。如桐子大。每服二十九丸。空心米湯下。一日三服。

〔丹〕治下血。用白芷五倍子為末丸服。

〔本〕治腸風。

五倍子

白礬各五分

右為末。順流水丸。如桐子大。每服七丸。米飲下。忌酒。

右酸寒之劑。

〔干〕糞前有血。令人面黃。石榴皮取末。茄子枝湯下。

〔丹〕治腸風下血。百藥不效。有一良醫。獨用山裏棗。俗名鼻涕團。又名酸棗。最治下血之疾。試取乾者為末。服之。應手而安。藥苟對症。其

效若此。烏可以賤而忽之哉。衍義云。棗微熱。

右酸熱之劑。

〔本〕

丈夫傷血。婦人血崩潰。入大腸出血。

草薺

檳榔各妙紫色

鶯粟殼燒

右等分為末。每服二錢。空心米飲調下。

〔世〕冬藥散治腸風下血方見瘦血

〔博〕治遠年日久腸風下血不止。枳殼燒灰存性。羊脛炭為末。和勻用濃米飲一中盞調下。空心五更初。一服。如人行五里再服。立效。每服

枳殼灰五錢
炭末七錢

〔本〕治腸風。炒赤小荳散。方見上下血條赤豆當歸散下註

又方。瓜萁三箇。燒灰存性。每服三錢。空心米飲調下。

〔靈苑〕治腸風下血久不止。茄蒂燒存性為末。每服三錢。食前。米

飲調下。丹溪云茄蒂燒灰存性山梔炒等分為末丸之米飲下百丸

〔本〕治腸風。絲瓜燒灰存性。空心溫酒調服二錢。

〔食療〕治下鮮血。梔子燒灰。水和一錢。服之。量其大小多少服之。

〔廣〕治瀉血不止。桑耳一兩。熬令黑。水一大升。三合。煎取六大合。去

渣。空心分溫三服。

〔本〕治腸風下血。

核桃殼 繭退 皮鞋底 赤雞冠花分

右燒灰為末。每服一錢。空心溫酒下。

又方。治臟毒。

當歸 枳殼 側柏葉 陳槐花子

百草霜 芍藥各一兩

雜方
針灸

右剉碎一處炒令烟微起為末。每服二錢。空心溫酒調下。日午米湯下。各食前服。甚妙。

〔丹〕一方。治腸癖。用陳年棕櫚燒灰。百藥煎為丸服。

〔本〕又方。皂角樹上葦。新瓦上焙乾為末。每服一錢。溫酒下。

〔山〕臟毒便血。生藕節切片。清早蘸平胃散嚼下。

〔丹〕治腸痔大便常血。取葱白三五斤煮作湯。盆中坐立瘡。

灸刺腸癖下血有二法。

其一取肝。經云。病注下血。取曲泉是也。

其二取腎。經云。腎足少陰之脈。所生病者。黃疸腸癖。視盛虛熱寒。陷

下而施補瀉。疾留灸也。

〔脈〕關脈扎。大便出血數斗者。以鬲俞傷故也。宜灸鬲俞。若下重去

血者。宜針關元。

〔垣〕治腸風下血。灸二十椎下。隨年壯三報穴立愈。

〔甲〕腸中有寒熱。注下腸癖。便血。會陽主之。腸鳴癖泄。下竅主之。

腸癖泄切痛。四滿主之。腸癖中郤主之。一名中都 恠穴治腸風下

血。肘內曲澤下一寸。
〔集〕又法。三間 商陽 太陵 內關 命門 扶承

〔海〕血症與黃證。俱頭汗出。惡風。口飲酒。便渴。五

文黑

症治之

〔素〕腎脈小搏沉為腸辟下血。血溫身熱者死。大奇論

全文見診生死

〔素〕心肝辟亦下血。二臟同病者可治。其脈小沉澁為腸辟。其身熱者死。熱見七日死。大奇論

帝曰：腸辟便血何如？岐伯曰：身熱則死，寒則生。帝曰：腸辟下膿血何如？岐伯曰：脈懸絕則死，滑大則生。

帝曰：腸辟之屬，身不熱，脈不懸絕何如？岐伯曰：滑大者曰生，懸澁者曰死。以臟期之。俱通評虛實論

脾脈外鼓沉為腸辟。久自已。肝脈小緩為腸辟。易治。俱大奇論

腹脹便血，脈大時絕，是逆也。如此者，不及一時而死矣。全文見診生死，絕謂引絕而不相也

〔脈〕腸辟下膿血，脈沉小留連者生。數疾且大有熱者死。

腸辟筋攣，其脈小細安靜者生。浮大緊者死。

〔素〕陰陽虛，腸辟死。陰陽別論

胃移熱於脾，傳為虛，腸辟死不可治。全文見診病傳變

中蠱下血。唾水沉者，心腹絞痛，下血如爛肉者，俱為蠱。

〔干〕治中蠱下血如雞肝出，其餘四臟俱壞，惟心未毀，或鼻破待死，取馬蘭根末，水服方寸匕，隨吐則出，極神。此苗似葛蔓，緣紫，生子似

雜方

橘子。

〔梅〕治卒中蠱毒。下血如雞肝。晝夜不絕。臟腑敗壞待死。用白蘘荷葉。密安病人席下。勿令病人知覺。自呼蠱主姓名。

〔百一〕治中蠱毒。或吐下血者。若爛肝。取蚯蚓十四枚。以苦酒三升漬之。蚓死。但服其汁。已死者皆可治。

〔千金翼〕治蠱毒下血。蝟毛燒末。水服方寸匕。當吐蠱毒。

〔肘〕療中蠱毒。吐血下血。皆如爛肝者。苦瓠一枚。水二升。煮取一升。服之。吐即愈。又方。用苦酒一升。煮瓠令消。服之神效。

諸痿 注夏

痿者。手足痿軟而無力。百節緩縱而不收也。

〔丹〕痿屬濕熱。有濕痰者。有氣虛者。有血虛者。有食積妨礙不降者。有死血者。

〔素〕黃帝問曰。五臟使人痿。何也。岐伯曰。肺主身之皮毛。心主身之血脈。肝主身之筋。脾主身之肌肉。腎主身之骨髓。故肺熱葉焦。則皮毛虛弱急薄。著則生痿。心氣熱。則下脈厥而上。上則下脈虛。虛則生脈痿。樞折挈。脛縱而不任地也。肝氣熱。則膽洩。口苦。筋膜乾。筋膜乾。則筋急而攣。發為筋痿。脾氣熱。則胃乾而渴。肌肉不仁。發為肉痿。腎氣熱。則腰脊不舉。骨枯而髓減。發為骨痿。帝曰。可以得之。岐

諸痿皆生於肺熱 大法

脈痿得於悲哀太甚
筋痿得於入房太甚
肉痿得於居處濕地
骨痿得於勞傷於天
熱

治痿

伯曰肺者臟之長也。為心之蓋也。有所失亡。所求不得。則肺熱葉焦。故曰五臟因肺熱葉焦。發為痿躄。此之謂也。悲哀太甚。則胞絡絕。胞絡絕則陽氣內動。發則心下崩。數溲血也。故本病曰大經空虛。發為肌痺。傳為脈痿。思想無窮。所願不得。意淫於外。入房太甚。宗筋弛縱。發為筋痿。及為白淫。故下經曰筋痿者。生於肝使內也。有漸於濕。以水為事。若有所留。居處相濕。肌肉濡漬。痺而不仁。發為肉痿。故下經曰肉痿者。得之濕地也。有所遠行勞倦。逢大熱而渴。則陽氣內伐。內伐則熱舍於腎。腎者水臟也。今水不勝火。則骨枯而髓虛。故足不任身。發為骨痿。故下經曰骨痿者。生於大熱也。帝曰。何以別之。岐伯曰。肺熱者。色白而毛敗。心熱者。色赤而絡脈溢。肝熱者。色蒼而爪枯。脾熱者。色黃而肉蠕動。腎熱者。色黑而齒槁。帝曰。論言治痿者。獨取陽明。何也。岐伯曰。陽明者。五臟六腑之海。主潤宗筋。宗筋主束骨而利機關也。衝脈者。經脈之海也。主滲灌谿谷。與陽明合於宗筋。陰陽總宗筋之會。會於氣街。而陽明為之長。皆屬於帶脈。而絡於督脈。故陽明虛。則宗筋縱。帶脈不引。故足痿不用也。帝曰。治之奈何。岐伯曰。各補其榮。而通其俞。調其虛實。和其逆順。筋脈骨肉。各以其時受月。則病已矣。帝曰善。痿病論

或問曰。治痿之法。取陽明之一經。此引而未發之言。願明以告我。予

東垣
以黃
柏佐
參水
芪草
等補
氣

丹溪
以乾
薑佐

曰。諸痿生於肺熱。只此一句。便見治法大意。經曰。東方實。則西方虛。瀉南方。補北方。此固就生尅言補瀉。而大經大法。不外於此。東方木肝也。西方金肺也。南方火心也。北方水腎也。五方之中。惟火有二。腎雖有兩。水居其一。陽常有餘。陰常不足。故經曰。一水不勝二火。理之必然。金體燥而居上。主氣。畏火者也。土性溫而居中。主四肢。畏火者也。火性炎上。若嗜慾无節。則水失所養。火寡於畏。而侮所勝。肺得火邪則熱矣。木性剛急。肺受熱。則失所養。本寡於畏。而侮所勝。脾得木邪而傷矣。肺熱。則不能管攝一身。脾傷。則四肢不能為用。而諸痿之病作。瀉南方。則肺金清。而東方不實。何脾傷之有。補北方。則心火降。而西方不虛。何肺熱之有。故陽明實。則宗筋潤。能束骨而利機關矣。治痿之法。無出於此。駱龍吉亦曰。風火既熾。當滋腎水。東垣先生取藥皮為君。黃芪等補藥輔佐。以治諸痿。而無一定之方。有兼痰積者。有濕多者。有熱多者。有濕熱相半者。有挾氣者。臨病制方。其善於治痿者乎。雖然。藥中肯綮矣。若將理失宜。醫不治也。天產作陽。氣厚發熱。先哲格言。但是患痿之人。若不淡薄食味。吾知其必不能安也。

〔垣〕清暑益氣湯

黃芪人參湯

清燥湯

二方並見註夏

〔丹〕補益丸治痿

龜板酒炙一兩

瑣陽酒浸

生地酒浸

三鞭酒浸

陳皮一兩

杜牛膝一兩

白朮兩

草薢兩

黃柏炒半兩

虎脛骨酒炙半兩

五味子二錢

茯苓兩

白芍藥酒洗一兩

甘草炙一錢

兔絲子酒蒸熟研如糊入餘藥末晒乾

諸藥爲末。紫河車爲丸。如無紫河車。猪腦骨髓亦得。

龍虎丹。治痿。

敗龜板酒炙

虎骨酒炙

黃柏酒炙

乾薑二錢半

瑣陽七錢半

金箔十片

神麴

如懶言語加山藥末七

錢

右爲末。糯粉糊爲丸。空心白湯服。

虎潛丸

龜板四兩

知母二兩

黃柏四兩

熟地二兩

牛膝三兩半

瑣陽一兩

虎骨炙一兩

當歸一兩

芍藥兩半

陳皮七錢半

乾薑兩半

右爲末。酒糊丸。加附子。治痿厥如神。

濕熱痿。東垣健步丸。加芍藥。治脚膝無力。

二方並見痿厥

蕭炳神龜滋陰丸。

方見痿下

丹溪氣虛病痿。四君子加蒼朮芍藥。

柏。血虛病痿。四物湯加蒼朮黃柏下補陰丸。保命集治脾虛四

肢不用。以十全散者。蓋治氣血俱虛者也。

〔無〕加減四斤丸治腎肝虛熱淫於內致筋骨痿弱不自勝持起居須人足不任地驚恐戰掉潮熱時作飲食無味不生氣力諸虛不足

肉蓯蓉酒浸

牛膝酒浸

木瓜

兔絲子酒浸另研

鹿茸燒去毛切酥炙

熟地

天麻

五味子酒浸等分

右為末。蜜丸。如桐子大。每服五十九丸。溫酒米湯食前下。

王啓玄傳玄珠耘苗丹三方。序曰。張長沙戒人妄服燥烈之藥。謂藥勢偏有所助。勝尅流變。則真病生焉。猶潤苗不長而掘之者也。若稟氣血不強。合服此而不服。是不耘苗者也。故名耘苗丹。此丹養五臟補不足。秘固真元。均調二氣。和暢榮衛。保神守中。

五味子半斤

巴戟去心

遠志去心

枸杞子

山藥

白茯苓

肉蓯蓉酒浸

百部酒浸一宿焙

杜仲炒斷絲

蛇牀子

防風去蘆

柏子仁另研

兔絲子酒浸另研各二兩

右為末。蜜丸。桐子大。食前溫酒鹽湯任下三十九丸。春乾棗湯下。夏

加五味子四兩。四季月加蓯蓉六兩。秋加枸杞子六兩。

衛生湯。補虛勞。強五臟。除煩熱。養真元。退邪熱。順血脈。

當歸

白芍藥各四兩

甘草後一兩

黃芪八兩

年老加酒半盞。同水煎。

脾則四肢不舉者燥之甚下

〔蕭炳〕治脚軟丹參酒。方見痿厥

經治骨軟風腰膝疼行履不得遍身搔痒何首烏大而有花紋者同牛膝劉各一斤以好酒一升浸七宿焙乾於木臼搗末蜜丸每日空心食前酒下三五十丸

〔保〕四肢不舉俗曰癱緩故經所謂脾太過則令人四肢不舉又曰土太過則敦阜阜高也敦厚也既厚而又高則令除去此真所謂膏粱之疾其治則瀉今氣弱陽衰土平而愈或三化湯調胃承氣湯選而用之若脾虛則不用也經所謂土不及則卑陷卑下也陷也者故脾病四肢不舉四肢皆稟氣於胃而不能至經必因於脾方得稟受今脾病不能與胃行其津液四肢不得稟水穀氣氣日以衰脈道不利筋骨肌肉皆無氣以生故不用焉其治可十全散加減四物去邪留正

脾實病痿者經云脾病者肉痿足不收又云脾脈太過則令人四肢不舉又云其犯雨濕之地則為痿者是也

〔丹〕濕痰病痿二陳湯加蒼朮白朮黃芩黃柏之類入竹瀝

〔斗〕商陸飯治脚軟。方見痿厥

〔子和〕陳下一武卒宋子玉因駐軍息城六月間暴得痿病腰膝兩足皆不任用蹙而不行求治於予予察其兩手脈俱滑大而有力量

思內經。火淫於內。治以鹹寒。以鹽水越其膈間。寒熱宿痰。新者為熱。舊者為寒。或宿食宿飲。在上脘者。可以涌之。宿痰既盡。因而下之。節次間行。覺神

志日清。飲食日美。兩足漸舉。脚膝漸伸。心降腎升。又繼以黃連解毒

湯。加當歸等藥。及瀉心湯。涼膈散。柴胡飲子。大作劑煎。時時呷之。

〔保〕心熱盛則火獨亢。火炎上。腎之脈常下行。今火盛而上炎用事。

故腎脈亦隨火炎燥而逆上行。陰氣厥逆。火復內焰。陰上隔陽。下不

守位。心氣通脈。故生脈痿。膝腕樞如折去而不相提挈。經筋縱緩。而

不任地故也。可下數百行而愈。

〔丹〕痿病。食積妨礙不得降者。亦有死血者。俱宜下之。

〔素〕帝曰。脾病而四肢不用。何也。岐伯曰。四肢皆稟氣於胃。而不得

至經。必因於脾。乃得稟也。今脾病。不能為胃行其津液。四肢不得稟

水穀氣。氣日以衰。脈道不利。筋骨肌肉。皆無氣以生。故不用焉。帝曰。

脾與胃。以膜相連耳。而能為之行其津液。何也。岐伯曰。足太陰者。三

陰也。其脈貫胃屬脾絡噓。故太陰為之行氣於三陰。手足三陰之經也。陽明者。

表也。五臟六腑之海也。亦為之行氣於三陽。手足三陽之經也。臟腑各因其經

而受氣於陽明。故為胃行其津液。四肢不得稟水穀氣。日以益衰。陰

道不利。筋骨肌肉。無氣以生。故不用焉。太陰陽明篇。調經篇云。脾臟不足。則四肢不用。示從容論云。四肢解惰。比脾精之不行也。

脾則四肢不用

脾虛四肢不用治法並見前肺熱條。諸痿喘嘔皆屬於上。全文見診

此即諸痿皆生於肺熱之義。王註云。上謂上焦。心肺氣也。

運氣痿有三。

一曰熱痿。經云。少陰之復。少氣骨痿。又云。少陽之復。少氣脈痿。是也。二曰濕痿。經云。歲土太過。甚則病肌肉痿。足痿不收。又云。土太過曰敦阜。敦阜之紀。其病四肢不舉。又云。太陽司天之政。寒濕之氣。持於氣交。民病寒濕。發肌肉痿。足痿不收。四之氣。風濕交爭。風化為雨。民病大熱。少氣肌肉痿。足痿。又曰。陽明司天之政。四之氣。寒雨降。民病骨痿是也。

三曰風制脾痿。經云。厥陰司天。風氣下臨。脾氣上從。而土且隆。體重肌肉痿是也。

針灸

〔靈〕陽明根於厲兌。結於額大。額大者。鉗耳是也。額大謂額角入髮際頭維二穴也。以其鉗束於耳上故名鉗耳也。陽明為鬮。鬮折則氣無所止息。而痿疾起矣。故痿疾者。取之

陽明。視有餘不足。無所止息者。真氣稽留。邪氣居之也。足陽明根

于厲兌。溜于衝陽。注于下陵。入于人迎豐隆也。下陵三里穴也。手陽明根于

商陽。溜于合谷。注于陽谿。入于扶突。偏歷也。盛絡皆當取之。根結篇

刺痿經文見前熱條。今概舉其略。肺熱葉焦。則肺喘鳴。生痿躄。色白

而手敗者。補其榮。魚際。通其俞。太淵。至秋病已。

心熱生脈痿。數洩血。樞折。不相提挈。脛縱。不能任用於地。色赤而絡

脈盜者。補其榮。勞宮。通其俞。太陵。至夏病已。

肝熱生筋痿。下白淫。口苦筋急。變色蒼而爪枯者。補其榮。行間。

通其俞。太衝。至春病已。

脾熱生肉痿。乾渴。肌肉不仁。色黃而蠕動者。補其榮。大都。通其

俞。太白。至長夏病已。

腎熱生骨痿。足不任身。腰脊不舉。骨枯髓減。色黑而齒槁者。補其

榮。然谷。通其俞。太谿。至冬病已。

又痿。擘足不收。取之少陽。陽明之別。經云。足少陽之別。名曰光明。去

踝五寸。別走厥陰。虛則痿躄。坐不能起。取之所別也。又云。淫瀦。胫痿。

不能久立。治少陽之維。在外踝上五寸。又云。足陽明之別。名曰豐隆。

去踝八寸。別走太陰。其病虛。則足不收。脛枯。取之所別者。是也。

骨痿。懈惰。取足少陰。髓海。經云。少氣身漂漂也。言吸吸也。骨痿。懈惰。

不能動。補足少陰。又云。腦爲髓之海。其俞上在于其蓋。下在風府。髓

海不足。則腦轉耳鳴。脛痿。懈怠。安臥。審守其俞。而調其虛實者。是也。

百節弛縱。取脾手太陽之絡。經云。脾之大絡。名曰大包。出淵液。下液

三寸。布胸脇。虛則百節盡皆縱。此脈若羅絡之血者。取之脾之大絡。

也。又云。手太陽之別名曰支正。上腕五寸實則節弛肘廢取之所別者。是也。

〔甲〕痿不相知。太自主之。一云耳重骨痿不相知 足下緩失履。衝陽主之。 足

緩不收。痿不能行。不能言語。手足痿躄不能行。地倉主之。

腎脈微滑。為骨痿。坐不能起。起則目無所見。全文見治虛實法

〔丹〕斷不可作風治。而用風藥。

注夏

〔子和〕痿之作也。皆五月六月七月之時。午者。少陰君火之位。未者。濕土庚金伏火之地。申者。少陽相火之分。故痿發。此三月之內為熱也。故病痿之人。其脈浮大。

〔丹〕注夏屬陰虛。元氣不足。補中益氣。中去柴升。加黃柏炒。挾痰者。用南星。

〔垣〕刺志論云。氣虛身熱。得之傷暑。熱傷氣故也。痿論曰。有所遠行勞倦。逢大熱而渴。渴則陽氣內伐。內伐則熱舍於腎。腎者水藏也。今水不能勝火。則骨枯而髓虛。足不任身。發為骨痿。故下經曰。骨痿者生於大熱也。此濕熱成痿。令人骨乏無力。故治痿獨取於陽明。時當長夏。濕熱大勝。蒸蒸而熾。人感之。多四肢困倦。精神短少。懶於動作。胸滿氣促。肢節沉疼。或氣高而喘。身熱而煩。心下膨痞。小便黃而數。

大便澹而頻。或痢出黃如糜。或如泔色。或渴。或不渴。不思飲食。自汗。體重。或汗少者。血先病而氣不病也。其脈中得洪緩。若濕氣相搏。必加之。以遲。遲。病雖互換少差。其天暑濕令則一也。宜以清燥之劑治之。內經曰。陽氣者。衛外而為固也。熱則氣泄。今暑邪于衛。故身熱自汗。以黃芪甘溫。補之為君。人參陳皮當歸甘草甘微溫。補中益氣為臣。蒼朮白朮澤瀉滲利而除濕。升麻葛根苦甘平。善解肌熱。又以風勝濕也。濕勝則食不消。而作痞滿。故炒麴甘辛。青皮辛溫。消食快氣。腎惡燥。急食辛以潤之。故以黃柏苦寒。借甘味瀉熱。補水虛者。滋其化源。以人參五味子麥門冬酸甘微寒。救天暑之傷於庚金為佐。名曰清暑益氣湯。

黃芪 一錢 汗少 錢五分

人參 去蘆 五分

升麻 一錢

澤瀉 五分

甘草 炙三錢 五分

蒼朮 猪便去 蘆一錢

葛根 二分

五味子 九粒

白朮 五分

神麴 炒黃 五分

黃柏 酒浸去 皮三分

麥門冬 去心 三分

歸身 三分

陳皮 五分

青皮 去半 三分

右件同咬咀。作一服。水二大盞。煎至一盞。去渣。大溫服。食遠。劑之多少。臨時斟酌。此病皆由飲食勞倦。傷其脾胃。乘天暑而病作也。但藥中犯澤瀉猪苓茯苓燈心通草木通。淡味滲利小便之類。皆從時令之旺氣。以泄脾胃之客邪。而補金水之不及也。此正方已

是從權而立之。若於其時病濕熱脾旺之症。或小便已數。腎肝不受邪者。誤用之。必大瀉真陰。竭絕腎水。先損其兩目也。復立變證。加減法于後。如心火乘脾。乃血受火邪。而不能升發陽氣。伏于地中。地者。人之脾也。必用當歸和血。少用黃柏以益真陰。如脾胃不足之證。須少用升麻。乃足陽明太陰引經之藥也。使行陽道。自脾胃中右遷少陽。行春令生萬物之根蒂也。更少加柴胡。使諸經右遷。生發陰陽之氣。以滋春之和氣也。如脾虛。緣心火亢盛。而乘其土也。其次肺氣受邪。爲熱所傷。必須用黃芪最多。甘草次之。人參又次之。三者皆溫甘之陽藥也。脾始虛。肺氣先絕。故用黃芪之甘溫。以益皮毛之氣。而閉腠理。不令自汗。而損元氣也。上喘氣短。懶語。須用人參以補之。心火乘脾。須用炙甘草以瀉火熱。而補脾胃中元氣。甘草最少。恐資滿也。若脾胃之急痛。并脾胃大虛。腹中急縮。腹皮急縮者。却宜多用。經曰。急者緩之。若從權。必加升麻以引之。恐左遷之邪堅盛。卒不肯退。反致項上及臀尻肉添。而反行陰道。故使引之。以行陽道。使清氣出地。右遷而上行。以和陰陽之氣也。若中滿者。去甘草。咳甚者。去人參。如口乾啞乾者。加乾葛。如脾胃既虛。不能升浮。爲陰火傷其生發之氣。榮血大虧。榮氣伏於地中。陰火熾盛。日漸煎熬。血氣虧少。且心包與心主血。血

減則心無所養。致使心亂而煩。病名曰愧。愧者。心惑而煩悶不安也。是由清氣不升。濁氣不降。清濁相干。亂於胸中。使周身血氣逆行而亂。經云。從下上者。引而去之。故當加辛溫甘溫之劑。生陽。陽生而陰長也。已有甘溫三味之論。或曰甘溫何能生血。又非血藥也。曰仲景之法。血虛以人參補之。陽旺則能生陰血也。更加當歸和血。又宜少加黃柏以救腎水。蓋甘寒瀉熱火。火滅則心氣得平而安也。如煩亂猶不能止。少加黃連以去之。蓋將補腎水。使腎水旺而心火自降。扶持地中陽氣也。如氣浮心亂。則以硃砂安神丸鎮固之。得煩減勿再服。以防瀉陽氣之反陷也。如心下痞。亦少加黃連。氣亂於胸。為清濁相干。故以陳皮理之。能助陽氣之升。而散滯氣。又助諸甘卒為用。故長夏濕土客邪火旺。可從權加蒼朮白朮澤瀉。上下分消其濕熱之氣。濕氣大勝。主食不消化。故食鹹不知穀味。加炒麩以消之。復加五味子麥門冬。人參瀉火。益肺氣。助秋損也。此三伏中長夏正旺之時藥也。

脾胃虛弱。隨時為病。隨病制方。

夫脾胃虛弱。必上焦之氣不足。遇

夏天氣熱甚。損傷元氣。怠惰嗜臥。四肢不收。精神不足。兩脚痿軟。遇早晚寒厥。日高之後。陽氣將旺。復熱如火。乃陰陽氣血俱不足。故或熱厥而陰虛。或寒厥而氣虛。口不知味。目中溜火。而視物眊眊無所

見小便頻數大便難而秘結胃脘當心而痛兩脇痛或急縮臍下周圍如繩束之急甚則如刀刺腹難舒伸胸中閉塞時顯嘔噦或有痰嗽口沃白沫舌強腰背腹皆痛頭痛時作食不下或食入即飽全不思食自汗尤甚若陰氣覆在皮毛之上皆天氣之熱助本病也乃庚大腸辛肺金為熱所乘而作當先助元氣治庚辛之不足黃芪人參湯主之

黃芪 一錢如自汗過多加一錢

人參 去鹽五分

甘草 炙二分

白朮 五分

蒼朮 半錢無汗一錢

橘皮 二分不去白

黃柏 酒洗三分以救腎水之源

神麴 炒三分

五味子 九粒

麥門冬 去心二分

歸身 酒洗二分

升麻 六分

右咬咀俱作一服水二盞煎至一盞去渣稍熱食遠或空心服之忌酒濕麪大料物之類及過食冷物如心下痞悶加黃連二三分

如胃脘當心痛減大寒藥加草薺薏仁五分

如脇下痛或縮急

加柴胡 二三分

如頭痛目中溜火加黃連二三分

川芎 三分

如頭目不

清利上壅上熱加蔓荊子三分藁本二分細辛一分川芎三分生地黃二分

氣短精神少如夢寐間困乏無力加五味子九粒如大便澁滯隔

一二日不見者致食少食不下血少血中伏火而不得潤也加當

歸身生地黃各五分

桃仁 三箇去皮尖另研

麻子仁 研泥五分

如大便通行所加之

藥勿再服。如大便又不快利。勿用別藥。少加大黃。變中如不

利者。非血結血秘。而不通也。是熱則生風。其病人必顯風症。單血

藥不可復加。止常服黃芪人參湯。藥只用羌活兩中防風兩中二味。咬

咀。以水四盞。煎至一盞。去滓。空心服之。大便必大走也。一服便止。

如胸中氣滯。加青皮。并去白陳皮倍之。去其邪氣。此病本元氣

不足。惟當補元氣。不當瀉之。如氣滯太甚。或補藥太過。或人心

下有憂滯鬱結之事。更加木香二分或三分砂仁二分或三分白苳蔻仁二分與正

藥同煎服。如腹痛不惡寒者。加白芍藥錢半黃芩二分却減五味子。

夫脾胃虛弱。至六七月間。河漲霖雨。諸物皆潤。人汗沾衣。身重短氣。

甚則四肢痿軟。行步不正。脚欹眼黑。欲倒者。此腎水與膀胱俱竭之

狀也。當急救之。滋肺氣。以補水之上源。又使庚大腸不受邪熱。不令

汗大泄也。汗泄甚則亡津液。亡津液則七神無所依。經云。津液相成。

神乃自生。津者。庚大腸所主。三伏之義。為庚金受囚也。若亡津液。汗

大泄。濕令亢甚。則清肅之氣亡。燥金受囚。風木無可以制。故風濕相

搏。骨節煩疼。一身盡痛。亢則害。承乃制。是也。孫思邈曰。五月常服五

味子。是瀉丙火。補庚金大腸。益五臟之元氣。壬膀胱之寒已絕於巳。

癸腎水已絕於午。今更逢濕旺助熱為邪。西方北方之寒清絕矣。聖

人立法。夏月宜補者。補天元之真氣。非補熱火也。令人夏食寒是也。

爲熱傷元氣。以人參麥門冬五味子生脈。脈者元氣也。人參之甘補元氣。瀉熱火也。麥門冬之苦寒。補水之源。而清肅燥金也。五味子之酸以瀉火。補庚大腸與肺金也。當此之時。無病之人。亦或有二症。元虛損脾胃。有宿疾之人。遇此天暑。將理失所。違時伐化。必困乏無力。懶語氣短。氣弱氣促。似喘非喘。骨乏無力。其形如夢寐。朦朧如烟霧中。不知身所有也。必大汗泄。若風犯汗眼皮膚。必搐項筋。皮枯毛焦。身體皆重。肢節時有煩疼。或一身盡疼。或渴或不渴。或小便黃澀。此風濕相搏也。頭痛或頸重。上熱壅盛。口鼻氣短氣促。身心煩亂。有不樂生之意。情思慘悽。此陰勝陽之極也。病甚則傳腎肝。爲痿厥。厥者。四肢如在火中者。爲熱厥。四肢寒冷者。爲寒厥。寒厥則腹中有寒熱。厥則腹中有熱。爲脾主四肢。故也。若肌肉濡漬。痺而不仁。傳爲肉痿。證中皆有肺疾。用藥之人。當以此調之。氣上衝胸。皆厥證也。痿者。四肢痿軟而無力也。其心煩冤不止。心神撩亂者是也厥者。氣逆也。甚則大逆。故曰厥逆。其厥痿多相須也。於前已立黃芪人參五味子麥門冬湯中。每加白茯苓二分澤瀉四分猪苓各二分。如小便快利不黃澀者。只加澤瀉二分。與二朮上下分消其濕。如行步不正。腳膝痿弱。兩足欹側。已中痿邪者。加酒洗黃柏知母三分或五分。令二足擲出氣力。如汗大泄者。津脫也。急止之。加五味子六分炒黃柏五分炒知母三分。不令妨

其食當以意斟酌。若妨食則止。候食進再服。取三里氣街。以三稜針出血。若汗不減不止者。於三里穴下三寸上廉穴出血。禁酒濕麪。夫痿者。濕熱乘於腎肝也。當急去之。不然則下焦元氣竭盡。而成軟癱。必腰下不能動。心煩寃而不止也。若身重減。氣不短。小便如常。及濕熱之令退時。或所增之病氣退者。不用五味子。澤瀉。猪苓。茯苓。黃柏。知母。蒼朮。白朮之藥。只依本病中證候。加減常服藥。亦須用酒黃柏。三分或二分。六七月之間。濕令大行。子能令母實而熱旺。濕熱相合。而刑庚大腸。故用寒涼以救之。燥金受濕熱之邪。絕寒水生化之源。源絕則腎虧痿厥之病大作。腰已下痿軟癱瘓。不能動矣。步行不正。兩足欹側。以清燥湯主之。

黃芪半錢

黃連一錢去鬚

蒼朮一錢

白朮一錢

陳皮五分

五味子九粒

人參

白茯苓

升麻各三分

當歸一錢二分

澤瀉五分

柴胡

麥門冬

生地

神麴炒

猪苓

黃柏製酒

甘草各二分

右剉如麻。豈大。每服半兩。水二盞。煎至一盞。去渣。稍熱空心服。

〔丹〕宋某。勞傷發熱。當作注夏治之。

黃柏炒

升麻各三分

黃芪

人參

木通

白芍藥各五分

白朮錢半

陳皮

甘草各二分

婦人患注夏手足痠軟而熱。

白朮錢一

黃柏炒

白芍藥

陳皮

當歸錢一

蒼朮分五

甘草生

薑片二

解休即痿類

解休之證。懈倦困弱似痿。故附痿後。

冬脈大過。為病在外。則令人解休。春脈痛而少氣。不欲言。全文見治虛實法王註云寒不

寒熱不熱弱不弱壯不壯不可名謂之解休也

〔素〕尺脈緩澹。謂之解休。平人氣象論○王註云尺為陰部腹腎主之緩為熱中痛為無血故解名謂之解休也

尺內弱者解休。安臥脫肉者寒熱不治。全文見診生死

刺骨無傷髓。髓傷則消燂脂瘦。體解休然不去矣。全文見藥刺

足少陽之瘧。令人身體解休。寒不甚。熱不甚。惡見人。見人心惕惕然。熱多汗出甚。刺足少陽。全文見見瘧

舌

舌腫痛

舌強舌卷

舌縱涎下多唾

自

嚙舌

舌胎

舌黑二條見傷寒

心脾

舌屬心脾二臟。經云。心主熱。又云。在臟為心。在竅為舌。又云。心氣通於舌。心和。則舌能知五味。是舌屬心也。又曰。中央黃色。入通於脾。開

卷十七 心小腸部

七九

針灸

診

腎病

竅於口。藏精於脾。故病在舌。本屬脾也。

舌腫痛

〔無〕金沸草湯。治風寒傷於心脾。令人增寒熱。齒浮。舌腫痛。

荆芥穗四兩

旋覆花

前胡

麻黃去節各二兩

赤芍藥

半夏各一兩

右劉散。每五錢。水一盞半。薑七片。棗二枚。煎七分。去渣。漱口。吐一

半。喫一半。世醫用此發散。傷寒傷風。及加杏仁五味子。治咳嗽皆

效。獨未知用之。舌腫牙疼。辛未年。有人患舌腫滿塞。粥藥不入。其

勢危甚。大煎此一劑。乘熱以紙籠氣薰之。遂愈。

〔世〕烏犀膏。治重舌木舌。方見咽喉痛

〔本〕治心脾壅熱。木舌腫脹。

玄參

升麻

大黃

犀角各三分

甘草半兩

右為細末。每服三錢。水一盞。煎至五分。溫服。不拘時。

〔世〕舌腫脹出口。鵬砂細末。切生薑蘸藥。揩舌腫處。即退。

又云。草麻取油蘸紙。然燒烟熏之。愈。又治牛舌出亦好。

〔丹〕重舌用好膽礬研細敷之。

〔無〕黑散子。治舌忽然腫破。用釜底煤研細。以醋調敷舌上下。脫去

反治

濕痰 熱

表

更敷。能先決出血。竟敷之。尤佳。一法用鹽等分調敷。

〔山〕舌腫。亂髮燒灰。水調下。

〔丹〕飛絲入口。喉舌間生泡。紫蘇嚼。白湯下。立效。

針灸舌痛。獨取脾脈。經云。脾足太陰之脈。所生病者。舌本痛。視盛虛熱寒。陷下取之也。

〔摘〕治舌下腫。難言。口瘡。舌縱。涎出。及舌根急縮。

廉泉 三分得氣即

〔集〕治舌腫。廉泉 三分

金津 玉液 各用三稜

天突 少商 針出血

〔東〕又法 廉泉 然谷 風府 天突 關元

〔垣〕廉泉一穴。一名舌本。在頷下結喉上。治舌下腫。難言。舌縱。涎出。

口禁。舌根急縮。下食難。刺瘡論云。舌下兩脈者廉泉也。刺禁論云。刺

舌下中脈。太過。血不止。為瘡。刺節真邪論云。取廉泉穴。血變而止。以

明宜出血。禁用針。或問。取廉泉穴。二說不同。一說取頷下。結喉上。一

說取舌下兩脈。何者為當。答曰。舌本者。乃舌根蒂也。若取舌下兩脈。

是取舌梢也。舌標也。此法誤也。當取頷下者為當。此舌根也。况足陽

明之脈。根於厲兌。結於廉泉。頷下乃足陽明之所行也。若取舌下兩

脈。非足陽明經也。戊與癸合。廉泉足少陰也。治涎下。解云。胃中熱上

溢。廉泉開。故涎下。當出血。瀉胃中熱。又知非舌下兩脈也。頷下結喉

上者為准矣。張論曰。廉泉玉英者。津液之道路也。 按針經云。少陽結於廉泉。今曰陽明者。誤也。

〔子和〕南隣朱老翁。年六十餘歲。身熱數日不已。舌根腫起。和舌尖亦腫。腫至滿口。比元舌大三倍。一外科以燔針刺其舌兩旁下廉泉穴。病勢轉凶。將至顛載。戴人曰。血實者。宜決之。以銚針磨令鋒極尖。輕砭之。日砭八九次。出血約一二盞。如此者三次。漸覺血少。痛減。腫消。夫舌者。心之外候也。心主血。故血出則愈。又諸痛痒瘡瘍皆屬心火。燔針艾火。皆失此義也。

〔無〕凡舌腫。下必有噤。蟲狀如螻蛄。臥蠶。有頭尾小白。可燒鐵烙。烙頭上即消。

舌強舌卷

〔無〕礬石散。治風濕寒。舌強不能語。

枯礬

桂心各等分

右爲末。每服一錢。安舌下。

針灸舌卷。獨取手少陽絡與筋。經云。邪客手少陽之絡。令人喉痺舌卷。口乾心煩。臂外廉痛。手不及頭。刺手中指次指爪甲上去端如韭葉各一疇。又云。手陽明之筋。其病支痛。轉筋舌卷。治在燔針切刺。以知爲數。以痛爲輸。是也。

〔診〕舌卷。若唇青卵縮者。必死。經云。厥陰絡者。甚則舌卷。卵上縮。經又云。肝者筋之合也。肝脈弗榮。則筋急。筋急。則引舌與卵。故唇青。舌

卷卵縮。則筋先死。庚篤辛死也。

舌縱涎下多唾

〔蕭〕治口角流涎不止。口目喎邪。手足痿軟。方如左。流涎者自然流也

神龜滋陰丸。治足痿。

龜板炙四兩

知母酒炒二兩

瑣陽酒洗一兩

枸杞子

五味子各一兩

乾薑炮半兩

黃柏炒赤二兩

右為末。清水丸。如桐子大。每服七十九丸。空心鹽湯下。

通天愈風湯

人參錢一

葳靈仙去蘆半錢

南星湯泡

貝母去心各一錢

連翹

防風去蘆各五分

瓜蒌仁十五粒

白朮一錢

桔梗三錢

甘草

荆芥穗各五分

生薑三片

右水一鍾半。煎七分。去渣。入荆歷一呷。薑汁些少。半飢時服。吞下。

清心導痰丸五十粒。日一服。

清心導痰丸

白附一兩

南星薑汁二兩

半夏薑汁二兩

黃連炒七錢半

天花粉一兩

白僵蠶炒去絲嘴半兩

川烏鹽製二錢

鬱金七錢半

天麻

羌活各半兩

右為末。薑汁糊為丸。如桐子大。每服五十九丸。用通天愈風湯吞下。

清心牛黃丸

膽星一兩

牛黃二錢

黃連一兩

歸身

甘草

辰砂各半兩

右為末。湯浸蒸餅為丸。葶苈大。每服五十九丸。臨臥時唾津嚥下。

嘗治宣文炳。口流涎不止。喜笑舌瘡。脈洪大。用連芩柏梔白朮蒼朮

半夏竹瀝薑汁。服之五日。涎止笑息。

〔仲〕云。大病瘥出喜唾。久不了了者。胃上有寒。當以丸藥溫之。宜理

中丸。東垣云。多唾或唾白沫者。胃口上停寒也。藥中加益智仁。此多唾者用力

吐方出也

〔靈〕舌縱涎下。煩愧。取足少陰。寒熱病篇 黃帝曰。人之涎下者。何氣使

然。岐伯曰。飲食者。皆入於胃。胃中有熱。則蟲動。蟲動則胃緩。胃緩則

廉泉開。廉泉開。故涎下。補足少陰。口開篇

〔甲〕舌縱涎下。煩悶。陰谷主之。

自嚙舌

〔靈〕黃帝曰。人之自嚙舌者。何氣使然。岐伯曰。此厥逆走上。脈氣皆

至也。少陰氣至則嚙舌。少陽氣至則嚙頰。陽明氣至則嚙唇矣。視主

病者。則補之。

針灸

涎多自然流出者為熱者為吐力多者為寒者為

汗

自汗

頭汗

手足汗

無汗

盜汗

〔素〕陽氣有餘。為身熱無汗。陰氣有餘。為多汗身寒。陰陽有餘。則無汗而寒。脈要精微論。飲食飽甚。汗出於胃。驚而奪精。汗出於心。持重遠行。汗出於腎。疾走恐懼。汗出於肝。搖體勞苦。汗出於脾。經脈別論

自汗

〔素〕陽之汗。以天地之雨名之。全文見五藏。陽加于陰。謂之汗。陰陽別論。○陽氣也。凡傷寒始病。脈浮至汗出。則沉入內。加于陰也。

〔垣〕表虛自汗。秋冬用桂枝。春夏用黃芪。能治虛勞自汗。脈證有寒者亦用桂枝無寒者亦

〔無〕牡蠣散。治諸虛不足。及新病暴虛。津液不固。體常自汗。許學士方亦治盜汗

〔垣〕表虛自汗。秋冬用桂枝。春夏用黃芪。能治虛勞自汗。脈證有寒者亦用桂枝無寒者亦

黃芪

麻黃根

牡蠣煨研

右劉散。每服三錢。水一盞半。小麥一百粒。煎至八分。不拘時服。

〔垣〕周衛湯。治濕勝自汗。補衛氣虛弱。表虛不任外寒。

黃芪

麻黃根各一錢

生甘草五分

猪苓

羌活各七分

麥門冬三分

歸梢五分

生地三分

生黃芩五分

五味子七分

蘇木

紅花各一分

半夏湯洗七次五分

右以咀。如麻荳大。作一服。水二盞。煎至一盞。去渣。稍熱服。中風症。

心
胸
躁
熱
陰
火
瀉

虛
甚
者
用
附
芪

通
治

必自汗。汗多不得重發汗。故禁麻黃而用根節也。

張芸夫。己酉四月。天寒陰雨。寒濕相雜。因官事飲食失節。勞役所傷。病解之後。汗出不止。沾濡數日。惡寒。重添厚衣。心胸悶躁。時躁熱。頭目昏憤。壅塞。食少減。此乃胃外陰火熾甚。與夫雨之濕氣挾熱。兩氣相合。令濕熱大作。汗出不休。兼見風邪。以助東方甲乙。以風藥去其濕。以甘藥瀉其熱。羌活勝濕湯主之。

甘草 炙三分

黃芪 七分

生甘草 五分

生黃芩 三分

防風 三分

酒黃芩 三分

人參 三錢以助氣益胃
已上藥瀉胸中熱

藁本 三分

獨活 二分

升麻 五分

川芎 三分

柴胡 五分已上風
藥勝其濕

細辛

蔓荊子 各三分

薄荷 一分已上
清利頭目

右作一服。水二盞。煎一盞半。後入細辛等四味。再熬至一盞。去渣。熱服。一服而止。諸症悉去。

〔丹〕人參黃芪少佐桂枝湯。甚者附子亦可用。

〔嚴〕芪附湯。治氣虛陽弱。虛汗不止。肢體倦怠。

黃芪 去蘆
蜜炙

附子 炮去皮臍
各等分

右咬咀。每服四錢。水一盞。薑十片。煎八分。食前溫服。

〔本〕補精氣。止肝邪。平補五臟虛羸。六腑怯弱。充肌膚。進飲食。人參

虛

尺脈
澀滯
虛為陰

濕勝
自汗

丸

人參

山藥

白朮

白茯苓

石斛

黃芪取頭末

五味子各一兩

右為細末。蜜丸。如桐子大。每服三十九丸。空心食前飲下。久服不熱。尤宜少年。

平人氣象論云。尺澹脈滑。謂之多汗。王註。謂尺膚澹。而尺脈滑也。膚澹者。榮血內涸。又針經云。腠理發泄。汗出溱溱。是謂津脫。津脫者。腠理開。汗大泄。按此二經論。自汗多而血涸津脫者。其治法。乃東垣正陽湯。用炒黃柏知母及當歸。大黃湯之類是也。汗以臟腑言之。皆屬心。經云。心為汗。難云。腎邪入心。為汗出不可止者。是也。

〔垣〕或問濕之與汗。陰乎陽乎。予應之曰。西南坤土也。在人則為脾胃。陽之汗。以天地之雨名之。濕主淋淫驟注者。濕勝也。陰滋其濕。為露為雨。此陰寒隔熱火也。隔者。解也。陰濕寒下行。地之氣也。仲景云。汗多則亡陽。陽去則陰勝也。重虛則表陽虛極矣。甚為寒中濕勝。則音聲如從甕中出。若中水也。相家有言。土音如居深甕裏。言其壅也。遠也。不出也。其為濕也。審矣。又知此二者。亦為陰寒。內經云。氣虛則外寒。雖見熱中。蒸蒸為汗。終傳大寒。知始為熱中者。表虛無陽。不任外寒。終傳為寒中者。多成痺寒矣。夫色以候天。脈以候地。形者。乃候

地之陰陽也。故以脈氣候之。皆有形之可見者也。

右濕勝自汗。治法並見陰虛條。

〔丹〕痰症亦有汗。火氣上蒸。胃中之濕。亦能作汗。可用涼膈散。

〔素〕帝曰。有病身熱解惰。汗出如浴。惡風少氣。此為何病。岐伯曰。病

名酒風。帝曰。治之奈何。岐伯曰。以澤瀉朮各十分。麋銜五分。合以三

指撮。為後飯。病能篇廉銜一名
穢銜俗名吳風草

〔河〕白朮散。治飲酒中風。汗多。不可單衣。食則汗出如洗。久不治。必

為消渴症。

牡蠣煨三錢

白朮一兩二錢

防風二兩半

右為末。每服一錢。溫水調下。不計時。如惡風。倍防風。白朮。如多汗

面腫。倍牡蠣。

酒風。一名漏風。經云。飲酒中風。則為漏風。漏風之狀。或多汗。常不可

單衣。食則汗出。甚則身喘息。惡風。衣裳濡。口乾善渴。不能勞事。此即

酒風。同治也。凡五臟風。皆自汗惡風。經文見
風門

〔丹〕周師脈弦。左大於右。不數。身易得汗。小便赤。口燥。此為虛。

白朮

陳皮

歸尾

青皮各半兩

白芍藥

人參各七錢

黃芩

川芎各三錢

木通二錢

甘草各五錢

雜方

痰火自汗
汗出惡風
為中風

分九帖煎三之一。稍熱飲之。煎藥下保和丸二十粒。

動而汗出。有虛者。有熱者。

〔垣〕安胃湯。治因飲食汗出。日久心中虛風虛邪。令人半身不遂。見偏風痿痺之病。先除其汗。慄悍之氣。按而收之。

黃連去

五味子

烏梅去核

生甘草各五分

熟甘草三分

升麻二

右以咀。分作二服。每服水二盞。煎一盞。去渣。溫服。食遠。忌濕麪酒。五辛大料物之類。

刺灸汗出有二。

其一取肺。經云。邪在肺。則病皮膚痛。寒熱上氣。喘汗出。欬動肩背。取之膺中外輸。背三節五椎之傍。以手疾按之。快然乃刺之。取之缺盆中。以越之者。是也。

其二取手足少陽。經云。三焦手少陽之脈。所生病者。汗出。目銳皆痛。頰痛。耳後痛。膽足少陽之脈。所生病者。汗出振寒瘧。皆視盛虛。熱寒。陷下而施補瀉。疾留灸也。

〔素〕肺脈更而散者。當病灌汗。至今不復發散也。脈要精微論。灌汗謂汗亦此義也。

肺脈緩甚。多為汗。全文見治虛實法。

頭汗

〔海〕頭汗出。劑頸而還。血證也。額上偏多何謂也。曰首者。六陽之所會也。故熱薰蒸而汗出也。額上偏多。以部分左頰屬肝。右頰屬肺。鼻屬中州。頤屬腎。額屬心。三焦之火。涸其腎水。溝渠之餘。迫而上入於心之分。故發為頭汗。而額上偏多者。屬心之部。而為血證也。飲酒飲食。頭汗出者。亦血證也。至於雜證。相火迫腎水上行入於心為盜汗。或自汗。傳而為頭汗出者。或心下痞者。俱同血證。例治之。無問傷寒雜病。酒積下之。而心下痞者。血證也。何以然。曰下之亡陰。亡陰者。則損脾胃。而亡血氣。在胸中以亡其血。陷之於心之分也。故心下痞。世人以為血病。用氣藥導之。則痞病愈甚。而又下之。故變而為中滿彭脹。非其治也。如此證當作何治。獨益中州脾土。以血藥治之。其法無以加矣。

手足汗

一男子。手足汗。醫用芩連柏并補劑皆不效。又足汗常多。後以人物半苓為君。白附川烏佐使。其汗即無。

〔本〕治脚汗。

白礬

乾葛各等分

右二味為末。每半兩。水三碗。煎十數沸。洗。逐日一次。塞三五日。

雜方

熱甚反佐

血病

然無汗。

無汗

〔靈〕奪血者無汗。奪汗者無血。榮衛生會篇

〔垣〕真氣已虧。胃中火盛。汗出不休。胃中真氣已竭。若陰火已衰。無汗反燥。乃陰中之陽。陽中之陽俱衰。四時無汗。其形不久。濕衰燥旺。理之常也。其形不久者。秋氣主殺。生氣乃竭。生氣者。胃之穀氣也。乃春少陽生化之氣也。

〔丹〕盛夏浴食無汗者。為表實。見心痛表裏條

楊順二官子。患脈濇而短。重取而弱。比久受濕傷血。多年無汗。遇勞身熱倦怠。如沙病狀。

蒼朮

白朮

芍藥各半兩

陳皮大兩

歸身二兩

甘草

紅花各半兩

分六帖。薑二片。煎服。

謝老形實。夏月無汗。成久嗽病。

半夏

蘇葉

一二味為末。入莎末。枕流末。仁陷末。以瓜萋穰。桃仁泥。半兩為丸。先服三拗湯。三帖。却服此丸子。詳枕流末。蛻殼灰。蛤粉之類。仁陷末。神曲也。

〔甲〕汗不出。曲差主之。

發熱
為熱

發厥
為寒

盜汗

〔垣〕當歸大黃湯。治盜汗之聖藥也。

當歸

生地

熟地

黃柏

黃芩

黃芪

黃連各等分

右為龍末。每服二三錢。水一盞半。煎七分。去渣。溫服。小兒用半錢。

正氣湯。治盜汗。

黃柏錢一

知母錢一

甘草錢五分

右龍末。作一服。水二大盞。煎一盞。去渣。臨臥服。

〔丹〕當歸龍薈丸。治盜汗。見治法門

〔本〕治盜汗外腎濕。

人參

苦參

龍膽草

麻黃根各三錢

右件為末。煉蜜丸。如桐子大。每服三十九丸。燒麩湯下。

嚴氏黃芪湯。治喜怒驚恐。房室虛勞。致陰陽偏虛。發厥。自汗或盜汗

不止。並宜服之。

黃芪去蘆蜜炙兩半

白茯苓皮去

熟地酒蒸

桂枝不見火

天門冬去心

麻黃根

龍骨各一兩

五味子

小麥炒

防風去蘆

當歸酒蒸

甘草各兩半

右咬咀。每服四錢。水一盞。薑五片。煎七分。溫服。不拘時。發厥自汗。

加熟附子。發熱自汗。加石斛。

〔山〕盜汗。臨夜。喫淡煮麥圓子。空心服妙香散。

〔本〕戢陽氣。止盜汗。進飲食。退經絡熱。柏子仁丸。

柏子仁

半夏麴各二兩

牡蠣附子內火煨用 醋煨七次焙乾

人參

麻黃根慢火炙 拭去汗

白朮

五味子各一兩

淨麩炒半兩

右八味為末。棗肉丸。桐子大。空心米飲下三五十九丸。日二服。得效減一服。將愈即住。作散調服亦可。

〔丹〕白朮湯。治盜汗。用白朮四兩。分作四處。

一兩用黃芪同炒

一兩石斛同炒

一兩牡蠣同炒

一兩鉄皮同炒

各味炒黃色。餘藥不用。只用白朮研末。每服三錢。用粟米煎湯送下。盡四兩為效。

〔世〕治盜汗出。山藥一味為末。臨臥酒調下三錢效。

〔本〕牡蠣散。治盜汗。方見前 自汗門

〔世〕黃芪散。治盜汗。

黃芪

木通

葛根

右為龕末。水煎服。

〔衍〕治盜汗尤切。將椒目微炒。搗細末。用半錢匕。以生豬上唇煎湯

婦

一合調。臨睡服。無不效。蓋椒目能行水。又治水蠱。

〔世〕五仙丸。治盜汗。

天仙子

五靈脂

右爲末。水糊丸。桐子大。三十丸。白湯臨臥服。

本草云天仙子一名黃馨。子性甘寒有毒。服者審之。

〔本〕治盜汗。

葳靈仙

甘草各半錢

水煎服。

臟腑盜汗皆屬腎。經云。腎病者。盜汗出。憎風是也。

運氣盜汗。皆屬寒水。經云。歲水太過。寒氣流行。甚則勞汗出。憎風。又

云。太陽所至。爲寢汗。瘥是也。

〔世〕治盜汗。桑葉爲末。茶服之。諸藥不應者。果驗。出醫說

〔孟〕豆豉能治久盜汗。患者以一升微炒令香。清酒二升。漬兩三日。取汁。任人服之。不瘥。更作三兩劑即止。

〔衍〕牡蠣煨過。麻黃根等分。同研極細粉。治盜汗及陰汗。

〔世〕盜汗。陰都。五里。間使。

〔扁〕盜汗。中極。氣海。虛損盜汗勞熱。

百勞三分

肺俞四分

補三呼

針灸

診

〔成〕盜汗者。謂睡而汗出者也。不睡則不能汗出。方其睡也。溌溌然出。覺則止而不復出矣。

卒中暴厥 五絕 暴死暴病

卒中者。卒然不省人事。全如死尸。但氣不絕。脈動如故。或脈無倫序。或乍大乍小。或微細不絕。而心胸煖者。是也。

〔仲〕尸蹇脈動而無氣。氣閉不通。故靜而死也。菖蒲屑內鼻孔中。

吹之。令人以桂屑著舌下。又方。剃取左角髮方寸燒末。酒和灌之。

立起。此即內經法也詳見後

〔靈〕邪客于手足少陰太陰足陽明之絡。此五絡皆會于耳中。上絡

左角。五絡俱竭。令人身脈皆動。而形無知也。其狀若尸。或曰尸厥。刺

其足大指內側爪甲上去端如韭葉。後刺足心。後刺足中指爪甲上

各一瘡。後刺手大指內側去端如韭葉。後刺手心。主少陰銳骨之端

各一瘡。立已。不已以竹管吹其兩耳。鬻其左角之髮方一寸。燔飲以

美酒一杯。不能飲者灌之。立已。全文見刺灸驚音易

〔王〕氣昏暈。奪命。在曲澤上針入三分先補候氣回後臍中。灸七壯忌針此二穴能起死回生

〔摘〕尸蹇。玉泉。八分補十呼得氣即瀉隱白。二分先補後瀉補生瀉成更于兩屬頻頻髮之鬼擊 支溝

二分先補後瀉補生瀉成二里。補十呼瀉五呼比二穴刺之氣不至無問其數刺之氣至去之勿復刺中惡 人中 中脘

氣海

〔仲〕少陰脈不止。腎氣微。少精血。奔氣促迫。上入胸膈。宗氣反聚。血

結心下。陽氣退下。熱歸陰股。與陰相動。令人不仁。此爲尸蹇。當刺期

門巨闕。恍惚尸蹙煩痛。中極及僕參主之。

〔甲〕尸蹙。死不知人。脈動如故。隱白及大敦主之。尸蹙暴死。金門

氣厥
不治
自愈

〔孫〕仁宗最寵貴妃。一日食次。忽仆倒。遍身卒冷。急奏帝。上乃急召孫杜。既至。奏曰。不妨。此乃氣厥爾。少頃。吐即復甦也。御坐良久。果吐而甦。上問因何而得。二人並奏曰。此貴妃方食。因憂怨氣上。遂與食相併。故如此者。吐即氣透。故復甦也。上問妃有何事如此。妃對曰。陛下無嗣。臣妾不能為陛下生皇嗣。所以自怨。氣忽上逆。而至驚動聖駕。上歎曰。朕亦自責。乃勞汝致病耶。因嘉獎孫杜之能。良久曰。醫道如此。豈非良醫也耶。

右暴厥不知人。不治自愈。經云。帝曰。厥或令人腹滿。或令人暴不知人。或至半日。遠至一日。乃知人者。何也。岐伯曰。陰氣盛於上。則下虛。下虛則腹脹滿。陽氣盛於上。則下氣重上。而邪氣逆。逆則陽氣亂。陽氣亂。則不知人也。又云。血之與氣。奔走於上。則為大厥。厥則暴死。氣復反則生。不反則死者是也。

〔丹〕嘗治一人。陰先虧而陽暴絕者。浦江鄭兄。年近六十。參養受用之人也。仲夏。久患滯下。而又犯房勞。忽一晚登廁間。兩手疎散。兩眼開而無光。尿自出。汗如雨。喉如鋸。呼吸甚微。其脈大而無倫次。無部

口張
目開
手撮
遺溺
為虛

位。可畏之甚。予適在彼。急令煎人參膏。且先與灸氣海穴。壯如小指大。至八十壯。右手能動。又三壯。唇微動。參膏亦成。遂與一盞。至半夜後。盡二盞。眼能動。盡二斤。方能言而索粥。五斤而痢止。至數十斤而安。

〔仲〕救卒死而四肢不收失便者方。

馬屎一升。水三斗。煮取二斗以洗之。又取牛洞稀糞也一升。溫酒灌

口中。灸心下一寸。臍上三寸。臍下四寸。各一壯瘡。

救卒死而張口反折者方。

灸手足兩爪後十四壯。飲以五毒諸膏散。方未考

救小兒卒死而吐利。不知是何病方。

狗屎一丸。絞取汁以灌之。無濕者。水煮乾者取汁。

救卒死。客忤死。還魂湯主之。

麻黃去節三兩

杏仁去皮尖七十箇

炙甘草一錢

千金有桂二兩

右三味。以水八升。煮取三升。去渣。分令咽之。通治諸感忤。千金方云。主卒忤鬼擊飛尸諸奄忽。氣絕無復覺。或已無脈。口噤拗不開。

去齒下湯。湯下口不下者。分病人髮左右提於肩引之。藥下復增服一升。須臾立甦。

〔局〕蘇合香丸。治卒中惡忤注。

蘇合香油入安息香膏內

薰陸香另研

龍腦研各一兩

青木香

白朮

白檀香

丁香

朱砂研水飛

沉香

香附妙去毛

犀角鏡屑

萹撥

安息香

另為末調無灰酒一升煎膏

麝香研

訶梨勒櫻取皮各二兩

右為細末。入研藥勻。用安息香膏。并煉白蜜和劑。每丸桐子大。清晨新汲水溫冷。任意化服四丸。老人小兒一丸。溫酒化服亦得。用蠟紙裹一丸。如彈子大。縫袋帶之。陳無擇云。病自內作。不曉其名者。服之皆效。最治氣厥氣不和。吐利關格。甚有神效。

〔肘〕扁鵲中惡與卒死鬼擊。亦相類為治。皆宜相參用之。已死。搗菖蒲生根。絞汁灌之。立瘥。

〔仲〕救卒死而目閉者。搗韭汁灌耳中。吹皂莢末鼻中效。

〔無〕治斃卒死。諸暴絕症。用半夏不拘多少。湯泡七次。為末。每用少許。吹入鼻中。心頭溫者可治。倉卒無方。急於人中穴。及兩腳大拇指。

離甲一菲葉許。各灸三五壯。即活。

〔和〕一夫病痰厥。不知人。牙關緊急。諸藥不能下。候死而已。戴人見之。問侍病者。口中曾有涎否。曰有。戴人先以防風。藜蘆煎湯調瓜蒂末灌之。口中不能下。乃取長蛤甲磨去刃。以紙裹其尖。灌於右鼻竅。

氣急
口禁
腹脹
滿痛
宜為
吐實

中暑

中。嚙然下咽有聲。復灌其左竅亦然。戴人曰。可治矣。良久涎不出。遂以砒石一錢。又投之鼻中。忽偃然仰面。似覺有痛。斯須吐穢及膠涎數升。頓甦。砒亦尋常勿用。以其病大。非此莫能動。然無瓜蒂。亦不可使用。宜消息之。

凡卒中尸厥。鬱冒。中風。中暑之類。皆當發表也。仲景云。鬱冒欲解。必是大汗出。還魂湯用麻黃桂枝。清魂湯用荆芥。及諸卒中用皂角半夏搐鼻取嚏。用藜蘆砒霜折齒取痰。皆所以開發一蕉。使表邪流通也。中暑。忌冷水閉表。亦此意。

〔本〕解毒雄黃丸。治卒中仆地。不知人事。方見喉痺
〔仲〕三物備急丸。

大黃

乾薑

巴荳

各一兩去皮尖心水熬研如脂

右藥各須精新。先搗大黃乾薑為末。研巴荳內中。合搗千杵。蜜和丸。器中貯之。主心腹諸卒暴百病。若中惡客忤。心腹脹滿。卒黃如錐刺。氣急。口噤。停尸。卒死者。以熱苦酒服大荳許三四丸。或不下。捧頭起灌。令下咽。須臾當瘥。如未瘥。更與三丸。當腹中鳴。即吐下便瘥。若口噤。亦須折齒灌之。

〔無〕中暑悶倒。急扶在陰涼處。切不可與冷水。當以布巾衣物等蘸熱湯。熨臍中及氣海。續以湯淋布上。令徹臍腹煖。即漸醒。如倉卒無

湯處。搗道上熱土於臍。以多為佳。冷即易之。古法。道塗無湯。即搗熱土於臍上。仍撥開作窩子。令人更溺於中以代湯。續與白虎竹葉石膏湯。凡覺中暑。急嚼生薑一大塊。冷水送下。如已迷亂悶。嚼大蒜一大瓣。冷水送下。如不能嚼。即用水研灌之。醒路中倉卒無水。渴甚。急嚼生葱二寸許。津同嚥。可抵飲水二升。中暑之病。即內經熱至則昏。是也。

大黃龍丸。治中暑眩暈。昏不知人。或身熱惡寒。頭痛。狀如傷寒。或往來寒熱。渴甚。嘔吐。泄瀉。常服去暑毒。分陰陽。

硫黃

硝石各一兩

雄黃透明者

白礬

滑石各半兩

寒食麪四兩

右為末。滴水丸。如桐子大。每服五丸至七丸。加至二十九丸。新汲水下。昏塞不知人。則以井水開口灌之。中暑忌冷。此藥以冷水下之。乃熱因寒用。

〔本〕又方。解一切暑毒。欲死者。便服之立甦。

半夏四兩。晒一升。半。煮。韭。焙。乾。

甘草一兩

肉桂

赤茯苓各半兩

白茯苓一兩

右為末。用生薑汁。麪糊丸。如桐子大。每服五十丸。熱水下。予夏日登途。常蓄此藥於篋筒中。防諸緩急。及僕价門。每日一服。無伏暑之疾。奇驗不一。

〔山〕中暑發昏。以新汲水滴兩乳。以扇搨之。重者以地漿灌之。具附若與水飲。則死。

〔仲〕諸乘寒者。則為厥。鬱冒不仁。以胃無穀氣。脾不通口。急不能言。戰而慄也。

〔無〕附子理中湯。治五臟中寒。口噤。四肢強直。失音。不語。昔有武士守邊。大雪出帳外。忽然暈倒。時灌以此藥兩劑。遂醒。

大附子炮去皮

人參

乾薑炮

甘草炙

白朮各等分

右剉為散。每服四大錢。水一盞半。煎七分。去渣。空心服。口噤。則斡開灌之。

乾薑附子湯。治中寒卒然暈倒。或吐逆涎沫如暗風。手脚攣搐。口噤。

四肢厥冷。或復躁熱。方見傷寒

〔世〕治凍死法。四肢直。口噤。只有微氣者。用大釜炒灰令煖。以囊盛

熨心上。冷即易之。目閉氣出。然後以粥清稍稍進之。若不先溫其心。

便將火灸。則冷氣與火爭。必死矣。

〔垣〕瘡瘍鬱冒。俗呼昏迷。慎不可下。汗之則愈。此因出膿血至多而鬱冒之也

〔仲〕鬱冒欲解。必大汗出。

〔本〕人平居無疾。忽如死。身不動搖。默默不知人。目閉不能開口。

啞不能言。或微知人。惡聞人聲。但如眩冒。移時方寤。此由汗過多。血少。氣併于血。陽獨上而不下。氣壅塞而不行。故身如死。氣過血還。陰陽復通。故移時方寤。名曰鬱冒。亦名血厥。婦人多有之。宜白薇湯倉公散。

白薇湯

白薇

當歸各一兩

人參半兩

甘草一分

右龕末。每服五錢。水二盞。煎一盞。去渣溫服。

倉公散

藜蘆

瓜蒂

雄黃

礬石煨

右等分。為細末。少許吹入鼻中。

〔脈〕問曰。婦人病經水適下。而發其汗。則鬱冒不知人。何也。師曰。經水下。故為裏虛。而發其汗。則表亦虛。此為表裏俱虛。故令鬱冒也。

〔垣〕婦人半產。誤用寒涼藥。有損。論治法。婦人分娩。及半產漏下。

昏冒不省。瞑目無所知覺。蓋因血暴亡。此有形血去之後。則心神無

所養。心與包絡者。君火相火也。得血則安。亡血則危。火上熾。故令人

昏冒。火乘肺。瞑目不省人事。是陰血暴亡。不能鎮撫也。故血已虧損。

往往用滑石甘草石膏之類。乃辛甘大寒之藥。能瀉氣中之熱。是血

虧瀉氣。乃陰虧瀉陽。使二者俱傷。反為不足。虛勞之病。昏迷不省者。

上焦心肺之熱也。此無形之熱。用寒涼之藥驅令下行。豈不知
之病。悉屬於表。乃陰證也。汗之則愈。今反下之。幸免不死。暴虧氣血。
生命豈能久活。又不知內經有云。病氣不足。宜補不宜瀉。瞑目合眼
之病。悉屬於陰。宜汗不宜下。又不知傷寒鬱冒。得汗則愈。是禁用寒
涼藥也。分燒牛產。本氣不病。是暴去有形之血。亡血補血。又何疑焉。
補血則神昌。常時血下降亡。今當補而升舉之。心得血。則能養神不
昏矣。血暴降下。是秋冬之令大旺。今舉而升之。以助其陽。則目張神
不昏迷矣。今立一方。補血養血。生血益陽。以補手足厥陰之不足。以
全生活血湯主之。

全生活血湯。諸陽既陷。何以知之。血下脫故也。

紅花

蔓荊子

細辛

生地

夏月倍加

熟地

各一錢

藁本

川芎

各一錢五分

防風

羌活

獨活

甘草

炙

柴胡

葛根

歸身

各二錢

白芍藥

升麻

各三錢

右咬咀。每服五錢。水煎。去渣。食前。稍熱服。

當歸附子湯。治臍下冷痛。赤白帶下。

當歸

分二

炒鹽

分三

蠟梢

升麻

各五錢

甘草

柴胡

各七分

黃柏

少許

附子

乾薑

良薑各一錄

右咬咀。每服半兩。水煎。去渣。稍熱服。或為細末。酒麪糊丸。亦可。

〔斗〕治婦人血風攻腦。痛旋悶絕。忽死倒地。不知人事者。用喝起草取其嫩心。不限多少。陰乾為末。以常酒服一大錢。不拘時候。其功大效。服之多達腦。蓋善通頂門。今蒼耳是也。

〔大〕治妊娠因外感風如中風狀。不知人。用熟艾為末。醋炒令極熱。乘熱以絹帛裹熨臍下。良久開省。

奔豚氣。上衝咽喉。發作亦似死狀。往來寒熱是也。治見積聚

卒中仆地。半身不遂者。為中風。治見中風

卒中仆地。口吐涎沫者。為癲癇。治見癲癇

運氣鬱冒有二。

其一屬熱。經云。少陰之復。鬱冒不知人。惡寒振慄。又云。少陽所至為翳昧。又云。諸熱翳瘵。皆屬於火。治以鹹寒是也。

其二屬寒。經云。歲火不及。寒乃大行。民病鬱冒。蒙昧心痛。又太陽司天。與太陽之復。皆病善悲眩仆。又陽明司天之政。四之氣。寒雨降。病眩仆。治以甘熱是也。

〔山〕中惡客忤卒死者。灸臍中百壯。以皂角末搐鼻。或研葶葇汁灌耳中。

〔仲〕救卒死

萑根

烏梅二七箇

吳茱萸半升妙

右三味。以水一斗。煮之。以病櫛內中三沸。櫛浮者生。沉者死。煮取三升。去滓。分飲之。

救卒死方。

雄雞冠割取血。以管吹內鼻中。猪脂如雞子大。苦酒一升。煮沸

灌喉中。雞肝及血塗面上。以灰圍四旁立起。大荳二七粒。以

雞子白并酒和盡吞之。

救卒死而壯熱者。方用礬石半斤。以水一斗半煮消。以浸腳令沒踝。

〔世〕驚怖死者。以溫酒灌之。

〔丹〕痰中後。心下迷悶。汪淫。食少倦怠。

白朮二錢半

川芎半錢

蒼朮

半夏

茯苓各一錢

薑三片

水煎服

四六燬。因食生菜青梅。痰發昏冒。不知人。口渴脈滑。今已能言。但說心下痞痛乏力。

陳皮

白朮各一錢

蒼朮半錢

滑石一錢半

木香三分

甘草少些

半夏七分半

水煎服

婦人三十餘歲。因產後能食。半月後。忽頭暈仆。不知人。醒後至今食

少。

白朮二錢

川芎

黃芩

茯苓各一錢

薑三片

右煎取三之一。下保和丸三十粒。

〔本〕世言氣中者。雖不見於方書。然暴喜傷陽。暴怒傷陰。憂愁拂意。氣多厥逆。往往多得此疾。便覺涎潮昏塞。牙關緊急。若概作中風候用藥。非止不相當。多致殺人。元祐庚午。母氏親遭此禍。至今飲恨。母氏平時食素。氣血羸弱。因先子捐館憂惱。忽一日氣厥。牙禁涎潮。一里醫便作中風。以大通丸三粒下之。大下數行。一夕卒。予嘗痛恨。每見此症。急化蘇合香丸灌之便醒。然後隨其寒熱虛實而調理之。無不愈者。

經云。無故而瘖。脈來乍大乍小。乍短乍長者。為祟。滑者鬼注。緊而急者遁尸。

〔素〕脈至如喘。名曰暴厥。暴厥者。不知與人言。大奇論脈浮而散者

為胸仆。王註云浮為虛散為不足。○脈要精微論急虛。身中卒至。五臟絕閉。脈道不通。氣不

往來。譬於墮溺。不可為期。其脈絕不來。若人一息五六至。其形肉不

脫。真藏雖不見。猶死也。王機真藏論

〔無〕中暑脈陽弱陰虛。微遲似芤。

診

諸厥無腹滿者下

〔脈〕問曰。婦人病如癩疾鬱冒。一日二十餘發。師脈之反言帶下。皆如師言。其脈何類。何以別之。師曰。寸口脈濡而緊。濡則陽氣微。緊則榮中寒。陽微衛氣虛。血竭凝寒。陰陽不和。邪氣舍於榮衛。疾起年少。時經水來以合房室。移時過度。精感命門開。經下血虛。百脈皆張。中極。感陽動微風。激成寒。因虛舍榮衛。令積於丹田。發動上衝。奔在胸臆。津液掩口入。涎唾涌溢出。眩冒狀如厥。氣衝脾裏熱。龕醫名爲癩灸之。因大劇。問婦人病苦。氣上衝胸。眩冒。吐涎沫。脾裏氣衝熱。師脈之。不名帶下。其脈何類。何以別之。師曰。寸口脈沉而微。沉則胃氣伏。微則榮氣絕。陽伏則爲疹。陰絕則爲亡血。病當小便不利。津液閉塞。今反小便通。微汗出。沉變爲寒。咳逆嘔沫。其肺成痿。津液竭少。亡血損經絡。因寒爲血厥。手足苦痺。氣從丹田起。上至胸臆。沉寒怫鬱於上。胸中窒塞。氣歷陽部。面翕翕如醉。形體似肥。此乃浮虛。醫反下之。長針。復重虛榮衛。久發眩冒。故知爲血厥也。

〔仲〕問曰。寸口脈沉大而滑。沉則爲實。滑則爲氣。實氣相搏。血氣入臟卽死。入腑卽愈。此爲卒厥。何謂也。師曰。唇青身冷。爲入臟卽死。如身溫和。汗自出。爲入腑卽愈。

〔脈〕人病尸厥。呼之不應。脈伏者死。脈大反小者死。卒中惡。腹大四肢滿。脈大而緩者生。緊大而浮者死。緊細而滑者亦生。

五絕

〔丹〕治五絕。一自縊。二摧壓。三溺水。四魔魅。五產乳。用半夏一兩末。為丸。荳大。內鼻中愈。心溫者。一日可治。出子母 秘錄

〔仲〕救自縊死。自旦至暮。雖已冷。必可治。暮至旦。則難。恐此當言陰氣盛故也。然夏時夜短於晝。又熱。猶應可治。又云。心下若微溫者。一日已上。猶可治之。當徐徐抱解。不得截繩。上下安被臥之。一人以脚踏其兩肩。手挽其髮。常令弦急。勿使縱緩。一人以手按據胸上。數摩動之。一人摩捋臂脛屈伸之。若已殭直。但漸漸強屈之。并按其腹。如此一炊頃。雖得氣從口出。呼吸眼開。仍引按其置。亦勿勞之。須臾可少與桂湯及粥清含與之。令喉潤。漸漸能嚥乃止。更令兩人以管吹其兩耳。此法最善。無不活者。

〔山〕自縊者。切不可割斷繩子。以膝蓋或用手厚裹衣物緊頂穀道。抱起。解繩放下。揉其項痕。搐鼻。及吹其兩耳。待其氣回。方可放手。若便泄氣。則不可救矣。

〔肘〕自縊死。安定心神。徐緩解之。慎勿割繩斷。抱取。心下猶溫者。刺雞冠血。滴口中。即活。男雌女雄。又方。雞屎白如棗大。酒半盞。和灌及鼻中。尤妙。千金方。以藍汁灌之。餘法同上。

〔山〕卒墮顛壓倒打死。心頭溫者。皆可救。將本人如僧打坐。命一人

救自縊死法

救墮死

將其頭髮控放。低用半夏末吹入鼻內。如活。却以生薑汁香油打勻灌之。

〔仲〕救溺死方。取竈中灰兩石埋之。從頭至足。水出七孔。即活。

〔山〕溺水者。放大橈上睡着。將脚後橈脚站起二磚。却蘸鹽擦臍中。待其水自流出。切不可倒提出水。此數等。但心頭微熱者。皆可救治。

又方。溺水死一宿者尚活。搗皂角綿裹內下部。須臾出水。即活。

〔世〕治兒驚不寤中惡者。皂角爲末。如葦荳大許。吹入鼻中。得嚏即氣通。

〔山〕驚死不得近前喚。但痛咬其脚跟及唾其面。不省者。移動些少臥處。徐徐喚之。元有燈則存。無燈切不可點燈。及用皂角搗兩鼻。

〔肘〕臥忽不寤。勿以火照之。殺人。但痛嚙大拇指甲際而唾其面則活。取韭搗汁吹鼻孔。冬月用韭根取汁灌口中。

〔集〕治卒驚。雄黃搗末細篩。以管吹入鼻孔中。

暴死暴病

暴死乃真死也。皆死於片晌半日。或一日二日。如非卒中。可再醒也。

〔靈〕黃帝曰。其有卒然暴死暴病者。何也。少師答曰。三虛者。其死暴疾也。得三實者。邪不能傷人也。黃帝曰。願聞三虛。少師曰。乘年之衰。

逢月之空。失時之和。因爲賊風所傷。是爲三虛。故論不知三虛。一反。

為寵。帝曰：願聞三實。少師曰：逢年之盛，遇月之滿，得時之和，雖有賊

風邪氣，不能危之。歲露篇

三虛相搏，則為暴病卒死。全文見論藏為病

運氣暴死暴病有四。

一曰虛。經云：六位之氣盈何如。岐伯曰：大少異也。大者之至徐而常

少者之至暴而亡，是也。蓋暴雖謂所至之氣，然病氣皆在其中也。

二曰火。經曰：火鬱之發，甚則悶。懊懣善暴死。又云：少陰所至為暴死

又云：少陽司天之政，三之氣炎暑至，民病暴死。又云：陽明司天之政

二之氣榮厲大至，民善暴死。又云：少陽所至為暴病是也。

三曰風火。經云：少陽司天，火氣下臨，風行於地，其主暴速。又云：厥陰

司天，風氣下臨，其發機速，主所謂變化卒急，其為疾病，速在發機是

也。

四曰金。經云：金太過曰堅成，堅成之紀，其動暴折，傷注是也。此金兼

火化之氣，金主折，火主暴也。

〔靈〕雷公曰：人不病而卒死，何以知之。黃帝曰：火氣入於臟腑者，不

病而卒死矣。雷公曰：病小愈而卒死者，何以知之。黃帝曰：赤色出兩

顴，大如拇指者，病雖小愈，必卒死。黑色出於庭，大如拇指，必不病而

卒死。赤色出兩顴，即脈訣所謂暴病如粧不久居者是也。五色篇

太陽根于至陰。結于命門。命門者目也。太陽為開。開折則目昏。暴病起矣。故暴病者。取之太陽。視有餘不足。續者。皮肉宛腫而弱也。

根結篇

卷之六

醫學綱目卷之十八 心小腸部

癰疽 腫瘍 潰瘍 癰疽所兼諸症 久漏瘡

腫瘍者。癰疽未見膿而腫者也。潰瘍者。癰疽之膿已潰出者也。丹溪云。腫瘍內外皆壅。宜以托裏表散為主。設欲行大黃者。宜審其虛實之原。瘍潰內外皆虛。宜以補接為主。設欲行香散者。宜防其虛虛之失。由是言之。則癰疽之腫時與潰時不同。今分腫瘍潰瘍為二門。

腫瘍

癰疽方腫未見膿者也。

托裏 陳通 榮衛 三法

〔潔〕瘡瘍者。火之屬。須分內外。若其脈沉實。當先疎其內。以絕其原也。其脈浮大。當先托裏。恐邪氣入內也。有內外之中者。邪氣至甚。遏絕經絡。故發癰腫。經曰。榮氣不從。逆于肉理。乃生癰腫。此因失托裏。及失疎通。又失和榮衛也。治瘡之大要。須明托裏疎通行榮衛三法。托裏者。治其外之內。疎通。治其內之外。行榮衛者。治其中也。內之外者。其脈沉實。發熱煩躁。外無焮赤痛甚。邪氣深于內也。故先疎通臟腑。以絕其原。外之內者。其脈浮數。焮腫在外。形證外顯。恐邪氣極而內行。故先托裏。以防其內也。內外之中者。外無焮惡之氣。內亦臟腑宣通。知其在此。當和榮衛也。用此三法之後。雖未瘡。必無變證。亦可。

表裏
寒溫
之異

脈沉
實痛
深者
宜寒
劑疎
通

脈浮
數者
錢者

使邪氣峻減而易痊也。

〔垣〕瘡疽之發。其受之有內外之別。治之有寒溫之異。受之外者。法當托裏以溫劑。反用寒藥。則是皮毛始受之邪。引入骨髓。受之內者。法當疎利以寒劑。反用溫劑托裏。則是骨髓之病。上徹皮毛。表裏通潰。共為一瘡。助邪為毒。苦楚百倍。輕則危殆。重則死矣。予聞潔古云。瘡瘍之生也。表裏不同。或攻或發。少有差舛。變證隨能殺人。甚于傷寒也。針灸施治。各隨其宜。所用之藥。又當明入五臟君臣。是其法也。〔潔〕內疎黃連湯。治嘔腕心逆。發熱而煩。脈沉而實。腫硬木悶。而皮肉不變色。根係深大。病遠在內。臟腑秘澁。當急疎利之。

黃連

芍藥

當歸

檳榔

木香

黃芩

梔子

薄荷

桔梗

甘草

連翹

右除檳榔木香為末外。並剉每服一兩。水一盞半。煎一盞。先吃一二服。次每服加大黃一錢。再加二錢。以利為度。如有熱證。止服黃連湯。大便秘澁。加大黃。如無熱證。止用復煎散時時呷之。如此內外皆通。榮衛和調。則經絡自不遏絕矣。內托復煎散。治腫焮於外。根盤不深。形證在表。其脈浮。痛在皮內。恐邪氣盛。則必侵于內。急須內托。以救其裏。

地骨皮

黃芪

防風各二兩

芍藥

黃芩

白朮

茯苓

人參

甘草

當歸

防己各一兩

桂五錢

右以咀。先將蒼朮一斤。用水五升。煎至三升。去蒼朮滓。入前藥十二味。再煎至三四盞。絞取清汁。作三四服。終日服之。又煎蒼朮滓為湯。去滓。再依前煎十二味藥滓服之。此除濕散鬱熱。使胃氣和平。如或未已。再作半料服之。若大便秘。及煩熱。少服黃連湯。如微利。煩熱已退。却服復煎散半料。如此使榮衛俱行。邪氣不能內侵也。

當歸黃芪湯。治瘡瘍臟腑已行。而痛不可忍者。

當歸

黃芪

地黃

川芎

地骨皮

芍藥各半錢

右以咀。水煎服。如發熱。加黃芩。

如煩躁不能睡臥者。加梔子。

如嘔。則是濕氣侵胃。倍加白朮。

〔海〕奪命丹。治惡瘡癰疽發背。

大黃

為末置砂器中以水攪八十一遍飛過一兩

牡蠣兩

生薑兩

沒藥

乳香各一錢

右為粗末。轉作丸子。一錢。用好酒一升。木炭火熬一沸。分二碗盛。

之夜露一宿。早晨去滓。空心服。

治發背方。蒼耳炒黃。擦其刺。再炒深黃。不見風。研細末。每服五錢。七好熱酒調。食前臨臥服。

一則用大黃牡蠣。一則用蒼耳。知有內外之別也。前用奪命丹。

二藥表裏不同。何以然。乃膏粱之變。脈沉而滑。地之濕氣。感則害人皮肉筋脈。脈浮而滑。所以有泄之發之之異也。

〔丹〕癰疽。因積毒在臟腑。非一朝夕。今發于外。宜以標本為治。當先助氣扶胃。使根本堅固。而以行經活血為佐。參以經絡時令。使毒氣外發。此症仲景解表用麻黃桂枝之意。施治之早。可以內消。此乃內托之本意也。

〔垣〕通父家翟稜。於尻臀上。足太陽經生癰。堅硬腫痛大作。左右尺脈俱緊。按之無力。

羌活

黃柏酒洗各二錢

防風

藁本

連翹各一錢

肉桂七分

甘草炙

蒼朮

陳皮各五分

當歸一錢

黃芪一錢

右作一服。酒二大盞。水一大盞。煎至一盞。去渣。熱服空心。以夾被

蓋覆其癰。使藥行罷去之。一服愈。

〔丹〕王姑丈。七十餘。患項疽。脈實而稍大。此因憂悶而生。太陽經治

瘡以發表為先

之

歸頭二錢

黃柏半錢

黃芪

羌活

地黃酒

黃芩酒

桔梗一錢

黃連酒

連翹

防風

甘草生

人參

陳皮

防己

澤瀉分五

白水煎服

〔垣〕淨腋湯。治皮膚痒。腋下瘡。背上瘡。耳聾耳鳴。

麻黃一錢

桂枝二錢

草薺一錢

當歸槍七分

紅花少許

羌活二錢

防風一錢

柴胡一錢

升麻半錢

連翹

桔梗分五

甘草分五

生地五分

黃芩酒一錢

蒼朮一錢

右剉。如麻荳大。都作一服。水二大盞。煎至一盞。去渣。稍熱服。

尹老家素貧寒。形志皆苦。于手陽明經分出癰。第四日忽腫。幼有癩疔。其臂外皆腫痛。先腫在陽明。左右寸皆短。中得之俱弦。按之洪緩有力。此癰得自入風之變。以脈斷之。邪氣在表。然其症大小便如故。飲食如常。腹中和。口知味。知不在裏也。不惡風寒。止熱躁。脈不浮。知不在表也。表裏既和。知邪止在經脈之中。凝滯為癰。出身半已上。風從生受之也。故與御寒邪。和經脈中氣血。使無凝滯也。白芷升麻湯。

白芷七分

升麻

桔梗各五分

甘草炙

黃芩 生

歸梢

生地 各一錢

酒黃芩

黃芪

連翹 各二錢

中桂 少

紅花 少

右水酒各一盞同煎至一盞臨臥熱服一服愈。

此症雖曰經脈之中然得之自入風之變其藥制度皆發表之意。

此方黃芩重用未免過之宜酌量。

婦人兩乳間出黑頭瘡瘡頂陷下作黑眼子其脈弦洪按之細小。

升麻

連翹

葛根 各一錢半

肉桂 三分

黃芪

歸身

甘草 各一錢

黍粘子 五分

黃柏 二錢

右作一服水一盞酒半盞煎至一盞二服愈。

〔羅〕汗之則瘡已。丁巳年委予從軍回住曹州有趙同知鼻經歷。

病頭面赤腫耳前後尤甚疼痛不可忍發熱惡寒牙關緊急涕唾稠

粘飲食難下不得安臥一瘍醫腫上砭刺四五百餘針腫赤不減其

痛益甚不知所由然予往診視其脈浮緊按之洪緩此寒覆皮毛鬱

遏經絡熱不得升聚而赤腫經云天寒地凍則水冰人氣在中皮膚

緻腠理閉汗不出血氣強內堅瀼當是之時善行水者不能注冰善

穿地者不能鑿凍善用針者亦不能取四厥必待天溫冰釋凍解而

水可行地可穿人脈亦猶是也又曰冬月閉藏冰水也斥女用藥

脈浮
緊者
宜解
表

而少針石也。宜以苦溫之劑。溫經散寒則已。所謂寒凝腠理以苦發之。以辛散之也。宜以托裏溫經湯。麻黃苦溫。發之者也。防風辛溫。散之者也。升麻苦平。葛根甘平。解肌出汗。專治陽明經中之邪。故以為臣。血流而不行者則痛。以香白芷歸身辛溫。以破血散滯。濕熱則腫。蒼朮苦甘溫。體輕浮。力雄壯。能泄皮膚腠間濕熱。人參甘草甘溫。白芍藥酸微寒。調中益氣。使托其裏也。故以為佐。各剉如麻荳大。同秤。水煮餌之。以薄衣覆其身。以厚被覆其身。且臥于暖處。則經血溫。腠理開。寒乃散。陽氣伸。大汗出。腫減八九。再服去麻黃防風。加連翹黍粘子。痛腫悉去。經言汗出則瘡已。信哉。

托裏溫經湯。治寒覆皮毛。鬱遏經絡。不得伸越。熱伏榮中。聚而赤腫。痛不可忍。惡寒發熱。或相引肢體疼痛。

麻黃去根

白芷

當歸各二錢

防風去蘆

葛根各三錢

升麻四錢

甘草炙

白芍藥各一錢半

人參

蒼朮各一錢

右剉。如麻荳大。每服秤一兩。水二盞。先煮麻黃。令沸熟。去沫。再下餘藥。同煎至一盞。去渣。大溫服訖。臥于暖處。已以綿衣覆之。得汗而散。

〔垣〕蒲津王世祚。年七十。感寒濕地氣。二月間。得附骨癱于左腿外

側。足少陽之分。少侵足陽明分。闊六七寸。長一小尺。堅硬漫腫。不辨肉色。皮澤深。以指按至骨。大痛。又行步作痛。與藥下咽。疼痛立止。二日後。柔軟而腫消矣。

柴胡

黍粘子各錢半

連翹

肉桂各一錢

黃芪

當歸梢各二錢

黃柏

甘草各五分

升麻七分

作一帖。好酒一盞半。煎至一盞。大溫空心食。消盡服之。少時。以早膳壓之。使不令大熱上攻。犯上中二焦也。

賈德茂。男十歲。四月天氣大熱。于左足大腿近膝股內。足厥陰肝之經。少侵足太陰脾之經。分出附骨疽。不辨肉色。漫腫。皮澤木硬。痛勢甚大。其脈在三部細弦。按之洪緩。略有力。

黃芪二錢

柴胡梢一錢

羌活五分

連翹一錢二分

肉桂三分

土瓜根三分

生地

黃柏酒洗二分

當歸尾七錢半

右作一服。酒一盞。水三盞。煎至一盞。空心熱服。一服愈。

〔垣〕內托榮衛湯。治風濕熱鬱。其手足少陽。致血脈凝逆。使榮衛周身元氣消弱。其風熱滯于下。其面色必赫赤而腫。微黯色。風木之性上衝。顏必忿色。其人多怒。其瘡之色。亦赫赤腫硬。散帶暗色。上

形勢亦奮然高起。結硬而作痛。其脈洪緩而弦。宜發其汗而通其榮衛。則邪氣去矣。

黃芪

桂枝各五錢

防風

羌活

黃芩

當歸各一錢半

連翹

柴胡各一錢

甘草炙

人參各一錢

蒼朮

紅花各三錢

右以咀。只作一服。水酒各一大盞。同煎至一盞。溫服。

右九方。皆東垣及羅謙甫丹溪。隨癰疽所發分野制之也。其方皆以發表為先。不過一二服而愈。如癰疽發在太陽經分野。必用防風羌活。陽明經分野。必用香白芷升麻。少陽經分野。必用柴胡。太陰經分野。必用芍藥升麻。少陰經分野。必用獨活。厥陰經分野。必用青皮柴胡。皆以桂佐之。身半已下者。必用酒水多。熟煎之。空心服。使藥下行。身半已上者。必用酒水少。帶生煎之。臨臥服。使藥上行。脈細小無力。必于本經藥中加辛熱劑。脈洪大有力。必于本經藥中加苦寒劑。隨症加減。活潑潑地。其效如神。真良醫也。

〔消〕縮毒金粉散。治但疼痛。不急脹。

乾葛

甘草

鬱金

川芎

瓜蒞根

白芷

右等分。並生為末。每一錢。溫酒入蜜調下。不拘時。此藥大散五臟

力服者有
宜春夏
宜解表

積毒凝滯。日三服。

〔垣〕羌活當歸湯。治腦疽。

黃芩酒炒

黃連酒炒

歸身酒浸

甘草炙各一兩

羌活

黃柏酒浸

連翹各五錢

澤瀉

獨活

藁本各三錢

防風

梔子仁各五分

右咬咀分作四服。水一小碗。先浸一時許。入酒一匙。煎至八分。去渣。大溫服。食後。日二服。和渣計六服。日三服盡。去渣。清藥調下。後檳榔散。

檳榔散。用檳榔為細末。將羌活當歸湯調下。

黃柏當歸湯。治背疽。

黃柏炒七錢

黃芩炒

當歸身炒

甘草炙各一兩

黃連炒

防風各五錢

澤瀉

山梔

知母

地骨皮各三錢

連翹五分

右咬咀分作四服。每服水一小碗。浸一時許。入酒一匙。煎至八分。去渣。調下檳榔散。大溫服。與前藥同。

〔丹〕呂孺人惡寒發熱。腹上有小疽。此血少有熱。與此藥。

白朮

川芎三錢

赤芍藥

連翹二錢

陳皮

防風

黃芩二錢

木通一錢

服力無
秋者
宜溫
熱解
表

甘草五分

分五帖水煎服。

〔丹〕治好酒婦人。用酒煨大黃。取汗法。見膏梁條。

〔精要〕十宣散

人參

當歸

黃芪各二兩

川芎

防風

厚朴

桔梗

官桂

甘草

白芷各一兩

右為細末。每服二錢。加至六錢止。熱酒調下。日數服。以多為妙。不

飲酒者。用木香濃煎湯下。然不若酒力之勝也。許學士云。此方得

于都下異人。濟苦者不可計數。

陳無擇謂此藥在第四節。服者非也。早服中病者。必消散。

〔雜〕千金托裏散。治發背疔瘡。方見疔瘡

〔消〕托毒散。治癰疽初起。高腫發痛不定。喘息氣粗。

附子一枚炮去皮尖

當歸

麻黃

甘草

官桂

川芎

羌活

石葦

龍膽草

右九味等分。為末。每服二錢。水一大盞。薑三片。鹽少許。同煎。

〔丹〕一男子。年五十餘。形實色黑。背生紅腫。近胛骨下痛甚。脈數而

洪緊。食亦嘔。正冬月與麻黃桂枝湯。加酒黃柏生附子栝藿子甘草節羌活青皮人參黃芪半夏生薑六帖而消。此非內托之意歟。
〔精〕五香湯。

木香

沉香

麝香

乳香

丁香

粉草

人參

黃芪

犀角

右每服四錢。水二盞。煎至一盞。不拘時。

五香連翹湯

乳香

甘草

木香

沉香各三分

丁香半兩

連翹

射干

升麻

黃芪

木通

桑寄生如無升麻倍之

獨活各三分

麝香一錢

右咬咀。每服三錢。水一盞。煎至七分。溫服。大便祕者。加大黃。

內托散一名護心散。一日至三日之內。宜速進十數服。

真菘荳粉一兩

明乳香

中兩慢火于銀石器中炒手指攪使乾急傾出扇冷研極細

右研令勻。每服二錢至三錢。濃煎甘草湯調下。時時細呷。粟藥常

在胸膈間。若毒衝心。有嘔逆之證。大宜服此。如有寒而嘔逆不宜服此當用辛熱

丹溪云。內托散菘荳解丹毒。又治石毒。味甘。入腸胃。注惡化毒。

有丹石毒者宜解毒

君。乳香去惡腫。入少陰。性溫善竄為佐。甘草性緩解五金。石而發疽。恐非藥毒為使。此方專為服丹石而發疽者設。若不因丹石而發疽。恐非必用之劑。又云內托散性涼。治嘔有降火之理。

〔仲〕排膿湯方

甘草二兩

桔梗三兩

生薑一兩

大棗十枚

右四味。以水三升。煮取一升。溫服五合。日再服。

〔本〕托裏排膿生犀散。

皂角刺不拘多少粗大黑紫者

右置瓶中。鹽泥固濟。炭火燒過存性。放冷。出研為細末。每服一錢。

薄酒微溫調下。暑月陳米飲下。

〔潔〕保安湯。治瘡托裏。或已成者速潰。

瓜蒌新者一個去皮火焙 沒藥通明者一錢研

金銀花

甘草

生薑各半兩

右為細末。用好無灰酒三升。于銀石器內。煎至一升。分作三盞。三

次飲盡。病微者。只一服。如服托裏藥不能發散。又作瘡者用此。

〔精〕柞木飲子。

乾柞木葉四兩半

乾荷葉中心蒂

乾萱草根 甘草節

地榆各一兩

右細剉。每服半兩。水二碗。煎一碗。分作二服。早晚各一服。未成者自消。潰者自乾。其荷蒂去惡血。萱根下水解毒。利胸膈。柞木有芒刺能驅逐。地榆主下焦血病。輕小證候。或可倚仗。

〔精〕車螯散。

車螯 一兩煨通赤本草云車螯解酒毒

生甘草

輕粉 五分

右一處為細末。每服四錢。濃煎栝蒌酒調下。五更服。轉下惡物為度。未知再用。效在五香之上。 本草云車螯大蝮也一名蝮

又方。車螯 四個黃泥固濟火煨赤出火毒一宿

瓜蒌 一個去皮瓦上炒香

燈心 三十莖

甘草節 五分

右為粗末。作一服。酒二盞。煎一盞。去渣。入蜜一大匙。和勻。每用酒八分盞。車螯末二錢。膩粉少許調勻。空心溫服。取下惡物。黃涎為效。

丹云。車螯散。一以輕粉為佐。一以燈心為佐。其散腫消毒下積。安詳穩重。輕小症候。可以倚仗。

治背瘡。荆芥穗。木鱉子。仁。大黃。歸頭。甘草節。除荆芥穗為君外。餘各等分。酒水各一碗。煎至七分。空心向東飲。即下積。與粥便止。若結成者。用川棟子七枚。燒灰酒下。次與十四枚。又次與廿一枚。三帖後。雖結亦小之。 氏

〔千〕漏蘆湯。治癰疽丹法惡肉。時行熱毒赤腫。

漏蘆

連翹

黃芩

白斂

枳殼

升麻

粉草

麻黃

朴硝各一兩

大黃一兩

右除硝外。每服二錢。水一盞。薑三片。薄荷三葉。同煎溫服。取利爲度。

〔精〕漏蘆湯

生黃芪

連翹

沉香

漏蘆各一兩

粉草半兩

大黃一兩

右爲細末。每服三盞。薑棗湯調下。

內消升麻湯。治血氣壯實。若患癰疽。大小便不通。

升麻

大黃各二兩

黃芩一兩

枳實炒

當歸

芍藥

甘草炙各一兩

右咬咀。水煎食前。

〔羅〕內消丸。治瘡腫初生。及癰癰結核。熱毒鬱滯。服之內消。

薄荷葉

皂角不甞者水浸至軟各半斤煎膏

牽牛半斤取頭末

青皮

陳皮各一兩

沉香半兩

廣茂炮

京三稜炮各三錢

右為末。入牽牛頭末。用煎膏和丸。如菘荳大。每服三十丸。煎連翹湯送下。食後。

孫真人單煮大黃湯脈實沉而數膏梁食肉之輩大腑秘者詳審用之

錦紋大黃酒洗去皮

右一味。剉如麻荳大。水煮服。

〔精〕神仙追毒丸。能解一切毒。如被狐狸毒。鼠惡菌。河魴毒。疫死牛馬肉毒。蛇犬惡蟲所傷。又治癰疽發背。及療魚臍瘡。人多不識。喚作癰疽。致命殺人者。及治諸風癰疥赤腫癩等。

五倍子搗破洗焙三兩 山茨菰去皮淨焙一兩 麝香二錢研入

山荳根一兩 紅牙大戟去蘆洗淨焙乾一兩半

硃砂 雄黃各一兩

千金子即續隨子去壳研去油取霜一兩 全蠍

右除千金子麝香外。七味為細末。却入研藥另勻。用糯米飲為丸。分四十丸。每服一丸。生薑薄荷汁并花水研服。昔有一女子。久年病瘵。磨一丸服之。一時吐下小蟲千餘條。半月即無事。丹溪云。神仙追毒丸。其五倍子消毒殺蟲解風為君。山茨菰千金子大戟。皆驅逐走泄之劑。佐以麝香升散。若用之固裏以發表。實非所宜。苟能灼見臟腑有積毒異蟲深痼。而體不虛者。亦是快藥。古人兵曰義兵。刑曰祥刑。戒勿輕于用也。

而薄
高
癰
外
薄
在
其
在

而平
大
疽
痛
微
其
大
心

癰
宜

〔靈〕帝曰。癰疽何以別之。岐伯曰。榮衛稽留于經脈之中。則血泣而不行。不行則衛氣從之而不通。壅遏而不得行。故熱。大熱不止。熱勝則肉腐。肉腐則為膿。然不能陷骨髓。不為焦枯。五臟不為傷。故命曰癰。

劉涓子云。癰之痛。只在皮膚之上。又云。癰發如火焚茅。初如黍米大。二三日如掌面大。五七日如碗面大。即易治。如腫冷發渴發逆。治之難愈。

帝曰。何謂疽。岐伯曰。熱氣淳盛。下陷肌膚。筋髓枯。內連五臟。血氣竭。當其癰下。筋骨良肉皆無餘。故命曰疽。

劉涓子云。疽發。或如小癰。觸則徹心痛。四邊微起。如橘皮孔。色紅赤。不全變膿。水不甚出。至七八日。疼悶喘急不止。又云。始發腫高。五指忽平陷者。此內攻之候也。精要云。生疽處。不熱不痛。低陷者。此為內發。難治必死。

疽者。上之皮大以堅。上如牛領之皮。癰者。其皮上薄以澤。此其候也。

癰疽篇○精要云小按乃痛者病勢淺大按乃痛者病勢深此辨癰疽之法也

劉涓子云。癰疽有二等。毒氣浮淺屬肺。偷傷寒陽症毒氣沉深屬臟。偷傷寒陰症毒

氣猛烈而行經絡。或淺或深無定。五臟六腑皆受五毒。難為調理。唯

宜急切。偷傷寒兩感于寒難治於癰發諸處。不問虛實。高腫起。盛光澤。疼痛只在

發表
發穴

皮膚之上。熱急脹滿。或有痒疼。別無惡候。初用溫藥平氣。次用排膿發穴。

治癰所謂平氣者。乃犀角飲之類。其方用犀角連翹漏蘆甘草當歸肉桂。皆發表之藥也。所謂發穴者。乃棘針之類。用皂角刺為君。甘草川芎乳香為佐使。亦托裏之藥也。然不若潔古東垣諸方。發表托裏為穩當。

疽宜
實內
補虛

疽發諸處。不拘大小。精要謂廣一尺二尺曰疽者非惟起在背。廣一尺二尺三尺。皮厚而紫黑高腫不常。內疼如錐刺。攻擊滿悶。應四肢重疼。前心亦痛。餘處發猶可。唯虛處及近筋骨處。若膿毒未潰。即傷爛筋骨肉損。為疽者。屬五臟。毒氣深沉。多氣伏硬堅實。而不宜緩慢治之。須內實五臟。外透皮膚。令軟勻和。即膿透。宜用內托實臟氣之藥。排膿勻氣。乃可。不比癰之毒氣浮淺也。毋作一類治之。

凡一切瘡腫。始覺患起高腫。五七日忽平陷者。此是內攻之候也。急以內托散及內補湯藥。補填臟腑令實。最怕透膜。膜穿十無一生矣。癰之邪淺。其稽留壅遏。獨在經脈之中。而專攻于外。故初發時。自表便發熱。患處便如柁。如盆高腫而痛甚者。縱欲下陷。緣正氣內固。不肯受故。或便秘。或發渴。發逆。以拒之。是以骨髓終不焦枯。五臟終不傷也。疽之邪深。其稽留壅遏。內連五臟。而不專攻于外。故身體或無

熱患處或不腫痛。甚者聲嘶氣脫。眼黑眼小。十指腫黑如黑多。死。治之之法。癰之初發。當以潔古法為主。表者散之。裏者下之。火以灸之。藥以敷之。膿未成者必消。膿已成者速潰也。疽之初發。當以消子法為主。補填臟腑令實。勿令下陷之邪蔓延。外以火灸。引邪透出。使有穴歸。着而不亂。則可轉死回生。變凶為吉。今世外科不分癰疽。一例宜熱拔毒。外以五香耗其氣。內以大黃竭其血。終不能自悟其藥之非。惜哉。

治癰疽初覺。腫結未成。可以消散毒飲子。

黃芪二兩

甘草炙

天羅生

山藥炒

鬼腰帶葉

牛兩生竹籬陰濕石岸絡而生者好。絡木者無用。其藤柔細兩葉相對。形生三角。

右為粗末。每服三錢。水一盞。煎至七分。入酒三盞。同煎一二沸。去渣溫服。

渣溫服。

〔精〕神效托裏散。治癰疽發背。腸癰。妳癰。無名腫毒。焮赤疼痛。憎寒發熱。不問老幼虛弱並治之。

黃芪去蘆

忍冬藤葉各五兩

當歸一兩八錢

粉草炙八錢

右為細末。每服二錢。酒一盞半。煎至一盞。病在上。食後服。在下。食

前服。少頃再進。留滓外敷。

〔保〕諸瘡瘍痛。色變黑紫者。回毒金銀花湯。

金銀花

弁梗二兩

黃芪

四兩

甘草

一兩

右用酒一升重湯煮三兩時去渣溫服。

〔本〕黃芪散

綿黃芪

一兩

甘草

半兩

皂角刺

揀紅紫者剉炒黃一兩

右細末每服二大錢酒一盞乳香一塊煎至七分去渣服。

〔海〕黃芪湯與四物相和亦名托裏湯血氣齊補也。

黃芪四物湯

人參

黃芪

白朮

茯苓

芍藥

甘草

生薑

當歸

地黃

川芎

多加金銀花煎服。

〔本〕內固黃芪湯

綿黃芪

人參

各半兩

右細末入真生龍腦一錢研細生藕汁和丸如菴荳大每服三十

丸溫熱水下加至四十九丸日三服。

〔丹〕五八嬌年六十歲背上瘡服洪大數午後惡寒發熱食少。

連翹

黃芪

生三錢

人參

二錢

陳皮

茯苓

五分

砂仁

三錢

甘草

炙

白朮

一錢

分十帖煎服

右方皆以黃芪爲君。甘草歸參爲佐。乃實內補虛之中兼托裏也。
〔精〕阿膠飲子

明阿膠妙如珠 粉草各一兩 橘紅半兩

右咬咀分作三服。再服以水一盞煎七分。去渣溫服。

又方。牛膠飲。截癰疽惡瘡發險處。服之使毒氣不攻于內。

牛膠通明者四兩 用酒一碗。入膠內重湯煮溶透。攪勻傾出。更侵酒。隨

意飲。能飲者以醉爲度。此法活人甚多。

又方。黃礬丸。服過一兩已上。無不取效。最止疼痛。不傷臟腑。活人不可勝數。

白礬兩一 黃蠟半兩

右和丸。如桐子大。每服十丸。漸加至五十丸。溫酒送下。如未破已消。已破即合。一日服百粒。則有效。能防毒氣內攻。尤能護膜。始終須服半斤。瘡愈後服之尤佳。治蛇咬溶化。白礬乘熱滴傷處。痛即止。一方用明礬飛過研細。以雞子二個取清。調礬末稀稠如糊。用無灰陳好酒。放開服之。膿未成者即消。已成膿者。從大小便出神效。累驗其功。大勝黃礬丸。

國老膏。治一切癰疽。能消腫逐毒。使毒不內攻。其效不可具述。

甘草大者二斤。槌碎河水浸一宿。搗令漿汁濃。去盡筋滓。再用

絹濾。過銀石器內。慢火熬成膏。用器收之。每服一二匙。無灰酒。或白湯亦可。會服燥藥丹劑者。亦解之。本事方每甘草一斤分作三服。溫酒調下。今云一二匙。恐力少也。

遠志酒。治一切癰疽發背。癩毒惡候。浸有死血陰毒在中。則不痛。敷之即痛。有憂怒等氣積而內攻。則痛不可忍。敷之即不痛。或蘊熱在內。熱逼人手不可近。敷之必清涼。或氣虛血冷。潰而不斂。若七情內鬱。治之必愈。

遠志 不以多少。附硬搥去心。 爲末。酒一盞。調末三錢。澄清飲之。以滓敷于患處。

忍冬酒。初發便當服此。或貧乏中。或居鄉僻田。夫野老。百發百中。

忍冬藤 生取一把。以葉入砂盆研爛。入酒少許調和。得所塗。傳四圍中心留一口。又取五兩。用木槌碎。不犯銹器。

甘草 一兩 生剉

右二味。入砂瓶內。用水二碗。文武火煎至一碗。入好酒一大碗。煎十數沸。去渣。分爲三服。一日連夜進盡。病勢重。一日夜可二劑。冬馬

膝補血如氣虛及寒多人不宜。用是故田夫野老百發百中也。

〔丹〕阿膠飲。牛膠飲。黃礬丸。以牛皮屬金屬土。補肺氣。實大腸。壯胃止泄。黃礬丸。以蠟味甘。入大腸有補難化。國老膏。以甘草化毒。行經。遠志酒。忍冬酒。皆有補性。歸心歸血。用之頗切。善用者。以之配入。治腫瘍之散結。潰瘍之補虛。亦奏捷功。

右丹溪實內補虛法皆以參朮歸芪又甚者獨參膏其治立身後
分經條及散見潰瘍門。虛實寒熱條。真轉死回生之捷法也。

癰疽當分經絡論。六陰經六陽經分布周身。有多氣少血者。有多
血少氣者。有多氣多血者。不可一概論也。若夫要害處。近虛處。怯薄
處。前哲已會論及。惟分經之言。未聞也。何則。諸經惟少陽厥陰經之
生癰疽。理宜預防。以其多氣少血也。其血本少。肌肉難長。瘡久未合。
必成危證。又云。少陽經多氣少血。與厥陰經同。少陽有相火。尤甚於
厥陰經者。其有不思本經少血。遽用驅毒利藥。以伐其陰分之血。禍
不旋踵矣。請述一二成敗之迹。以告來者。予族叔父。平生多慮。質弱
神勞。年近五十。忽有膊外側廉上生結核。身微寒熱而易怒。食味頗
厚。脈之俱浮大弦數。而重似瀉。予曰。此多慮而憂傷血。時在初秋。勿
輕視之。宜急補以防變證。以人參一斤作膏。下以竹瀝。病者吝費。招
一外科。以十宣五香散相間與服。旬日後。一日大風拔木。病者發熱。
神思不佳。急召予視之。核稍高大似有膿。于中起一紅線。延過肩後。
斜走繞背脊。過入右脇下不痛。覺肩背重而急迫。食有嘔意。脈同前。
但弦多耳。急作人參膏。入芎朮生薑汁飲之。用人參三斤。瘡潰膿乾。
又與四物湯。加參朮陳皮甘草半夏生薑百餘帖而安。此等若在春
令。雖神仙不治也。幸而在秋金之令。不幸因時下暴風。激起木中相

火而致此。自非參膏驟補。何由得免。

此正痞子所謂補填臟腑之法也。又一人腿外廉生紅腫。一人脇下生紅腫。皆由庸醫誤下之

而死。詳見後條。

或曰。太陰經非多血少氣者乎。何醫疽之生。初無甚苦。往往

間有不救者。吾子其能治之乎。予曰。醫居小腹之後。而又在其下。此陰中之陰也。其道遠。其位僻。雖曰多血。氣運不到。氣既不到。血亦罕來。中年已後。不可生癰。纔有痛腫。參之脈證。但見虛弱。便與滋補。血氣無虧。可保終吉。若用尋常驅熱拔毒舒氣之藥。虛虛之補。如指諸掌。可不慎歟。

邪風
外入
者多
屬寒

〔素〕帝曰。諸癰腫筋攣骨痛。此皆安生。岐伯曰。此寒氣之腫。入風之變也。帝曰。治之奈何。岐伯曰。此四時之病。以其勝治之愈也。脈要精微論

〔靈〕血脈榮衛周流不休。上應星宿。下應經數。寒邪客之。則血泣。血泣則不通。不通則衛氣歸之。不得復反。故癰腫寒氣化為熱。熱勝則腐肉。腐肉則為膿。膿不瀉則爛筋。筋爛則傷骨。骨傷則髓涸。不當骨空。不得泄瀉。血枯空虛。則筋骨肌肉不相榮。經脈敗漏。薰于五臟。臟傷。故死矣。癰疽篇

生氣通天論云。勞汗當風。寒薄為皴。鬱乃痤。又云。陽氣者。開闔不得。寒氣從之。乃生大僂。榮氣不從。逆於肉理。乃生癰腫。是亦寒邪從勞汗之隙。及陽氣開闔。不得其理之隙。久客之為癰腫也。觀此數論。則知癰疽之發。皆得之於寒邪所客也。蜀軍氣膏。一歲名力。目以之。

病間有熱者不可不知。詳見運氣條。

右經數節皆論癰疽。乃因寒邪客之而發也。治法則精要十宣散。五香湯。潔古蒼朮復煎散等。發表之劑是也。

〔丹〕朱郎年四十餘。惡寒發熱。右腿內廉厥陰分生一腫毒。此是冷折熱在肺經血分。與此方。

瓜蒞子

黃藥子

赤芍藥

當歸頭

條芩三錢

青皮

皂角刺

桂枝二錢

甘草節生一錢

右分四帖煎取一盞。入忍冬藤汁二蛤殼。食前煎飲。以忍冬藤渣敷腫上。

〔消〕安神散治諸色瘡腫。調氣順榮衛。

人參

茯苓

甘草炙

枳殼去穢 炒

附子炮去皮尖

白薑

山藥

陳皮

右等分爲末。每服一錢。水一盞。生薑二片。大棗一個。煎至七分。通口服。

〔垣〕膏粱之變。亦是滋味過度。榮氣不從。逆于肉理。乃生癰腫。榮氣者。胃氣也。飲食入于胃中。先輸於脾。而朝於肺。肺朝百脈。次及皮毛。先行陽道。下歸五臟六腑。而氣口成寸矣。今富貴之人。不知其節。法

膏粱
內發
者多
屬熱

酒肥羊。雜以厚味。積久太過。其氣味俱厚之物。乃陽中之陽。不能走于空竅。而先行陽道。今反行陰道。則濕氣大勝。子令母實。火乃大旺。熱濕既盛。必來尅腎。若不慎房事。損其真水。則水乏。而濕熱之化上行。其瘡必出背上及腦。此爲大疔之最重者。若毒氣出肺。或脾胃之部分。毒之次也。若出于他經。又其次也。濕熱之毒。所止處無不潰爛。故經言膏粱之變。足生大疔。受如持虛器以受物。則無不受矣。治大疔之法。必當瀉其榮氣。以標本言之。先受病爲本。非苦寒之劑爲主爲君。不能除其苦楚疼痛也。諸瘡瘍有痛。往往多以乳香沒藥。雜以芳香之藥止之。必無少減之理。此其誤也。若使經絡流通。臟腑中去其壅滯。必無痛矣。痛則以苦寒之劑除之。無不愈者。瘡瘍食肉。與自殺無異。法當瀉氣而反補之故也。

元好問飲酒太過。脈候沉數。九月間腦下項上出小瘡。不痛不痒。如白頭瘡。凡四日後。腦項麻木。腫勢外散。熱毒熾發。又二日。痛大作。夜不得寐。醫處以五香連翹湯。後再邀東垣診視云。膏粱之變。不當投五香連翹湯。已無及矣。且疽已入骨。當先以火攻之。然後用藥。以火艾炷如兩核許者。攻之百壯。始覺痛。次爲處方云。是足太陽膀胱之經。其病逆當反治。脈中得弦緊。按之洪大而數。又且有力。必當伏其所主。而先其所因。其始則同。其終則異。必先裁氣。無戾天。以持

言之可收不可汗。經與病俱禁下法。當結者散之。鹹以與之。熱寒受邪而禁鹹。遂制黃連消毒飲治之。

黃連五分

黃芩五分

黃柏五分

人參五分

知母

四分酒炒此以苦寒引用通經為君

羌活

獨活五分

防風五分

藁本五分

連翹

一錢此以大辛解本經之結為臣

黃芪

甘草

後五分此以甘溫配諸苦寒者三之一多則滋藥氣而補土

當歸身

一錢酒洗

生地

一錢酒洗此以辛溫之劑和血補血

陳皮

甘草梢

五分生此以甘寒瀉腎火之邪補下焦元氣

澤瀉

七分炒後導酒濕扶助秋令

防己

五分酒洗除膀胱留熱

歸梢

五分

蘇木

五分去惡寒

桔梗

一錢使諸藥不下沉為舟楫之用

所用之藥。用酒洗併入酒煎者。用酒熱為因。為使。

右俱作一服。水三盞。煎至半乾。去渣。入酒少許。再煎。食後溫服。投劑之後。大斲日出。乃寤。瘡腫減七分。精神旺。飲啖漸進。灸癥漸膿。出而痊。服藥後。不得飲水。必再作膿。效遲。初患三日者。服之。立效。凡瘡皆陰中之陽。陽中之陰。一證而已。東垣治疽。陽藥七分。陰藥三分。名曰昇陽益胃散。老人宜之。亦名復煎散。或加沒藥乳香各一錢。

右東垣論膏粱肉食之變。治宜苦寒不宜芳香者。如解裏條撮要。內消升麻湯。孫真人單煮大黃湯。皆為富貴食肉之輩設也。

〔丹〕嘗治一婦人。年將七十。形實性急而好酒。腦生疽十五日。脈弦緊急且瀉。予急用大黃酒煨。細切酒拌炒。爲末。又酒拌炒人參。入薑煎調一錢重。又兩時再與得睡。而上半身汗。睡覺病已。此亦內托之意也。

〔仲〕排膿散方

枳實十六枚

芍藥六分

桔梗二分

右三味。杵爲散。取雞子黃一枚。以藥散與雞子黃相等。揉和。煎如

薄粥。溫服一升。卽瘥。

〔丹〕朱紹入官。右腳腫。生附骨癰。吃草藥酒。多生隔痰。熱壅無力。

人參

黃連

茯苓一錢

瓜蒞子四十粒

分二帖。入竹瀝熱飲。

〔保〕諸瘡腫已破未破。焮腫者。當歸散主之。

川芎

黃芪

栝蒞

木香

黃連各等分

右爲粗末。水煎一兩服。如痛而大便祕。加大黃三錢。

〔消〕凡癰疽外冷內疼者。由陰氣外逼皮膚。用熱物熨之。大熱亦不

覺者。須用熱物前後熨令透。隨手便用緊急潰膿毒藥。使膿外出盡

腫平。卽用生肉煖瘡。和正氣藥。令進飲食不倦。

外冷
內寒
者宜
熱藥
敷貼

外熱
內寒
者宜
涼藥
敷貼

治癰疽發背初腫時方。

風化石灰兩二 細辛兩一

右為粗末。用熱醋敷患處。乾再敷。三上其腫即消。

四虎散。治發背初生。筋脈緊急不舒。

附子生去皮一兩 天南星炮 半夏湯洗七次 狼毒各半兩

右四味為末。熱酒調成膏。攤上腫處。以熟絹醫定。覺患處如火燒

不妨。

凡癰疽外熱內疼者。是有客邪。內有積毒。欲作膿透之候。治背瘡初

發時小。後五七日赤腫高。即罨藥令內毒散。減疼免牽引。乳香膏。

乳香兩一 青薄荷葉四兩 洗乾

右研勻。厚罨患處。以青絹蓋之。如乾以新汲水潤之。常令濕。其熱

毒自然消散。如熱毒攻結可用。氣毒攻結不可用。

貼癰毒。令內消。金黃散。

白芷 白芨 白斂

右等分。為細末。用新汲水調敷。

〔丹〕治陽症腫毒。并金瘡。

大粉草。剉細。用竹一段。刮去青。兩頭留節。開一小竅。入草在內

滿。後却用油灰塞竅。從冬至日。放糞缸內。待立春日。先一日。取

起。豎在有風無日陰處。二十一日。驗兩竅好。却破竹取草為細末。用水調敷。

〔世〕圍藥。

南星

草烏

黃柏

白芨各二兩

五倍子

一兩妙

右為末。調如糊。隨血圍匝如墻壁。可移險處於不險處。如神。

敷藥。

白斂

白芷

南星

白芨

貝母各等分

右為末。水調敷。外用圍藥束定。內用敷藥提起。制之有理。

藥性論。甘蔗根。搗敷一切癰腫上。乾即更敷。無不痊者。

〔梅〕治癰疽發背。或發乳房。初起微赤。不急治之。即死。速消方搗芋根敷之。數易效。

〔濟〕諸瘡腫痛不可忍者。以葵花根去黑皮。搗爛若稠。點井花水少許。若不稠。不須用水。以紙攤如膏藥貼之。立效。

經驗方用蜀葵敷之亦妙

〔世〕又方。芙蓉葉搗爛敷之。立效。晒乾為末。水調敷亦妙。發背。蝸牛百箇活者。置淨瓶內。新汲水一盞。浸瓶中封閉。自晚至曉。其水如涎。

取水將真蛤粉不拘多少調之。刷瘡上效。

治背癰與癩。久年烟壁土黃柏等分。細末。生薑汁捏成膏。敷之。夏

治背癰與癩。久年烟壁土黃柏等分。細末。生薑汁捏成膏。敷之。夏

寒熱
通用
敷貼

以茅香湯下一二錢炒。經

〔本〕治癰疽止痛拔毒。七寶散。乾荷葉心當中如錢片。不計多少。為粗末。每用三匙。水二盞。慢火煎至一碗半。放溫淋洗。乾以太白膏敷之。

太白膏。寒水石飛。用臘月猪脂調成膏。隨瘡大小。用薄紙攤貼之。

歛瘡內消方。黃明膠一兩。水半升。鎔消了。入黃丹一兩。再煮三五沸。又放溫冷。以雞毛掃在瘡口上。如未成。即塗腫處自消。

〔外〕凡癰。不問已潰未潰者。以膠一片。水浸令軟。隨腫大小貼當頭上。開一孔。若已潰合膿者。當被膠急發之膿。皆出盡。未有膿者。腫當自消矣。

〔海〕治發背祕法。李北海云。此方神授。極奇祕。以甘草三大兩。生搗別篩末。大麥麩九兩。於一盤中相和攪令勻。取上好酥少許。別捻入藥令勻。百沸水搜和如餅劑。方員大于瘡一分。熱敷腫上。以油紙隔令通風。冷則換之。已成者膿水自出。未成者腫便內消。

〔丹〕隔皮取膿法。治諸般腫毒。

驢蹄細切一兩炒

蕎麥麩一兩

白鹽半兩

草烏四錢去皮

右為末。水調作餅子。慢火炙黃。出火毒。研。米醋調成膏。用白紙攤貼患處。毒自毛竅而出。其腫自退。

〔保〕治瘡瘍焮腫木硬針頭散

右以蟾酥乳香各一錢同研勻細以兒乳汁和如泥入磁石盒收之乾不妨每用以唾調攤少許於腫處上以膏藥貼之毒氣自消

雖然有瘡亦輕

〔濟〕萬應針頭丸治一切腦背疽惡毒大瘡欲死者一粒即愈

麝香二錢 血竭三錢如蠟者用散者不用非真

蟾酥三錢舌試辣者 硼砂三錢 片腦一錢

輕粉三錢 蜈蚣一對全用

右為極細末煉蜜和丸為劑如瘡有頭者用針頭挑破微有血出將藥一黍米大放挑開瘡內上用紙花周圍唾津濕貼瘡上不過時刻即愈如兩腋見無頭瘡即是暗疔即將兩手虎口內白土紋用針挑破如前法用藥封蓋忌雞鵝酒濕麪一切發熱之物

〔子和〕一省據背項常有瘰癧愈而復生戴人曰太陽血有餘也先令漏泄之次於委中排針出紫血病更不復作也予男袞常喜熱火烘灼其背及兩足又食自死肉久而兩足常生癩毒愈而復生者半年餘予以清涼飲子下之得紫黑血積於便中去者月餘其癩毒頓除是知積熱毒致癰腫者如此

李世英患疽數日後根脚開大或腹疼泄瀉手足常冷脈沉微細或自汗出急用薑附之藥甚者於臍下關元着艾三五百壯待手足溫

泄瀉止。飲食知味。方可為喜。

〔精〕憤鬱不遂。志欲之人。多犯此疾。

〔無〕癰疽瘰癧。不問虛實寒熱。皆由氣鬱而成。經云。氣宿于經絡。與血俱滯而不行。壅結為癰疽。不言熱之所作。而後成癰者。此乃因喜怒憂思有所鬱而成也。

遠志酒。治七情內鬱成癰疽。方見虛實條

〔精〕獨勝散。治癰疽皆緣血滯氣凝而致者。

香附子 去毛令淨以生薑汁
淹一宿焙乾研極細

右無時。以白湯調二錢服之。又云。疽疾多因怒氣得之。若有此疾。必多怒。但服香附。進食寬氣自有效。

〔丹〕獨勝散。治氣鬱血滯。而諸瘡愈後。常服半年。尤妙。此皆施于體實氣鬱之人。予見吳兄。厚味氣鬱。而形實性重。年近六十。患背疽。醫與他藥皆不行。惟香附末飲之甚快。始終只此一味。腫潰特此以安。然此等體實而又病實。乃瘡千百而一見者也。每思香附。經不言有補。惟不老湯一方。乃言於老人有益。用片子薑黃香附子甘草三味。而以不老為名。且引鍊益先生與劉君為證。夫豈無其故哉。蓋于行氣中有補之之理耳。天之所以為天者。健而有常也。因其不息。所以生生無窮。正如菟蔚子活血行氣。有補陰之妙。故名益母。胎前產後

所恃者氣血耳。胎前無滯。產後無虛。以其行中有補也。夏枯草治療癰亦然。

〔補遺〕謂婦人男子癰疽治法無異。惟月閉血虛氣結三證有異耳。愚謂婦人海滿則行。月閉一證固異。然婦人性情執着。比之男子十倍。雖有虛證宜補。亦當以執着為慮。向見樓氏婦早寡。善飲啖。形肥偉。性沉毒。年六十六。七月間。生背疽。近正脊。醫途橫直裂開。取血雜以五香十宣散。與酒飲之。月餘未嘗議其寡居之鬱。酒肉之毒。執着之滯。時令之熱。卒至于平陷。淹延兩三月而不救。

大脈不和則留為癰。全文見五臟○此則膏梁所變之毒也

諸痛痒瘡瘍皆屬于心。全文見診○河間云人近火氣微熱則痒甚則痛附近則灼而為瘡皆心火之用也或痒痛如針輕刺者猶飛蝗火星灼之然也

右心火實則為熱癰。心火虛則為寒癰。

〔脈〕肺乘肝。即為癰。腎移寒於肝。癰腫少氣。全文見診病傳變下同 肝臟血肝病則血從之而榮氣逆于

肉理生癰 腫是也 脾移寒于肝。癰腫筋攣。

〔本〕治發背方。草決明生用一升搗碎。生甘草一兩亦碎。水三升。煮取一升。溫分二服。大抵血滯則生瘡。肝為血之臟。而決明和肝氣。不

損元氣也。本草云決明除肝熱

三陽為病。發寒熱。下為癰腫。三陽小腸膀胱也下為癰腫獨指膀胱為病又癰疽背癰腎癰之類是也

運氣癰疽有四。

藏府

運氣

一曰火熱助心爲瘡瘍。經云。少陽所至爲瘡疹。又云。少陰司天熱氣下臨。肺氣上從。甚則瘡瘍。又云。少陰司天之政。初之氣。寒乃始。陽氣鬱。炎暑將起。中外瘡瘍。又云。少陽所至爲瘡瘍。又云。少陽司天之政。風熱參布。太陰橫流。寒乃時至。民病寒中。外發瘡瘍。初之氣。候乃大溫。其病膚腠中瘡。二之氣。火反鬱其病。熱鬱於上。瘡發于中。三之氣。炎暑至。民病膿瘡。又云。太陽司天之政。初之氣。氣乃大溫。肌腠瘡瘍。此皆常化病之淺也。又云。少陰司天。熱淫所勝。甚則瘡瘍。又云。少陰司天。客勝甚則瘡瘍。又云。少陰之復。病癘疹。瘡瘍。癰疽。瘰癧。又云。火太過曰赫彘。其病瘡瘍。血流。又云。火鬱之發。民病瘡瘍。癰腫。此是邪變病之甚也。

二曰寒邪傷心爲瘡瘍。經云。太陽司天之政。三之氣。寒氣行。民病寒反熱中。癰疽往下。又云。太陽司天。寒淫所勝。血變于中。發爲癰瘍。病本于心。又云。陽明司天之政。四之氣。寒雨降。民病癰腫瘡瘍是也。三曰燥邪傷肝爲瘡瘍。經云。木不及曰委和。上商與正商同。其病支發癰腫瘡瘍。邪傷肝也。又云。陽明司天。燥淫所勝。民病瘍瘡。瘰癧。病本于肝是也。

四曰濕邪瘡瘍。經云。太陰司天。濕氣變物。甚則身後癰。又云。太陰之勝。火氣內鬱。瘡瘍于中。流散於外是也。

〔丹〕精要第一論曰。凡有此病。先要辨問。是癰。是疽。是虛。是實。是冷。是熱。首先便服內托散。五香連翹湯。宜泄毒氣。又云。內托散。五香連翹湯。沉麝湯等諸方。不冷不熱。不問老幼。少壯。陰陽虛實。多服爲妙。夫癰疽瘡癤。臟腑陰陽。有淺深虛實冷熱。用藥有補瀉溫涼。老幼少壯。其稟受厚薄。形志苦樂。隨年歲而增損。奈何欲以不冷不熱四五方而通治之。又多服爲妙。此不能無疑者也。學者當審經絡。察病機而處治。豈可仗此爲通治之法。

〔丹〕東陽李兄。年踰三十。形瘦膚厚。連得憂患。又因作勞。且過于色。忽左腿外廉側上發一紅腫。其大如栗。一醫聞其大腑堅實。與承氣湯二帖下之。不效。又一醫教與大黃硃砂生粉草麒麟竭。又二三帖。半月後。召予視之。曰。事去矣。又一李兄。四十餘。面稍白。神甚勞。忽脇下生一紅腫如桃。一人教用補劑。衆笑且排。於是以流氣飲十宣散。雜進之。旬餘後。召予視之。予曰。非惟不與補劑。抑且多得解利。氣血俱憊難矣。已而果然。

此二者。皆由不預防本經少陽少血。遽猛浪用大黃攻裏而死之者也。

一男子。年近六十。形素肥。初夏於左膊外廉側生一核。方圓二寸餘。不甚痛。召予治。診其脈息。緩大而弱。予曰。此因憂悶而生。當氣升散。

之時。須急與人參膏五六斤。又看作何應。病家召他外科以十宣散五六帖而瘡甚。予曰。此大虛也。勿以輕小視之。病家不信。一外科仍以十宣散進之。又五六帖。瘡平陷。出清水而死。此可爲因虛而生癰疽者之例。胡經歷女及笄。性急而形實。未許嫁。厚味積毒已深。髀骨中痛者年餘。醫以氣藥雜治之。愈而復發。至秋冬令。忽大痛發熱。醫者方悟髀樞穴上生附骨疽。在外廉側少陽之分。其厚味性急自若。自首至尾。悉是五香湯十宣散。服至瘡潰。猶與五香湯者月餘。忽一日惡寒發熱。膈滿。醫者不悟。升散太多。陰血已絕。孤陽狂越于上。猶恨服五香飲欠多。致膈間有滯。大服以進。一夕喘汗而死。

此二者。由不預防本經少陽血少。遽猛浪用十宣五香表散而死之者也。可不戒哉。

〔靈〕帝曰。病之生時。有喜怒不測。飲食不節。陰氣不足。陽氣有餘。榮氣不行。乃發爲癰疽。陰陽不通。兩熱相搏。乃化爲膿。小鍼能取之乎。岐伯曰。聖人不能使化者爲之。邪不可留也。故兩軍相當。旗幟相望。白刃陳于中野者。此非一日之謀也。能使其民令行。禁止士卒無白刃之難者。非一日之教也。須臾之得也。夫至使身被癰疽之病。膿血之聚者。不亦離道遠乎。夫癰疽之生。膿血之成也。不從天下。不從地出。積微之所生也。故聖人自治于未有形也。愚者遭其已成也。黃帝

曰。其已形。不予遭。膿已成。不予見。為之奈何。岐伯曰。膿已成。十死一生。故聖人弗使已成。而明為良方。著之竹帛。使能者踵而傳之。後世無有終時者。為其不予遭也。黃帝曰。其已有膿血。而後遭乎。不導之以小針。治乎。岐伯曰。以小治小者。功小。以大治大者。多害。故其已成膿血者。其惟砭石。鉞鋒之所取也。黃帝曰。多害者。其不可全乎。岐伯曰。其在逆順焉爾。玉版篇○逆順法見癰瘍疹條

〔無〕治初生癰疽發背。神效灸法。累試有驗。江陵府紫極觀。因掘得石碑。載之。凡人初覺發背。欲結未結。赤熱腫痛。先以濕紙復其上。立視候之。其紙先乾處。則是結癰頭也。取大蒜切成片。如當三錢厚。安頭上。用大艾炷灸之。三壯。即換一蒜片。痛者灸至不痛時住。不痛者灸至痛時方住。最要早覺。早灸為上。如有頭似麻荳大者不用濕紙覆法。只消頭上灸之。若有十數頭。作一處生者。即用大蒜研成膏。作薄餅鋪頭上。聚艾于餅上。燒之。

一二日十灸。十括三四日。六七續五六日三四括。

〔海〕灸而不痛。痛而後止其灸。灸而不痛者。先及其潰。所以不痛。而後及良肉。所以痛也。灸而痛。不痛而後止其灸。灸而痛者。先及其未潰。所以痛。而次及將潰。所以不痛也。

〔精〕痒者灸至不痒。痛者灸至不痛。大概以百壯為準。又云。譬如諸盜入主人之家。必開門逐之使出。萬一門不開。無從而出。必傷主矣。

已。

〔本〕上蘊發背方序云。元佑二年。夏四月。官京師。疽發於背。召國醫治之。逾月。勢益甚。得徐州蕭縣人張生。以艾火加瘡上。自旦及暮。凡一百五十壯。知痛乃已。明日。蠶去黑痂。膿盡潰。肉理皆紅。亦不復痛。始別以膏藥貼之。日一易焉。易時旋剪去黑爛。月許。瘡乃平。是歲秋夏間。京師士大夫病疽者七人。余獨生此。雖司命自然。固有料理。不知其方。遂至不幸者。以人意論之。可爲慨然。於是撰次前從所得方。模板以施。庶幾古人濟衆之意。此即當頭隔蒜灸法。但不用蒜耳。

〔精〕史源母氏背脾間微痒。視之有赤半寸許。方有白粒如粟黍。乃急着艾灸。其赤隨消。二七壯而止。信宿復覺微痛。視之有赤下流長二寸。闊如菲葉。舉家皆以前灸爲悔。或云。等慈寺尼智全者。前病瘡甚大。得灸而愈。奔問之。全云。劇時昏不知。但小師輩言。凡人奉議守定。灸入百餘壯。方甦。約艾一節爾。亟歸。白之。見從始以艾作炷。如銀杏大。灸其上十數。殊不覺痛。乃截四旁赤。引其炷。減四之三。皆覺痛。七壯後。覺痒。每一壯。燼則赤隨縮入。灸至二十餘壯。赤暈收退。病者不憚。遂以艾作團大。灸其上。漸加至雞黃大。約四十圍。方覺痛。視火焦處。已寸餘。蓋灸之遲。而初發處肉已壞。壞肉成隔。直至好肉方痛。四旁知痛。肉未壞也。病者六夜不寐。至是食粥安寢。至晚視之。瘡如

覆一甌。突高三四寸。上有百數小竅。色正黑。突然高者。毒氣出外而聚也。百數小竅者。毒未聚而浮攻肌膚也。色正黑者。皮與高俱壞也。非灸火出其毒於壞肉之裏。則五臟逼矣。

桑君當癰疽頭針而瀉之氣。避筋骨。

〔垣〕地之濕氣。自外而入。氣痠瘍。當先服藥。而後用針。針時先用溫火復蓋。不令凝冷癰滯。使血脈得溫。小行則血出立已。若不如此。血不凝滯。使針刑毒不瀉。反傷良肉。益其瘡。腕也。嬰兒瘡亦然。

〔精〕騎竹馬灸法。先令病人。以肘凭几。豎臂腕要直。用篾一條。自臂腕中曲處橫紋。男左女右。貼肉量起。直至中指尖盡處截斷爲則。不量指甲。却用竹扛一條。令病人脫衣騎定。令身正直。前後用兩人扛起。令膝不着地。又令二人扶定。勿令僵住。却將前所量臂腕篾。至竹扛坐處。尾骶骨盡處。直向上貼脊背。量至篾盡處爲則。用墨點定。此只是取中。非灸穴也。却用薄篾作則。于量病人中指節。相去兩橫約爲則。男左女右。截爲一則。就前所點處兩邊。各量一則。盡處卽是灸穴。兩穴各灸五壯。或七壯止。不可多灸。不問癰疽生何處。並用此法灸之。無不愈者。蓋此二穴心脈所通處。此癰疽皆心火留滯而生。灸則心火流通。卽見安愈。可以起死救危。有非常之效。累試累驗。

〔丹〕凡癰疽之發。或因內有積熱。或因外寒鬱內熱。若於生發之際。

艾灸以散其毒。治之于早。可以移深為淺。改重為輕。諸項灸法皆好。惟騎竹馬灸法。尤為切要。此消患於未形之策。

〔保〕凡瘡可灸刺者。須分經絡部位。血分多少。臚穴遠近。若從背而出者。當從太陽五穴。隨證選用。或刺或灸。泄其邪氣。凡太陽多血少氣。

至陰 通谷 束骨 崑崙 委中

從鬢而出者。多從少陽五穴選用。少陽少血多氣。

竅陰 夾谿 臨泣 陽輔 陽陵泉

從髀而出者。多從陽明五穴選用。陽明多血少氣。

厲兌 內庭 陷谷 衝陽 解谿

從腦而出。初覺腦痛難忍。欲生瘡也。腦者。髓之海。當灸刺絕骨以泄邪氣。髓者。舍也。故脈浮者。從太陽經依前選用。脈長者。從陽明經依前選用。脈弦者。從少陽經依前選用。論曰。諸經各有井榮輸經合。井主心下滿。及瘡色青。榮主身熱。及瘡色赤。俞主體重節痛。及瘡色黃。經主咳嗽寒熱。及瘡色白。合主氣逆而泄。及瘡色黑。各隨經病而見。此證者。或宜灸。或宜針。以泄邪氣。經云。邪氣內擗。則壅熱。宜砭射之也。

右保命集分經灸刺。乃大綱耳。今更取靈樞經脈篇及銅人等書。

毫分縷析。出各經分野。在針門十二經條列爲之圖。目之曰經絡分野圖。使人視之。心目煥然。目無全牛矣。夫癰疽初發。必先當頭灸之。以開其戶。次看所發分野屬何經脈。經脈既定。却內用所屬經脈之藥。引經以發其表。外用所屬經脈之俞穴。針灸以泄其邪。內外交治。邪無容也。針灸癰疽者。更於針灸門十二經脈分野圖求之。

〔甲〕癰疽竅陰主之。頭項癰腫不能言。天竅主之。

〔垣〕邪氣不傷於腸胃。大便如常。慎不可下。切禁之。

〔丹〕精要云。大黃治癰疽之要藥。以其宣熱拔毒。又云。瘡始作。皆須以大黃等湯。極轉利之。且排日不廢。繼又自言患癰疽者。每有泄瀉。皆是惡候。此是不能無疑者也。借曰前用大黃。恐因病體實。而大腑祕結。有積熱沉痼之積者發也。止可破結導滯。推令轉動而已。豈可謂極轉利之。而且排日不廢乎。若下利之後。又與利藥。恐非防微杜漸之意。瘡之始作。卽周禮腫瘍之時也。腫在肌肉。若非大滿大實堅之證。自當行仲景發表之法。借五香湯爲例。散之於外。何必遽以峻下之藥。以奪其裏。自取其禍乎。

精要云。大凡癰疽。不可舍五香湯。此又不能無言者也。開卷便於第一論中詳言之。吾不知良甫之時。有許多大腑堅祕。病氣鬱塞。若是

之頑厚。可以驟散。而天下者。若果有之。亦當開陳時之先後。證之可
否。庶乎後人不敢孟浪殺人也。或曰。癰疽用大黃走泄以去毒。自孫
真人行千金方。已言之矣。良甫祖述其說。何吾子病之深也。曰。大黃
除諸實熱。而性峻急。孫以盛行奇術於公卿間。時在晚宋。民不知兵。
交游於富貴之家。肉食之輩。固皆捷效。今良甫不分貧富。苦樂勞逸。
一概用之。寧無孟浪之患乎。况有房勞而虛者。憂怒而虛者。極意貪
求而虛者。強力動勞而虛者。大醉過飽而虛者。皆因氣弱而瀉。血少
而濁。生疽固是難治之病。若大腑祕而稍安穀食。肯守戒律。甘心淡
味者。猶爲可治。但費補工夫耳。苟因旬日半月。大便秘實。不知其氣
不降也。便以爲實。而行大黃。些少寒熱。不知其血氣不和也。便以爲
有外感。而行表散。如此害人甚速。

〔垣〕瘡瘍及諸病。面赤雖伏火熱。禁不得攻裏。爲陽氣拂鬱。邪氣在
經。宜發表以去之。故曰。火鬱則發之。雖大便數日不見。宜多攻其表。
以發散陽氣。少加潤燥藥以潤之。如見風脈風證。只用發表風藥。便
可以通利大便。若只乾燥祕瀉。尤宜潤之。慎不可下也。九竅不利。皆
不可下。瘡瘍鬱冒。俗呼昏迷是也。慎不可下。汗之則愈。

〔丹〕排膿內補十宣散。若用之于些少癰疽。與冬月。儘可助內托之
功。若于冬月腫瘍用之。亦可轉重就輕。移深爲淺。若潰瘍與夏月用

月與
續湯

內托
忌施
於年
老與
體健

汗毒
忌奪
熱內
鬱忌
冷藥
敷貼

忌奪

之。其桂朴之溫散佐以防風白芷。吾恐雖有參芪。難為倚仗。比見世人用此方者。不分癰疽冬夏。無經絡。無先後。如盲人騎瞎馬。半夜臨深池。危哉。又云。內補十宣散。瀉衛燥血藥太多。止可用于輕小證候。虛之甚者。恐難倚仗。

精要云。內托散。一日至三日之內。進十數服。治毒氣攻衝臟腑。名護心散。此方專為服丹石而發疽者。若不因丹石而發。恐非必用之劑。若夫年老者。病深者。證憊者。體重者。葦苴雖補。將有不勝重任之患矣。

〔仲〕瘡家雖不疼痛。不可大汗。汗之則痊。發汗為大汗出非謂諸托裏之藥輕輕表散也

李世英疽不熱不痛。屬陰。切不可用冷藥敷貼。恐逼毒氣入內。

〔丹〕夫外施敷貼。正與發表之意同。經曰。發表不遠熱。大凡氣得熱則散。冷則斂。向見鄭經歷。性嗜酒與煎燂。年五十餘。忽春末夏初。在

額絲竹空穴。湧出一角。長短大小如雞距。稍堅。求予治。予曰。此非膏

梁所致。而何。宜斷厚味。先解食毒。針灸以開泄壅滯。未易治也。此少

陽經所過。氣多血少者。鄭以痺煩。召他醫。以大黃朴硝腦子等冷藥

罨之。一夕豁開如醬蚶。徑三寸。一二日後。血自蚶中濺出。高數尺而

死。此冷藥外逼熱鬱不得發。宜其發之暴如此也。

蟻針法。謂開門放毒。以為要捷。恐可施於輕小證候耳。愚謂蟻之所

蟻針法。謂開門放毒。以為要捷。恐可施於輕小證候耳。愚謂蟻之所

吮止膚間惡血。若積毒于臟腑者。徒竭之於外而不及于裏。恐不得。往見張兄之子。甫二歲。遍身赤癩如霞片。予向見其母。久病疔。謂毒熱在血所成者。張曰。誰不因母血所成。何謂毒熱之血。予曰。其母雖疔。食肉如平時。肉性熱與宿疾之熱相搏。非毒歟。張不之信。自取五六大蜈蚣。吮其血。癩頓消。乳食起居如舊。予曰。非其治也。未可以爲喜。張怒。越二三日。大發熱而暴死。非竭之於外。血去而氣不能獨居乎。

精要云。口乾與口渴不同。不宜用丹藥鎮墜。用之其禍如反掌。用桑枝煎五味湯。以救陰水。甚妙方也。而不言食味起火。怒氣生火。房勞激火。吾恐渴未易除也。

精要。謂頭上有發毒者。不得灸。恐因火氣拔起。熱毒炎上。動病邪而添病。愚謂此言過矣。火本以暢達。拔引鬱毒。此從治之意也。頭爲諸陽所聚之處。艾炷宜小。壯數宜少。小者。如椒粒。少者。三五炷而已。若孟浪如腹背。上引痛灸至不痛。不痛灸至痛爲例。斯爲誤矣。

按東垣灸元好問腦疽。以大艾炷如兩核許者。至百壯。始覺痛而痊。由是推之。則頭上發毒。灸之痛者。艾炷宜小。壯數宜少。如不痛者。艾炷大。壯數多。亦無妨也。又引陳日華之說。謂於始發時。用針灸十死入九。此未之思也。切詳因灸而死者。必其血虛。孤陰將絕。

無以承當。火氣脈必浮數而大鼓。與精神必短而昏。豈可泛言始發不可灸以誤人。

〔保〕瘡疽已覺微漫腫硬。皮不變色。脈沉不痛者。當外灸之。引邪氣出而方止。經曰。陷者灸之。如外微覺木硬而不痛者。當急灸之。是邪氣深陷也。淺者不可灸。慎之。如有膿水亦不可灸。當刺之。

按刺之膿出。不腫痛者。邪已去矣。不宜灸。若刺之膿出。而痛腫不止者。亦當于腫上灸之。無妨。又毒雖淺。却有十數頭腫痛者。亦灸之。無妨。

〔滑〕一有癰疽瘡癤。須順時節。春夏爲正。易爲整理。緣天氣溫和。肌肉緩慢而煖。故易治。其有肉冷。是患人氣虛所致。但以溫藥調順氣血。外卽用溫煖潰膿膏藥貼之。令穴候穴抽膿盡。急用生肌長肉藥。滿瘡口。不宜緩慢。恐至秋冬成漏瘡也。或在秋冬發者。乃春夏內先有發蒸熱毒。遇一陰生後。再有伏毒至秋冬間。又因食毒物酒麪房慾之事。忽發初覺微小。數日之間。腫大。疼不可忍。初得大便五七日不通。小便淋瀝者。是其候也。先調脾臟氣令實。次服發穴排膿消毒去積之藥。內托溫平。不得用太熱澁之藥。緣脾中臟要和煖。如用熱藥。恐氣滯而不流暢。致榮衛不調也。貼卽用溫涼藥。不得用冷藥。恐逼入毒氣。須引膿外透。方漸安矣。

秋冬
宜壯
胃氣

春夏
宜急
生肌

〔仲〕諸浮數脈。應當發熱。而反灑淅惡寒。若有痛處。當發其癰。

〔精〕陰滯于陽。則發癰。陽滯于陰。則發疽。而此二毒。發無定處。當以脈別之。浮洪滑數為陽。微沉緩瀋為陰。陰則熱治。陽則冷治。

右陽脈當以癰法治之。陰脈當以疽法治之。不必拘於熱治冷治也。

〔垣〕身重脈緩。濕勝者除濕。

身熱脈大。心躁時腫。乍來乍去者清

熱。

諸痛眩暈動搖。脈弦者去風。

氣澁氣滯。乾燥。亡津液。脈澁者。

瀉氣補血。

寒勝則脈浮。食不入。便溺多。惡寒脈緊者。宜瀉寒水。

腎脈澁甚。為大癰。

全文見虛實法

〔滑〕夫人生最可憂者。發背也。其種有五。

一曰陽毒。因風熱而有。或患熱毒消渴。或先患傷寒。餘有陽毒觸處蓄積。起于背脊膏之間。不問椎數。但從兩夾脊起。止腰上。滿背焮熱。如炊之狀。赤紫或紅如焰。膿毒難成。成後不止。止後痛不除。驀忽數日之間。復平如舊。將謂腫消。此是內攻肉陷。不可療矣。

二曰陰毒發背。是氣冷而作。初如黍米粒起。情緒不快。悒悒而痛。直應前心。心忪怔。頭目昏重。寒熱如瘧。五七日後。始發引攻腫。開闔難收。內積有膿。深沉遲緩未透。宜急以補氣湯藥內托。外以抽膿藥貼之。宜急見膿。無膿。即平愈未期。

三曰有人多服金石燒煉之藥。毒惡流滯成發背者。初起如丹疹之狀。皰皰漸開。如湯火瘡。面色如朱。心膈煩躁。多渴嗜冷。其瘡難起。起卽驚人。猶勝于陰陽二毒者。緣此有解金石藥毒湯散治其內也。賴有根底分明。亦須急療方安。

四曰人有患酒食毒發背者。此疾非近得之。乃臟腑久積。乘飢乘困。食之便睡。或多食酒肉。冷熱粘滑。肥鮮熾膩。未下胸膈。房室不禁。恣意當風。取快。脾臟氣虛不能受。乘發毒攻背。兩夾脊不問椎數。初起癰頭如小彈子。後大如拳。堅如石。痛遍四肢。加之拘急。口苦舌乾。腹急。大小便澁。十數日後。頭面手足虛腫。及臟腑通泄如利。內急痛者。是其症也。喜方腫引。急用收腫發穴潰膿湯藥。內實外泄。膿水不可放縱。遲緩則皮肉腐壞。傷骨爛筋。漸成膿多。因而感邪內敗者。死矣。五曰人有冒山嵐瘴氣。發背毒氣。先在臟腑。年月浸遠。氣血虛損衰弱。初起腫色青黑如靴。皮頑痺痛。深附筋骨徹髓。按之如木石。引手加深。方覺似有痛處。至五七日。毒氣浮淺。腫高色變青白。有如拳打之狀。寒戰似瘧。及有風候。頭動口偏。手足厥逆。眼黑睛小。白多而慢。此內有邪氣相搏。急破出清血三五升。方有黃膿白汁。相和發泄。其皮不寬不慢。亦急脹痛。亦不住。直至色退熱疼方愈。亦宜急急追趕膿與毒氣外出。無害。

早治
慎重
者生

遲發
者死
者生

可治

不治

初患腫三日內灸者生。八日內膿成。針烙導引者生。未瘥慎勞力者生。慎忌食者生。慎喜怒者生。懼腫猛療者生。急療者生。不諱發背者生。

待膿自出不導引者死。未內攻而針烙用藥導引者生。內攻後導引針烙者死。癰疽熱痛方盛已前療者生。如過此後已內攻者死。膿成後不出不導引。但敷藥者死。如赤白痢氣急者。是已內攻。醫療無益。必死。癰不救十得五生。疽不療十全死。輕腫怕痛者必死。不遇良方者死。節候不依法者必死。愚執恣意用性逸情者死。

有發背癰。有發背疽。如毒氣勇猛而發。如火焚茅。易于敗壞。初發即可如黍米粒大。三兩日漸赤引腫。如手掌面大。五七日如碗面大。即易為攻。焮熱赤引。如火燒之狀。浮面漸潰爛闊開。內發腫如炊之狀。外爛皮肉如削去紫瘀。膿汁多而腫不退。疼亦不止。發渴發逆。飲食不下。嘔吐氣急。浮淺開闊者。尤宜發膿托毒湯藥。用之必愈。國證實也

其間有只如盞面大者。此非不大。緣為毒氣深沉內虛。毒氣近膜也。此必內攻。近入臟腑。却外入四肢。先攻頭面虛浮。後攻手面。次攻兩足面腫。名曰毒氣散入四肢。其人聲嘶氣脫。眼睛黑小。十指腫黑乾焦。不治。陰證虛也

陰陽

精丸癰疽初發腫硬高者。而毒氣却淺。此乃六腑不和為癰。其證屬陽。勢雖急而易治。若初發如粟粒。甚則如荳許。與肉俱平。或作赤色。時覺痒痛。痒時慎勿抓破。此乃五臟不調為疽。其證屬陰。蓋毒氣內畜已深。勢雖緩而難治。

內外

始發一粒如麻荳大。身體便發熱。生疽處腫大熱痛。此為發於外。雖大如盆。治之百可百活。陽症實也

或身體不熱。自覺倦怠。生疽處亦不熱。數日後漸大。不腫不痛。低陷而壞爛。此為發於內。雖神仙無如之何。陰症虛也

雜方

〔保〕木香散。治小兒班後生癰如神。出小兒門

地骨皮兩

木香兩

川山甲

從黃二錢五分麝香一

右末。米飲下三錢。

潰瘍

癰疽已潰膿出者也。

膿成宜急破之

〔仲〕諸癰疽。欲知有膿無膿。以手掩腫上熱者。為有膿。不熱。為無膿。〔精〕凡癰疽。按之牢韌。未有膿也。按之半軟半韌。已有膿也。宜急破之。韌未詳何切半軟謂中央膿熱處半韌謂四旁無膿腫肉也

凡瘡腫。以手指從瘡旁按至四畔。上赤黑者。按之色不變。膿已結成。又按之隨手赤色。此亦有膿。按之白。良久方赤。遊毒已息。可就赤白。

色盡處。灸斷瘡肉平實。久而方消。夫癰則皮薄腫高。疽則皮厚腫堅。初發並宜灼艾。惟癰膿成則宜針。疽膿成則宜烙。切宜熟視詳審。候其潰熟。膿透於外。其勢盈盈欲出。只用替針丸。自瘡頭咬開。不半日許。其膿自出。切不用針刀也。丹溪云。精要論戒用針刀。業外科者當學學服膺。

白丁香一字

硃砂已上

沒藥一字

乳香一字

石灰餅藥內種糯米十四粒。其法用石灰五升。爐灰三升。以水五升。淋取清汁。入大鍋內熬濃汁。至三五升。用瓦器盛貯。臨時以小青盞盛取半盞濃汁。却用皮紙貼盞中濃汁面上安定。然後取糯米十四粒。種在皮紙面上。一宿卽是。

右爲細末。糯米飯丸。如麥粒大。每用一粒。未破用津貼瘡頭薄處。卽破。膿滯不快。則用一粒納瘡口內。使膿不滯。好肉易生。

〔無〕替針丸

雄雀糞廿粒

硃砂

陳倉米

沒藥各一字

右研勻。以米飯丸。如粟大。每用一粒貼瘡口眼中。卽潰膿出。

〔梅〕治諸癰不消。已成膿。懼針不得破。令速決取雄雀糞塗頭上。乾卽易之。雀糞中豎者爲雄。

〔本〕治癰疽。已有瘡眼。未出膿。痛不可忍。用此藥紙。卽膿出。巴荳一

個。去皮膜。不去心油。鹽豉十四個。口中含去皮令軟。同研爛。真麝少許。如難丸。入少稀糊捏作餅子。如鼠糞大。大小臨時看瘡口紐之。只以紙捻子。送入藥。須臾必痛。忍之。良久膿遂出。

〔丹〕出一切瘡口。出蛾繭殼。燒存性。無灰酒調下。每服一枚。服下一個時辰。便有瘡口一個。若服兩枚。出瘡口兩枚。

〔精〕癰成膿。宜針。其鐵用馬銜鐵為之。形如荊葉兩面皆利。可以橫直裂開五六分許。取其毒血。如覺病輕。須先灸而後裂。

按癰如椒眼數十粒。或如蜂窠蓮房。而膿出痛不除。宜用針者。以針橫直裂之。則毒血挾膿出而愈。如無椒眼之類。只消直入取膿。不必裂之也。又法當椒眼上。各各灸之。亦佳。不必裂也。

鉞針者。未如劍鋒。以取大膿。全文見針灸門

〔素〕夫癰氣之息者。宜以針開除去之。病能篇王註云息膿也死肉也。今世用刀割去死肉者是也。治腐

腫者刺腐上。視癰小大深淺刺。刺大者多血。小者深之。必端內針。為故正。長刺節論。大者多血。小者深之。八字衍文。也。大小深淺刺七字。取膿之法盡矣。備矣。

〔精〕疽成膿。宜烙。可用銀篦大二分。長六寸。火上燒令赤。急手熨烙毒上。得膿為效。

〔消〕凡癰覺在虛處。及眼不見處。皆是惡症。如發高腫紫赤。皮薄光澤。覺裏有膿毒。諸藥貼脇不破者。宜用熟銅鍼於油火上煖透。先用

皮厚
深厚
宜烙

鉞針
以取

墨筆點定。却當頭以針淺刺入。隨針出膿者。順也。有不隨針膿出。當用白紙作紙。紙入針孔。引出膿毒。當時腫退。可及三分。如腫不退。是一逆也。腫不退。疼間則毒氣浸淫。好肉亦化為膿腐。此所以烙法有功于潰瘍也。彼根淺而皮薄者。何必假此以賣弄假法。恐嚇而奪取利也。

〔靈〕帝曰。願聞身形應九野。柰何。岐伯曰。請言身形之應九野。左足應立春。其日戊寅己丑。左脇應春分。其日乙卯。左手應立夏。其日戊辰己巳。膺喉首頭應夏至。其日丙午。右手應立秋。其日戊申己未。右脇應秋分。其日辛酉。右足應立冬。其日戊戌己亥。腰尻下竅應冬至。其日壬子。六腑膈下五臟應中州。其大禁太乙所在之日。及諸戊己。凡此九者。善候入正。所在之處。所主左右上下。身體有癰腫者。欲治之。無以其所直之日潰治之。是謂天忌日也。

身形應九野圖

右應立秋戊申。右應秋分辛酉。右應立冬戊戌。

手己未忌開膿。脇西忌開膿。足己亥忌開膿。

行年
忌
癰疽
忌
患

膺喉首頭

應夏至
丙午日
忌開膿

六腑下五臟

應中州太
乙所在日
及諸戊己
日忌開膿

腰尻下竅

應冬至
壬子日
忌開膿

左
手

應立夏戊辰
己巳忌開膿

左
脇

應春分乙卯
忌開膿

左
足

應立春戊寅
己丑忌開膿

〔消〕十歲。二十二歲。三十三歲。七十三歲。已上四人。百神在上部。不可患癰疽發背。見血者死。申子辰年。血忌。餘年不妨。男女同。
二十五歲。三十一歲。六十八歲。七十四歲。以上四人。百神在額。不可患瘡腫。見血者死。
十八歲。二十四歲。三十五歲。四十五歲。五十六歲。六十七歲。七十二歲。八十九歲。以上八人。百神在兩肩隅。不宜患癰疽瘡腫。見血者死。
十二歲。二十七歲。三十六歲。五十九歲。六十六歲。九十七歲。以上六人。百神在中部。不可患癰疽發背。見血者死。巳酉丑年。血忌。餘年不妨。男女同。

三十二歲。四十二歲。五十五歲。六十一歲。以上四人百神在肩背不可患癰疽。見血者死。

十九歲。二十六歲。四十九歲。五十六歲。五十七歲。六十二歲。八十歲。九十一歲。以上八人百神在肝肺俞。不宜患癰腫。見血者死。

十一歲。二十三歲。二十四歲。五十八歲。九十六歲。以上五人百神在脇肋。不可患癰疽。見血者死。

十四歲。二十九歲。三十九歲。四十六歲。五十二歲。六十歲。六十九歲。七十六歲。八十一歲。八十八歲。九十五歲。以上十一人百神在下部。不可患瘡漏疾。見血者死。下部尤忌見勞瘵人。不宜下部出膿。難瘥。十一歲。十五歲。二十七歲。六十三歲。七十五歲。以上五人百神在尻尾間。不可患癰疽。見血者死。

十三歲。二十八歲。五十二歲。七十二歲。九十三歲。以上五人百神在足下。不可患癰疽。見血者死。

二十一歲。三十八歲。四十一歲。五十歲。以上四人百神在遍身。不可患瘡腫。見血者不治。

凡發背及癰疽。皆在背上。不問大小。有疼無疼。或熱或不熱。或冷或不冷。但從小至大。腫起至一尺已上者。其赤腫焮熱者。即用緊急收赤腫藥圍定。不令引開。中心即用抽膿聚毒散貼之。急令散毒外透。

虛實
寒熱
宜忌

內服排膿縮毒。內托湯藥。候膿減相次破穴。看瘡大小深淺內發。其膿汁膿水大泄。急須托裏內補。雖破穴膿汁不多。再須排膿拔毒。透後慎不令再腫。須疼止腫消。患人自覺輕便。即是順疾也。最宜節慎飲食。其熱毒方盛。或發大渴。多飲冷水及冷漿之類。此是毒氣攻心。令口乾煩渴。但以心氣藥內補臟腑即止矣。內補謂參芪之屬排膿謂見角刺之屬

〔丹〕精要云。凡疽疾。勿食羊雞牛鵝魚麪煎溲炙炒法酒等味。犯之必發熱。只有梔子黃芩湯。用之取效。夫梔芩苦參犀角輔佐人參。固可解食毒之熱。若寒月與虛人。寧無加減乎。內經謂膏粱之變。足生大疔。此原癰疽之因也。禁戒厚味。蓋以厚味能引起宿火之熱。此誠富貴參養口腹者所宜謹守。若素貧者。大不然矣。予治章兄。背疽徑尺。家貧待死而已。視瘡穴黑深似有近內之意。急作參芪歸朮膏。飲三日。略以艾芎湯洗。氣息奄奄。不可支持。幸其身不發熱。而可進飲食。每日作餛飩大碗與之。盡藥膏五斤。餛飩多肉者三十碗。瘡口漸合。以其因肉與餛飩助氣之有益也。

〔羅〕凡治病必察其下。予從軍。戊午年冬。于武城縣。有賈倉使父。年踰六旬。冬至後數日。疽發于背。五七日。腫勢約七寸許。不任其痛。瘍醫曰。視之膿成可開矣。公懼不從。越三日。醫曰。不開恐變證生矣。遂以燔針開之。膿泄痛減。以開遲之故。迨二日變證果生。覺重如負。

拾證
從脈
六脈
沉數
有力
難隆
宜下

右熱如炳。火痛楚倍常。六脈沉數。按之有力。此膏梁積熱之變也。邪氣醱熱。故宜寒藥治之。時月歲。凝復有用寒遠寒之感。乃思內經曰。有假者反之。雖違其時。以從其證可也。與瘍醫議。急作清涼飲子。加黃連一兩五錢與之。利下兩行。痛減七分。翌日。復用前藥。其證悉除。月餘平復。陳錄判母。年七十餘歲。忽冬至後。腦出疽形如甌。面大命瘍醫診視。俟瘡熟以針出膿。因怒答侍妾。瘡卽內陷。凹一莖葉許。面色青黃不澤。四肢逆冷。汗出身清。時復嘔吐。脈極沉細而遲。蓋緣衰老之年。嚴寒之時。病中苦楚。飲食淡薄。已滌肥膿之氣。獨存憔悴之形。加之暴怒。精神愈損。故有此寒變也。病與時同。與瘍醫議。遂制五香湯一劑。加丁香附子各五錢。劑盡瘡復大發。隨證調治而愈。內經曰。凡治病。必察其下。謂察時下之宜也。諸痛痒瘍瘡。皆屬心火。言其常也。如瘡盛形羸。邪高痛下。始熱終寒。此反常也。固當察時下之宜而權治。故曰。經者常也。法者用也。醫者意也。隨所宜而治之。可收十全之功矣。至元壬午五月二十八日。王伯祿年五十有七。右臂膊腫盛。上至肩。下至手指。色變。皮膚涼。六脈沉細而微。脈證俱寒。予舉瘍醫孫彥和視之。曰。此附骨癰。開發已遲。以燔針啓之。膿清稀解。次日肘下再開之。加呃逆不絕。彥和以丁香柿蒂散兩服稍緩。次日。呃逆尤甚。自利臍腹冷痛。腹滿。飲食減少。時發昏憤。於左乳下黑盡。

處灸二十七壯。又處托裏溫中湯。用乾薑附子木香沉香茴香羌活等分。咬咀一兩半。欲與服。或者曰。諸痛瘡瘍。皆屬心火。又當盛暑之時。乾薑附子可乎。予應之曰。理所當然。不得不然。內經曰。脈細皮寒。瀉利前後。飲食不進。此謂五虛。况呃逆者。胃中虛寒極也。諸痛瘡瘍。皆屬心火。是言其定理也。此證內外相反。須當捨時從證。非大方辛熱之劑。急治之。則不能愈矣。遂投之。諸症悉去。飲食倍進。瘡勢溫膿色正。彥和又與五香散數服。月餘平復。噫。守常者。衆人之見。知變者。智者之事。知常而不知變。因而取敗者亦多矣。况醫乎哉。守常知變。豈可同日而語。

托裏溫中湯。治瘡瘍為寒變而內陷者。膿出清解。皮膚涼。心下痞滿。腸鳴。切痛。大便微澹。食則嘔逆。氣短促。呃逆不絕。不得安臥。時發昏憤。

羌活

乾薑

炮名
三錢

黑附子

四錢
去皮臍

益智仁

一錢

茴香

甘草

丁香

沉香

各一錢

木香

一錢

陳皮

一錢

按經曰。寒淫于內。治以辛熱。佐以苦溫。附子乾薑。大辛熱。溫中外。發陽氣。自裏之表。以為君。羌活味苦辛溫。透關節。炙甘草甘溫補脾胃。行經絡。通血脈。胃寒則嘔吐呃逆。不下食。益智仁沉香丁香

大辛熱以散寒邪爲佐。瘡氣內攻。氣聚而爲滿。木香苗香陳皮苦辛溫。治痞散滿爲使也。

右咬咀。都作一服。水三盞。生薑五片。煎至一盞。去渣。溫服無時。忌一切冷物。

〔丹〕一老人。年七十。患背疽徑尺餘。已雜與五香十宣數十帖。膿血腥穢。嘔逆不食者旬餘。病人自去吃肉托散。隔申不安。且素有淋病三十年。今所苦者。淋之痛。與嘔吐不得睡而已。急以參芪歸朮煮膏。以牛膝湯入竹瀝飲之。三日後盡藥一斤半。淋止思食。七日後盡藥四斤。膿自湧出而得睡。又兼旬而安。一男子。年六十餘。性好酒肉。背疽見膿。嘔逆發熱。蓋其得內托十宣多矣。醫以嘔逆。於嘉禾散中加了香。以溫胃行氣。時七月大熱。脈洪數有力。予因謂此脈症。在潰瘍尤爲忌。然形氣實。只與人參膏和竹瀝飲之。盡藥十五斤。竹百餘竿而安。予曰。此病幸安也。不薄味。必再作。仍厚味自若。夏月醉後。坐水池中。又年餘。左脇旁生一軟塊如餅。二年後軟塊爲疽。本人見膿血淋漓而脈洪數有力。又嘔逆食少。遂自以人參膏入竹瀝飲之。又百餘竿而安。今八十歲。強健如舊。此病兩以老年血氣弱。專服人參竹瀝而愈。若與內托十宣散。恐未能若是之安全也。

膿潰之後。腫退肌寬。痛必漸減。而反痛者。此爲虛也。宜補之。亦有穢

反痛
宜補
宜溫
解之和

積後
忌五
香飛
散忌
大黃
下積

氣所觸者。宜和解之。亦有風寒逼者。宜溫散之。補者。歸芪之類。和解者。乳香芍藥之類。溫散者。防風桂枝之類。

權小娘。瘡後右腿股生癩。破後筋吊疼。脈虛而澹。詢之。小便時疼處亦相應。宜與生血導熱。

川芎

歸頭

條芩

生地

赤芍

牛膝

黃柏

甘草

青皮

檳榔

通草

桂皮

右煎。食前熱飲之。

五香湯。卽五香連翹湯。去射干。大黃。升麻。連翹。加參。犀角。若用于腫瘍。猶可。借其飛走。以攻散其毒。使不延蔓。若用于潰瘍。雖多有參。芪甘草之緩補。而走泄太多。寧不犯仲景已有得汗復汗。得下復下。重虛之戒。可不省乎。

精要云。血氣聞香則行。聞臭則逆。又言飲食調令香美。益其脾土。養其真氣。夫甘而淡者。可養脾土。若香美者。但能起火。經以熱傷脾。熱傷氣爲戒。今日益脾養氣。若施之于腫瘍者。似有暢達之益。潰瘍後用香美。恐有發濕熱損真陰之患矣。

精要云。熱盛脈數。與瀰蘆湯。單煮大黃等湯。不甚熱。脈緩弱。只投五香連翹湯。夫熱盛脈數。若腫瘍時。臟腑祕而體實者。猶可與大黃。若

膿出
忌追
毒丸

湯忌
追毒
丸

後痛
咽痛
忌號
珀犀
角膏

潰瘍後膿血出多者熱盛脈數去死爲近其可下乎緩襲之脈古人皆以爲邪毒已散五香之飛走升散其可用乎。

精要云初成膿宜用烙得膿利爲效亦服神仙追毒丸此又不能無疑者也夫追毒丸下積取毒之藥決無取膿之效今用烙而得膿若在裏之氣血壯實則膿自出如推矣何不以和氣活血之藥佐參芪補劑使膿自托出乎。

精要云瘡作渴甚急與神仙追毒丸取下惡毒與清臈湯萬金散五香連翹湯六味車螯散千金漏蘆湯皆可選用下利已後渴尙未止宜用生津補氣藥則津液生氣血完渴自止矣夫大渴而與利藥非明示脈證何以知其當下後又言下利後渴又不止却用補藥又不明言脈證恐是但有大渴必與峻下下後尙渴方與補藥夫醫者治未病如此用藥可乎况渴屬上焦當腫瘍時猶或可用若潰瘍時渴恐因血氣之虛何以待下利後方議其虛哉。

精要論疽疾咽喉口舌生瘡歸罪於不得內托以致熱毒衝心與琥珀犀角膏夫于腫瘍時用之猶或近理若於潰瘍後用之彼犀角腦子之升散寧不助病邪致虛以速其死也耶後有犀角散以大黃佐黃芪用黃芪則知其虛用大黃又似疑其有實熱夫瘡潰體虛縱有舊熱將自漸因膿血而消何必以峻冷利動臟腑若在秋冬何異用

刀劍耶

精要論。癰疽發寒熱多汗。或先寒後熱。或先熱後寒。或連日作。或間日作。必先嘔痰。然後寒熱。寒熱解。大汗出。不可專以為有熱。亦有氣虛而得者。亦有因怒而得者。又有先感寒邪。脾氣不正。而有此證者。夫氣虛者。當以補氣藥補之。因怒者。當以順氣藥和之。脾氣不正者。當以調脾藥養之。今用不換金正氣散。悉是溫散瀉衛之藥。而欲以一兩人參。收拾十四兩之瀉衛可乎。若用于腫瘍時。感寒邪者。猶或庶幾。彼氣虛者。因怒者。脾氣不正者。此方能兼治乎。又未知用于腫瘍。即潰瘍耶。

穴未
合慎
風濕

後補
大氣
血

後寒
熱正
氣

〔涓〕穴有孔。慎風。仍慎再合。如再合者。為風濕邪氣攻搏。而再生膿。宜如前以通和湯藥。依次第用。不可急性。恐傷氣害人之命也。
〔無〕瘡瘍未合。風入為破傷風。濕入為破傷濕。二者害人最急。倉卒不知其因。甚難認治。癰疽瘰癧潰後。尤宜謹之。
〔精〕加味十全湯。治癰疽愈後。補氣血。進飲食。

黃芪 蒸

地黃 蒸

當歸

川芎

人參

茯苓

芍藥 炒

白朮

陳皮 各一兩

粉草 炙

桂心

五味 各五錢

烏藥 七錢

右咬咀。每服一兩。用水一碗。生薑五片。棗二枚。同煎。分作二服。留渣晒乾爲末。服之。丹溪云。加味十全湯。須看年之老壯。資之強弱。證之緩急。時之寒熱。加減用之。

〔丹〕加味十全湯。治癰疽後。補氣血。進飲食。實爲切要。蓋膿血出多。陰陽兩虛。非此藥何以回生起死。惜其不分經絡。不載時令。又在識者。觸類而長之。今之外科。於瘡瘍腫平痛寬。遂以爲安。漫不加省。往往于結痂後。兩三日。或半年。虛證乃見。醫者不察。病者不悟。無補接調養之功。因而轉成他病者。惜哉。予治一士夫。因脚弱求診。兩手俱浮。洪稍鼓。飲食如常。惟言問不答。肌上起白屑如麸片。時在冬月。予作極虛處治。詢其弟。乃知半年前。曾于背臂腿三處。自夏至秋冬節。次生疽。率用五香連翹湯十宣散與之。今結痂久矣。予爲作參芪白朮當歸膏。以二陳湯化飲之。三日後盡藥一斤。白屑沒者大半。病者自喜。呼吸有力。補藥應效以漸。而病家反怨藥不速應。自作風病論治。煉青礞石二錢半。以青州白丸作料。煎飲子。頓服之。予諫止不聽。因致不救。書以爲警云。

運氣。癰自潰者。惟土不及歲有之。經曰。土不及曰卑監。卑監之紀。其動瘍漏。分潰癰腫。蓋土不及則肉腐爲癰腫。故木化啓折乘之。而膿漏分潰其癰腫也。

雜方

圍藥

東垣癰疽用藥加減法。如發背疔腫膿潰前後虛而頭痛者于托裏藥內加五味子。恍惚不寧加入參扶神。虛而發熱者加地黃瓜蒞根。潮熱者加柴胡地骨皮。渴不止者加知母赤小豆。虛煩者加枸杞天門冬。自利者加厚朴。膿多者加當歸川芎。痛甚者加芍藥乳香。肌肉遲生者加白斂官桂。有風邪者加獨活防風。心驚悸者加丹砂。口目瞶動者加羌活細辛。嘔逆者加丁香藿葉。痰多者加半夏陳皮。

〔精〕麥飯石膏。在膿潰後圍瘡口。

麥飯石 火煨醋碎十次研數日

鹿角 煨烟盡

白斂

右用麥飯石末二兩。白斂末二兩。鹿角灰四兩。要研極細。如不細反痛。用好米醋入銀石器內煎。令魚眼沸。却入三味藥末。用竹篋子不住手攪。熬一二時稀稠得所。傾出候冷。以紙蓋。每用時。先以猪蹄湯洗去膿血。搥乾。以鵝翎拂藥。塗四圍。凡赤處盡塗之。但留一小口。如錢大。以出膿血。凡用瘡藥上。久則藥乾。勿令繃急。須常用醋拂濕其藥。初便一日洗換藥。十日後兩日一換。肉冷惡寒者不宜用

猪蹄湯。治一切腫破。消毒氣。去惡肉。凡瘡有口。使用此湯濯洗。

白芷

生甘草

羌活

露蜂房

黃芩

赤芍藥

川歸 等分

洗藥

去死
肉方

右為粗末。看疽大小用藥。如疽大潰。豬蹄兩隻。只用白水三升。煮軟。將汁分為兩次。澄去面上油。併下面渣。却將藥末投其中。再煎十數沸。去渣。以故帛蘸藥。湯溫洗。薄揩惡血惡肉。隨洗而下。洗訖。仍避風。忌人口氣吹之。又忌狐臭人。月經人。

癰疽有死肉不去者。用白丁香霜梅。深則絀之。淺則乾摻。於膏藥上甚妙。

〔海〕又方。膏藥內。入雄黃巴荳少許。不傷好肉。止去惡肉。不惟惡瘡。凡癰毒有惡肉者。俱可去。

又方。雄黃散。以雄黃一錢。另研巴荳不去皮。研如泥。入乳香沒藥少許。再研細。少上惡肉自去。

〔保〕治惡瘡有死肉者及追膿。

白丁香

輕粉

粉霜

雄黃

麝香各一錢

巴荳霜三個

右細末。新飯和作錠子。用之。

〔丹〕治瘡疽攻腫。息肉突出。烏頭五枚。苦酒三升。漬三日。洗之。日夜

三四次。古今錄驗

諸癰疽有肉凸出數寸者。更于凸出瘡門求之。

〔精〕神異膏。治諸般惡毒瘡癩。發背癰疽。其妙如神。

方

露蜂房 要用蜂兒多者爲妙細剪碎一兩

全蛇蛻 以鹽水洗淨焙乾半兩

玄參 半兩去蘆

綿黃芪 三兩

黃丹 五兩研細後入

眞麻油 斤一

杏仁 去皮尖切小片一兩

男子亂髮 洗淨焙乾如雞子大

右件藥先將麻油入銀銚中同亂髮于風爐上慢慢文武火熬候髮焦鎔盡以杏仁投入候杏仁色變黑好綿濾去渣再將所熬清油入銀銚內然後入黃芪玄參二味慢火熬一二時取出銚子安一冷風爐上候半時久火力稍息旋入露蜂房蛇蛻二味將柳枝急攪移銚于火上不住手攪慢火熬至黃紫色用綿濾過後復入清油在銚內乘冷投黃丹急攪片時又移銚於火上文武火慢慢熬不住手用柳枝攪千餘轉候藥油變黑色滴於水中凝結成珠子則是膏成就矣若珠子稀再熬少時必候得所然後用磁器內封收待用或恐偶然熬火太過稍硬難用却入少蠟熬添麻油在內磁器密封蓋於甑上蒸乘熱攪勻收而用之膏藥熬成了須用所盛磁器置淨水盆中出火毒一晝夜歇三日方可用熬此膏藥極難於火候須耐煩看火緊慢火猛卽藥中火發千萬謹戒膏藥方甚多辨

無出于此

〔垣〕熱瘡寒膏藥

當歸身 水洗焙乾一兩

杏仁 湯浸去皮尖一百個

黃丹 研細六兩

肥嫩柳枝 三兩半切如寸許水洗去

肥嫩桃枝一兩切作如寸洗淨乾

麻油斤一

右件先熬麻油熱下桃柳枝熬令半焦以綿裹當歸杏仁同煎至柳枝黑焦為度去藥渣濾油澄淨抹去銚中渣滓令淨再上令沸旋旋入黃丹熬成滴水不散為度。

寒瘡熱膏藥

與寒膏藥同。只將當歸身改作當歸梢。桃柳枝分兩倒過便是。劉氏貼發背癰疽膿盡四面皮粘恐有膿毒攻起宜用逼毒散方。

黃藥子

白藥子各一兩

赤小荳二兩

雄黃錢一

右為末水調敷。

治發背癰疽膿盡生肉平滿宜用緊瘡口生肌青散子。

槿花葉

咸時收陰乾取四兩為末

青赤小荳

白芨各二兩

為末臨時用槿花末三錢七白芨小荳末各一錢七相和新汲水

調攤紙上貼四畔中心瘡口不用貼。

〔垣〕斂瘡口方。木香檳榔散用之決無疼痛。以蠟油塗覆瘡上生肌斂肉甚速必無惡血瘡口疾合易取平復。惟膏梁熱瘡所宜用也。貧人害地之寒濕外來寒瘡者禁不可用。

木香

檳榔

黃連各等分

右為極細末依前調用濕則乾貼。

治寒瘡斂瘡口藥

當歸身一錢洗淨晒乾 青皮二分去白

木香一分

黃連五分

右四味為極細末。蠟油調塗。取效甚速。

〔保〕瘡口大者。乳香散。

寒水石煨 滑石各一兩

乳香

沒藥各半兩

腦子少許

右各研細和勻。少許搽瘡口上。

〔撮〕桃紅散。斂瘡口。定痛。辟風邪。

滑石四兩

乳香

輕粉各二錢

小荳粉一兩

寒水石三兩煨

右為細末。乾搽口上。一方改小荳粉為定粉。

〔精〕有人患背疽已潰。如碗面大。視五臟僅膈膜耳。自謂必死。用大鯽魚一枚。去腸臟。以羯羊糞入其中。烘焙焦黑極燥。為細末。乾搽之。瘡口遂收。至今無恙。此方累用有效。須候膿少。欲生肌肉時用之。

〔保〕又方。治瘡口久不收。

小椒去目炒黑一錢

定粉

風化硝二錢

白礬二錢半

乳香

沒藥各一錢

右為末搽之。

〔精〕生肌散

寒水石剉

滑石

烏魚骨

龍骨各一兩

定粉

蜜陀僧

白礬灰

乾胭脂各半兩

右為細末。乾摻用之。

平肌散。治諸瘡久不斂。

蜜陀僧煨

花蓋石煨

白龍骨各一兩

乳香另研

輕粉各一錢

右為細末。和勻乾摻。

〔丹〕精要論。癰疽久而瘡口不合。其肉白而膿血少。此為瘡口冷滯。乃病氣血枯竭。不潮于瘡。遂致如此。用北艾葉一把。入瓦器內濃煎湯。避風處。乘熱用艾湯燒洗瘡口。四圍淨肉。以絹帛兜艾葉乘熱燒沃。一日一次。洗了。須避風。仍燒松香以烟薰瘡口。良久。用神異膏貼之。不可與厭穢之人見。若不能禁忌。瘡口難安。藥亦無效。夫以血氣枯燥。不知補接於內。惟務熱洗於外。不揣其本。而齊其末。而乃歸罪于冷滯。大抵潰瘍貴洗。若非行補接之藥。以實其內。竊恐淋洗有一時之快。少頃恐病體自覺疲憊。有不耐煩之意。非虛而何。可不先議補接乎。補接即參芪歸朮之類是也。

〔蘇〕亂髮蜂房蛇蛻皮。各燒灰存性。每味取一錢七。酒調服。治瘡久

不合神驗。丹溪云髮補陰之功甚捷。

診

九善
五惡

〔丹〕收斂瘡口。止有柳皮白斂煎湯飲之。

〔靈〕白眼青。黑眼小。是一逆也。內藥而嘔者。是二逆也。腹痛渴甚。是三逆也。肩項中不便。是四逆也。音嘶色脫。是五逆也。除此五者。為順

矣。玉版篇

〔精〕癰疽破潰之後。其形候有逆有順。眼白青黑而緊小。一惡也。不能下食。納藥而嘔。食不知味。二惡也。腹痛渴甚。三惡也。肩背不便。四肢沉重。四惡也。聲嘶色脫。唇鼻青黑。面目四肢浮腫。五惡也。煩燥時嗽。腹痛渴甚。泄利無度。小便如淋。六惡也。膿血大泄。嗽痛尤甚。膿色敗臭。氣不可近。七惡也。喘粗短氣。恍惚嗜臥。八惡也。未潰先黑。久陷。面青唇黯便汚者。九惡也。更有氣噎痞塞。咳嗽身冷。自汗無時。瞳目耳聾。恍惚驚悸。語言顛錯。皆是惡證。動息自寧。飲食知味。一善也。便利調勻。二善也。神彩精明。語聲清明。三善也。膿清腫消。色鮮不臭。四善也。體氣和平。五善也。五善見三則吉。諸惡見四必危。

癰疽所兼諸證

〔消〕熱毒方盛。或發大渴。此是毒攻心臟。令舌乾煩渴也。但以補心氣藥。內補即止。

〔羅〕竹葉黃芪湯。治發背發渴。通治諸瘡大渴。

淡竹葉二兩

生地八兩

黃芪

麥門冬去

當歸

川芎

甘草

黃芩

芍藥

人參

半夏湯洗

石膏各三兩

右為粗末。每服五錢。水一盞半。竹葉五七片。同煎至一盞。去渣。溫

服無時。虛渴者忌用石
膏。半夏黃芩。

金銀花散

金銀花四兩
去土 甘草一兩
妙

右為細末。每服四錢。水酒各一盞。同煎至一盞。去渣熱服。

〔丹〕外科精要云。疽向安。後發渴。與加減八味丸。夫當此時。血氣兩

虛。當用參芪補氣。當歸地黃養血。渴當自止。何必澤瀉茯苓導水。佐

以肉桂。若忍冬丸黃芪六一湯等方。切當。忍冬養血。黃芪補氣。渴何

由作。

〔精〕忍冬丸。大能止渴。及療渴疾。既愈之後。須預防外癰疽。大宜服

此。

忍冬草不以多少根莖
花葉皆可

右入瓶內。以無灰好酒浸。以糠火煨一宿。取出晒乾。入甘草少許。

研為細末。以所浸酒打麪糊丸。如桐子大。每服五十丸。至百丸。無

時酒飲任下。

黃芪六一湯。大治渴疾。補虛乏。常服此藥。終身可免癰疽之疾。

綿黃芪去蘆六兩一半生用一半鹽水燉蒸三次焙乾

粉草一兩一半生用一半炙黃用

右為細末。每服二錢。早晨日午。以白湯點服。若飲初盃。用酒調尤妙。

桑枝湯。大治口乾。取桑枝一小升。細切炒香。以水三大升。煎取二升。一日服盡。

五味子湯。大治口燥舌乾。此是腎水竭也。

五味

黃芪去蘆生用

人參去蘆

麥門冬去心

粉草炙半兩

右咬咀。每服半兩。水一盞半。煎至八分。去渣溫服。無時候。一日二夜。五七服妙。

逆嘔

〔丹〕外科精要云。嘔逆有二證。一證謂初發時。不會服內托散。伏熱在心。一證謂氣虛脾氣不正而嘔。伏熱在心。與內托散三兩帖。氣虛而嘔。宜嘉禾散。有寒熱。宜家傳正氣散。兼與山藥丸以補腎。謹按病機。諸逆衝上。嘔越。皆屬於火。其內托散性涼。固有降火之理。若嘉禾散。羣隊以為補虛之劑。補力已少。徒有溫煖助火耳。山藥丸。補腎以壯下焦之陰。粗為近理。然治嘔。須分先後。腫瘍時。當作毒氣上攻治之。潰瘍後。當作陰虛補之。若年老因疽潰發。嘔不食者。宜用參芪白朮膏。峻補取效。佐藥隨時隨證加減。恐用山藥丸。爰急未易得。可。

咽喉
生瘡
舌

瘡潰
瀉逆
冷

瘡血
出不
止

間謂諸病瘡瘍如嘔者。濕氣侵于胃也。藥中宜倍加白朮。

丹溪治一老人。背疽嘔逆。用補藥效。方見潰瘍門。予治一男子腫瘍。嘔。諸藥不止。用獨參湯一服。嘔即愈。

〔精〕犀角膏。治咽喉口舌生瘡。昔有一貴人。因疽而生此證。醫者以為心臟絕盡。皆辭退。愚進此藥。一日而安。

真琥珀 研

生犀角 各一錢

辰砂 研

扶神 去木各二錢

真腦子 研一字

人參 去蘆

酸棗仁 去皮研各二錢

右人參扶神犀角為細末。入乳鉢內。別研藥味和勻。用煉蜜搜為膏子。以磁瓶收貯。俟其疾作。每服一彈子大。以麥門冬去心。濃煎

湯化服。一日連服五服。取效。此方潰瘍不宜用

〔消〕治發背癰疽。膿潰後氣虛。脾臟滑泄。并四肢逆冷。宜用和氣散。

蒼朮 四兩米泔浸三日洗淨晒乾再以米醋炒令香黃色

良薑 炒

甘草 炙

青皮 去穢各一兩

肉桂

乾薑 炮各半兩

陳粟 升半

右七味為末。每服一錢。用炒茴香末半錢。相和溫酒調下。不拘時。

〔垣〕聖愈湯。治諸惡瘡。血出不止。以寒水石細末。摻之立止。或瘡時

間作黑色。不可潰也。藥力去盡。却紅和。如血出多。而心煩不安。不得

眠睡。此亡血也。此湯主之。

熟地

生地 各三錢

歸身 一錢半

川芎 二錢

黃芪五分

人參三分

瘡腫肉

右以咀。如麻荳大。都作一服。水盞半。煎至一盞。去渣。稍熱服。無時。
〔梅〕治背瘡肉長疾。皮不及裏。見風卽成癩。以寒水石燒研爲細末。敷瘡上。再用銅綠細末上之。肉卽不作癩矣。

瘡癰急牽陰入小腹

〔圖經〕古方療惡瘡癰腫。或連陰脾間疼痛。急牽牽入小腹不可忍。一宿則殺人者。用茴香苗藥搗取汁一升。服之日三四。用其滓以貼腫上。冬中根亦可用。此外國方。永嘉以來用之。起死神效。

久漏瘡

虛寒

〔丹〕漏瘡。須先服補藥。以生氣血。卽參芪朮歸芎爲主。大劑服之。外以附子末。唾和作餅。如錢厚。艾炷灸炷。隨漏之大小。便灸令微熱。不可令痛。乾則易之。乾者再研爲末。再和再灸。如困則止。來日再灸。宜至肉平爲效。亦有用附片灸。仍用前血氣藥作膏藥貼之。

經云。肉之大會爲谷。肉之小會爲谿。肉分之間。谿谷之會。以行榮衛。以會大氣。邪盜氣壅。脈熱肉敗。榮衛不行。必將爲膿。內銷骨髓。外破大脰。留于節淩。必將爲敗。積寒留舍。榮衛不養。肉縮筋肋。肘不得伸。內爲骨痺。外爲不仁。命曰大寒留于谿谷也。此用附子灸者。蓋此義也。

梅師云。腎移寒于脾。發爲癰疽。少氣。脾移寒于肝。發爲癰疽。向

寒

云。諸癰腫此皆安生。岐伯曰。生于八風之所變也。又云地之濕氣感則害人皮肉筋脈。聖濟云。衣服之表易着寒。所得之源。大抵如此。或發不變色。或堅硬如石。或捻之不痛。久則然後變色。疼痛漸更。而成膿如泔而稀。久不能痊。瘡口不合。變易為疔漏。敗壞肌肉。銷損骨髓。以致痿跛。宜以此骨碎補丸主之。

骨碎補

補骨脂

熟地

當歸

續斷

石楠

石斛

牛膝

杜仲

草薺

附子

芍藥

川芎

兔絲子

沙參

羌活

防風

獨活

天麻

黃芪

此方與大僕方相表裏。各等分爲末。煉蜜丸。空心鹽湯服。陽氣者。精則養神。柔則養筋。開闔不得。寒氣從之。乃生大僕。宜用。

羌活

防風

細辛

附子

甘草

川芎

續斷

白芍

白朮

當歸

桂心

麻黃

黃芪

熟地

此方與前骨碎補丸相表裏。

營氣不從。逆于肉理。乃生癰腫。

陷脈爲癭。留連肉腠。膿氣化薄。傳

為善畏。及為驚駭。全文見陰陽門

〔精〕桂附丸。治氣漏諸瘡。

桂心

附子

炮裂米醋中浸再炮三五次去皮臍

厚朴

製

粉草炙

白朮

各一兩

木香

分一兩

乳香

研二錢

右為細末。煉蜜丸。如桐子大。空心米飲下二三十丸。丹溪云。精要治冷漏諸瘡。與桂附丸。此冷只因瘡久不合。風冷乘之。血氣不潮而成也。厚朴雖溫。其瀉衛尤速。恐不若參芪佐以陳皮。庶乎與病情相得。此方治冷漏瘡。若寒而虛者。只以加味十全湯。隨時令經絡。加減用之為當。又虛甚者。宜參芪歸朮膏。

陷脈散。治漏瘡。及二三十年癭瘤。或大如盃孟。久久不瘥。致有漏潰。令人骨肉消盡。或堅或軟。或潰。令人驚惕。臥寐不安。體中掣痛。愈而復作。

乾薑

炮

琥珀

研

大黃

附子

炮去皮各一兩

丹參

三分

石硫黃

研

白石英

研

鍾乳粉

研

烏賊骨

研各半兩

右為末。貯以蓋合韋囊。勿令泄氣。若瘡濕即敷。無汁即煎豬脂和敷之。以乾為度。或死肌不消。加芒硝二兩益佳。一法胡燕巢一枚。

〔子和〕小渠袁三。因強寇入家。傷其兩脛。外廉作瘡。數年不已。膿十

常涓涓然。但飲冷則瘡間冷水浸淫而出。延為濕瘡。求治戴人曰。爾中焦當有綠水二三升。涎數掬。袁曰。何也。戴人曰。當被盜時。感驚氣入腹。驚則膽傷。足少陽經也。兼兩外廉皆足少陽之部。此膽之甲木受邪。甲木色青。當有綠水。少陽在中焦如漚。既伏驚涎在中焦。飲冷水咽為驚涎所阻。水隨經兩旁入瘡中。故飲水瘡中水出。乃上湧寒痰。汗如流水。次下綠水。果二三升。一夕而痂乾。真可怪也。

嘗治足膝下至踝漏瘡。通足腫大於好足二倍。行步不全。用五龍丸大下之者六番。每番皆五七行。下後用黃柏蒼朮芪芍地草升葛星半牛膝活石桂調之。近三四個月而安。

〔丹〕治漏瘡。

川芎兩

細辛二錢半

白芷二錢半

甘草細末

右每日作湯服。上瘡食後。下瘡食前。看瘡孔大小。用隔年黃麻根刮去粗皮槌軟。熬成繩子。熬入孔中。至不可入則止。日淺一日。瘡用好膏藥貼之。

〔本草〕治瘻有頭出。膿水不止。以啄木鳥一隻燒灰。酒調服一錢七立瘥。

〔世〕神應膏。治久漏瘡。此宋褚防禦治理宗久漏瘡諸方不效。獨此膏愈之。如腸毒胃毒。為丸服之。神效。

當歸 一兩

赤芍藥

大黃 各一兩

香白芷

官桂 各一兩

玄參 一兩

川續斷 二兩

莪朮 一兩

生地 一兩

右九味。細剉用真香油二斤浸。春五日。夏三日。秋七日。冬十日。入鍋內以文武火煎令黑色。濾去渣。如熱天用黃丹廿兩。冷月十五兩。旋旋下丹。不住手攪。試水中沉為度。不可令婦人雞犬見。如漏有孔者。以膏送入孔內。外仍以膏攤貼之。

〔海〕檳榔散。治癰疽瘡癤。膿潰之後。外觸風寒。腫焮殭硬。膿水清稀。出而不絕。肉腠空虛。惡汁臭敗。瘡邊好肌不生。及療疔癰惡瘡。浸潰不斂。方見潰瘍斂瘡口藥。即木香檳榔黃連等分為末敷貼也。

〔丹〕治漏外寒藥。

蘆甘石 童便煨

牡蠣粉

右為極細末敷之。

〔濟〕烏金散。貼惡瘡疔癰。

橡料子二個。內一個實黃丹。一個實白礬末。相合定。用黑僧麻皮纏了。火內燒研細。加麝香少許。洗淨瘡貼之。

〔垣〕截疔散。治年深疔癰瘡。

黃連 半兩

白斂

白芨

黃丹 各一兩

輕粉一錢

龍腦

麝香另研各半兩

蜜陀僧一兩

右為細末。和勻乾摻在紙上。以膏貼之。

〔丹〕取朽骨久疽及痔漏中有者。

取黑骨雞脛骨。上等砒霜實之。鹽泥固濟。火煨通紅。取出地上。出火毒。去鹽泥。用骨研細。飯丸如粟米大。以紙撚送入孔竅內。更用膏藥貼之。

〔本〕雄黃治瘡瘍尙矣。周禮瘍醫。凡療瘍以五毒攻之。鄭康成註云。今醫方有五毒之藥作之。用黃螫置石膽丹砂雄黃礬石磁石其中。燒三日三夜。其烟上着。以雞羽取之。以注創惡肉破骨則盡出。楊大年嘗記其事。族人楊偶年少時。有瘍于頰連齒。輔車外腫若覆甌。肉潰出膿血不輒吐之。痛楚難忍。療之百方。彌久不瘥。人語鄭法。依法製藥成。注之瘡中。少頃。取朽骨連兩牙潰出。遂愈。信古方攻病甚速也。黃螫。卽瓦盒也。

〔東〕久漏瘡。

足內踝上一寸灸三壯 如在上者。 肩井 鳩尾

肺脈微緩。為痿癭。緩者多熱。○全文見治虛實法。

〔垣〕瘡醫自幼至老。凡所經驗。必須寫之。嘗記疔癭惡瘡。諸藥不效者。取蟻螬剪去兩頭。安瘡口上。以艾炷灸之七壯。一易不過七枚。無

不效者。又法用乞火婆蟲兒灸之。同前法果驗。神效。人皆秘之。往往
父子不傳。

醫學綱目卷之十九 心小腸部

癰疽所發部分名狀不同 疔瘡 石癰 諸腫 瘰癧附馬

結核 癭瘤 偷鍼 天蛇頭代指 甲疽嵌甲 乳癰乳

巖 囊癰陰頭癰 便毒 貼骨癰 內癰有三 肺癰腸

癰胃脫癰

〔靈〕五臟身有五部伏兔一。腓二。腓者。膈也。背三。五臟之膺四。項五。

通診
癰疽
要害
部分

此五部有癰疽者死。寒熱病篇王海藏云腦鬚醫頤四處亦為疽疽必死之處

〔消〕不可患癰疽者七處。眼後虛處。頤接骨處。陰根根上毛

間。胯與尻骨接處。耳門前後車骨接處。諸因小腹風水所成癰

疽。頷骨下。近耳後虛處。鼻骨中。並能害人。但以諸法療之。或有

得瘡。唯眼後虛處最險。正腦上一處。起為腦癰。及腦疽。腦鑠。並在

大椎骨上。入髮際生腦癰。皮起易得破穴。急破急出膿。不害。腦疽皮

厚難得破穴。須急發內毒。使破穴方可。

腦鑠一處。初起如橫木掘。上起頂門。下止大椎。發腫如火燒。其色青

黑如靴皮。大硬不見膿。即損外皮。如犬咬去肉之跡。難愈。鑠式約切

左右鬢兩處。癰疽癩。初起如蟲咬。癢疹痛腫。不赤紅。難見膿汁。是為

鬢發。此亦危篤之患。既損破多為漏瘡。

鬢發
防偏

腦鑠
難愈

腦癰
疽宜
急破

額及太陽發風水

發處攻眼與太陽發

發頤牙又發忌風水

發節發臂處

左右髮際起如粟米。頭白肉赤。熱痛如錐刺。此疾婦人患多。丈夫患少。始因風濕上攻髮際。亦宜出膿無傷。

左額右額發赤疽不拘大小。狀如桃李。急宜藥貼破。見膿無害。右額角一處發毒疽及惡癬。為近太陽穴。如腫滿太陽。即成虛損。為近穴而難消。不可破。如破後傷外風水即能害人。亦宜用藥潰膿後。速斂合瘡口。如經冬月。即成冷瘡。緣此處近太陽穴。上至額角。都為險處。左右太陽穴。或發疽癰及癰。五七日不潰。毒氣流入眼眶。攻眼。眼合不開。用藥貼破。破後慎外風水。所入即損其睛。注損眼瞼。而成大疾。左右眉稜兩處。發為發眉。不拘在頭尾。宜慮未穴已前攻擊。在眉頭。即攻入眼損睛。在眉後。即攻入太陽。並宜戒慎。鼻下一處。人中兩處。為發髭。此多因摘髭外入風而結。攻作不常。寒熱相併。此亦害人。

下頤一處。發為發頤。肥人多有。此疾恐手搔傷而發腫。

左右牙又骨接處。發癰疽處腫脹。攻骨及牙關。張口不得。因諸風熱上攻。或多食燒炙之物所為。或因患牙癰。即從牙縫中破出膿血。切忌外風水觸犯。

垂臂兩處。發接骨下臂肘上。起如鷄鴨卵大。皆由榮衛不調所為也。喜患實處。而不透內。亦宜急消。亦發穴早療。

發手背

發肋內

三里發

接骨上脚
骨上脚
發慮
損筋
脚心
發毒
發可
治深
不可
治焦
宜用

兩臂肘起。在接骨下引手至小骨之上。發癰癤。此處雖實。奈連大小筋骨。舉動不便。垂手多墜疼。如膿深沉。徹骨。卽傷筋脈。拳縮不舒。搗撮宜急。以緩慢筋脈藥餌治之。

兩手背發癰疽。初生如水刺。無頭腦。頑然。滿手背腫滿。後聚毒成瘡。深入至骨。而爲發手背。此屬五種。皆發毒之類也。

兩肋起疽。名爲發肋。初腫盛。至十數日不穴。攻卽腫大如杯碗。高如鐵背。痛徹內腸絞刺。左邊患。應右邊痛。右邊患。應左邊痛。唯有此處多是內毒。却入攻而死者多。人有斯患。急以針刺出膿血。則免內攻傷內矣。

三里兩處。起癰疽。初發如牛眼睛青黑。便五七日破穴也。黑血汁膿。腫攻勝肚。連腿裏。拘急冷疼。此因傷筋氣。勞力所成。宜用湯藥注射。去其外毒。自平息矣。

兩脚接骨。近上膀肚下一處。起丹疽。如胡桃大。硬如物着楹之狀。不苦疼。但腫急脹。慮其損筋。亦須早出膿毒。可保平安矣。

兩脚心發。徹骨者不治。如脚心微皮破。不至深發。膿不多者可治。癰發雖重。不至損人。但世人不曉醫治。自至危殆耳。

上焦發癰爲陽。是壅塞實候。宜解利溫涼湯藥。去其積熱。上攻外。卽貼消毒逼腫藥。如已結定。卽用發穴藥。候穴破出其膿毒。腫平方貼。

生肉等藥。然後歛合瘡口。亦慮外傷風水。勿食發風熱醬麵毒物等。忌房事。

解利 藥慮 傷風 水 中焦 宜內 暖內 藥防 內攻

中焦發癰。至腰上一節前後心不定所在。皆是凝滯候。亦乘虛而作。不拘大小前起心雄尾者。最要緊。近兩腋。是虛處兩脇肋下。至臍上及臍下兩傍一二寸。發癰填氣伏。硬難潰膿。為此等處偏難發穴。穴後難合瘡口。並須先用煖藥內服。後用熱藥貼。令軟和。慢慢破穴。不得急破。急破即朝夕出膿不住。緩慢破穴。即一頓出膿。易為將息。後心者。唯有十一推脾俞下。十四椎上為腎俞。腎俞下為腰俞。兩處起癰者。防毒氣內攻。為此處皆是至虛處。凡有癰起。先須補內氣令實。方可放破。內氣實。則不內攻。且易得潰。唯腰俞兩處。多成漏疾。預防節慾。則免矣。

下焦 用宜 和平

下焦發為流注虛損候。前陰股兩處起如鷄卵大。長橫摺內。初起腫核結塊。後四畔浮腫。相併伏硬。色青黑。先用和平內藥。服三五日。後用發穴散。及罨藥令軟。即穴。穴後其瘡口。即隨摺子內作長瘡。瘡口破。宜急用抽毒膏出膿。膿盡便貼合瘡口藥。為此處無肉可壞。更不須長肉也。

便毒 防編

腿胫兩處。起為便毒。跨下兩臀尖下大道前道小道後道成懸癰。皆是虛極人患。近穀道左右亦名痔癰。惟急補脾臟。及發處貼藥。即用

發穴散破後。用抽膿膏。膿盡。用合瘡口散合之。慎勿過冬。即成冷漏。垂珠左右兩處起癰。為騙馬墜。初起大小不定。此處微實。皮肉薄。紋緊。口亦難合。瘡初起宜以消散藥貼令內消。此處亦易成漏瘡。唯宜消散之。硬即恐緩慢難為功矣。又云。交腦一處。近稜線上。亦為騙馬墜防漏。騙匹扇切俗名跨馬癰是也

兩曲。臑膀肚下內外。兩踝前有廉。亦兩邊為裏外廉。上結癰腫。此處近骨難瘡。宜用收毒散外貼四畔。中心即用活血肉藥貼無害。下至兩脚心。發癰節沉深不治。如微似皮薄易破者。猶可也。凡有癰腫。皆屬六腑有疾。

〔靈〕癰發於噎中。名曰猛疽。猛疽不治。化為膿。膿不瀉。塞咽。半日死。其化為膿者。瀉則合。豕膏。冷食。三日而已。發於頸者。名曰天疽。其癰大而赤黑。不急治。則熱氣下入淵腋。前傷任脈。內薰肝肺。薰肝肺十餘日而死矣。俱出癰疽篇下同

〔涓〕百脈疽。腫起環頸項疼痛。身體大熱。不敢動止。惛惛不能食。此有大畏恐駭。上氣咳嗽。其發引耳。不可以腫。十五日可刺導引。不刺導引。見血入十日必死。土龍疽發背。起胃俞及腎俞。大發寒熱。十數日。大汗展頸。引身盡熱如沸。不穴二十日死。九日可刺。不刺其上。下亦黑。若膿青黑者死。血膿者不死。

〔靈〕陽氣大發。消腦留項。名曰腦燥。其色不樂。項痛而如刺。以針。煩心者。死不可治。

〔涓〕赤色疽。發頭額。以腦前并手掌中。十日不穴者死。七日可刺。出赤血。七日未有膿。不可治。不穴者不作穴。而東攻西擊也。 疔疽發鬢鬚及兩耳。不穴十

五日死。可刺其膿色黑如豆豉。或見血者死。黑疽發大椎骨上。連兩夾脊上。七日可刺導引。為癰疽出膿。不可止吐。碎骨身痒後痛者。此故傷寒氣入臟腑。發為食疽也。九日可刺導引之。不刺。不導引。十

一日死。

〔靈〕發於肩及臙。名曰疵癰。其狀赤黑。急治之。此令人汗出至足。不害五臟。癰發四五日。逆熇之。癰疽篇。○此當入癰。

〔涓〕丁疽發兩肩。惡血留結內外。榮衛不通。發成疔疽。五日腫大。令人口噤寒戰。十二日可刺。二十日死。陳乾疽。腫發起兩肩。及兩大

臂連胛骨。二七日痛不息。亦不可動。五十日身熱不赤。六十日可刺。刺之無血者死。

〔靈〕發於腋下赤堅者。名曰米疽。治之以砭石。欲細而長。疎砭之。塗以豕膏。六日已。勿裹之。其癰堅而不潰者。為馬刀挾癰。急治之。

〔涓〕內疔疽發。兩腋下及臂。并兩手掌中。振寒熱。血壅乾。飲多即嘔。煩心。憤。脈盛。六七八日診。如此可汗。不汗死。

〔靈〕發於胸。名曰并疽。其狀如大豈。三四日起。不早治。下入腹。不治七日死矣。發於膺。名曰甘疽。色青。其狀如穀實。莖蕪。常苦寒熱。急治之。去其寒熱。不急治。十歲死。死後出膿。發於脇。名曰敗疵。敗疵者。女子之病也。灸之。其病大癰。膿。治之。其中乃有生肉。大如赤小豈。劉菱翹草根各一升。以水一斗六升煮之。竭爲取三升。則強飲厚衣。

坐於釜上。令汗出至足已。

疵疾靈切。○甲乙經於赤小豈下。作治之。劉蕪草赤松根各一升。

〔滑〕使熒疽腫起。發肋及兩肩肘頭。二十日不穴死。九日可刺。發赤白相間。膿多可治。全無赤白者不治。蜂疽。發髀背起心俞。及心包絡俞。若肩髃。二十日不穴死。十日可刺。其色赤黑。膿清者不治。特

疽。發肺俞及肝俞。不穴二十日死。八日可刺。其色紅赤。內隱起如椒子者死。陰陽二氣疽。廣闊滿背。或大或小不常。腫熱脹大。十日可刺。導引出膿。不拘深淺多少。發渴體倦。十日外不見膿不治。筋疽。

發夾脊兩邊大筋上。其色蒼。八日可刺。有癰在肥腸中。九日死。衝疽。發小腹。疼痛而振寒熱。四日悄悄。五日變色。可刺不刺。卽導引出膿。毒不治。五十餘日死。

〔靈〕發於尻。名曰銳疽。其狀赤堅大。急治之。不治。三十日死矣。治見經虛條

〔滑〕湧泉疽。腫起發太陰。如伏鼠。二十日不穴死。十日可刺。發清膿

赤黑者死。白者可治。太陰尻尾前是也

〔靈〕發於股脛。名曰股脛疽。其狀不甚變色。癰腫內薄於骨。不急治。三十日死矣。股脛劉涓子作股腸發於股陰。名曰赤施。不急治。六十日死。在兩

股之內不治。十日死。

〔涓〕陰疽。發腿髀及陰股。始發腰強。數飲不能多。七日發堅腫脹惡疼。心煩躁死不治。

〔靈〕發於膝。名曰疵疽。其狀大。癰色不變。寒熱而堅勿石。石之者死。須其柔乃石之者生。聖如石者用生瘰桂根擦之則効諸癰疽之發於節而相應者。不

可治也。發於陽者。百日死。發於陰者。二十日死。陽謂諸節之背陰謂諸節之腹

也。發於脛。名曰兔齧。其狀如赤荳。至骨。急治之。不急治。害人也。

發於內踝。名曰走緩。其狀癰。色不變。數石其輪而止。其寒熱不死。

發於足上下。名曰四淫。其狀大癰。不急治之。百日死。發於足傍。名

曰厲癰。其狀不大。初從小指發。急治去之。其狀黑者。不可消。輒益不

治。百日死。發於足指。名曰脫癰。其狀赤黑者死不治。不赤黑者不

死。治之不衰。急斬之。否則死矣。

〔涓〕瘡敦疽。發兩足指。五日不穴死。四日可刺。其色發黑。癰者不堪。

未過節者可治。陽疽起足跌及足下。二十日不穴死。十日可刺。發

赤白膿。血不多。其瘡上痒及赤黑者死。禽疽。始發者如疹。數十處

如拳打之狀。發寒齒噤。效此者。十四日死。十日可刺。導引膿出即愈。

衝疽發如腫。或時復往來。可要其所刺之導引。膿出即愈。
〔丹〕琥珀膏

歸鬚

川芎

黃芪梢

蜂房

細辛

皂角

升麻

甘草梢

草麻子

木鱉子

芍藥

白蘇

獨活

川椒

藁本

防風梢

枸杞子

菖蒲

降真香

官桂

瓜蒌

蘇木

白芷

杏仁

黃連

槐枝已上各一兩

琥珀

沉香

木香

丁香

藿香

零零香

雲母石

乳香

雄黃

硃砂

安息香

甘松已上各二錢半

輕粉

麝香各一錢

髮灰五錢

白礬枯一兩已上十大味為極細末

羊腎脂四兩

蟾酥二兩

香油四斤

黃丹

右先以前十六味剉。搥碎。用水五升。文武火熬至二升半。去渣。再用水五升。又熬至二升半。去渣。與前汁一處。慢火煎。用槐枝不住手攪成膏。用磁器盛。頓起。將後琥珀等十六味。研為極細末。用紙包起。於前膏內。下淨羊脂四兩。真酥二兩。同膏入香油內攪令勻。

以文武火熬膏內水盡用紙捻點油燒不爆為度漸入黃丹以二兩五錢重為一次仍用槐枝不住手攪滴水不軟硬得所如軟添黃丹如硬添油再上火熬却入前藥細末五兩微煎數沸用磁器盛貯如用於紙上攤之量瘡口大小專治五發惡瘡疔腫癩癧遠年冷疔痔漏一切無名惡瘡蛇傷蝎螫犬咬並皆治之

疔瘡

疔瘡皆生四肢發黃疱中或紫黑必先痒後痛先寒後熱也

〔羅〕丙午歲予居藁城人多患疔瘡縣尹董公謂予曰今歲患疔瘡者極多貧民無力醫治近於史侯處得數方用之者無不效官給藥錢君當捨手治之遂諾其語董公榜示通衢命予施藥如此一年全活甚衆其用保生錠子千金托裏散神聖膏藥破棺丹凡四方保生錠子治疔瘡背疽癩癧一切惡瘡

金脚信二錢

雄黃三錢

輕粉二錢

礶砂三錢

麝香一錢

巴豆四十九粒另研文

武火炮生用尤妙

加蟾酥一錢

右為細末用黃蠟五錢溶開將藥和成錠子冷水浸少時取出旋丸捏作餅子如錢眼大將瘡頭撥開每用一餅次用神聖膏後用托裏散若瘡氣入腹危者服破棺丹世傳疔瘡必有一條紅線可針紅線所至之處出毒血然後傳藥神聖膏藥治一切惡瘡

當歸

藁本 各半兩

沒藥

乳香 各二錢

白芨

琥珀 各一錢半

黃丹 二兩

白膠香 二兩

黃蠟 二兩

粉霜 一錢

木鱉子 五十個 去皮

巴芫 十五粒 去油

清油

槐柳枝 各一百支 膽礬一錢

右件一處。先將槐柳枝下在油內。熬焦取出。復下餘藥熬。勿至焦。濾出。却將油澄清。下黃丹。再熬成膏。用緋帛攤之。立有神效。
〔干〕托裏散。治一切發背疔瘡。

黃芪 一兩半

厚朴

川芎

防風

桔梗 各二兩

白芷

連翹 二兩

芍藥

官桂

甘草節

人參 各一兩

木香

沒藥

乳香

當歸 各半兩

右爲細末。每服三錢。酒一大盞。煎一二三沸。和渣溫服。

破棺丹。治瘡腫。一切風熱。

大黃 二兩半 生半熟

甘草

芒硝 各一兩

右爲細末。煉蜜丸。如彈子。每服半丸。食後溫酒化下。或童溺半盞。

研化之。忌冷水。

〔濟〕金砂散。取疔瘡。

道人頭 備炒存性一兩 卽蒼耳子

礪砂 三錢 半

雄黃 三錢

蟾酥以多為妙

右將瘡四圍刺破。以少油調藥末。置於瘡內。緋帛封之。數日疔自出。如瘡入腹嘔逆者。將蒼耳搗汁飲之。一方但用礪砂雄黃等分研細用蜜調先破瘡頭去血入藥豈大在瘡口內紙

花貼之亦効

〔無〕蒼耳散。治一切疔腫神效。用蒼耳草根莖苗子。但取一色便可。

用燒灰存性研細。用好米醋。米泔澄淀和如泥。隨瘡大小塗上。厚二分。乾即易之。不過十度。即拔根出。須針破塗之。更加雄黃尤妙

〔世〕蒼耳與白梅研爛。貼疔上拔去根。

〔濟〕蟾酥丹。治疔瘡。取蟾酥以白麩黃丹搜作劑。丸如麥粒狀。針破

患處。以一粒納之。取蟾酥法用癩把破眉稜上以手捻出酥于油紙或桑葉上用竹篋刮下然後插在背陰處自乾用之

〔衍〕苦苣搗汁。傳疔瘡殊驗。青苗陰乾。以備冬月為末。水調傳。本草云莖中白汁傳疔腫出根又取汁癩癧上立瘳

〔丹〕治疔用磁石為末。苦酒和傳封之。根出立瘳。秘要

疔瘡用白蘇為末。水調傳之。聖惠方

〔世〕治疔瘡。用麻內蛀蟲一條。研傳瘡上。却用膏藥貼上。一飯時去

膏藥。其疔自出。

治疔瘡最有功效。用蟬蛻殭蠶為末。酸醋調塗四圍。留瘡口。俟根出

稍長。然後拔去。再用藥塗瘡。海藏方。單用殭蠶為末。津調塗亦佳。

〔保〕治疔瘡奪命散。

烏頭尖

附子底

蠟梢

雌黃

雄黃各一錢

蜈蚣一兩

硃砂

粉霜

輕粉各五分

砒二錢半

腦子少許

麝香少許

右為細末。先破瘡。出惡血。以草杖頭用紙帶藥末插入于內。以深為度。

〔丹〕日本三藏傳疔瘡方。江子二十粒。半夏一大顆。研末。附子半枚。

蛻螂一枚。各為末。四味。臭麝香也。相和。看瘡大小。以紙繩子圍瘡口。以

藥泥上。又用絹帛貼傳。時換新藥。以可為度。此方活人甚多。

〔聖〕治疔瘡。甚者用附子末。醋和塗之。乾即再塗。千金方同

〔丹〕琥珀膏。方見癰疽下雜方條

又方。用鐵刀鑿破疔頭。以蟾酥傳之。後用

莎草根

甜菜葉

搗細。以無灰酒。盡量調服之。酒醒。疔

化水。即痛定。如熱除。不必去疔。亦自愈也。

〔世〕治疔瘡。

獨脚茅

防風

細辛

甘草節

白殭蠶

青皮

黃連

羌活

獨活

蟬退

赤芍藥各等分

右吹咀。每服五錢。先將一服。加澤蘭葉少許。薑一兩同搗爛。熱酒和服。然後酒水各半盞。薑三片煎服。此方神效。

〔無〕治十三種疔。皆以此法治之。

以緋帛一片。裹藥取匝為限。先用亂髮鷄子大。攤布帛上。牛黃如桐子大。又以棘刺針二十一枚。赤小荳七粒為末。並布髮上。捲緋綿作團。外以髮作繩。十字縛之。置熨斗中。急火燒灰。研細。以枸杞或子。或根皮。枝葉。隨得為末。用枸杞末二七。緋帛灰一七。共成三七。研勻。分二服。空心溫酒調下。

〔世〕奪命丹。治疔瘡。發惡心及諸惡瘡。

蟾酥半錢

珠砂水飛三分

輕粉

枯礬

寒水石水飛名一錢

銅綠字一

麝香字一

海芋二十箇研即蠅牛也

右件為細末。將海芋另研為泥。和藥一處。丸如菉荳大。如丸不就。加好酒成之。病輕者一丸。二丸。重者三丸。未效再服。服時嚼蔥白一大口極爛。置手心。放藥丸於蔥內裹合。以熱酒送下。暖處臥取汗出為效。忌冰水。

〔端〕返魂丹。治十三種疔。

硃砂

膽礬各一兩半

血竭

銅綠

蠅牛生用各一兩

雄黃

枯白礬各一兩

輕粉

沒藥

蟾酥各半兩

麝香少許

右將蝸牛蟾酥研爛。餘藥為細末。同研和丸。如鷄頭大。每服一丸。令病人先嚼蔥白三寸放在手心。將藥丸裹在蔥白內。用熱酒一盞吞下。如重車行五里許。有汗出即瘥。如不能嚼蔥。研爛裹下極效。

治疔瘡毒氣入腹。多嘔吐欲死者。即服內托香粉散。滴乳半兩。另研真菘荳粉一兩。為細末。煎生甘草湯調三錢。時時飲之。常令灌潤胸膈。一方用雄黃菘荳粉乳香等分為末。水調服。

〔世〕疔瘡入腹。嘔者。煎道人頭濃汁飲之。治疔瘡毒氣入腹。昏悶不食。

紫花地丁

蟬退

貫仲各一兩

丁香

乳香各一兩

右為細末。每服二錢。空心溫酒下。紫花地丁麥熟時有之。開紫花實甚脆如蒲公英狀。但蒲公英開黃花。地丁開紫花。〔瑞〕治疔危篤者。二服即愈。輕者一服立效。

土蜂房一小巢。全本本草云。土蜂房有毒。利大小便。

蛇蛻一條

右作一處器皿中盛。用黃泥封固。火煨存性。研為細末。每服一錢。空心好酒調服。少頃腹中大痛。痛止。其瘡已化黃水矣。仍服五聖散。

大黃兩一

生薑兩二

瓜蒌一箇

皂角針二兩

甘草兩一

金銀花兩二

右咬咀。用好酒二升。同煎至八分。去渣。不拘時服。

〔羅〕破棺丹。一方有嘗歸赤芍連翹杜桐金銀花紫花地丁宜選用之

山梔

牽牛末

大黃各一兩

甘草

京三稜炮各七錢

右煉蜜丸。如彈子大。酒化服之。

〔世〕治疔瘡甚驗。用蒼耳臭牡丹各一大握。搗爛。新汲水或順流水調服一碗。瀉下黑水即愈。

〔丹〕追毒丸。

海浮石燒赤醋焯七次半兩

乳香

沒藥各一錢

巴豆四十粒

川烏兩一

破。

用頭垢留患處。後服藥。

〔海〕肘後。犯疔腫垂死。菊花葉一握。搗絞汁一升。入口即活。此神驗。

右為末。醋糊丸。如桐子大。若患二三日服十丸。五六日服十四丸。隨病上下服之。先喫冷酒半盞或一盞。又用冷酒吞下。如嘔吞之。不妨出藥。依上服之。病人大便不動。再用三丸。如疔看得端的。爪

亦用其根。丹溪云根莖葉花皆可紫梗者佳

危困

通治

方

有寒者熱下之

亦用其根。

〔孟〕疔腫困重。生搗蒼耳根葉。和小兒尿絞汁冷服一升。日三服甚驗。

〔世〕疔瘡於所屬經絡各瀉之。疔瘡者必發於手足之間。生黃疸。其中或紫黑色。有一條如紅線直上。倉卒之際。急宜以針於紅線所至處。刺出血為好。然後以蟾酥乳香膏等藥於疔瘡上塗之。針時以病者知痛出血為好。否則紅線入腹攻心。必致危困矣。

〔百一〕治疔腫。以針刺四畔。用石榴皮末。着瘡上。調麵團四畔。灸痛為度。調未傳上。急裏經宿。連根自出。

禹錫患疔腫。中風疼痛者。湯驢馬糞。熨瘡滿五十遍。極效。

〔無〕一曰麻子疔。其狀肉上起。頭大如黍米。色稍黑。四邊微赤多痒。忌食麻子及衣布。并入麻田中行。二曰石疔。其狀皮肉相連。色如

黑荳甚硬。刺之不入肉內。陰陰微痛。忌瓦爍磚石之屬。三曰雄疔。其狀炮頭黑鬣。四畔仰。炮漿起有水出色黃。大如錢孔形。忌房事。

四曰雌疔。其狀瘡頭稍黃向裏。鬣亦似灸瘡。四面炮漿起。心凹。色赤。大如錢孔。忌房事。五曰火疔。其狀如湯火燒灼。瘡頭黑鬣。四邊有

炮漿起。如赤粟米。忌火灸爍。六曰爛疔。其狀色稍黑。有白癩。瘡中潰。潰有膿水流出。瘡形大小如匙面。忌沸熱食爛帛物。七曰三十大疔。其狀頭黑。浮起形如黑荳。四畔起大赤色。今日生一。明日二。後

日三乃至十。若滿三十六。藥所不能治。俗名黑蛇。忌嗔怒蓄積愁恨。八曰蛇眼疔。其狀瘡頭黑。皮上浮生。形如小荳狀。似蛇眼大。體硬。忌惡眼看。并嫉妬人見之。及毒藥。九曰鹽膚疔。其狀大如匙面。四畔背赤。有黑粟粒起。大忌食鹹物。十曰水洗疔。其狀大如錢形。或如錢孔。瘡頭白。裏黑。膿汁出。中硬。忌飲漿水。水洗渡河。十一曰刀鎌疔。其狀闊狹如薤葉大。長一寸。左側肉黑如燒燂。忌刺及刀鎌切。割鐵刃所傷。可以藥治。不可亂攻。十二曰浮瀝疔。其狀瘡體圓曲。少許不合。長而狹。如薤葉大。內黃外黑。黑處刺不痛。黃處刺則痛。十三曰牛拘疔。其狀肉肉起。招不破。

此十三種。初發必先痒後痛。先寒後熱。熱定則寒。多四肢沉重。頭痛。心驚。眼花。若大重者。則嘔逆。嘔逆者難治。其麻子疔。一種始末唯痒。所最忌者。不得觸犯。犯即難治。其浮瀝疔。牛拘疔。兩種無忌。縱不治。亦不殺人。欲知犯觸。但看脊強。瘡痛極甚。不可忍者。是犯禁也。隨步孝切

石癰

〔丹〕治石癰如石。不治腫者。生商陸根搗擦之。燥則易之。取軟爲度。張文仲癰未潰。以苦荬白汁滴之。立潰。本草云。亦出疔根。

諸腫

方見
痘癰

〔丹〕卒腫起大痛。芫青根大者杵之。和苦酒如泥。煮三沸。帛上包之。
葛氏 風毒腫二年。苦酒濃煎。蔥白。以布包熨腫上。外臺 治一切熱毒

腫。商陸根。和鹽少許。傅之。日再易。孫真人 治一切毒腫。疼痛不可忍。
食忌 者。搗葶麻仁。傅之。立瘥。肘後 治腫。蒺藜子一升。炒黃杵細。以香油

和如泥。再炒令焦。以舊布如腫之大小攤之貼。一上勿開頭。搗上。外
要 治惡刺及狐狸刺毒腫。取蒲公英草根白汁。傅之。多塗。立瘥。余

七月十五日夜。左手中指背。措着庭木。痛不可忍。十日後。瘡日深。漸
高大。痛欲死。用此而安。孫方

〔經〕患熱腫。水研山荳根濃汁塗。乾再塗。
〔衍〕臘月中。以新瓦罐。滿往熱水。用朴硝二升。投湯中攪散。掛北簷

下。俟硝滲出罐外。却收之。以人乳汁調半盞。掃一切風熱毒氣。攻注。
目。瞼及發頭。面四肢腫痛。應手神效。

〔山〕腫毒或疼痛處。以赤小荳爲末。水調。傅頻換。或用香白芷水調。
傅尤妙。又方。白芙蓉葉。晒乾。同皂角爲末。水調。傅。

〔丹〕治諸處皮裏面痛。何首烏末。薑汁調膏。以帛裹於痛處。用火炙。
皮鞋底熨之妙。經驗方

瘰癧馬刀

結核連續者。爲瘰癧。形長如蛤者。爲馬刀。

〔羅〕曲陽縣劉禪師善治瘡瘍瘰癧其效更捷授予四方太乙膏玉燭散。尅效散。翠玉膏。用之每每見效。

太乙膏治癰子瘡神效。

沒藥四錢

清油一斤

黃丹五兩

腦子研一錢

麝香三錢

輕粉

乳香各二錢

右以清油黃丹熬成膏。用柳枝一。又用蔥蔥七枝。旋旋加下。蔥盡為度。下火不住手攪。至滴水不散。却入沒乳腦麝輕粉等味攪勻。磁器內盛用。

尅效散

斑猫四十九個不
去翅足炒

官桂半錢

粳米四十
九粒

赤小豆四十
九粒 硃砂半錢

右五味。研為細末。初服一字。次服半錢。次服三字。又次服四字。煎樟柳根湯送下。空心服。以小便利瀝。併作瀉為效。惡心嘔吐黃水無妨。其瘰癧日日自消矣。
玉燭散治瘰癧自消。和血通經。

當歸

芍藥

大黃

甘草

熟地

芒硝

黃芩

川芎各等分

右為籠末。每服三錢。水一盞。生薑三片。煎至七分。去渣。溫服。日進。

內除
附脈
之本

一服七八日效。

翠玉膏 方見
癩瘡

楊氏家藏治瘰癧方。

荊芥

白殭蠶

黑牽牛 各二錢

斑貓 二十八箇去頭
翅足用大米炒

右爲末。臨臥時。先將滑石末一錢用米飲調服。半夜時又服。五更初。却用溫酒調藥一錢或二三錢。量強弱用。服訖。如小便無惡物行。次日早再進一服。又不行。第三日五更初。先進白糯米稀粥湯。再進前藥一服。更以燈心湯下調琥珀末一錢。重服。以小便內利去惡毒爲愈。如小便痛。用青黛一錢。以甘草湯調送下卽止。

〔嚴〕三聖丸治瘰癧。

丁香 五十粒

斑貓 十個

麝香 另研一錢

右爲末。用鹽豉五十粒。湯浸研爛如泥。和前藥令勻。丸如菘荳大。每服五七丸。食前溫酒送下。日進三服。五七日外覺小便淋瀝。是藥之效。或便下如青筋膜之狀。是病之根也。忌濕麵毒食。

〔保〕連翹湯。

連翹 斤一

瞿麥 斤一

大黃 三兩

甘草 二兩

右剉。每服一兩。水二碗。煎至一盞半。早食後。巳時服。在項兩邊屬足少陽經。服藥十餘日後。可於臨泣穴灸二七壯。服藥不可住。至

五六十日方效。一方加大黃木通貝母一作知母各五兩。雄黃七分。

檳榔半兩。減甘草不用。同煎藥為細末。熟水調下三二五錢。

〔無〕必勝丸。治瘰癧不以年深月近。及腦後兩邊有小結塊。連復數箇。兼癆瘵腹內有塊。

鮑魚一箇去腸并子 雄黃一粒雞子大

礪砂一錢已上二味并入在鮑魚腹內仰安魚子炭火燒烟盡取出

蜈蚣一條全者 蓬朮半兩

梔子五箇 皂角二挺已上四味並燒存性

葶麻子五箇去皮燈上燒

黃明膠三文

右為末。另用皂角二挺。去皮搥碎。以水三碗。揉去滓。煮精羊肉四兩爛軟。入輕粉五匣。男子乳汁半兩。同研成膏。和藥末丸。如菘葶大。硃砂為衣。溫酒浸。晨下十九。一服。至晚看肉疔瘡子。若項有五箇。則以五服藥取之。視其所生多少。以為服數。既可更進數服。

白花蛇散。治久漏瘰癧。發於頂腋間。增寒發熱。或痛或不痛。

白花蛇酒浸軟去皮骨焙乾二兩

犀角鎊半兩

黑牽牛半兩牛生半炒

青皮半兩

右為末。每服二錢。加膩粉半錢。研勻。五更糯米飲調下。已時利下惡物。乃瘡之根也。更候十餘日。再進一服。忌發風壅熱物。如已成瘡。一月可效。神驗。

〔世〕小犀角丸。常服除去根本。截其源流。應效如神。諸瘰癧並宜服之。

犀角

青皮

陳皮各一兩

黑牽牛一兩生半炒

連翹兩半

右為細末。用皂角二條。去皮弦子。炮搥。以布絞取汁一碗許。又有新薄荷二斤。研取汁。同熬成膏。以前藥末為丸。如桐子大。每服三十丸。連翹煎湯。食後服。間以薄荷茶湯服。

〔子和〕一婦人病瘰癧。延及胸臆。皆成大瘡。相連無好皮肉。求戴人療之。戴人曰。火淫所勝。治以鹹寒。命以滄鹽吐之。即一吐而著痂。次用涼膈散解毒湯等劑。皮肉反復如初。

〔世〕治瘰癧未破者。如神。百藥不應者。累效。

杏樹葉陰乾為末五分

萬年霜火煨為末二分半即人中白

蝙蝠火焙乾為末二分半

白花蛇蛻燒為灰存性為末二分半

蜜蜂七箇焙為末

白膠香

海螵蛸

右將杏樹葉末。用清水調。却入前四件藥末。調勻。傅患處。却將皮紙一片。用針刺孔。貼藥上。如乾。用清水就紙上刷之。每一晝夜換藥一次。如面上發熱。服清涼飲子數帖。其熱自退。

敗散瘰癧方神效。

白膠香用心無土氣者

海螵蛸

降真香用心無土氣者

右等分為末。摻患處。外以水紙掩之。一夕而退。

已破者。

外敷藥方

蜜蜂二十箇

蛇蛻七分半

蜈蚣二條端午前收者

右用香油四兩。將前三藥入油內用文武火熬成。入光粉二兩。用

桑枝七條如筋大者。急攪候冷。出火氣。七晝夜方可用。紙攤作膏

貼患處。已上二方得之於義門鄭氏原驗不須服藥貼上五七日便消

〔丹〕貼瘰癧方。用大烏頭五箇火炮。五箇生用。並去皮臍。大皂莢二

條半。以好米醋二鍾。刷炙醋乾為度。一半焙乾。並去黑皮。又用炒糯

米一百六十粒。同研末。以好米醋於火上略頓微煖。傅貼患處。入蜜

少許尤佳。不問有頭無頭。大蟾五枚日乾。細研酥調如麵。日兩度

貼之。出聖惠方蟾一作蜘蛛或破或不破。項以下至胸前者。皆治之。用九真藤

如鷄卵大洗。生嚼。常服之。取葉搗覆瘡上。數服即止。出斗門方九真藤即何首烏也

〔無〕蝸牛散。治瘰癧潰與未潰。皆可治。

蝸牛不拘多少以竹簽穿瓦上晒乾燒存性

右為末。入輕粉少許。猪骨髓調。用紙花量瘡大小貼之。一法以帶

殼蝸牛七箇。生用取去肉。入丁香七枚於七殼內燒存性。與肉同

研成膏。用紙花貼之。

〔海〕項後側。少陽經中。疙瘡不辨肉色。不問大小。及月日深遠。或有

赤硬腫痛用。

生山藥一塊去皮 葶麻子一箇

右研勻攤貼之如神。丹溪云山藥補陽氣生者能消腫硬經已虛之月左右貼之
〔世〕粉金散。而不去其病為實非腫硬之謂乎故其氣則留滯自不容不行

黃栢

草烏分等

為末。蜜調傳之。

清涼散餅

山慈姑生用

良薑分等

右俱搗為餅。去汁罨之。能散去寒熱。或以山慈拏磨。調酒服。大妙。

此藥大能散癰如神。

〔東〕龍泉散塗癰。

瓦粉

龍泉粉炒即磨刀石上粉也

昆布去土

廣茂

京三稜各半兩酒浸炒乾

右件同為極細末。煎熱水調塗之。用此去疾尤速。

〔世〕治癰。用鯽魚芫花燒灰存性。水調傳。治鼠癰。小嫩鼠未出毛者。焙乾。蝙蝠糞。小麥炒。鬼箭根。焙乾。各為末。和勻油調傳。乾再傳之。

〔本〕治鼠癰。癰癰。刺蝟皮。瓦上炒。右一味研為末。加水銀粉乾傳。

〔廣〕治癰。癰經年不瘥者。生玄參搗碎傳上。日一易之。

〔外〕治癰。癰。燒狼屎灰傳上。

〔本〕治諸癰疾。

硃砂

砒霜

礪砂

馬牙硝各等分

右乳鉢內研細。麵糊搜。如香附子狀。相瘡口大小作之。盡送入瘡口中。恐腫時用薄荷研細塗之。待收口。却將大栢皮白丁香並爲末。盡入孔中。如邊不乾。却用江子去殼。不拘多少。用麻油煎令赤。去火氣後。去江子入蠟合如膏。看瘡口大小塗之。及將白芨末水調塗上。立效。

治漏癰。用蛇菰子不拘多少。瓦上晒乾爲末。用紙捻蘸藥入瘡口。立效。蛇菰子未詳。恐卽慈菰子。

〔丹〕又方。用大田螺肉燒存性。爲末。麝香少許。濕則乾摻。乾則油調傅。

〔脈〕人年五六十。其脈浮大者。痺俠背行。苦腸鳴。馬刀挾癭者。皆爲勞得之。

又治瘰癧。

人參

白朮

當歸

陳皮

芍藥酒浸各一錢

川芎

香附

茯苓

半夏各五分

甘草少

右作一服。薑二片。以金銀藤煎湯一鍾半。煎前藥。食後就吞絳宮丸五十粒。

又方。絳宮丸。

大黃 酒蒸二兩

山查

連翹

川芎

當歸 酒洗

麥芽

桃仁

蘆薈

甘草

芸薑子 一兩

黃連 酒煨

南星 酒煨

海藻 酒洗一兩半

升麻

羌活

桔梗

防風 半兩

白朮 二兩

黃芩 酒炒

右用神麴糊為丸已破加入參一兩作膏用甘草節僵蠶同煎

治頸上塊動者。

夏枯草末 六錢

甘草末 一錢

右和勻每服一錢至二錢茶清調下食後

〔本〕言夏枯草大治瘰癧散結氣有補養厥陰血脈之功而經不言觀其能退寒熱虛者儘可倚仗若實者以行散之藥佐之外施艾灸亦漸取效此草三四月開花夏至邊便枯蓋稟純陽之氣得陰則枯耳世人不知故表而出之內癆病本之法並見前表裏條

〔本〕連翹散堅湯治耳下至缺盆或至肩upper上生瘡堅硬如石動之無根者名馬刀瘡從手足少陽經中來也或生兩脇或已流膿作瘡或未破並皆治之

當歸 酒洗半兩

黃芩 生半兩

土瓜根 酒炒一兩

芍藥 一錢

柴胡根 一兩 二錢

連翹 半兩

蒼朮 三錢

草龍膽 酒洗 一兩

黃芩 酒炒 七錢

甘草 炙 六錢

黃連 酒炒 三錢

廣茂 酒炒 半兩

京三稜 細剉半兩同廣茂 酒洗一次微炒乾

右以一半為細末。煉蜜為丸。如葶苈大。每服一百丸。或一百五十丸。一半咬咀。每服半兩。水一盞八分。先浸半日煎。去渣。熱服。臨臥頭低脚高。去枕而臥。每日作十次嚥。留一口送下丸子。服畢如常安臥。

升陽調經湯。治遠項下。或至頰車。生瘰癧。此症出足陽明胃經中來也。若其瘡深遠隱曲。肉低。是足少陰腎中來也。是戊傳癸水。夫傳妻俱作塊子。堅硬大小不等。並皆治之。或作丸服亦得。

升麻 八錢

連翹 半兩

葛根 五錢

草龍膽 酒炒 半兩

桔梗 半兩

細黃芩 酒炒 六錢

黃栢 酒炒二次 去皮七錢

知母 酒洗炒 一兩

廣茂 酒洗炒 一兩

甘草 炙 半兩

京三稜 酒洗微同廣茂 炒五錢

黃連 去鬚酒洗五錢

右秤一半作丸。煉蜜為丸。如葶苈大。每服一百丸。或一百五十丸。一半咬咀。每服半兩。若能食。大便硬。可旋加至七八錢止。水二盞。先浸半日。煎至一盞。去渣。熱服。臥身脚在高處。去枕頭。嚥一口。作十次嚥之。留一口在後送下丸子。服藥畢。臥如常。此治法也。

散腫潰堅湯治馬刀瘡結硬如石在耳下至缺盆或至肩下或至肘下。皆手足少陽經中。及瘰癧遍下頰。或至頰車。堅而不潰。在足陽明經中所出。或二瘡已破。及流膿水。並皆治之。服藥多少。臨病斟酌。量病人飲食多少。大便硬軟。以意消息之。

柴胡 錢四 升麻 錢六

黃芩 錢八 酒洗炒 錢一 牛生

當歸 錢二 白芍藥 錢二

知母 錢二 葛根 錢二

廣茂 錢三 酒洗炒 昆布 錢二 去土 半兩

桔梗 錢二 牛兩

連翹 錢三

瓜蒌根 錢二 酒洗 牛兩

黃連 錢二

草龍膽 錢二 酒炒 牛兩

甘草根 錢三

黃栢 錢二 去皮酒 炒半兩

京三稜 錢二 酒炒

右咬咀。每服六錢或七錢。水二盞。先浸半日。煎至一盞。去渣。稍熱服。於臥處。伸脚在高處。頭微低。每噲一口。作十次嚥。至服畢。依常安臥。取藥在胸中停留故也。另攢半料。作細末。煉蜜為丸。如葶苈大。每服一百丸。此湯留一口送下。更加海藻半兩炒。食後量虛實加減多少服。皆倣此例。

救苦勝靈丹湯。治馬刀。挾癭者。從耳下。或耳後下。頸至肩上。或入缺盆中者。乃手足少陽經之分野。其瘰癧在於頰下。或至頰車者。乃足陽明經之分野。受心脾之邪而作也。今將二證合治之。

黃芪 錢一 錢護皮毛實腠理及活血氣又實表補元氣乃瘡家之聖藥也

人參 三分 補肺氣如氣短及不調而喘者加之

眞漏蘆 半錢勿以白頭翁代之

甘草 半錢能調中和諸藥瀉火益胃

牡丹皮 二分去腸胃中留滯宿血

熟地黃 三分此三味諸經中和血生血涼血藥也

肉桂 二分大辛熱能散結聚如陰症瘡瘍少用之此寒因熱用之意又爲陰寒覆蓋其瘡用大辛熱去之煩躁者勿用

柴胡 功同連翹如瘡不在少陽經勿用

昆布 二分味鹹若瘡堅硬甚者用之鹹能軟堅也

羌活 獨活

上雖無手足太陽經症亦當用之爲能散結去上部風邪故也

麥芽 一錢消食健脾 神麴 炒二分食不消化者用之

厚朴 薑製一錢二分如腹脹加之

右共爲細末。湯浸蒸餅。捏作餅子。晒乾搗如米粒大。每服三錢。白

湯下。如氣不順。加橘紅。甚者加木香少許。量病人虛實消息之。

毋令藥多。妨其飲食。此治之大法也。如止在陽明分者。去柴胡

黍粘子二味。餘皆用之。如在少陽分。爲馬刀挾癭。去獨活漏蘆

升麻葛根。加瞿麥三分。如本人氣素弱。其病勢來時氣盛。而不

短促者。不可考其平素。宜作氣盛而從病變治之權也。加黃芩黃

連黃栢知母防己。視邪氣在上中下而用之。假令在上。加青木。

升麻 一錢 葛根 半錢此三味俱足陽明本經藥

連翹 一錢此一味乃十二經瘡中之藥不可無者能散血結氣聚此瘡家之神藥也

當歸身 三分 生地黃 三分

白芍藥 三分如夏月倍之其味酸其氣寒能補中益氣治腹痛如冬月寒症勿用

黍粘子 三分無腫不用

京三稜 炮二分 廣茂 三分此二味瘡堅硬甚者用之不硬者勿用

防風 各一錢已上三味必關手足太陽症香痛項強不可回顧腰似折項似拔防風辛溫如瘡在膈

益智仁 二分如睡多者胃不和也或吐沫吐食胃中寒者加之無則勿用

黃連 炒三分治煩悶

黃栢 炒三分如有熱或腿脚無力加之如煩燥欲去衣者此醫中伏火也更宜加用

半酒洗 半生用 在中焦加黃連半生 在丁焦加黃芩半生

而用之。如大便不通而滋其邪盛者。加酒製大黃以利之。如血燥而大便乾燥者。加桃仁泥大黃。如風結燥不行者。加麻仁大黃以潤之。如風澁而大便不行。加煨皂角仁大黃秦朮以利之。如脈澁覺身亦氣澁而大便不通者。加郁李仁大黃。以除風燥。如陰寒症為寒結祕。而大便不通者。以局方半硫丸。或加炮附子乾薑煎。候冰冷服之。大抵用藥之法。不惟瘡瘍一家。凡諸疾病氣素怯弱者。當去苦寒之劑。多加人參黃芪甘草之類。以瀉火並補元氣。餘皆倣此。

〔本〕治鼠瘻瘰癧。

土附子個 食鹽三升 小便五升

右三味。同浸半月。日取出。將附子去黑皮。陰乾為末。用黑苳爛煮。研為膏。丸附子末。如桐子大。每服十九丸。酒吞下。早晚二服。

〔丹〕初發頭項硬未破者。其效如神。牡蠣四兩。甘草二兩。為末。每服一大錢。食後臘茶同點。日二服。半月除根。初虞世方○丹溪治世義大官瘰瘡用此方 一切丈

夫婦人。瘰癧經效。牡蠣用炭一稱。煨通赤。取出於濕地上用紙襯。出火毒一宿。取四兩。玄參三兩。并搗羅為末。以麵糊丸。如桐子大。早晚食後臨臥。各三十九丸。酒下。藥將盡。瘰亦除根。出經驗方

〔肘〕治頷下瘰癧。如梅李大。宜速消之。海藻一斤。酒一升。漬數日。稍飲之。

辛散

酸收

〔衍〕取蓼子微炒。研爲細末。薄荷酒調二三錢服。治瘰癧久則效。
〔世〕治瘰癧。用夜合草。遇夜則其葉閉合。本草名。合明。俗名連錢母。出禾田中。貼水面生。取其葉搗自然汁服之。渣盒患處效。

甘緩

〔保〕文武膏。治瘰癧。用桑椹黑熟者二斗。以布袋絞取汁。石器中熬成膏子。白湯化下一匙。日三服。紅者晒乾爲末。湯調服。

〔聖〕治瘰癧。腫硬疼痛。年深時久不瘥。用狸頭蹄骨酥炙黃。搗羅爲散。每日空心粥飲調下一錢七。

針灸

〔靈〕黃帝曰。寒熱瘰癧在於頸腋者。皆何氣使生。岐伯曰。此皆鼠瘻。寒熱之毒氣也。留於脈而不去者也。鼠瘻之本。皆在於臧。其未上出於頸腋之間。其浮於脈中。而未內著於肌肉。而外爲膿。血者易去也。黃帝曰。去之奈何。岐伯曰。請從其本引其末。可使衰去。而絕其寒熱。審按其道以予之。徐往徐來以去之。其小如麥者。一刺知。三刺而已。

寒熱篇

右經一章。皆從經脈。取臟腑之本。以治瘰癧之末也。其未出於耳下。或耳後下頸至肩上。或入缺盆中者。當於手足少陽經取之。或針或灸。如後文。

〔撮〕瘰癧。天井半寸灸七壯。

〔東〕腋下腫。馬刀挾癭。善自嚙舌頰。天牖中腫。寒熱。臨泣。丘墟。

各一分灸五壯。太衝二分灸三壯。腋下頸項腫。天池順皮三分灸七壯。如頰腫。加後谿。

二分灸五壯。腋下腫。馬刀挾癭。喉痺。陽輔五分灸二七壯。申脈一分灸三壯立愈。

〔甲〕胸中滿。腋下腫。馬刀癭。善自嚙舌頰。天牖中腫。淫灤。脛痠。頭眩。

枕骨頰顛痛。目眩。身痺。洒淅振寒。季脇支滿。寒熱。脇腰。腹膝。外廉痛。

臨泣主之。馬刀腫癭。淵液。章門支溝主之。出於頰下。或至頰車。

者。當於手足陽明經取之。或針或灸。如後穴。三里足陽明。合谷手陽明。

〔丹〕搗生商陸根作餅子。置於瘰癧上。艾炷灸餅子上。乾即易之。灸

二三四餅。出外臺祕要

〔世〕當癭上貼肉。灸十四壯。神效。

〔東〕瘰癧。馬刀。將先出一瘡。用四楞鐵環定住。不令出移。破作口子。

以油紙燃紙之。勿令合了。以絕其瘡之源。其效至速。如瘡不破。或病

人不肯破。更以藥塗之。三日一易之。以龍泉散主之。方見表裏條

〔世〕瘰癧。多生肩項。或赤或白。或沉或浮。初生如荳。久似核。年月浸

久。其大如梅。或如雞卵。排行成列。或生二三。或生六七。俗名蟠蛇瘰

是也。用性努力。思慮過久。則疾痛赤腫。繼之。早治為上。

梳注癩。婦人多有之。其性急躁。其氣怫鬱。其心執着。初生在項。破後膿注四肢。遍體結毒。如梅李狀。不療自破。孔竅相穿。寒熱疼痛。或梳膿汁。是名梳注癩也。又名千歲瘡。宜服托裏救苦神應丸。

川烏附去皮臍生用一兩

烏頭五兩

當歸酒浸一宿

沒藥

白芷

陳皮

甘草節各一兩

蟬蛻水洗半兩

大皂角七錢去皮弦子

薑黃一兩半

右用皂角敲碎。水四大碗。煎至二大碗。濾去渣。用汁一同煮烏頭川烏。候烏頭爛為度。搗如泥。其餘諸藥。却另為末。和烏頭泥為丸。如桐子大。每服六十九丸。飢飽皆用薄荷湯下。若瘡既破。穿鑿孔穴。其處必生腫肉如指大。或黑或白。乃風與氣搏。宜驅風行經散氣之劑。以化氣調經湯主之。

化氣調經湯。與神應丸間服。治梳注癩。

香附末酒浸一宿曬乾一兩

橘皮二兩

羌活一兩

白芷一兩

甘草半兩

牡蠣煨半兩

天花粉

皂角刺各半兩

右為細末。每服二錢。用清湯不拘時候調下。日三次。如脈有力者。先用追毒神異湯下之。却服救苦神應丸。

三少

江書各一

一學去

大甘草節兩半

右為咬咀。作一帖。河水一鍾。煎半鍾。調前末子。臨臥服之。

單窠癰者。生一箇也。發於頸項。最難治。但宜如前藥服之。日久自消。或發於顛骨。亦難治。用毒藥療之。勿令浸漬。日久。蓮子癰。一胞裹十數枚。生於項之左右。以手觸則能轉動。尚可用藥治療。如堅硬挨不動者。乃不可。主憎寒發熱。燥渴。凡遇此症。至難治。雖神聖亦無如何之也已。

重臺癰。生於項頸。或左或右。初則單窠結在上。或在下。重疊見之。是名重臺癰。此症藥不可療。不可針灸。若是毒行。甚腫痛。發渴生痰。萬死一生。害人極速。初覺有之。急用小犀角丸。粉金散治之。燕窠癰。形似燕窠。不可治。

肺脈微瀼。為鼠癰。在頸支腋之間。下不勝其上。其應善瘰。全文見治虛實法。○色白

脈主

〔靈〕黃帝曰。決其生死奈何。岐伯曰。反其目視之。其中有赤脈。上下貫瞳子。見一脈。一歲死。見一脈半。一歲半死。見二脈。二歲死。見二脈半。二歲半死。見三脈。三歲而死。見赤脈不下貫瞳子。可治也。寒熱篇

〔丹〕夫瘰癧初發。必起於少陽經。不守禁戒。必延及陽明經。大抵食味之厚。鬱氣之積。曰毒。曰風。曰熱。皆此三端。招引變換。須分虛實。彼

實者。固易治。自非痛斷厚味與發氣之物。雖易亦難。殊為可慮。以其屬膽經。主決斷。有相火。而且氣多血少。婦人見此。若月經行。不作寒熱可生。稍久轉為潮熱。其症危矣。自非斷欲絕慮食淡。雖神聖不可治也。

結核

獨形而小核者為結核。

〔河〕結核。火氣熱甚。則鬱結堅硬。如果中核也。不須潰發。但熱氣散則自消。

痰核

〔丹〕結核。或在項。在頸。在臂。在身。如腫毒者。多在皮裏膜外。多是痰注作核不散。問其平日。好食何物。吐下後。用藥散核。結核在頸項方。

殭蠶炒

大黃酒

青黛

膽星各等分

右為末。蜜丸噉。

結核在下頰。二陳湯。加酒炒大黃。連翹。桔梗。柴胡。

結核在臂。二陳湯。加連翹。防風。川芎。酒。芍。蒼朮。皂角刺。殭蠶。麝香。行太陰厥陰之積痰。使結核自消。甚捷。

〔濟〕治頰下結核不消。經效用大肚蜘蛛。不拘幾箇。以好酒浸之。研爛。同浸酌酒去渣。溫熱臨臥服之。

癭瘤

〔靈〕虛邪之入於身也深。寒與熱相搏。久留而內着。寒勝其熱。則骨
 疼肉枯。熱勝其寒。則爛肉腐肌為膿。內傷骨。內傷骨為骨蝕。有所疾
 前筋。疾前二字衍文也。筋當作結。筋屈不得伸。邪氣居其間而不反。發為筋溜。有所結。
 氣歸之。衛氣留之。不得反。津液久留。合為腸溜。久者。數歲乃成。以手
 按之柔。已有所結。氣歸之。津液留之。邪氣中之。凝結日以易甚。連以
 聚居。為昔瘤。以手按之堅。有所結。深中骨。氣因於骨。骨與氣并。日以
 益大。則為骨疽。有所結。中於肉。宗氣居之。邪留而不去。有熱則化而
 為膿。無熱則為肉疽。凡此數氣者。其發無常處。而有常名也。刺節真邪篇。○此皆

虛邪中人為病。弗去而久留。着故積歲累月而成疽瘤也。

〔子和〕新寨一婦人。年四十餘。有瘤三瓣。戴人令以鹹吐之。三涌。三
 汗。三下。癭已消半。次服化癭之藥。遂大消去。夫癭在上者。皆宜吐。亦
 自有消息之法耳。

〔河〕癭氣赤。癭丹燥。熱勝氣也。火之色也。

〔丹〕癭氣先須斷厚味。

海藻洗一兩 黃連二兩

右為末。以少許置掌中。時時舐之。津咽下。如消三分之一。須止後
 服。一方用黃栢二兩。海藻一兩。不用黃連亦佳。

治癭氣結核。累累腫硬。以昆布一兩。洗去鹹。搗為末。每用一錢。綿裹於好醋中浸過。含之咽津。藥味盡。再噙之。

〔肘〕治頸下卒結囊。欲成癭。海藻一斤。洗去鹹。酒浸飲之。

〔無〕破結散。

海藻洗

草龍膽

海蛤

通草

昆布

礬石枯

松蘿各三分

麥麵四分

半夏

貝母各二分

為末。酒服方寸匕。日三。忌鯽魚猪肉五辛生菜諸雜毒物。十日知。

二十日愈。

〔濟〕玉壺散。治三種癭。

海藻洗

海帶洗

昆布

雷丸各一兩

青鹽

廣茂各半兩

右等分為細末。陳米飲丸。如榛子大。噙化。以煉蜜丸。亦好。

〔子和〕人參化癭丹。

海帶洗

海藻洗

海蛤

昆布已上四味皆焙

澤瀉炒

連翹已上各等分

猪鬃

羊鬃各十枚猪鬃鬃即猪鬃外腎乃囊中之卵也

右為末。蜜丸。如鷄頭大。臨臥噙化。一二丸。忌油膩物。

〔羅〕寶金散。偏醫癭氣。無不痊。

猪羊膻十對緩水洗去脂膜後晒乾杵為細末

海藻洗

海帶各二兩洗

丁香

木香

琥珀研

麝香研各一分

真珠研半兩

右件先將丁香木香海藻海帶杵為細末。入下項藥味。合和再研細。重羅過。每服一錢。熱酒一盞調服。夜臥服。垂頭而睡。若在室男女。十服必效。如男子婦人患者。一月見效。有胎不可服。
海帶丸。治瘰氣。久不消。

海藻洗

貝母

青皮

陳皮

右件各等分為細末。煉蜜為丸。如彈子大。食後嚙化一丸。大效。
〔羅〕枯瘰方。名一井散。

硃砂

粉霜

雄黃已上各二錢

輕粉

沒藥

乳香已上各一錢

土黃

三錢。做土黃法。砒黃另末二兩。木鱉子半兩。去殼。巴荳半兩。去油。明砂另為末二錢。右以砒黃

一處為末。用木鱉子同石腦油成一塊。油紙裹定。埋於地坑內。四十九日取出。於磁器或華作小塊。研細。少許砒黃。即離黃。

右為細末。以律調塗瘰頂。外邊歇一萐葉。先以花紙貼之。上用小黃膏貼之。

小黃膏

黃栢

黃芩

大黃各等分

右為細末。以水調為糊。比前藥大一遭。三日一易。至八九日。不取直候。可取一方。單用黃栢末亦佳。

〔丹〕小兒丹瘤。葶麻子五箇。去皮。研入麵一匙。水調塗之。甚妙。出小兒門

〔羅〕生肌青龍散。
訶子皮 高茶 龍骨

右件各等分爲細末。乾摻上。

又枯瘤方。

砒 硃砂 雄黃

輕粉已上各一錢 斑猫生用三箇 硃砂

乳香

沒藥各一錢

右研爲末。糯米粥爲丸。捏作棋子樣。爆乾。先灸破瘤頂三炷。以藥餅蓋上。用黃栢末以水調貼之。數日。自然枯乾落下。

一方以銅綠爲末。草刺瘤破。摻上以膏藥塗之。

〔世〕點瘤瘻方。神驗。
桑柴灰 棗樹灰 黃荆灰 桐殼灰各二升半

蕎麥灰少

右以沸湯淋汁五碗許。澄清。入斑猫四十箇。川山甲五片。乳香腦子不拘多少。約五碗煎作二碗。用磁器盛之。乳香腦子。候冷入之。後。臨用時。入新石灰調成膏。神妙。傳瘻上乾。以清水潤之。其效如神。

〔羅〕枯瘤方。

桑柴灰三碗

草烏半斤

石灰三碗

川烏四兩

朽木三兩

乾桑耳三兩

右朽木等四味。一處燒灰。令有性。同前二灰研勻。用水一桶。淋汁。如法熬成膏用之。

〔東〕諸癭惡氣。

肩顛

男左灸十八壯右十七壯
女右灸十八壯左十七壯

又法。

天府七七壯

衝陽隨年壯

〔甲〕癭。天窻一作天窻子
金作天府及膈會主之。癭瘤。氣舍主之。

〔子和〕在西華衆人皆訕。以為吐瀉而已。一日魏壽之與戴人入食肆中。見一夫病一瘤。正當目上。網內皆色如灰李。下垂覆目。睛不能視物。戴人謂壽之曰。吾不待食熟。立取此瘤。魏未之信也。戴人曰。吾與爾取此瘤何如。其人曰。人皆不敢割。戴人曰。吾非用刀割。別有一術。其人從之。乃引入一小室中。令俛臥一牀。以繩束其胛。刺委中大出血。先令以手揉其目瘤上。亦刺出雀糞立平。出戶。壽之大驚。戴人曰。人之有技。可盡窺乎。郟城戴人之鄉也。一女子未嫁。年十八。兩手背皆有瘤。一類鷄距。一類羊角。腕不能釧。向明望之。如槌膠然。夫家欲棄之。戴人見之曰。在手背者。為膠瘤。在面者。為粉瘤。此膠瘤也。以銚針十字刺破。按出黃膠膿。三二匙。立平。瘤核更不再作。婚事復

成。非素明者。不敢用此法耳。

〔本〕治果報面生癩瘤。方用艾丸灸十壯。卽用醋磨硫黃。塗紙上。剪如螺螄掩子大。貼所灸處。更用膏藥重貼。二日一換。候滓擠出膿。如菘荳粉卽愈。硫黃。羅謙甫作雄黃。

〔無〕癭多着於肩項。瘤則隨氣凝結。此等皆年數深遠。浸大浸長。堅硬不可移者。名曰石癭。皮色不變者。名曰肉癭。筋脈露結者。名曰筋癭。赤脈交結者。名曰血癭。隨憂愁消長者。名曰氣癭。五癭皆不可妄決破。決破則膿血崩潰。多致夭枉。瘤則有五。骨瘤。脂瘤。肉瘤。膿瘤。血瘤。亦不可決潰。肉瘤尤不可治。治則殺人。唯脂瘤破而去其脂粉則愈。

〔丹〕服癭瘤藥。先須斷厚味。

目皆瘍 卽俗謂之
偷針也

運氣目皆方有一。

一曰熱經云。少陰司天之政。三之氣。大火行。寒氣時至。民病目赤。皆瘍。治以寒劑也。

二曰燥經云。歲金太過。民病目赤腫皆瘍。又云。陽明司天。燥淫所勝。民病目昧皆瘍。治以溫劑也。

〔世〕治偷針眼方。

南星生為末
三錢 生地黃不拘
多少

右一處研成膏。貼太陽兩邊。腫自消。

又方。治偷針眼。生薑搗細盒之。淚出即愈。

天蛇頭 代指

雜方

〔丹〕蒲公英草。清明時節如薺菜狀。中開一朵花如菊花者。取乾與蒼耳草二味等為末。以好醋濃煎。侵洗即愈。

蒲公英忍冬酒。治天蛇頭。極效累驗。方見乳
癰門

〔世〕治天蛇頭。蒲公英搗細。水和調。去渣。服之。又搗渣盒患處。屢效。

治天蛇頭。用

野落蘇即兼
絲子 金銀花藤 天蕎麥

右切細。用好米醋濃煎。先薰後洗。

又方。用人糞雜黃泥搗之。裹在患處即愈。

〔丹〕治手指忽腫痛。名為代指。以烏梅入醋研。侵患處。立瘥。治手指腫。酸漿水。入少鹽熱浸之。冷即易。孫真
人方

甲疽嵌甲 嵌正
銜反

雜方

〔精〕治甲疽。因剔甲傷肌。或因甲長侵肉。遂成瘡。腫痛。復緣穿窄靴。研損四邊。腫焮。黃水出。浸淫相染。五指俱爛。漸漸引上。脚跂。跑漿四邊。起如火燒瘡。日夜倍增。醫方所不能療者。用綠礬五兩。形色似朴

硝而綠色。置於鐵板上。聚炭封之。吹令火熾。其響即沸。流出色赤如溶金汁者。是真也。候沸定。汁盡。去火待冷。取出研為細末。色似黃丹。收之。先以鹽湯洗瘡。帛搥乾。用此末傅之愈。

〔靈苑〕治甲疽。努肉裹甲。膿血疼痛不瘥。凡此疾。須剝去肉中甲。不
治亦愈。或已成瘡不瘥。用乳香末。膽礬燒研等分。傅之內消愈。

〔精〕勝金方。治甲疽。努肉膿血疼痛不瘥。用牡蠣頭厚處。生研為末。每服二錢。研錠。化酒調下。如癰盛已潰者。以此末傅之。更服煎藥。一日三服。

〔丹〕嵌甲。陷甲。割甲。成瘡。久年不瘥者。用烏頭尖黃柏等分末之。洗淨貼之。

〔精〕華陀治嵌甲累效方。

硃砂

乳香 並研各一錢

膩粉 半錢

橄欖核 燒存性用三箇

黃丹 字一

右為末。以生麻油調。先以鹽湯洗淨。搥乾。傅之。二三次效。

乳癰乳巖

〔丹〕乳梗論

乳房陽明所經。乳頭厥陰所屬。乳子之母。不知調養。

怒忿所逆。鬱悶所遏。厚味所釀。以致厥陰之氣不行。故竅不通。而汁不得出。陽明之血沸騰。故熱甚而化膿。亦有所乳之子。膈有滯痰。口

乳癰
陽明
厥陰
所屬

氣熾熱。含乳而睡。熱氣所吹。遂生結核。於初起時。便多忍痛。長令利軟。吮令汁透。自可消散。失此不治。必癰成癩。治法。疎厥陰之滯。以青皮。清陽明之熱。細研石膏。行汚濁之血。以生甘草節。消腫導毒。以瓜蒌子。或加沒藥。青橘葉。皂角刺。金銀花。當歸頭。或湯或散。加減隨意。消息。然須以少酒佐之。若加以艾火。兩三壯於腫處。其效尤捷。彼村工喜於自銜。便妄用針刀。引惹拙病。良可哀憫。若夫不得於夫。不得於舅姑。憂怒鬱遏。時日積累。脾氣消沮。肝氣橫逆。遂成隱核。如鰲棋子。不痛不痒。十數年後。方爲瘡陷。名曰乳巖。以其瘡形嵌凹似巖穴也。不可治矣。若於始生之際。便能消滅。失病根。使心清神安。然後施之治法。亦有可安之理。予族姪婦年十八歲時。曾得此。察其形脈稍實。但性急躁。伉儷自諧。所難者後姑耳。遂以單方青皮湯。間以加減四物湯。行經絡之劑。兩月而安。此病多因厚味濕熱之痰。停蓄膈間。與滯乳相搏而成。又有滯乳。因兒口氣吹噓而成。又有拗怒氣。激滯而生者。煖石膏。燒樺皮。瓜蒌子。甘草節。青皮。皆神效藥也。婦人此病。若早治之。便可立消。有月經時。悉是輕病。五六十後。無月經時。不可作輕易看也。

青皮

瓜蒌

橘葉

連翹

桃仁留尖

皂角刺

甘草節

破多加參芪

〔精〕神效瓜蒌散。治乳癰乳巖。神效。丹溪亦云妙捷。恐貧賤之家。未能辦集者。用後蒲公英草尤妙。

瓜蒌一箇去皮糖爲末子多者有力

甘草生

當歸酒浸焙各半兩

乳香另研

沒藥另研各二兩半

右爲末。用無灰酒三升。於銀石器內。慢火熬取一升。清汁分作三服。食後良久服。如有乳巖。便服此藥。可杜絕病根。如毒氣已成。能化膿爲黃水。毒未成。卽於大小便中通利。如疾甚再合服。以退爲度。立效散。與前方間服神妙。但於瓜蒌散方。減去當歸。加紫色皂角刺一兩六錢。是也。

〔本〕蒲公英草。味甘平無毒。主婦人乳癰腫。水煮汁飲之。及封之立消。用酒煎更妙。渣傳患處。

〔丹〕蒲公英。在處田間路側有之。三四月開黃花。似菊。味甘。解毒散滯。意其可入陽明太陰經。洗淨細研。以忍冬藤濃煎湯。入少酒佐之。隨手便欲睡。睡覺已失之矣。

〔雲〕張氏橘皮湯。治乳癰未結卽散。已結卽潰。極痛不可忍者。神效。因小兒吹乳變成斯疾者。並皆治之。用陳皮一味。湯浸去白。晒乾。麩炒微黃。爲細末。麝香研酒調二錢。初發覺未腫者。一服見效。

薄乳
食痰

〔丹〕乳癰初發腫硬一服瘡真樺皮末酒用上髮垢右一味不拘多少用無根水為丸如桐子大每服三丸倒流水送下食後令病左乳者左臥右乳者右臥於溫處汗出愈用新水傾於房上接之乃倒流水也。

〔圖〕治婦人奶疼痛不可忍用川山甲炙黃木通各一兩自然銅半兩生用三味搗為細末每服二錢溫酒調下不拘時候。

〔簡〕婦人吹乳獨勝散白丁香半兩搗羅為末每服一錢七溫酒調服無時。

〔雲〕治婦人吹乳皂角散歌曰婦人吹乳意如何皂角燒灰蛤粉和熱酒一杯調一字頃間揉散笑呵呵又方。

乳香研一錢

瓜萋根末兩右研令勻溫酒調服二錢。

〔丹〕楊孺人乳腫痛。

青皮

石膏煨

連翹

皂角刺炒

黃藥子

當歸頭

木通各一錢

甘草生三分

作一帖入好酒些少同煎飲之又有別藥洗腫處。

義二孺人平時乳內有結核不為痛忽乳邊又有一腫核頗却有些

痛。

黃芩

川芎

木通

陳皮各四錢

人參二錢

芍藥一錢

大腹皮三錢

炙甘草

生甘草各一錢

當歸頭一錢

分二帖煎服。

〔丹〕二孺人。但經將行而乳腫。先兩日發口乾而不渴。食少減。脈左弦帶數。右却平。治用四物湯。加陳皮白朮扶芩帶熱下。與點丸三十粒。

產後乳膨。調麥芽飲自消。如有孩吮乳。此法不可用。

〔雲〕連翹湯。治產後。妬乳并癰。

連翹

升麻

芒硝各一兩

玄參

芍藥

白朮

防己

射干各八錢

大黃二錢

甘草六錢

杏仁四十個
去皮尖

右以咀。以水六升。煮二升。下大黃。次芒硝。分三服。

〔丹〕一婦人年六十。厚味鬱氣。而形實多妬。夏無汗。而性急。忽左乳

結一小核。大如棋子。不痛。自覺神思不佳。不知食味。絕半月。以人參

錫。調青皮甘草末。入生薑汁。細細呷。一日夜五六次。至五七日消矣。

此乃乳巖之始不早治。隱至五年十年已後發。不請下藥。人參

產後輕者治內實者下之

乳岩在早治

潰一竅如巖穴出膿又或五七年十年雖食食如古法
惟不得於夫者有之婦人以夫為天失於所天乃能生此謂之巖者
以其如穴之嵌呀空洞而外無所見故名曰巖患此者必經久淹延
惟此婦治之早正消患於未形餘者皆死凡十餘人又治一初嫁之
婦只以青皮甘草與之安

〔丹〕用蒲公英草搗爛盒患處神妙

〔雲〕用天南星末以溫酒調塗之

〔聖〕治婦人乳痛成癰以益母草為末水調塗乳上一宿自瘥生搗
爛用之亦得

〔山〕婦人吹乳用桑樹蛀屑飯搗成膏貼之

〔丹〕乳頭裂破丁香末傅之梅師方

〔怪〕穴乳癰乳中穴在乳下中針入一分沿皮向後一寸半灸瀉

〔甲〕乳癰寒熱短氣臥不安膺窗主之乳癰凄素寒熱痛不可按

乳根主之入五分大驚乳痛梁丘主之乳癰有熱三里主之乳癰諸藥不能止痛者三里針

立止女子乳癰驚巨虛下廉主之千金云臂腫重足陷不收跟痛乳癰太衝及復溜

主之妬乳太淵主之婦人乳餘疾盲門主之

囊癰陰頭癰

〔丹〕外科精要云癰疽入囊者死囊為厥陰今以死言之將以為屬

少陰腎經邪。予親見入囊者七八人。悉以濕熱入肝經施治。而用補陰藥佐之。雖膿潰皮脫。畢丸懸掛。可畏者皆不死。但未知下虛年老者如何耳。

〔干〕治丈夫陰頭癰。師所不能醫。用鱉甲一枚。燒末以鷄子白和傅之良。

便毒

〔精〕治穀道前後生癰。謂之懸癰。用橫紋甘草一兩。四寸截斷。以長流水一碗。文武火慢慢蘸水炙。自早至午。炙令水盡。甘草中心見水潤為透。細剉。却用無灰好酒二小杯。入甘草煎至一杯。溫服之。二三服便可保無虞。此病初發。如松子大。漸如蓮子。數十日後始覺赤腫。如桃子。即破。若破難治。此藥雖不能消。過二十日後必盡消矣。投兩服。亦無害。林判院嘗患此癰已破。服此藥兩服。瘡即合。甚妙。

〔丹〕騎馬癰。用大粉草帶節四兩。長流水一碗。以焯浸水盡為末。入皂角灰少許。作四服。湯調。頓服立效。

〔垣〕青皮湯。治便毒。

青皮

防風

當歸身

甘草梢

生各等分

右咬咀。分作四服。水一小碗。煎至八分。去渣。大溫服。空心日進三

服。

〔丹〕毒腫或着陰卵。或偏着一邊痛。牽引小腹。痛不可忍。症牽引小腹條

〔子和〕玉燭散。即四物湯調胃承氣湯各半服之也

〔世〕又方。

劉寄奴

王不留行

大黃

金銀花

木鱉子

右等分。酒水煎。露一宿。五更服。

〔丹〕便毒初起。

射干十二寸

生薑如指大搗細

右取順流水。煎微沸。服之。以瀉為度。又用牛皮膠。醋煮塗患處。

已結成膿者。

大黃兩半

枳實三分

厚朴三錢

甘草節一錢

連翹半錢

桃仁泥廿一枚

生薑三片

右作一貼。煎服之。

又便毒。

青皮

白芷

柴胡

赤芍藥

檳榔

朴硝

烏藥

木瓜

大黃

連翹

瓜蔓

生地黃

甘草節

三稜

蓬朮

黃芩

雜方

犀角 皂角刺

右咬咀。水三碗。煎至一碗。大饑服。以瀉為度。

〔山〕便毒。取大蜘蛛一箇。研細。熱酒下。

〔丹〕又方。用甘草節白芷黃連各等分。如破者。龍骨白枯礬赤石脂。并用鐵圍散。癰疽腫毒亦治。用之效。

乳香 沒藥各半

大黃 黃連

黃栢 南星 半夏

防風

羌活 皂角刺 木鱉子

瓜蒌

甘草節 草烏尖 阿膠 另研

右為細末。醋調成膏。以石器內。火熬黑色。鵝翎傳之。

貼骨癰

〔保〕諸瘡大痛。不辨肉色。漫腫光色。名附骨癰。如神三生散。

露蜂房 蛇退 頭髮 洗淨等分

右燒灰存性。研細。酒下三錢。

〔丹〕附骨癰。熱在血分之極。初發時。以青皮甘草治之。破後當養血。

內癰有三

〔素〕肝滿。腎滿。肺滿。皆實。即為腫。王註云滿謂脈氣滿實。腫謂癰腫。肺之癰。喘而兩胛滿。

仲景云肺癰吐膿如米粥咽燥振寒。肝癰。兩胛滿。臥則驚。不得小便。腎癰。脚下至少腹痛。

大奇論林億云脚下當作胫下。千金云腸癰之為病小腹腫強按則痛便數似淋仲景云腸癰小腹痞堅蓋小腹痛而痞堅者腎癰也小便數面似淋者腸癰也即肺癰肝癰之屬胃脘癰人迎脈逆而盛全文見後胃脘癰條

肺癰腸癰胃脘癰

〔丹〕癰疽發於內者。肺癰。肝癰。腎癰。腸癰。囊內癰。附骨囊。惟肺癰須先解表。今表而出之。

〔干〕欬唾膿血。其脈數實者。為肺癰。若口中欬。即胸中隱痛。脈反滑數。此肺癰也。

問曰。病者欬逆。何以知其肺癰。當有膿血。吐之則死。其脈何如。曰。寸脈微而數。微為風。數為熱。微則汗出。數則惡寒。風中於衛。呼氣不入。熱逼於榮。吸氣不出。風傷皮毛。熱傷血脈。風舍於衛。其人則欬。目乾。喘滿。咽燥不渴。多吐濁沫。時時振寒。熱之所過。血為凝滯。蓄結癰膿。吐如米粥。始萌可救。膿成則死。問曰。振寒發熱。寸脈滑數。其人飲食起居如故。此為癰腫。醫反不知。以傷寒治之。不應。何以知有膿。膿之所在。何以別知其處。師曰。假令膿在胸中者。為肺癰。其脈數。欬吐有膿血。設膿未成。其脈自數。緊去。但數為膿已成也。

〔要〕小青龍湯 方見傷寒條

〔要〕葶藶大棗瀉肺湯。治肺癰。喘不得臥。

葶藶 妙黃研細丸如彈大 大棗 十二

水三升。入棗。先煮取二升。去棗。入葶藶。又煮一升。頓服之。又曰。治肺癰胸滿脹。一身并面目浮腫。鼻塞。清涕出。不知香臭。酸辛咳逆。上氣喘鳴迫塞。用前方三日一劑。可至三四劑。須先與小青龍湯一劑。乃與之。

〔要〕桔梗湯。治欬而胸滿。振寒脈數。咽乾不渴。時出濁唾腥臭。久久吐膿如粥者。肺癰也。

桔梗

甘草 炙各一兩

水三升。煮取一升。去渣。分溫再服。則吐膿血也。亦治喉痺。三因甘草倍之。每四錢。名四聖散。千金亦名桔梗湯。用桔梗三兩。甘草二兩。服後。必吐膿血。

〔要〕葦莖湯。治肺癰。又云。一本治欬有微熱。煩滿。心胸甲錯。

葦莖 三升切

薏苡仁 半升

冬瓜仁 半升

桃仁 五十枚去皮

水一斗。先煮葦葉得五升。去粗。入諸藥。取二升。分溫五服。當吐如

粥。千金云。肺癰當吐膿血。葦莖即汀洲間蘆荻之粗種也

治吐膿血。如肺癰狀。口臭。他方不應者。宜消風散。大男子髮灰。研細

入和之。清米飲下。可除根。只兩服。亦治吐血。

消風散方荆芥川芎羌活人參茯苓僵蠶防風蟬蛻藿香各二錢厚

朴陳皮各半兩為末是也

〔韋宙〕獨行方。治心胸甲錯。為肺癰。黃昏湯主之。用夜合皮掌大一

枚。水三升。煮取二升。分再服。夜合樹按本草即烏農樹

右肺癰。證治要略。以小青龍湯。先與一劑。乃行氣取膿之藥。將以解表之風寒邪氣。此治腫瘍之例也。後以韋宙方終之者。將以補裏之陰氣。此治潰瘍之例也。已上六方皆丹溪所集

〔梅〕如聖丸。治風熱毒氣上攻。咽喉痛痺。腫塞妨悶。及肺癰喘嗽。唾膿血。胸滿振寒。咽乾不渴。時出濁沫。氣臭腥。久久咯膿。狀如米粥。

樟腦另研

牛黃另研

桔梗

甘草生用各一錢

右為細末。煉蜜丸。每兩作二十九丸。每用一丸嚥化。

〔丹〕濟生桔梗湯。治肺癰。心氣塞。咳嗽膿血。心神煩悶。咽乾多渴。兩足腫滿。小便赤黃。大便多澁。桔梗貝母川歸瓜蒌仁枳殼薏苡仁桑白皮防風。以上各一兩。生甘草杏仁蒸百合各半兩。黃芪一兩半。右修事。以咀。每服四錢。水一碗半。生薑五片。煎至八分。去渣服。若大便祕。加大黃。小便祕。加木通。

〔仲〕桔梗白散。治欬而胸滿。振寒脈數。咽乾不渴。時出濁唾腥臭。久久吐膿如米粥者。為肺癰。

桔梗

貝母各三分

巴豆一分去皮炒研如脂

右三味。為散。強人飲服半錢匕。羸者減之。病在膈上者。吐膿血。膈下者。瀉出。若下多不止。飲冷水一碗。則定。此亦要略方丹溪不刪採用之者必有微意存焉

〔丹〕肺癰。醫壘元戎。搜風湯吐之。搜風傷未考

〔本〕治肺癰。吐膿血。作臭氣。胸乳皆痛。升麻湯。

川升麻

桔梗

薏苡仁

地榆

牡丹皮

芍藥各半兩

甘草二分

右劉籠末。每一兩。水一升。生薑五片。煎去渣。日三服。

〔丹〕濟生排膿湯。治肺癰得吐膿後。以此排膿補肺。生綿芪二兩。細末。每二錢。水一碗。煎一半服。肺癰收斂瘡口。止有合權樹皮。白蘇煎湯飲之。

診

補裏
攤方

肺癰已破。入風者不治。腸癰。千金謂妄治必殺人。腸癰為病。小腹重而強。按之則痛。便數似淋。時時汗出。復惡寒。身皮甲錯。腹皮急。如腫狀。其脈數者。小有膿也。巢云。洪數者已有膿。脈若遲緊者。未有膿。甚者腹脹大。轉側有水聲。或繞臍生瘡。或膿自臍出。或大便出膿血。〔脈〕問曰。羽林婦病。何以知腸有膿。師曰。脈滑而數。滑則為實。數則為熱。滑則為榮。數則為衛。衛數下降。榮滑上升。榮衛相干。血為敗。獨小腹痞堅。小便或澀。或自汗出。或復惡寒。膿為已成。設脈遲緊。則為瘀血。血下即安。

〔要〕薏苡附子敗醬散。治身甲錯。腹皮急。如腹脹。本無積聚。身熱脈數者。

腫瘍
癰例

附子

炮一分

敗醬

五分

薏苡仁

錢一

右爲末。每服方寸匕。以水二合。煎頓服。小便當下。三因薏苡仁附子同煎。敗醬用一兩一分。每四錢。水一盞半。煎七分。去渣空心服。
〔干〕大黃牡丹湯。治腸癰。小腹痞堅。或偏在膀胱左右。其色白堅。大如掌熱。小便自調。時自汗出。脈遲堅者。未成膿。可下之。當有血。脈數膿成。不復可下。

大黃

兩四

牡丹皮

兩三

芒硝

兩二

冬瓜仁

升一

桃仁

兩五十

右咬咀。水五升。煮一升。頓服。當下膿血。刪繁用芒硝半合。瓜子五合。劉涓子用硝石三合。肘後同名瓜子湯。三因用大黃桃仁各二分。瓜子三分。牡丹皮一錢。硝二錢。劉散作一帖。水三盞。煎至八分。去渣。入硝再煎沸。頓服無時。

〔無〕薏苡湯。治腸癰。腹中痛。煩躁不安。或脹滿。不食。小便澁。婦人產後虛熱。多有此病。縱非癰。但疑是者。便可與。或有差。亦無妨。薏苡仁五兩。牡丹皮桃仁各三兩。瓜子仁四兩。劉散每四大錢。水盞半。煎七分服。姚氏去桃仁。用杏仁。崔氏加芒硝二兩。千金方同。

醫案曰。女子腹痛。百方不治。脈滑數。時作熱。腹微急。孫診曰。腹痛脈當沉細。今脈滑數。此腸癰也。以雲母膏一兩。作丸如桐子大。以牛皮

膠炷。溫酒調膠水。下丸子藥。响時服盡膏。下膿血一盆而安。
〔干〕灸法。屈兩肘正肘頭銳骨。是穴灸百壯。下膿血而安。

王氏餘話。有婦人腸中痛不可忍。大便自小便出。李生診之曰。乳脈見於陽部。此腸癰也。乃出雲母膏。作百十九丸。煎黃芪湯吞下。利膿血數升而安。李曰。寸乳積血在胸。關乳為腸生癰也。李乃楊吉老之婿。棄舉業習醫。官取醫博士。內疽者。皆因飲食之火。挾七情之火。相鬱而發。飲食者。陰受之。七情者。臟腑受之。宜其發在腔子而向裏。非干腸胃盲膜也。謂之內者。以其視之不見故名焉。

右腸癰五方。丹溪先生所集也。前三方內其要略一方。元本雖云內有癰膿。然先生不言之。而又連千金三因二方。置於篇首者。蓋亦腫瘍瀉利例也。後二方用膠炷。黃芪煎湯。吞藥者。蓋亦潰瘍補例也。

〔素〕帝曰。人病胃脘癰者。診當何如。岐伯曰。診此者。當候胃脈。其脈當沉細。沉細者氣逆。甲乙經沉細作沉痛逆者。人迎甚盛。甚盛則熱。人迎者。胃脈也。逆而盛。則熱聚於胃中而不行。故胃脘為癰也。病能篇
〔河〕射干湯。治胃脘癰。人迎脈逆而盛。嗽膿血。榮衛不流。熱聚胃口成癰。

射干去毛

梔仁

赤茯苓皮去

升麻各一兩

赤芍藥一兩 白朮半兩

右為末。每服五錢。水二盞。煎至一盞。去渣。入地黃汁一合。蜜半合。再煎溫服。不計時候。

〔要〕復元通氣散。治諸氣滯。耳聾。腹癰。便癰。瘡疽無頭。止痛消腫。

青皮各四兩 陳皮各四兩 甘草三寸生 川山甲炮

瓜蒌根各二兩 金銀花一兩 連翹一兩

右為細末。熱酒調下。

〔丹〕腸癰。大腸有熱。積死血。流注。桃仁承氣湯。加連翹。秦朮。近肛

門。破入風者。難治。用防風之類。大凡破傷風在頭面。則以白芷為

君。防風頭佐之。蓋去頭面皮膚之風故也。在身體及四肢。則以防風

為君。隨身稍用。下部則以獨活佐之。肺癰吐膿後。其脈短而濇者。

自痊。浮大者。難治。其面色白而反赤者。此火之尅金。皆不可治。

金匱方論曰。熱在上焦者。因欬為肺痿。肺痿之病。何從得之。或從汗

出。或從嘔吐。或從消渴。小便利數。或從便難。又被快藥下利。重亡津

液。故寸口脈數。其人欬。口中反有濁唾涎沫者。為肺痿之病。若口中

辟辟燥欬。即胸中隱隱痛。脈反滑數。此為肺癰。欬唾膿血。脈數虛者。

為肺痿。數實者。為肺癰。

按此言肺痿屬熱。如欬久肺傷。聲啞聲嘶咯血。此屬陰虛火熱甚

是也。本論治肺痿。吐涎沫而不效者。其人不渴。必遺尿。小便數。以上虛不能制下故也。此爲肺中冷。必眩。多涎唾。用炙甘草乾薑。此屬寒也。肺痿吐涎多。心中溫液者。用炙甘草湯。此補虛勞也。亦與補陰虛火熱不同。是皆宜分治之。故肺痿又有寒熱之異也。

〔精〕勞傷血氣。腠理虛而風邪乘之。內盛於肺也。則汗出惡風。咳嗽短氣。鼻塞項強。胸脇脹滿。久久不瘥。已成肺痿也。

〔保〕肺癰者。由食啖辛熱炙薄。或醋飲熱酒。燥熱傷肺所致。治之宜早。

醫學綱目卷之二十 心小腸部

丹燦瘰癧 丹毒風丹 瘰癧 疥 癬 紫白癩風白

禿 面瘡 癩頭瘡 口瘡唇瘡 牙疳瘡 耳內瘡 腎

臟風陰瘡 下疳瘡 婦人陰瘡 癩瘡 腳氣瘡足跟瘡

凍瘡 手足皴裂脚縫爛 反花瘡 惡瘡 雜瘡 疥

疔

大法
微汗
散之

〔丹〕發斑屬風熱。風熱挾痰而作。自裏而發於外。通聖散中消息。

當以微汗散之。下之非理。防風通聖散方見類癩門

〔羅〕時毒疔瘡。漏蘆散。治臟腑積熱。發為腫毒。時疫疔瘡。頭面洪腫。

咽隘堵塞。水藥不下。一切危惡疫癘。

漏蘆 升麻 大黃 黃芩各一兩

藍葉 玄參各二兩

右為粗末。每服二錢。水煎。腫熱甚加芒硝二錢半。

消毒丸。治時毒疔瘡惡症。

大黃 牡蠣煆 白殭蠶炒各一兩

右為細末。煉蜜丸。彈子大。新水化下一丸。無時。內加桔梗黍粘子

湯。尤妙。

處者
補之
降之

運氣
難方

〔丹〕治丹發疼痛。扁竹汁服一升二合。立瘥。若未瘥。再服效。內臺祕要
〇扁竹即

〔丹〕內傷班者。胃氣極虛。一身之火。游行於外所致。宜補以降之。

嘗治一中年男子。癰潰後發熱乾嘔。背發丹標。用諸般敷貼丹標藥。

及用刀於箇箇丹頭出血。丹皆不退。後以半陳生薑加補劑。治嘔不

效。遂純用參半兩。歸朮各錢半。濃煎一帖。嘔止。二三帖丹漸緩。熱漸

減。約五十餘帖。熱始除。神氣始復。

運氣丹標皆屬火。經云。少陽司天。客勝則丹疹外發。及為丹標是也。

〔無〕治諸腫丹毒。伏龍肝不拘多少為末。用雞子白和傅之。日三次甚妙。

〔消〕治一切丹毒。金花散。

鬱金

黃芩

甘草

山梔

大黃

黃連

糯米

右七味等分。生為末。用蜜和水調服。

〔本〕治烟火丹。發從背起。或兩脇及兩足赤如火。景天草真珠末一

兩。搗和如泥。塗之。又方。治螢火丹。從頭起。慎火草搗和苦酒塗之。

〔丹〕丹毒。藍澱傳熱即易。子母
祕錄

〔肘〕丹者惡毒之瘡。五色無常。苧根三斤。水三斗煮汁。每日塗之。

〔世〕治赤丹。用黃瓜種中穰水去子。以器貯之。用時以水塗患處。

又方用臘雪貯器中久化爲水以水塗赤游如

〔丹〕諸丹毒腫。蚯蚓矢水和傳之。聖惠方
外臺同

〔千〕療丹癩疹方。酪和鹽煮以手摩之。下消。

〔丹〕治赤游風腫。蕎麥苦酒調傳。兵部
手集

〔楊〕治熱赤游丹毒。括蔞末二大兩。曬醋調塗之。

〔外〕凡丹走皮中浸淫名火丹。本方取鱗鱒傳之。先刺破
傳之良

〔肘〕丹者惡毒之瘡。五色無常治之。煮栗皮有刺者洗之佳。

〔保〕治金絲瘡。一云紅絲瘡。其狀如線或如繩。巨細不一。經謂丹毒

是也。但比烟毒不甚廣闊。人患此。頭上有之。下行至心。則死。下有之。

上行者亦然。可於瘡頭截經。刺之出血。後嚼萍草根塗之。自安。

〔無〕丹毒自腹內生出四肢者。則易愈。自四肢入腹者。則難治。

〔丹〕人有病面上忽見紅點者。多死。

丹毒風丹 痛者爲丹毒
癢者爲風丹

賈宅小娘風痒。黃精丸四十粒。與

白朮 七
分 枳實 炒 黃芩 四
錢

右分八帖下之。食前。

遍身風痒癩疹。凌霄花細末。酒下一錢立止。

鮑允中。年五十歲。風丹痒甚。腹微疼。咽不利。面身微腫。五六日不退。

愈而復發為積雜方

兩寸脈滑大。實右浮。大左浮弦。小以炒芩炒連歸芎均地桔草黍粘紫葳各一錢。防風黃芪各半錢。凡五六帖而安。

〔世〕河間神佑丸。治風丹愈而復發或隔一月發或隔半年一年發者神佑丸下之百發百中方見水脹門

〔丹〕一人患風丹。遍身痒。因酒得者。

浮萍兩半

防風

黃芪

羌活三錢

當歸二錢

乾葛

麻黃一錢

生甘草半錢

〔世〕治冷丹風。

防風

甘草

白僵蠶

蟬退

川芎

白芷

茯苓

人參

陳皮

厚朴

蒼耳子

荆芥

右為末。豆淋酒調二錢。

〔世〕丹痒者。用韭葉汁。摻些鹽與香油。以手摩熱於丹上。搯之。立愈。

出小兒門 治風丹。川山甲洗去腥。於瓦上炒過。存性。每一兩。入甘草三錢。

為末。米飲調服。治血風。疔瘡。瘡。瘡。浮萍取自然汁。豆淋酒下。四

物浸酒下亦得。

〔丹〕用羊蹄菜根。於生鐵上。以好醋磨。旋旋刮取塗患處。未瘡。更入

硫黃少許。磨塗之。聖惠方

瘡

痲。小癩。世謂之熱癩是也。王註云。大如酸棗。或如豈色赤而內有膿血也。

〔海〕汗出見濕。乃生痲癩。癩為瘡癩也。

勞汗當風。寒薄為皰。鬱乃痲。痲色赤。膜內有膿血。

旋覆花丸

旋覆花三兩

防風

白芷

甘菊

南星

半夏

石膏

川芎

陳皮

白附子各半兩

蠟梢

殭蠶炒各三錢

右細末。薑糊丸。桐子大。薑湯下。三五十丸。食後。

疹

疹似傷寒。暴發暴消。世訛為瘡子者是也。疥似疹而延歲月。或乾濕

痒痛不一。經所謂癩疹是也。癩亦延歲月。乾而不濕。痒而不痛是也。

〔丹〕疹屬熱。與痰在肺。清肺火。降痰。或解散出汗。亦有可下者。疹

在表者。消毒飲子。防風通聖散。在裏者。大柴胡湯。四順飲子。虛者補

中益氣湯。皆同傷寒施治也。

〔聖〕治風疹入腹。身體強。舌乾燥。用蔓青子三兩為末。每服溫酒下

一錢七。

運氣疹者有二。

一曰熱。經云。火鬱之發。民病瘍痲。又云。歲木不及。燥乃大行。復則炎暑。流火瘡瘍痲疹。又云。少陰之復。民病痲疹是也。

二曰風。經云。歲水不及。濕乃大行。復則大風暴發。肌肉疹發是也。

疥

表

〔河〕防風通聖散。治風熱瘡疥久不愈。方見癩門

〔丹〕朱院君。三十餘。久患癩疹。身痺而紫色。可與防風通聖散。加牛蒡子為極細末。每二錢。水盞半。入薑汁。令辣煎。食前熱飲之。

麻黃飲。治上體生瘡。或痒或痛。黃水浸淫。結痂堆起。延蔓於三陽之分。根窠小。帶紅腫。此是濕熱症。

麻黃 半兩去根留節

防風 半兩

羌活

石膏 六錢半煨

黃芩 四錢

滑石 一兩

陳皮

紫萍 各七錢

黍粘子 七錢半

縮砂 二錢半

蒼耳草 三錢半

蒼朮 半兩

生甘草 二錢半

薄荷葉 一錢半

荆芥 二錢半

右咬咀。每大錢重。水一鍾半。猛火煎取六分。入好酒四五滴。去渣。熱服。須得通身有汗。其瘡自安。甚者。服至百服之後。看汗出到何處。若自上而下。出過脚腫。其瘡自愈。

〔局〕消毒散。丹溪云消毒散氣表藥也

防風兩一

甘草兩二

荊芥穗兩三

黍粘子兩四

右為粗末。每服三錢。水一盞。煎至七分。去渣。食後溫服。

〔初虞世〕治皮膚風熱。遍身生癩疹。牛蒡子浮萍等分。以薄荷湯調

下二錢。日二服。

〔丹〕何小官生瘡。小便黃。用通聖散一錢半煎。下黃精丸。

楊二哥女生瘡。午後發熱。日聞惡寒。形削食少。

白朮錢一

連翹錢一

煎下黃精丸三十粒。

〔垣〕每風瘡。大風病相似。好桑葉洗蒸一宿。日乾。末湯下二錢七。

經

方

〔聖〕治風遍身癩疹。疼痛成瘡。用白殭蠶少許。焙黃細研為末。酒服

立瘥。

〔子和〕穎臯韓吉卿。自髀至足。生濕蘘。大者如錢。小者如荳。痒則搔

破。水到則浸淫。狀類蟲行袴襪。愈而復生。癢痕成凹。十餘年不瘥。戴

人晒之。曰此濕蘘瘡也。由水濕而得。故多在足下。以舟車瀆川大下

十餘行。一去如掃。

〔山〕癩疹入腹。亦能殺人。用蠶沙濃煎湯。洗之。

〔衍〕有人病遍身風熱細疹。痒痛不可任。連腦脛臍腹及近隱處皆

然。涎痰亦多。夜不能睡。以苦參末一兩。皂角二兩。水一升。揉濾取汁。

雜方

銀石器熬成膏。和苦參為丸。如桐子大。食後溫水服二十丸。次日便愈。

〔子和〕有樵夫來買苦參。欲治疥。不識藥性緩急。但聞人言可治。濃煎一碗服之。須臾大吐涎一盆。三二日疥作痂矣。

〔丹〕一上散。治諸般疥瘡。或痛或痒。或喜傷火烘洗者。

蛇牀子一兩 略炒

雄黃一兩 另研

硫黃二錢 另研

白礬半兩

黃連半兩

黑狗脊一兩

寒水石一兩 另研

斑猫十四去 翅足

吳茱萸三錢

白膠香一兩 銅鐵器過傾 乾石頭上放冷研

右為細末。香油調傅。治疥瘡。先用蒼耳草或羊不食草藤煎濃湯洗去瘡痂。然後用前藥傅。可一次愈。

小兒面瘡。通面爛無全膚。膿水流滴。百藥不效者。陳年臘猪油不入鹽者。傅之神效。出小兒門

又諸般疥癬。加減法。腫多加白芷開鬱。痛多加白芷方解石。

痒多加枯礬。陰囊瘡加茱萸。濕多香油調。乾痒出血多。加大黃

黃連猪脂調。蟲多加蕪荑錫灰檳榔藜蘆斑猫。紅色加黃丹。

青色加青黛。瘡在上多服通聖散。在下多以藏用丸下。脚腫

出血。加血分濕熱藥。

膿胞瘡治熱為主。

黃芩

黃連

大黃 各二錢

蛇牀子

寒水石 二錢

黃丹 五分

白礬 一錢

輕粉

白芷

無名異 各少許

木香 少許痛者加

右為細末。麻油調塗。

蟲瘡如癬狀。退熱殺蟲為主。乾疥

又瘡藥膿窠。治熱燥濕為主。瘡開鬱為主。加吳茱萸。

蕪荑

黑狗脊 殺蟲

樟腦 一錢

松香 頭上多加之

白礬

雄黃

硫黃

水銀 殺蟲

黃連

方解石 一分

蛇牀子 定痒殺蟲

松皮灰 膿腫偏多加之

〔羅〕藺茹散。治疥經年不瘥。

水銀

好茶 二錢

藺茹 三錢

輕粉 少

右為細末。每用不拘多少。麻油調塗之。

〔世〕治疥癬。以臘月猪脂。不拘多少。同生白礬杏仁。加輕粉搗爛擦之。陳無擇云杏仁輕粉最殺蟲甚妙

〔本〕治疥不問新久方。

白蕪荑 一兩

檳榔

吳茱萸 各半兩

硫黃 二錢另研

右爲末。麻油調。抓破搯之。

〔丹〕砂瘡殺蟲爲主。

蕪荑二錢

剪草一錢

蛇牀子三錢

白礬一錢飛

明礬一錢

吳茱萸一錢

蒼朮

厚朴

雄黃各半

寒水石二錢

黃栢二錢

輕粉十盞

〔世〕治砂瘡。山蟻窠。黃荊葉。雉雞毛等分。燒存性。爲末。香油調傅。

又方。用陳年船底灰。搗細篩過。桐油調傅立效。

又方。治砂瘡。用水高苕。燒灰存性。香油調傅立愈。水多者乾傅。

狀生水邊七八月結子又如野蘇狀

水高苕如百合

開鬱

〔丹〕疥癩瘡。春天發。焦疥開鬱爲主。不宜抓破。

白礬

吳茱萸各二錢

樟腦五分

輕粉十盞

寒水石二錢

蛇牀子二錢

黃栢

大黃各二錢

硫黃一錢

檳榔一個

右爲末。猪脂油調搽。

治瘡

治瘡疥濕瘡。浸淫日久。瘡不可忍。搔之黃水出。瘡後復發。取羊蹄根。去皮。細切熟熬。以大酢和先洗淨。傅上一時。再以冷水洗之。日一傅。

瘡若爲末。傅尤妙。千金翼 治疥取羊蹄根。和猪脂塗上。或着鹽少許。

卽焦。外臺 治遍身風痒。生瘡疥。茵陳煎錫。濃洗立安。千金翼

〔衍〕有人患遍身生熱毒瘡。痛而不痒。手足尤甚。至頸而止。粘着衣被。曉夕不得睡。痛不可忍。有下俚教以菖蒲三斗。剉日乾之。春羅爲末。布席上使病瘡人恣臥其間。仍以衣被覆之。既不粘衣被。又復得睡。不五七日。其瘡如失。應手神驗。

〔丹〕浸淫瘡。痛不可忍者。發寒熱。刺薊末水調傅瘡上。乾則易之。簡

〔漿〕治疥癬滿身作瘡。不可治者。何首烏艾等分。以水煎令濃。於盆內洗之。甚能解痛生肌。博

〔外〕元希聲侍郎。治卒發疥祕驗方。石灰隨多少和醋。漿水調塗。隨手卽滅。一法用石灰炒紅。出火氣香油調傅。

〔丹〕又方。淋石灰汁洗之。孫真人

〔羅〕木香散。治多時不斂。一切惡瘡。此藥能生肌肉止痛。

木香

檳榔

黃連各半兩

白芷三錢

以上同爲細末。先洗淨。每日一遍。乾貼有水出勿怪。未效又貼。

又方。同上加地骨皮爲細末。先於瘡口上。用溫漿水洗濕。挹乾後。

上藥治之。效不可述。暨治下疳瘡神效。

〔丹〕諸瘡癩久年者。千年韭根炒存性末之。猪油調傅三次。經

〔兵部〕手集。多年惡瘡不瘥。或痛痒生蠱爛。研馬糞并齒灰。傅上不

過二兩遍效。武良相在蜀。足脛有瘡。痛不可忍。得此方便瘥。

雜瘡

〔丹〕風瘡久不瘳。燒菰蔣末以傅之。按本草御野荑白

〔山〕癩子。茨菰葉陰乾為末。傅之。

〔經〕患禿瘡。以水研山荳根。傅瘡上。患疥荳等瘡。以水研山荳根

服少許。

〔丹〕連痲痒痛。搗扁竹封。痲落即瘳。肘後方 洗諸瘡疥。取冬瓜藤皮

煎湯妙。日華子 中風犯毒霧。櫟木皮煎湯洗妙。本草

運氣。浸淫皆屬火。經云。歲火太過。甚則身熱。膚浸淫是也。

針灸 運氣

〔玉〕手疥。勞宮灸 太陵灸

〔世〕瘡疥頑癩。絕骨 三里各寸半 間使 解谿各五分 血鄰三寸

〔集〕渾身生瘡疥。曲池 合谷 三里 絕骨 行間 委中

〔甲〕癩疥。陽谿主之。

少陰有餘。病皮痺癢疹。全文見諸症

〔仲〕浸淫瘡。從口流向四肢者可治。五肢流來入口者不可治。

癩

風濕

〔丹〕癩瘡。用防風通聖散。去硝黃。加浮萍皂角刺。

又方。治癩用。

浮萍一兩

蒼耳

蒼朮二兩

苦參一兩

黃芩半兩

香附二兩

右為末。酒調服。或酒糊丸。

〔羅〕苦參丸。治肺毒邪熱。生瘡。生癬疥。並宜服之。以苦參一味為細末。粟米飲丸。如桐子大。每服五十丸。空心溫水飲湯送下。

〔本〕烏頭丸。治風癬妙。方見紫白癩風

〔羅〕何首烏散。治脾肺風毒攻腫。遍身癬變成癩疹。搔之成瘡。或肩背拘急。肌肉頑痺。手足疲裂。風氣上攻。頭面生瘡。及治紫癩白癩頑麻等風。

荆芥穗

蔓荊子

威靈仙

何首烏

甘草炙

防風

蚬螬草

右件各等分。搗羅為末。每服一錢。食後溫酒調下。沸湯亦得。

〔丹〕癬在頸項間。後延上至耳。成濕癬。他治不應。以蘆薈一兩。研甘草末半兩和勻。先用溫漿水洗癬。拭上傅之。神妙。劉禹錫方

癬瘡方。槿樹皮。不犯銅鐵。每二兩。又蘆薈三錢。白芨三錢。細研為末。刮癬出血。用好醋調傅。雖痛卻一傅可愈。

一方用。

蘆薈

大黃

輕粉

雄黃

蛇牀子

槿樹皮

檳榔

右先刮破癬。用醋調藥末塗之。

〔世〕頑癬用槿樹皮。加巴荳斑貓為細末。又加生砒少許。水調傅。
 〔世〕治牛皮癬。用清香油一兩。入全蠍七枚。巴荳二十枚。斑貓十枚。
 同熬候色焦者。先去之。去了入黃蠟一錢。候溶收起。朝擦暮愈。勿損
 皮肉。
 又方。

綠籬根 不拘多少

花椒 一兩

信 些少

防風 半兩

江子 十五粒

白芨 半兩

百部 半兩

白藜 半兩

右各為末。和綠籬根搗熟成團。將藥於窰上擦之。候痛過洗浴。

又方。一味綠籬根。去粗皮。取細皮貼肉者搗爛。用醋調塗癬上。立愈。

〔丹〕乾癬積年生痂。搔之黃水出。每逢陰雨即痒。用狼毒末塗之。
聖惠

外臺用斑毛半兩。炒為末。蜜調傅上。

〔本〕治癬。用藜蘆細搗為末。生油和傅之。

〔丹〕治癬疥久不瘡。羊蹄根搗絞取汁。用膩粉少許。調如膏。塗傅患
 處。三五遍即瘡。如乾即用猪脂調和傅之。
簡要濟衆

〔羅〕栢脂膏。治乾癬。

栢油 斤

黃蠟 斤半

杏仁 四十五粒剉碎

朴硝 抄

右件相和於鐵器內。用老生薑葱白二根。一順攪五七次。煎沸濾
 過成膏。於瘡上搽之。

〔圖〕取楮皮枝中白汁塗癬甚妙。

〔聖〕治癬濕痒。用楮葉半斤細切搗傅癬上。

〔經〕治五種瘡癬。以韭根炒存性旋搗末。以豬脂調傅之。三五度瘡。又方。患癬瘡。搗山荳根末。臘月豬脂調塗之。

〔羅〕祛濕散。治多年濕癬。大有神效。

蠶沙兩四

薄荷兩半

右為細末。每用不拘多少。乾摻於瘡上。或用生油調搽。

〔子和〕一女子年十五。兩股間濕癬。長三四寸。下至膝。發痒時肥搔。湯火俱不解。痒定。黃赤水流。又痛不可忍。灸熨薰蒸。硫黃藺茹白殭蠶半蹄根之藥。皆不效。其父母求療於戴人。戴人曰。能從予言則瘡。父母諾之。以銚針磨尖快。當其痒時。於癬上各刺百餘針。其血出盡。煎鹽湯洗之。如此四次。大病方除。此方不盡以告後人。恐為癬藥所誤。濕淫於血。不可不砭者矣。

紫白癜風白禿

〔海〕龍蛇散。治風虛頑麻。遍身紫白癜風癢痒痛者。

白花蛇去骨

黑梢蛇去骨

葶藶

天麻

黃芪

金毛狗脊

自然銅

骨碎補

楓香研

地龍

草烏頭

鹽水浸剉
各一兩

乳香

沒藥

各二錢

麝香

二錢

右細末。酒糊丸。桐子大。每服十五丸。酒下。食後。為末。酒調亦得。

〔羅〕加減何首烏散。治紫白癩風。筋骨疼痛。四肢少力。眼斷瞳人。鼻梁崩塌。皮膚疥癬。手足皴裂。睡臥不安。行履艱難。

何首烏

蔓荊子

石菖蒲

荊芥穗

苦參

威靈仙

甘菊花

枸杞子

各一兩

右為細末。每服三錢。蜜茶調下。不拘時。

〔聖〕治白癩。用馬鞭草不限多少為末。每服食前。用荊芥薄荷湯調下。一錢七。

〔本〕治宿患風癬。遍身黑色。肌體如木。皮膚粗澁。及四肢麻痺。宜服烏頭丸。

草烏頭一斤。入竹籬內。以水浸。用瓦片於籬內。就水中灑洗。如打菱角法。宜候灑洗去大皮及尖。控起令乾。用麻油四兩。鹽四兩。入銚子內。炒令深黃色。傾出油。只留鹽并烏頭。再炒令黑色。烟出為度。取一枚劈破。心內如米一點白恰好。如白多再炒。趁熱取羅為末。用醋糊丸。如桐子大。每服二十九。空心晚食前。溫酒下。真州資

福庵文雅長者有此疾。服數年黑點頓除。脚力強健。視聽不衰。有一宗人。遍身患紫癩風。身如墨。服踰年體悅澤。予服之一年。諸風疥瘡瘍皆痊。性差熱。雖云去毒。要之五七日。作烏頭粥。啜之為佳。粥法用豫章集中者佳。

〔世〕紫白癩風。貝母為末。以胡桃肉蘸。洗浴後擦之。神效。又方。以信石好者為上。研極細。用真香油調如薄粥。過一宿。取清油傅之。愈。

又方。用金獅草。搗碎擦之。累效。

〔丹〕又方。

杜大黃 飛礬

右肥皂為丸。擦之。

白禿。

松香製

蕪荑

黃丹

光粉

枯礬

胡坯

右末。香油入薑汁少許。調傅上。

又法。直兩乳頭。以篋量過。當兩膈脈絡上灸之。膈絡脈俗呼為蝦蟆穴也。

面瘡

〔大〕治面部生瘡。或鼻臉赤。風刺粉刺。用盡藥不效者。惟有此藥可治。神妙不可言。每以少許。臨臥時洗面令淨。如面油用之。數日間瘡

腫處自平。赤亦自消。如風刺粉刺。一夕見效。仍塗藥。勿近眼處。

生疏黃

香白芷

瓜蒞仁

膩粉各半

全蠍七枚

蟬蛻五枚

芫青七枚

右為細末。麻油黃蠟。約度如合面油法。火熬溶。取下離火。入諸礬在內。每用少許。塗面上。

〔山〕面瘡。水調平胃散塗之。

〔千〕治臉上熱瘡。挺出。以蒲黃傅上瘡。

〔東〕洗面藥方。治面有黚點或生瘡及粉刺之類。并去皮膚燥痒垢膩。潤澤肌膚。

皂角三斤

去皮

糯米二升

菘荳八合

楮實子五兩

三奈子

縮砂連皮

白芨二兩

甘松七錢

升麻半兩

白丁香五錢

臘月收揀淨

右七味。同為細末。訖。和菘荳糯米粉及皂角末。一處攪勻用之。效。

面油摩風膏

麻黃二分

升麻根二錢

羌活去皮

防風二錢

歸身一錢

白芨一錢

白檀五分

右以綿裹定前藥於銀石器中。用油五兩。同熬得所澄清去渣。以黃蠟一兩。再煎熬為度。

瑩肌如玉散

白丁香兩一

香白芷錢七

升麻兩半

白芨兩一

麻黃去節二錢

白牽牛兩一

當歸梢兩半

白附子二錢半

白蔞藜兩一

楮實子錢四

白茯苓錢三

連翹錢半

白蔞兩一

小椒兩一

右爲細末。每用半錢。多少洗之。

塗野黯不令生瘡

猪苓

麻黃

桂枝

白蒺藜

白附子

連翹

防風

香白芷

白蔞

當歸身

升麻根

白芨

右等分。爲細末。洗面用之。臨臥唾調少許塗面上。

〔肘〕療面多野黯。如雀卵色。以段羊膽一枚。酒二升。煮三沸塗拭之。

三日瘡。治面上粉刺。搗兔絲子絞汁塗之。

〔竹〕白附丹。治男子婦人面上黑斑點。

白附子兩一

白芨

白蔞

白茯苓

蜜陀僧

白石脂

定粉各等分研

右爲細末。用洗面藥洗淨。臨睡用人乳汁。如無。用牛乳或雞子清調和丸。如龍眼大。嘗乾。逐旋用溫漿水磨開傅之。

風熱

癩頭瘡

〔丹〕防風通聖散為末。酒浸焙乾。凡三次。食後白湯調服。日三服。至頭有汗效。

〔世〕濃煎鹽湯。洗三五日。一洗用一上散傳之。久年不愈。神效。方見濟部

〔丹〕用好紫霄炭燒通紅。入水研之。又燒又焯。以水熱為度。取所焯之水。日日洗之。使熱毒宣發而愈。外以胡荽子伏龍肝懸龍尾。屋梁塵也

黃連白礬為末。調傳。又服酒炒通聖散效。一方。單用黃連末傳之。累效。

口瘡唇瘡

〔丹〕王四叔公。口瘡。舌強多疲。

白朮

甘草梢錢一

人參

赤芍藥

木通

生地錢半

黃連錢一

瓜蒞子十三枚

右作一帖煎。

〔羅〕黃連升麻湯。口舌生瘡。

升麻錢一

黃連錢三

右為細末。綿裹。含津嚥。

〔丹〕治口瘡。黃柏炙同細辛各二錢。研極細。傳之。噙少許。當滿口有

辛能

熱

涎吐之少刻。又傳又噦。如是五七次立愈。千金方此治
羅氣方也

黃栢四兩

甘草炙二兩

青黛一兩

右先取二味為末。入青黛同研勻。乾貼。

〔衍〕黃栢皮蜜炙。與青黛各一分。同為末。入生龍腦一字。研勻。治心脾熱。舌頰生瘡。當搽瘡上。有涎即吐之。

〔垣〕蜜栢散。治口瘡久不愈者。用黃栢不計多少。以蜜炙灰色為細末。乾搽上。臨臥忌酒醋醬。犯之則瘡難愈。

〔丹〕好酒煮黃連。呷下立愈。

〔本〕治膈上熱極。口舌生瘡。

膩粉七

杏仁七粒不
去皮尖

右二味。臨臥時細嚼。令涎出。則吐之。用溫湯漱口。未痊可又用。

〔肘〕治口瘡。以薔薇根避風處打去土。煮濃汁。溫含。冷易之。

〔衍〕五倍子。治口瘡。以末搽之。便可飲食。

〔本〕治口瘡。以膽礬一塊。用百沸湯泡開。含漱一夕。可瘥八分。一方。用白礬湯漱。亦妙。凡口瘡。用西瓜漿水。瘡甚者。以此徐徐飲之。冬月無留皮。燒灰噀之。

治口瘡。以好墨研螻蛄極細。傳之立效。胡氏方 螻蛄走小腸膀胱。其效

實熱

酸能
收緩

甚捷。因力峻氣猛。陰虛氣上致瘡者。戒勿用。惟體實有熱在上焦者。用之如神。

〔子和〕治一男子。病口瘡數年。上至口中至咽喉。下至胃脘皆痛。不敢食熱物。一漏一泄。一汗。十去其九。次服黃連解毒湯。不十餘日皆釋。

〔丹〕口瘡。服涼藥不愈者。此中焦氣不足。虛火泛上。先用理中湯。甚則加附子。

〔本〕治滿口生瘡。此因虛壅上攻。口舌生瘡。

草烏個一

南星個一

生薑塊一

右焙乾。為細末。每服二錢。臨臥時。用醋調作罌子。貼手足心。來日便愈。

〔丹〕口瘡。以遠志醋研。獐毛掃患處出涎。

〔本〕治口鼻生瘡。用生薑一塊。臨睡時細嚼含睡。不得開口。出氣。眠着不妨。睡覺咽下。

〔保〕治少陰口瘡。半夏散。聲絕不出者。是寒遏絕陽氣不伸。半夏製

一兩。桂烏頭各一字。同煎一盞。分作二服。治太陰口瘡。甘馨散。以

甘草二寸。白馨粟子大。含化咽津。治赤口瘡。乳香散。以乳香沒藥

各一錢。白馨半錢。銅綠少許。研為末。摻之。治白口瘡。沒藥散。以乳

香沒藥雄黃各一錢。輕粉半錢。巴豆霜少許。為末。搽之。運氣口瘡有二。

一曰熱。經云。少陽司天。火氣下臨。肺氣上從。口瘍是也。

二曰寒。經云。歲金不及。炎火乃行。復則寒雨暴至。陰厥且格。陽反上行。病口瘡是也。

〔丹〕治口瘡。猪蹄殼燒為末。傅之立止。張氏方 治口瘡與走馬疳。茄

蒂中木。去皮燒存性。入少白梅灰。與少礬細末。傅之立安。精要同

〔羅〕紅芍藥散。

心病口瘡 紫桔紅蒼 三錢四兩 五服安康

右件紫苑桔梗紅芍藥蒼朮各等分為細末。羊肝四兩。批開。搽藥末三錢。用麻扎定。火內燒令熟。空心食之。大效。白湯送下。

〔聖〕主小兒口瘡通白者。及風疳瘡蝕透者。以白殭蠶炒令黃色。拭去蠶上黃肉毛為末。用蜜和傅之。立效。

〔陳〕主口內熱瘡。以古文錢二十文。燒令赤。投酒中服之。立瘥。

〔聖〕口舌生瘡。胸膈疼痛。用炒豉細末。含一宿便瘥。

〔聖〕治口瘡。用縮砂不拘多少。火煨為末。搽瘡即愈。又法。用檳榔

燒灰存性。為末。入輕粉傅之。

〔千〕治口瘡。取桑樹汁。先以髮拭口。即以汁傅之。

唇瘡

〔垣〕化毒法。凡口瘡無問新舊。遇夜臥將自己兩丸。以手握緊。左右交手揉三五十遍。但遇夜睡覺行之。如此三五度。因酒而生者一夜愈。久病諸口瘡。三二夜愈。如鼻流清涕惡寒者。握二丸向上揉之。數夜可愈。

〔世〕唇瘡以飀上滴下汗傳之。累效如神。

〔羅〕多效散。治唇緊瘡及疹。

訥子肉 五倍子 各等分

右為細末。乾貼上效。

〔丹〕唇黃泡腫。烏頭炒灰研。香油調傳之。胡氏方 唇上生瘡。連年不

瘡。以八月藍葉一斤。搗取汁洗之。不過三日瘡。千金方 唇上生瘡。用

白荷花瓣貼之。神效。如開裂出血者。即止。

〔集〕口瘡。承漿 合谷 人中 長強 海泉 三稜三血不巳用後穴 金津

玉液 各出

〔密〕又法。委中 寫 後谿 補此二穴乃心火腎水二經之表

〔垣〕又法。膽俞 小腸俞 各灸七壯 太衝 五分 勞宮

牙疳瘡

〔垣〕神功丸。治多食肉人。口臭不可近。牙齒疳蝕。斷肉將脫。牙落血出不止。

熱

針灸

黃連去鬚淨一兩酒洗 縮砂仁半兩

生地黃酒浸三錢 木香一錢

蘭香葉如無檀香葉代之

甘草三錢

升麻二錢

藿香葉一錢

當歸身一錢

右為細末。水浸。蒸餅為丸。葶苈大。每服一百丸。加至二百丸止。白湯下。食後服。兼治血痢及下血不止。血下褐色或紫黑色。及腸辟下血。空心米飲送下。其脈洪大而緩。及治麻木厥氣上衝。逆氣上行。腰間者。

治小兒走馬牙疳。見小兒疳門

耳內瘡

〔垣〕黍粘子湯。治耳內痛生瘡。

桔梗半兩

柴胡三分

連翹二分

黃芩二分

黍粘子二分

紅花少許

歸梢二分

生地黃二分

蒲黃一分

甘草一分

黃連二分

草龍膽一分

昆布一分

黃芪三分

蘇木一分

桃仁一錢

生甘草一分

右件劉如麻荳大。作一服。水二大盞。煎至一盞。去渣。稍熱服。食後忌寒藥。利大便。

〔羅〕治耳內生瘡者。為足少陰。是腎之經也。其氣通於耳。其經虛風

少陰

少陽

熱乘之。隨脈入於耳。與氣相搏。故令耳門生瘡也。會青散主之。
治耳內有惡瘡。會青散。

雄黃七錢

會青半兩

黃芩二錢半

右件搗為細末。研勻。每用少許。納耳中。有膿出。即以綿杖子拭乾用之。

黃連散

黃連半兩

白礬七錢半

右搗為細末。每用少許。綿裹納耳中。

腎臟風陰瘡

〔無〕四生散。治癩風。上攻下注。耳鳴目痒。鼻赤齒浮。或作口瘡下注。陰濕四散。癢痒通體生瘡。及婦人血風等症。

白附子

蒺藜搗去刺

黃芪蜜炙

羌活等分

右為末。每服二錢。鹽酒調下。有一人。將猪腎破開。入鹽。摻藥煨亦妙。癩屬宗筋。胃陽明養之。故有是證。

〔世〕治腎臟風。凡指縫白者。只一二服效。

黃芪一兩

木通

甘草

黑牽牛各半兩

右四味。細剉。用斑貓七枚。去翅。同藥炒焦黑。去斑貓。餘為末。蒸餅糊為丸。如桐子大。空心鹽湯下。二十九丸。

風濕
扶虛

補中
有泄

風熱

〔本〕治腎臟風上攻下注。生瘡疥癬。烏頭丸。

川烏兩

草烏一兩二味以黑豈牛升

天麻

地龍土去

白附子各半

右為末。酒糊為丸。如桐子大。每服二三十丸。空心食前。鹽酒鹽湯任下。

〔衍〕有一婦人。患臍下腹上連二陰。遍滿生濕瘡。狀如馬刀。他處並無。熱痒而痛。大小便澁。出黃汁。食亦減。身面浮腫。醫作惡瘡治。用鰻魚松脂黃丹之類塗瘡上。愈熱痛甚。治不對故也。細問之。此人嗜酒貪啗喜魚蟹發風等物。急令用溫水洗拭去膏藥。尋馬齒莧四兩研碎。入青黛一兩再研勻。塗瘡上。即時熱減。痛痒皆去。仍服入正散。日三服。發散客熱。每塗藥。一時久即乾。又再塗新濕藥。如此二日。減三分之一。五日減二。自此二十日愈。既愈。乃問曰。此瘡何緣至此。曰。中下焦畜風熱毒。熱氣若不出。當作腸癰內痔。仍須禁酒及發風物。後不能禁酒。果患內痔。

〔丹〕陰囊瘡。蠟面茶末之。先以甘草煎水洗。後傅上妙。心鏡

陰上濕泡瘡。硫黃末傅之。日三次。梅師

〔子〕治丈夫陰下濕痒。蒲黃末傅之良。

〔丹〕陰瘡。人屎燒灰傅之安。秘要

寒濕
雜方

〔世〕腎臟風。甘草節湯洗。極效。

〔秘〕腎臟風。痒不可當者。吳茱萸蛇牀子等分煎湯洗。神效。治腎臟陰汗生瘡。用莧菜根莖葉燒灰存性。研細。抓破傅之。立愈。又蒼耳草蛇牀子煎湯洗之良。

〔潔〕治男子婦人。陰部濕淹瘡。

五倍子

細研五分

白礬

錢一

銅綠

少許

輕粉

字一

乳香

分五

右為極細末。洗淨搽之。

〔世〕治陰瘡。痒痛久不止。

銅錢

百枚

烏梅

七枚

鹽

二錢

右水一碗半。煎至一碗。洗之。無不效驗。

〔世〕腎臟風瘡。

血郤

即百蟲窠右膝內廉上膝三寸陷中者

〔集〕腎臟風瘡。

血郤

即百蟲窠針入寸半灸二十七壯

三陰交

下疳瘡

〔丹〕有一隣人。三十餘。性狡而躁。素患下疳瘡。或作或止。夏初患白痢。膈上微悶。醫與理中湯四帖。昏悶若死。片時而甦。予脈之。兩手皆瀋。重取略弦似數。予曰。此下疳瘡之深重者。與當歸龍薈丸去麝。四帖而利減。與小柴胡去半夏。加黃連芍藥川芎生薑煎。五六帖而安。

熱

針灸

一男子近三十歲。有下疳瘡。雖屢求治。以其不能忘口却之。忽一日頭痛發熱自汗。衆作傷寒陽證治之。反劇。予診其脈弦甚七至。重按則澀。予曰。此症在厥陰。藥與症不相應。遂作小柴胡湯。加草龍膽。黃連胡黃連。帶熱服。四帖而病脫然。治男子恥瘡。或痛在莖之竅。或痛在莖之標。皆手足太陽不利。熱毒下傳。入于足厥陰。故變紫黑色。作蝕瘡。毀其莖而死。宜以子和泄水丸散導其濕毒。無不愈者。右已成瘡。先泄其根。次從標而治。外以葱白黑荳汁碟洗。拭乾。以黃連木香蜜陀僧乾胭脂之類。細末搽之。如內潰膿不出。以追膿散上之。又用子和泄水丸。如後竅膿少。可用黃連木香胭脂等貼之。

〔子和〕泄水丸。一名大智丸。

大戟

芫花

甘遂

海帶洗

海藻洗

郁李仁

續隨子

已上各半兩

樟柳根兩一

右爲細末。水煮棗肉爲丸。如小荳大。每服五七十丸。熟水下。

治下疳瘡。先用張子和泄水去根。後用此藥乾上。

黃連

滑石各半兩

定粉三錢

輕粉許少

乳香錢一

蜜陀僧錢二

右細末。乾上。或加乾胭脂。或加木香檳榔。

〔丹〕下疳散

蛤粉

臘茶

苦參

青黛

蜜陀僧

右用臘脂調塗河水洗淨并治膿瘡。

〔世〕又方。

青黛

海蛤

蜜陀僧

黃連

右爲末傅上。

〔丹〕一切熱毒惡瘡及下疳瘡用蜜陀僧黃栢皮末各一分半膩粉一錢麝香少許先洗瘡拭乾傅之甚者三四次治下疳瘡雄黃黃連等分爲末濕者乾摻乾者油調傅先用荆芥射干煎湯洗却傅之妙一方用地骨皮末傅神效。

〔海〕追膿錠子膿內潰不出以此藥追之。

雄黃二錢

巴豆一錢半

輕粉二錢

補虛

嘗治一男子下疳瘡每恣飲酒則發醫與小柴胡湯加黃連數帖不效又與玉燭散下之反劇予以甘草節小建中各半煎湯服之。

下咽痛止後以四物湯建中甘草等分與之漸安。

〔丹〕陰頭瘡蜜煎甘草傅之安。

外臺祕要

又方用頭髮以鹽水洗淨去

油再用米泔洗淨又用清湯洗晒乾燒灰傅瘡上便結靨。

〔世〕蒼耳葉爲末摻之。

敷貼

久者
治之

治下疳瘡黑。影兔為末。傅上神妙。一名烏吊土一名孩兒沙

〔海〕治下疳瘡。久不愈。橡斗子二箇。各盛黃丹令滿相合。以亂髮纏定。燒烟盡為度。同研為末。先以葱白熟漿水洗瘡。膿盡。次上藥。甚者不過三次如神。

〔肘〕療人陰生瘡。膿出成坎。取高昌白礬麻仁等分研。煉猪脂相和成膏。槐白皮作湯洗瘡。拭令乾。即塗膏。然後以楸葉貼其上。不過三五度瘡。

〔山〕下疳瘡。用五倍子末傅之。

婦人陰瘡

〔仲〕少陰脈滑而數者。陰中即生瘡。陰中蝕爛者。狼牙湯洗之。用狼

牙二兩。以水四升。煮取半升。以綿纏筋如繭。浸湯歷陰中。日三遍。

〔大〕洗搗散。治陰蝕瘡。

甘草一兩

乾漆一兩

黃芩

當歸

地黃

芍藥各二兩

龜甲五兩

右細切。以水七升。煮取一半。去渣。以綿帛內湯中。用搗瘡處。良久即易。日二度。每搗湯可作十里許。即挹乾。捻取甘濕散。薄傅瘡上。使偏。可經半日。又以湯搗搗訖。如前傅藥。

有一婢生此疾。蝕處作兩瘡。深半寸。用此洗搗湯。并後甘濕散。不

經七日平復甚效。

甘濕散

蚶蛇膽

真者

青木香

石硫黃

鐵精

麝香

各四分臨時入用線罈辟蛇毒若先以相和蛇膽即無力也

右各等分爲末更研細有患取如三碁子大和井花水日再服訖先令便利了卽以後方桃枝熏下部訖然後取藥如碁子安竹管裏內入下部中日再度老少量減其薰法每日一度不可再。

桃枝薰法取東南桃枝五七枝輕打頭使散以綿纏之又搗石硫黃爲末將此綿纏桃枝撚轉之令末少厚又截一竹筒先內下部中仍以所撚藥桃枝燒熱薰之。

〔丹〕女子陰瘡。硫黃末傅之。後附

〔仲〕蛇牀子散濕陰中主藥。用蛇牀子仁一味末之以白粉少許。和令相得。如棗大綿裹納之。自然濕散。

運氣陰瘡皆屬寒。經云。太陽之勝。陰中乃瘍。隱曲不利。治以苦熱是也。

膿瘡

〔世〕治膿瘡極妙。地骨皮一斤。黃栢皮二兩。剉爲粗末。用香油一斤。半煎濾過。藥油六七兩。入淨松香二十兩。黃丹二兩。同煎。候黃丹微

熱

運氣

黑色。却入輕粉七角。光粉二角。煎法皆如煎膏法。用長條紙拖過掛乾用。若此瘡紫黑。先用三稜針去惡血。以冷水洗淨。隨瘡大小。剪膏藥掩上。用絹帛緊緊扎縛。俟一週時再換膏藥。換時須用冷水洗瘡。不過數換。不問新久即愈。須忌日氣火氣陽氣。倘換膏藥再看。如有黑腫未盡。可再出血。以紫黑血盡為度。

治膿瘡。用糯米泔漱口過。洗瘡拭乾。却以地骨皮為細末。蜜調傅瘡上。又以油紙縛之。

〔丹〕治膿瘡。

白膠香兩一

黃栢兩一

軟石膏兩一 另研

青黛兩半

龍骨五分

右為細末。以香油調傅患處。

又方。羯羊屎二分。石膏一分。赤石脂半分。為細末。香油和之。舊黑油傘紙作隔膏縛之。除根。

〔羅〕翠玉膏。治膿瘡。

瀝青兩四

黃蠟

銅綠各五錢

沒藥三錢

右件。先將銅綠為細末。入香油調勻。又將黃蠟瀝青火上溶開。次下油銅綠火上攪勻。將沒藥等三味。旋旋入攪勻。用河水一碗。將藥傾在內。用手扯拔勻。油紙裹。看瘡大小。分大小塊。口嚼捻成餅。

子。貼於瘡上。紙封三日易之。此方加連翹銀花更妙。治紅腫各瘡皆效。

〔丹〕 膿瘡。用砂糖水煮冬青葉三五沸。撈起石壓乾。將葉貼在瘡口。上一日換二遍。 腳痛成瘡。水蓼煎湯洗瘡。候乾自安。經驗方

〔山〕 膿瘡。用韭汁洗淨。搥乾。劉虎骨傅上。

〔丹〕 二妙丸。治下焦濕瘡。但是下焦有瘡皆可服 潛行散末蒼朮末各等分。煉

蜜為丸。桐子大。

〔海〕 治兩膝腳膝生瘡。局方虛損門。服黃芪丸。立安。

黃芪丸

川烏頭炮去皮

川棟子

地龍去土

茴香炒

杜蒺藜刺去

赤小豆

防風去蘆

黃芪劉各一兩

烏藥二兩

右為細末。酒煮麵糊為丸。如桐子大。每服十五丸。溫酒下。鹽湯亦得。婦人醋湯下。並空心服。

脚氣瘡足跟瘡

雜方

寒濕

濕

〔世〕 捷應散。治脚濕氣成瘡。痒不可當。爬之流黃水。用羯羊糞晒乾為末。安於瓦上。手把竹柴火燒作灰。又研細。先用蔥椒湯洗之。次用香油調厚傅上。以山茶花葉罨之。帛縛四五日即可。

〔丹〕脚上爛瘡。久不瘥。先以酸漿豆腐水洗三二日。暴扭葉搗細。入鹽些少。盪之。地暴扭葉。即覆盆子葉也。

〔海〕足跟瘡。久不愈。毒氣攻注。川白朮為細末。先以鹽漿水溫洗乾。貼二日一換。可以負重涉險。

凍瘡

〔子和〕經曰。寒瘡流水。俗呼為凍瘡。或經年不愈者。用野中淨土晒乾。以大蒜研如泥。捏作餅子。如大觀錢厚薄。量瘡口大小貼之。以艾火加於餅上灸之。不計壯數。以泥乾為度。去乾餅子。再換濕餅子。灸不問多少。直至瘡痂覺痛痒。是瘡可治也。然後口含漿水洗漬。用雞翎二十莖縛作刷子。於瘡上刷洗淨。以此洗刷。不致肌肉損傷也。以軟帛拭乾。用木香檳榔散傅之。如夏月醫之。更妙。

〔世〕足跟紅腫凍瘡。左足指面後跟赤白肉際骨下刺入三分彈針出血可灸二十七壯

足跟凍瘡潰破。用椒葱湯洗。刮去腐肉。用三稜針出血。將馬屁勃入生牛骨髓調和傅之。效。

治凍瘡。用茄根燒灰。洗了。用雀兒腦髓塗之。

〔禹錫〕取臘月牡鼠死者一枚。油一大升煎之。使爛。絞出渣。再煎成膏。塗凍瘡及折破瘡。

〔丹〕治凍瘡。用煎熟桐油蜜陀僧傅。

止痛

〔山〕用五倍子煎湯洗。

〔羅〕如神散。治凍瘡皮爛不可忍。用川大黃不拘多少為細末。新水調搽凍破瘡上。痛止立效。

〔世〕治凍瘡痛者。橄欖核燒存性為末。用香油調塗患處。其痛隨愈。
〔子和〕戴人女僮。足有凍瘡。戴人令服舟車丸。濬川散大下之。遂愈。
人或疑之。戴人云。心火降則寒消。何疑之有。

手足皸裂脚縫爛

〔羅〕潤肌膏。治手足皸澁。皮膚裂開。冷痛不能見風。

珠子瀝青四兩

白黃蠟八錢

乳香二錢

右三味。於鐵器內用文武火熬。下瀝青在鎔內。隨手便下黃蠟乳香。次入清芝麻油一二匙。候瀝青盡溶開。微微熬動。放大淨水一盆於其傍。以攪藥用匙取一二滴。滴於水中試之。如硬再入油。如軟硬合宜。用新綿攪淨。入水中折疊扯之。以白為度。油當旋旋入。勿令軟了。以磁器內盛之。或油紙裹亦得。每用不拘多少。先於火上炙裂子口。却捻合。裂子藥亦火上炙軟。塗於裂子上。用紙少許貼之。自然合矣。

〔東〕老人路次方。城北獨樹店之客舍有推小車者。皮膚皸裂甚痛。兩手不能執轆。足不能履地。而車上宿。制此藥傳之。即效。明日遂行。

自後屢用屢效。故錄於此。

〔世〕治手足皸裂。春夏不愈者。

生薑汁

紅糟

白鹽

豬膏

臘月者佳

右研爛。炒熱。擦入皸內。一時雖痛。少頃便皮軟皸合。再用卽安。

〔丹〕手足寒。皸裂。台椒三四合。煮浸半食頃。須臾再浸。又傅以羊猪

髓腦甚妙。梅師方

〔世〕治腳跟皸裂。用頭髮一大握。桐油一碗。於瓦器內熬。候油沸頭

髮溶爛。出火攤冷。以瓦器收貯。不令灰入。每用百沸湯泡洗皸裂令

軟。傅其上卽安。一方加水粉。

〔山〕脚裂爛。蒸藕研成膏傅之。

〔世〕用五倍子爲末。用牛骨髓填縫內卽好。治脚指縫爛瘡。搗鵝時

取鵝掌黃皮。焙乾燒存性爲末。濕則摻之。

反花瘡

瘡有努肉凸出者是也

〔丹〕諸瘡努肉。如蛇頭出數寸者。硫黃末傅之卽縮。聖惠方

瘡有肉凸出。烏梅燒灰爲末。傅之立盡。鬼遺方 又以白梅肉杵細。入

蜜捏成餅如錢大。貼之妙。聖惠方

〔梅〕又方。治反花瘡。馬齒莧一斤。燒灰細研。猪脂調傅。

〔世〕瘡凸出寸許。根如小荳。或大如梅者。用花脚蜘蛛絲纏其根。則

漸乾而自脫落。

惡瘡

虛實

〔羅〕乳香消毒散。專治惡瘡。

大黃炒

黃芪

牛蒡子炒

金銀花各五兩

甘草三兩

牡蠣鹽泥煨燒五兩

乳香

沒藥

懸萋各半兩

右為粗末。每服五錢。水煎。瘡在上食後。在下食前。

〔海〕惡瘡入腹心嘔逆。藥食不下。

荳粉半兩

乾胭脂三錢

定粉二錢

右細末。新水調下神效。

碧霞挺子。治惡瘡神效。亦不覺疼痛者。

銅綠

礪砂各二錢

蟾酥一錢

右為細末。燒飯和。作麥蘖挺子。每刺不覺痛者。須刺出血。方紅藥

在內。以膏藥貼之。

蝕惡瘡方。非奇異惡瘡不可用。

銅綠二錢

礪砂一字

石膽礬半錢并細研

右為細末。傅之。

治惡瘡。或有小蟲。

膽礬錢一

龍骨二錢

輕粉錢一

虎骨

白礬各二錢半

麝香五分

乳香錢一

桐砂二錢

腦子字一

土蜂房二錢

露蜂房二錢

雄黃二錢

右細末。刺破鹽水洗。看緊慢上藥。神效。

雜瘡

〔世〕治葡萄瘡。瘡頭如葡萄色。四圍腫起。先遣膿盡。次用冰梅當瘡頭罨之。神效。

〔本〕江左有商人。左膊上有瘡。如人面亦無他苦。商人戲滴酒口中。其面亦赤色。以物食之。亦能食。食多則覺膊肉脹起。或不食之。則臂痺。有善醫者。教其歷試諸藥無苦。至貝母。其瘡乃聚眉閉口。商人喜曰。此藥可治也。因以小葦筒磨貝母水灌之。數日成痂。遂愈。不知何疾也。或曰此人面瘡。

〔丹〕天泡瘡。通聖散及蚯蚓泥略炒。蜜調傅妙。從肚皮起者。裏熱發外。速服通聖散。

〔外〕天行斑瘡。須臾遍身皆戴白漿。此惡毒氣。永徽四年。此瘡自西域東流於海內。但煮葵菜葉以蒜蘸啖之。即止。
〔孫〕卒得惡瘡。不識者。燒苦竹葉和雞子黃傅。

疥脫音休俗稱雞眼子是也

手太陽之別名曰支正。上腕五寸。虛則生肌。小者指痂疥。取之所別

也。全文見針灸虛實

〔丹〕手足生肌目。鹽傳上。舌舐之。只三次。瘡後。

〔世〕肌用雞胃中食。搯肌上。搯餘者。以石壓之。驗。

痣

〔世〕取痣餅藥。

糯米百粒

石灰搯指大

巴荳三粒去殼研

右為末。入磁瓶同窰三日。每以竹簽挑粟許點上。自然蝕落。

〔煎〕取醫。

風化石灰一兩 花碱半兩

右為細末。上三次。如天色冷濕用。

〔衍〕石灰水調一盞。如稠粥。揀好糯米全者。半置灰中。半置灰外。經宿灰中。米色變如水精。若人手面上有黑鬚子及紋刺者。先微微以針頭撥動。置少許於其上。經半日許。鬚汁自出。剔去藥不用。且不得着水。二三日愈。又方。用水蛭一條。雞子一枚。開雞子小頭內水蛭。以皮兒蓋合封之。直至水蛭食盡雞清乾盡自死。乃用之。

癩撲傷損 金瘡 杖瘡 湯火傷 竹木刺針入肉 箭

頭入肉 漆瘡

〔世〕凡顛傷皮破血出處疼不可忍乃風寒所着宜用葱杵碎入鹽少許炒熱罨上其痛即住冷則再溫之。

〔本〕崔給事頃在澤潞與李抱真作判官李相方以毬杖按毬子其將軍以杖相格乘勢不能止因傷李相拇指并爪甲勞裂遽索金刀藥裹之強坐頻索酒飲至數盃已過量而面色愈青忍痛不止有軍使言取葱新折者入糖灰火煨熱剝皮擘開其間有涕取罨損傷處仍多煨葱續續取熱者凡三易之面色却赤斯須云已不痛凡十數度易用熱葱并涕裹纏遂畢席笑語。

〔海〕治腦骨破及骨折葱白爛研和蜜浮封損處立瘥筋斷骨折者以法接之。

〔世〕治顛撲筋斷骨折用粟米半升木鱉肉二十箇半夏半兩婦人髮一團葱白鬚一小束同炒烟盡存性為末熱醋調傅神效。治顛撲筋斷骨折用糯米一升皂角切碎半升銅錢百箇同炒至半焦黑去銅錢為末用好酒調膏厚紙攤貼患處神效。

〔本〕打撲傷損及一切腫癰未破令內消方。

生地研如泥 木香細末

右以地黃膏隨腫大小攤於紙上摻木香末一層又再攤地黃膏貼腫上不過三五度即愈昔許元公入京師赴省試過橋墜馬右

臂白脫。路人語其僕曰。急與接入臼中。若血漬白。則難治矣。僕用其說。許以昏迷不覺痛。遂僦輻舁歸邸。或曰。非錄事巷田馬騎。不能了此疾。急召之。至巳日暮。因秉燭視其面曰。尚可治。乃施藥封此處。至中夜方甦。達旦痛止。去其封損處已白。其青瘀乃移在臼上。自是日。日易之。腫直至肩背。以藥下之。瀉黑血三升。五日復常。遂得赴試。蓋用此法云。

〔世〕走馬散。治折傷接骨。

栢葉生用

荷葉生用

皂角生用

骨碎補去毛等分

右爲末。先將折傷處揣定。令人元位。以薑汁調藥如糊。攤紙上貼骨斷處。用杉木甲夾定。以繩縛之。莫令轉動。三五日後開看。以溫葱湯洗後。再貼藥復來。七日如痛。再加沒藥。

〔本〕治腕打傷筋損骨。疼痛不可忍。

生地一斤切

藏瓜薑糟一斤 生薑四兩切

右都炒令勻熱。以布裹罨傷折處。冷則易之。會有人傷折。宜用生龜。尋捕一龜將殺。患人忽夢見龜告曰。勿相害。吾有奇方可療。於夢中授此方神效。

〔本〕骨碎補。罨閃折筋骨折傷。取根搗碎。煮黃米粥和之。裹傷處良。

〔潔〕接骨丹。傅貼藥。

天南星四兩

木鱉子四兩

沒藥中兩

官桂一兩

乳香半兩

右為細末。薑一斤去皮爛研。取自然汁。入米醋少許。白麵為糊。同調攤紙上貼傷處。以帛縛之。用篋夾定。麻索子纏。

〔山〕擗撲骨肉損。醋搗肥皂爛。厚罨之。以帛縛之。閃傷醋糟平胃散相和罨之。

〔丹〕治跌傷骨折。及血黯方。用益元散七分。人參湯調之。次用薑汁好醋二盞。用獨子肥皂四箇。敲碎投於薑汁醋中調和。以綿濾過。去渣煎成膏藥貼之。遍身亦可。

〔本〕又方。柑桔葉白酒糟杵細。縛痛處。或大股痛。用火燒地令紅。用醋并米泔潑地上。急鋪荐。令患人荐上臥。蒸出汗。內則服藥。外則貼罨。易安。

〔勝金〕治破傷。多用燈心草爛嚼。和唾貼之。用綿裹血立愈。

〔丹〕折傷接筋方。旋覆花根杵汁。滴傷處。又將渣封瘡上下五日。使斷筋自續矣。蘇良仲方即金佛草根是也。接骨。用好無名異。三兩為末。丁乳檀沉木

五香各半錢重。為末。先燒鐵銚紅。以五香三七一彈入銚內。候烟起。則全下無名異。待滾退火定後。再上火炒熱。又將五香彈三之一。彈入銚內。候滾又退火。如此者。凡三次。訖出火毒。即用骨碎補去毛約

綴耳
鼻法

肩穿
法
鼻破
法

傷分
三部
用藥

無專
症者
虛者
補行

一斤。與生薑等分搗爛。以碗覆之。候發熱。先約取五之一。入小蔥九莖。連鬚去蒂。同入沙盆搗細。取其汁。調前無名異末二錢。沖老酒服之。其渣罨患處即愈。如年老氣衰者。再作一劑。多飲酒。力助之為妙。治擦落耳鼻。用髮入罐子。鹽泥固濟。煨過為末。乘急以所擦落耳鼻蘸灰綴定。以軟絹縛定。效。江懷禪師為驢所咬下鼻。一僧用此綴之。效。

〔山〕負重擔肩破者。剪猫兒頭上毛。不語唾粘之。遠行脚打泡。用調生麵糊貼。過夜即乾。不可擦破。又法。用飯粘貼。過夜以紙蓋之。次日平復神效。

〔海〕若登高下。重物撞打。箭鏃刀傷。心腹胸中。停積鬱血不散。以上中下三焦分之。別其部分。上部易老犀角地黃湯。中部桃仁承氣湯。下部抵當湯之類。下之。亦有以小便酒同煎治之。更有內加生地黃當歸煎者。有大黃者。又法。虛人不禁下者。以四物湯加川山甲煎服妙。亦有花蕊石散。以童子小便煎。或酒服之者。此藥與前寒藥正分陰陽。不可不辨也。若瘀血已去。用復元通氣散。加當歸煎服亦可。

〔世〕接骨神效無比。累驗。用當二錢。一百零八箇。錢厚字連草者以鐵線穿定。

用活桑木一根。作柴燒錢紅。米醋一大碗。未煎者。不入鹽。將所燒錢焯入醋中。如此焯之。以醋乾為度。取醋中焯落銅錢末。就用醋洗去。

灰晒乾為極細末。再用黑雄雞一隻。清湯煮熟。去肉。用骨一付。以醋炙酥為末。入乳香沒藥各一兩。與銅錢末一處和勻。每服一字。臨服時。用患人髮在頂上者。洗去垢。燒灰入藥中。無灰酒調服。不吐。只一服。如吐出再服。如痛止。不可再服。必須先夾縛所折骨端正。用楊樹皮。刮去肉糊。并外粗皮。傳之。下咽便不痛。五七日便能運動。必終身忌葷薺。一名地粟。錢門家傳方

一方用五銖錢醋焯一兩二錢。黑雞骨三兩。研細勻。每服病在下四錢。疎服食前。病在上二錢半。頻服食後。一方有乳香沒藥。

〔潔〕方用醋焯半兩錢。蘇木定粉南鵬砂各一錢為末。作一服。當歸酒一二三服。痛止勿服。

〔丹〕接骨散。

沒藥

乳香各五錢

自然銅一兩醋焯

滑石二兩

龍骨三錢

赤石脂二錢

麝香後入少許

白石脂二錢

右為細末。以好醋浸沒。煮多為上。候乾。就炒燥為度。臨服入麝香少許。挑小茶匙在舌上。溫酒下。病分上下。食前後服。若骨已接尚

痛。去龍骨石脂。而多服儘好。

〔世〕又方。接骨。

乳香

沒藥

蘇木

降真節

川烏去皮尖

松明節各一兩

自然銅米醋碎一兩

地龍去土麻油炒半兩

血竭錢三

龍骨牛兩生用

水蛭油炒半兩

土狗十個油炒

右為細末。每服五錢。酒調下。在上食後。在下食前。

〔垣〕定痛乳香神應散。治從高墜下。疼痛不可忍。腹中疼痛。

乳香

沒藥

雄黑豈

桑白皮

獨科栗子各一兩

破故紙炒二兩

當歸兩一

水蛭兩半

右為末。每服五錢。醋一盞。沙石器內。煎至六分。入麝香少許。溫服。

定痛接骨紫金丹

麝香

沒藥

紅娘子各一錢半

烏藥二錢半

地龍去土一錢半

川烏

草烏炮各一兩

五靈脂去皮半兩

木鱉子去殼半兩

茴香二錢半

黑牽牛生用五分

骨碎補

威靈仙

金毛狗脊

防風去蘆

自然銅醋碎七次各五錢

禹餘糧四錢碎

陳皮

青皮各二錢半

右為細末。醋糊丸。如桐子大。每服十九丸。至二十九丸。溫酒送下。病上

食後。病下。食前服。

聖靈丹。治一切打撲損傷。及傷折疼痛不可忍者。並宜服之。

乳香五錢

烏梅去核五個

白米一錢

萵苣子一大盞炒取二兩八錢

右爲細末。煉蜜和丸。如彈子大。每服一丸。細嚼熱酒吞下。食後一伏時。痛不止再服。

〔經〕治折傷。用水蛭新瓦上焙乾爲細末。熱酒調下一錢。食頃痛。更服。痛止便將接骨藥封。以物夾定。直候至好。

〔初虞世〕治從高至下墜。及打至內傷。神效。麝香水蛭各一兩。剉碎炒烟出。二件研爲細末。酒調二錢。當下畜血。未止再服。其效如神。

〔衍〕自然銅。有人銅折翅。鷹後遂飛去。今人打撲損傷。研極細末。飛過。用當歸沒藥各半錢。以酒調頻服。仍以手摩痛處。

〔海〕治墜落車馬。筋骨疼痛不止。用玄胡索一兩。搗羅爲散。不計時服。以荳淋酒調下二錢。

〔本〕童便治卒血及心被打內有瘀血者。煎服之。一服一升。

〔山〕跌撲傷損。松節煎酒喫。跌撲重傷。用生薑自然汁四兩。香油四兩。打勻無灰酒熱調下。

右乳香沒藥。行汚血。調氣例。衍義云。沒藥通滯血。打傷撲損疼痛。皆以酒化服。血滯則氣壅。瘀氣壅。瘀則經絡滿急。經絡滿急。故痛且腫矣。導而行之。則痛腫消焉。

〔丹〕打損磕傷疼痛。夜合花末服之。酒下二錢七。效。治打撲損傷折骨。此藥專能接骨。

夜合樹

即合歡花去粗皮炒黑色四兩

芥菜子

炒一

右為細末。酒調二錢。澄清臨臥服。以粗渣罨瘡上。扎縛之。

又方。用蔥白砂糖二味。相等分爛研。傅之。痛立止。且無癢痕。

〔丹〕白蠟屬金。金稟收斂堅凝之氣。外科之要藥。生肌止血定痛。接

骨續筋補虛。與合歡皮同入長肉膏藥。用極神效。但未會試。可為藥

餌否。若合歡皮常試之。灰服之。太有妙理。且有速效。不可不知也。

〔本〕治打傷接骨方。

接骨木

本草名 柳蓋

乳香 各半兩

赤芍藥

當歸

川芎

自然銅 各一兩

右為細末。同黃蠟四兩。溶入前藥末。攪令勻。候溫軟。衆手丸如龍眼大。如打傷筋骨。及閃拗着疼痛不可忍者。用此藥一丸。無灰熱酒一盞。浸藥候藥潰開。乘熱呷了。痛便止。若大段傷損。碎折。須先整骨。用川烏草蓂為末等分。生薑汁調貼罨之。又將帛縛定。然後服此藥。表裏兩治。無不效者。此二方是一劑。不可分開。

沒藥

乳香

芍藥

川椒

去子及開目者

川芎

當歸 各半兩

自然銅

三錢炭 火燒

右為細末。用黃蠟四兩溶開。入藥末不住手攪勻。濕丸如彈子大。

每服一丸用好酒煎開消盡乘熱一服吃盡看那處痛向痛處臥
霎時服三五丸立效。

〔濟〕治破傷見血酒一碗煎服。

半兩當歸蠟二錢

合來搥碎酒同煎

直須軟冷連渣吃

一切傷瘡保萬全

右夜合黃白蠟例接續筋骨補虛也。

〔垣〕破血消痛湯治乘馬損傷跌破脊骨惡血流下脇下甚痛苦楚
不能轉側妨於飲食。

羌活錢一

防風錢一

蘇木半錢

柴胡

連翹錢二

當歸梢錢二

官桂錢一

麝香少許另研

水蛭三錢炒去烟盡另研

右為粗末只一服酒二大盞水一盞水蛭麝香另研如泥餘藥煎
至一大盞去火稍熱調二味服之兩服立愈。

〔靈〕中風有所墮墜惡血留內有所大怒氣上而不下積於脇下則
傷肝又中風及有所擊仆若醉入房汗出當風則傷脾又頭痛不可
取于脇者有所擊墮惡血在內若肉傷痛未已可側刺不可遠取之
也。邪氣騰肺及厥病篇

夫從高墜下惡血流於內不分十二經絡醫人俱作中風肝經留於

脇下。以中風療之。血者皆肝之所主。惡血必歸於肝。不問何經之傷。必留於脇下。蓋肝主血故也。痛甚則必有自汗。但人人有汗出。皆屬風證。諸風皆屬於肝木。况敗血凝泣。逆其所屬。入於肝也。從高墜下。逆其上行之血氣。非肝而何。非傷寒無汗。既曰汗。必自風化之也。故宜破血行經藥治之。

復元羌活湯。治從高墜下。惡血流於脇下。及疼痛不可忍者。經云。有所墮墜。惡血留內。有所大怒。氣上而不下。損於脇下。則傷肝。肝膽之經。俱行於脇下。經屬厥陰少陽。宜以柴胡為引。用為君。以當歸活血。脈又急者痛也。以甘草緩其急。亦能生新血。陽生陰長故也。為臣。川山甲栝蒌根。桃仁紅花。破血潤血。為之佐。大黃酒製。以蕩滌敗血。為之使。氣味相合。各有所歸。痛自去矣。

脇下痛者
肝血在

有裏實者
攻裏

柴胡五錢

當歸三錢

甘草二錢

川山甲炮三錢

大黃酒浸一兩

桃仁去皮尖五十個

紅花二錢

瓜蒌根三錢

右件桃仁研爛。餘藥剉如麻苳大。每服一兩。水二鍾。酒半盞。煎至七分。去渣。大溫服食前。以利為度。得利後。痛或不盡。服乳香神應散。乳香神應散見前無裏證條

〔潔〕巴戟湯。治從高墜下。及打撲內損。昏冒嗜臥。不能飲食。此謂血閉。臟腑不通。

昏胃
者血
冲心

大小便不利之

巴戟去心半兩

當歸

地黃

芍藥

川芎各一兩

大黃兩半

右為末。水煎。以利為度。

〔垣〕當歸導滯散。治打撲損傷。落馬墜車。瘀血。大便不通。紅腫青黯。疼痛昏悶。畜血內壅。欲死。

大黃兩一

當歸錢一

麝香少許

右三味。除麝香別研外。為極細末。入麝香令勻。每服三錢。熱酒一盞調下。如前內瘀血去。或骨節傷折。疼痛不可忍。以定痛接骨紫

金丹治之。

〔嚴〕奪命散。治刀刃所傷。及從高墜下。木石壓損。瘀血凝積。心腹疼痛。大小便不通。

水蛭用石灰拌慢火炒令乾黃色半兩

黑牽牛兩二

右為末。每服二錢。用熱酒調下。約行四五里。再用熱酒調黑牽牛末二錢催之。須下惡血成塊。以盡為度。

〔無〕雞鳴散。治從高墜下。及木石所壓。凡是傷損血瘀。凝積氣絕。欲死。煩躁頭痛。叫呼不得。並以此藥利去瘀血。治折傷神妙。

大黃一兩酒蒸

桃仁二十七粒去皮尖

右研細。酒一碗。煎至六分。去渣。雞鳴時服。次日。取下瘀血即愈。若

便覺氣絕不能言。取藥不及。急擊口開。用熱小便灌之。卽愈。

〔羅〕氏花蕊石散。治一切金刃箭鏃傷。及打撲傷損。貓狗咬傷。或至死。血瘀傷處。以藥摻之。其血化爲黃水。再摻藥便活。更不疼痛。如內損血入臟腑。煎童子小便。入酒少許。調一大盞服之。立效。若牛舐腸出。不損者。急內腸入。用細系或桑白皮爲線。縫合肚皮。縫上摻藥。血止立活。如無桑白皮。用生麻縷亦得。並不得封裹瘡口。恐作膿血。如瘡乾。以津液潤之。然後摻藥。婦人產後敗血不盡。血迷血暈。惡血奔心。胎死腹中。胎衣不下。至死者。但心頭覺暖。急以童子小便調一盞。取下惡物如肝片。終身不患血風血氣證。若膈上有血。化爲黃水。卽時吐出。或隨大便出。

石硫黃

兩

花蕊石

二兩

右二味。相拌合勻。先用紙筋和鹽泥固濟。瓦罐子一箇。內可容藥。候泥乾。入藥在內。再用泥封口。候乾。安在四方磚上。上書八卦五行字。用炭一秤。籠疊周圍。自己巳午時。從下着火。漸漸上徹。直至經宿。火冷炭盡。又放經宿。罐冷。取出細研。以絹羅子羅極細。磁盒盛之。依法使用。

〔本〕治打撲墜損。惡血攻心。悶亂疼痛。水仙散。
未展荷葉陰乾。一味爲末。食前以童子熱小便一小盞。調下三錢。

以利下惡物為度。

〔聖〕治撲打墜損。惡血攻心。悶亂疼痛。以大乾荷葉五片。燒令烟盡。細研。食前。以童子熱小便一小盞。調三錢匕。日三服。

塞上方。治墜傷損撲。瘀血在內。煩悶者。用蒲黃末。空心熱酒調下三錢。瘡。

〔本〕宣和中。有一國醫。忽承快行宣押。就一佛刹醫內人。醫診視之。已昏死矣。問其從人。皆不知病之由。惶恐無地。良久有二三老內人。至。下轎環而泣之。方得其實云。因蹴鞦韆。自空而下墜死。醫者云。打撲傷損。自屬外科。欲申明。又恐後時。參差不測。再視之。微覺有氣。忽憶藥篋中有蘇合香丸。急取半兩。於火上焙去腦麝。用酒半升。研化灌之。至三更方呻吟。五更下惡血數升。調理數日方瘡。

〔仲〕治馬墜。及一切筋骨損傷。

大黃 一兩切傷
浸或半兩

緋帛

亂髮 如雞子
大燒灰

敗蒲席 三寸

久用炊單布 一尺
燒灰

桃仁 四十九個
去皮尖

甘草 如中指
節炙剉

右七味。以童子小便量多少煎湯。或內酒一大盞。次下大黃。去渣。分溫三服。先剉敗蒲席半領。煎湯浴。以衣被覆。斯須通利數行。通後立瘡。利後浴水赤。勿怪。即瘀血也。

〔聖〕治搗撲損。肌膚青腫。用茄子種通黃極大者。切作片。如一指厚。

仲景
不分
裏
表
之
先
利

傷損

新瓦上焙乾為末。欲臥酒調二錢匕。一夜消盡無痕。

〔本〕療因傷損血瘀不散者。取牡丹皮八分。合蟲蟲二十一枚。煨過同搗篩。每用溫酒和散方寸匕服。血當化為水下。

〔丹〕治被打瘀血在骨節下出者。生鐵一斤。酒五升煎取一升。飲之。
後附

〔本〕治從高墮下墜損。惡血在骨節間疼痛。芸薑散。

荆芥

藕節各二兩
陰乾

芸薑子

川芒硝

馬齒莧

各一兩
陰乾

右為細末。用蘇木半兩。酒一大盞。煎至七分。調下二錢服之。不拘時服。

〔丹〕盛官人因上山。惡血瘀入內。損傷食少。脈弦。此須用活血和氣。

川芎三錢

青皮二錢

芍藥

滑石各一錢

牡丹皮五分

炙甘草一錢

桃仁七枚
研

右作一帖服之。

凡傷切不可飲冷水。血見寒則凝。但一系血入心。即死。

〔素〕人有所墜。惡血留內。腹中滿脹。不得前後。先飲利藥。此上傷厥陰之脈。下傷少陰之絡。刺足內踝之下。然骨之前。血脈出血。刺足跗上脈動不已。刺三毛上各一疔。見血立已。左刺右。右刺左。善悲驚。

不樂。刺如右方。經刺論

〔靈〕身有所傷。血出多及中風寒。若有所墜墮。四肢懈惰不收。名曰體惰。取小腹臍下三結交。三結交者。陽明太陰也。臍下三寸關元也。

寒熱病篇〇三結交者即關元穴是也

〔脈〕從高撲損。內有血。腹脹滿。其脈堅強者生。小弱者死。

金瘡

〔本〕治金瘡止血。除疼痛。辟風。續筋骨。生肌肉。地黃散。

地黃苗

地菘

青蒿

蒼耳苗

生艾汁三合

赤芍藥各五兩入水煎取汁

右五月五七月七日午時修合。以前藥汁拌石灰陰乾。入黃丹三兩。更杵為細末。凡有金瘡傷折出血。用藥包封。不可動。十日瘡不腫不膿。

腫不膿。

〔世〕治金瘡。風化石灰。韭葉嫩者同搗。入鵝血調和成餅。乘風陰乾。為末。傅上。無鵝血鴨血亦得。治金瘡。血不止。用半夏石灰鬱金三物。為末。搽

上傷處即住。

〔崔〕療金鎗刀斧傷破血。以石灰一升。石榴花半斤。搗取末少許。捺

少時。血斷便瘥。

〔潔〕末藥散。刀箭藥。止血住痛。

定粉

風化灰各一兩

枯礬三錢

乳香五分

沒藥一字

另研

另研

另研

右件各研為細末。同和勻。再研摻之。

〔丹〕刀斧傷。石灰包之。痛止血住。

〔精〕勝金方。治刀斧傷。止血生肌。蠶蛾散。晚蠶蛾為末。摻勻絹帛裏。隨手瘡合血止。一切金瘡亦治。一法。用生晚蠶蛾石灰二味。同搗成餅。陰乾為末傳之。

〔本〕治金瘡。止疼痛。劉寄奴散。

劉寄奴一味為末。散摻金瘡口裏。昔宋高祖劉裕微時伐荻。見大蛇長數丈。射之傷。明日復至。聞有杵臼聲。往覘之。見青衣童子數人。於臼中搗藥。問其故。答曰。我王為劉寄奴所射。合藥傳之。帝曰。神何不殺之。答曰。寄奴王者。不死不可殺。帝叱之皆散。收藥而去。每遇金瘡傳之效。寄奴高祖小字也。此藥非止治金瘡。治湯火瘡。大妙。經驗方云。劉寄奴為末。先以糯米漿。雞翎掃着傷處。後摻藥末在上。並不痛。亦無痕。大凡湯火傷。急用鹽水洗之。護肉不壞。

〔世〕治金瘡。打撲損傷。用蒺藜草研細。入鹽少許。罨之愈。金瘡血

出不止。搽小薊葉封之。金瘡止血。杵覆盆花苗傳瘡立止。梅師方

〔本〕治金瘡。血不止兼痛。用血竭末傳。立止。

〔精〕治惡瘡。金瘡。刀斧傷。見血方。以好降真香為末。貼之。入水並無傷痕。絕妙。方見華陀中藏 治刀箭傷。出血不止。并骨折。

檳榔一箇

木香

胡地黃各三錢

右為末。傅瘡口。血立止。又可接骨。

〔仲〕金瘡方。王不留行散主之。

王不留行十分八月

蒴藿細葉十分七月

桑根用白皮根行東南者三月三日採

甘草各十分

黃芩二分

川椒三分除目及閉口者出汗

乾薑

芍藥

厚朴各二分

右九味。桑根皮以上三味。燒灰存性。勿令過。各別研杵篩。合治為散。服方寸匕。小瘡即粉之。大瘡但服之。產後亦可服。如風寒。桑東南根勿取之。前三物皆陰乾。百日用。

〔廣〕金瘡血不止痛。白芍藥一兩。熬令黃。杵細為散。酒後米飲下二錢。並得初三服漸知。

〔鬼〕治金瘡出血肉瘦。蝙蝠二枚。燒烟盡。以水調服。方寸匕。令一日服盡。當下如血血消。金瘡腸出。欲入之。磁石滑石各二兩。為細末。

白米飲送下方寸匕。日再用。鬼遺方

仲景問曰。寸口脈微而瀉。法當亡血。若汗出。設不汗者。云何。答曰。若

身有瘡。被刀斧所傷。亡血故也。

〔脈〕金瘡血出太多。其脈虛細者生。數實者死。金瘡在陰處出血不絕。陰脈不能至陽者死。接陽而復出者生。金瘡出血。脈沉小者生。浮大者死。斫瘡出血一。二石。脈來大者。二十日死。斫刺俱有病。多少血出不自止斷者。其脈止。脈來大者七日死。滑細者生。

杖瘡

〔河〕鬼代丹。治打着不痛。

無名異研

沒藥研

乳香研

地龍去土

自然銅醋炒研

木鱉子去殼等分

右爲末。煉蜜丸。如彈子大。溫酒下一丸。打不痛。

〔精〕乳香散。治杖瘡神效。

自然銅半兩醋炒七次 乳香三錢

沒藥三錢

茴香四錢

當歸半兩

右爲細末。每服五錢。溫酒調下。

雞鳴散。下杖痛腹中惡血甚好。方見跌撲傷損

五黃散。治杖疼定痛。

黃丹

黃連

黃芩

黃柏

大黃

乳香已上各等分

敷貼

汚血服藥

右爲細末。新水調成膏。用緋絹帛上攤貼。

〔潔〕沒藥散。治杖瘡止痛。令瘡不移。

蜜陀僧

沒藥

乳香各一兩

乾胭脂一兩

膩粉半兩

右細末。次入龍腦少許。若多更妙。燒葱與羊骨髓生用。同研如泥。攤在緋帛生貼之。

〔丹〕杖瘡痛。用黃栢生地黃紫荊皮傳。此皆要藥也。只是血熱作痛。用涼藥去瘀血爲先。須下雞鳴散之類。雞鳴散方見跌撲傷損條本草紫荊破宿血

又方。用生地黄黃栢童便調傳。或加葑汁。不破者。以葑菜葱頭杵

貼。冷卽易之。膏藥用紫荊皮乳香沒藥生地黃大黃黃栢之類。又

方。用木耳盛於木杓內。用沸湯浸爛。攪水令乾。於砂盆內搗細傳瘡

上。又方。用大黃黃栢爲末。生地黄汁調傳。如乾再傳。又方。用野

苧根嫩者。不拘多少洗淨。同鹽併搗。傳在瘡上神妙。傷重多用鹽。

〔世〕杖瘡丹。用劉寄奴末六錢。馬鞭草末四錢。蜜調傳。如濕者乾摻。

馬鞭草卽鐵筴
筴此方甚妙

湯火瘡

〔世〕凡湯火傷。急向火炙。雖極痛。強忍一時卽不痛。慎勿以冷物塌之。及井底泥傳之。使熱氣不出。爛入肌肉。

初反治

中正
治

〔丹〕火燒以好酒洗之。又以鹽傅其上。如皮塌者。以酒熬牛皮膠傅之。如湯傷。以淋過第二次灰渣傅。立安。熱酒傷。糯米粉炒黑末。酒調傅之。治湯火灼未成瘡者。用艾白根燒灰。雞子黃和傅之。如成瘡用白蜜封之。以竹中膜貼上。日三。

〔世〕治湯火瘡。麩皮炒黑灰為末。傅上神妙。此方有補性。始慈醫可用。治湯火瘡。取舊烹銀爐中燒過焦黃土。研細如粉。以生薑調於帛上。貼之痛止。一方。用溶銀鍋子細末。油調傅佳。

〔干〕治火瘡未起。梔子仁燒灰。麻油和封之。厚乃佳。已成瘡。燒白糖灰粉傅之。燥即瘡。用白糖
葛氏方

〔垣〕保生救苦散。治火燒熱油所損。或至肌肉亦脫。一切犬啣損傷。并刀斧所傷。用生寒水石不計多少。為極細末調塗之。或乾上。然不如油調其痛立止。並不作膿。無分毫痛苦楚。日近完復。永無破傷風症。

〔精〕冰霜散。治火燒皮爛大痛。

寒水石 生

牡蠣 燒

朴硝

青黛

輕粉 各等分

右為細末。新水或小油調塗立止。

治湯火所傷。赤爛熱痛。

赤石脂

寒水石

大黃名分

右爲末。以新汲水調塗傷處。

〔丹〕治火燒。

桐油

水銀各等分

右二件。以柳條不住手攪成膏。再入大黃末石膏末。和以牛皮膠。入少水溶開。外用貓兒肚底毛細剪摻上貼之。

〔羅〕綠白散。治湯燙火燒疼痛。用苦參不拘多少爲細末。每用以小油調搽。

〔精〕凡被湯熱油痛不可忍。取廁下黑涎泥。量傷大小。斟酌多少。次以老薑汁。麻油十分之一。共研令勻。搽傷處立愈。

〔世〕以青黛傳之妙。

〔丹〕治湯火瘡爛者。以黃蜀葵花落者。淨器收之。入水些少。待爛成水。傳上神妙。熱油澆外痛。以蜜傳之立安。梅師方

〔本〕治火瘡敗壞。用雲母粉同生羊髓和塗之。

〔經〕治湯火瘡。至妙用劉寄奴爲末。先以糯米漿雞翎掃傷處後。搽藥末在上。並不痛。亦無痕。大凡湯傷。先用鹽末摻之。護肉不壞。然後傳藥。又方。以榆白皮末。猪脂油塗瘡愈。

〔世〕治火湯瘡。先以酒洗。次以楊梅樹皮爲末。香油調傳。治湯火

瘡。用髮一束。香油煎。以髮盡為度。放冷。搽患處驗。

〔精〕治中熱油及火燒。除外痛。以丹參入兩細剉。以水微調。取羊脂

二斤煎。三上三下。以傅瘡上愈。梅師方同 治湯火至聖膏。用雞子黃十

箇。入銀石器內熬自然油。調好粉傅之。愈。

竹木刺針入肉

〔精〕凡諸竹木刺入肉中不出。以蟻螬研傅立出。 又方。用白茅根

搗傅之立出。 又方。嚼牛膝根罨之即出。

〔簡〕治竹木刺扎入。深不得出。用烏羊糞搗爛。水和罨于傷處。厚傅

之。會有莊僕腳心中刺不得出。苦痛欲死。以此藥黃昏傅之。至四更

其刺出。遂安。

〔山〕蘆葦刺入肉者。細嚼粟子渣盒傷處。 木竹刺已出痛者。螻蛄

罨之妙。

〔簡〕治針入肉不出。用螻蛄腦子。同硫黃研細調傅。以紙花貼定。如

覺痒時。其針自出。

〔羅〕神聖膏。取針誤入皮膚。用車脂不拘多少成膏。攤紙上如錢許。

二日一換。三五次其針自出。 又取針誤入皮膚。用烏鴉翎三五枚。

火炙焦黃色。碾為細末。好醋調成膏子。塗在瘡上。紙蓋一二時針出。

效。

雜方
敷貼

〔簡〕治針入肉不出。用雙仁杏仁搗爛。以車脂調勻。貼在瘡上。其針自出。

〔世〕治續針刺足已出痛者。用黃泥罨之。

〔簡〕主小兒誤為諸骨及魚骨刺入肉不出者。水煮白梅肉研爛。調象牙末厚傅骨刺處自軟。

〔圖〕生象牙。主諸物刺入肉。刮取屑細研。和水傅瘡上。刺立出。如咽中刺。用水調飲之。舊象梳屑尤佳。

〔孟〕魚骨在肉中不出者。嚼吳茱萸封之。骨當爛出。

〔丹〕破傷風。血凝心。針入肉游走。三症如神方。用烏鴉翎燒灰存性。研細調一錢服。

箭頭入肉

〔精〕治箭鏃入骨。不可拔者。

巴荳去殼
微熬

蛻螂

并研勻塗所傷處。須臾痛定又微痒。忍之。待極痒不可忍。便撼動

箭鏃。拔之立出。輕驗
方同

〔潔〕出箭頭方。

蛻螂不拘多
少全用

麝香

右為極細末。撥動箭頭。摻藥瘡口內。

〔羅〕罽鐵膏取箭頭一切針刺入肉盡皆治之。

鼯鼠頭一錢或用人油汁內熬

螻蛄四十枚

芫青兩

土消蟲十個

巴荳

馬肉內蛆焙乾

信

醬蛆焙乾

夏枯草

硃砂

磁石

黃丹

地骨皮

蘇木

蛻螂各一兩

石腦油三兩

蒿柴灰汁三升

右將石腦油蒿柴灰汁文武火熬成膏。次下地骨皮等末令勻。磁器內收。臨時用量瘡勢大小點藥良久。箭頭自湧出。

萬全神應丹。出箭頭魚骨針麥芒等。遠近皆治之。

菘菴科即天仙子苗也

於端午日前一日。持不語戒。遍尋上項科。見即取。酌中一科根枝葉實全者。口道先生。爾卻在這裏。道罷。用柴灰自東南為頭圍了。用木篋子。擡起。周迴土。次日端午日。日未出時。依前持不語。用木篋子一。擡。取出水洗淨。不令婦人雞犬見。淨空中石臼內搗為泥。丸如彈子大。以黃丹為衣。以紙袋封。懸在高處陰乾。若有著箭不能出者。以緋絹袋盛此藥一丸。放臍中。用綿裹肚繫定。先用象牙末貼瘡上。後用此藥。若箭瘡口生合。用刀子微刮開。以象牙末貼之。隨出。陝西行省出軍。曾用有效。

〔精〕孫真人。治箭鏃在咽喉胸膈及針刺不出方。以蠮螋搗取汁滴上三五度。箭頭自出。

〔本〕療鏃不出。搗瓜蔓根傅瘡。日三易。自出。

〔世〕李渤治箭鏃不出及惡刺。以齒莖和鶴虱傅之。

〔姚〕毒箭有二種。交廣夷俚用焦銅作箭。此一種纔傷皮。便悶膿沸爛而死。若中之。用飲屎汁。并以傅之亦可。惟此最妙。又有一種。用射莖以塗箭鏃。人中之亦困。若着寬處不死。近腹亦宜急治。今葛氏方。治射莖者是。葛氏方用藍汁大豈豬羊血解之

漆瘡方

〔千〕療漆瘡方。用湯侵芒硝冷洗之。又礬石亦可。

〔丹〕漆瘡。通身面目腫者亦治。苦苣五月五日採曝乾。食療云。生食亦可。漢椒湯洗之妙。生薑真汁傅亦可。芙蓉嫩本草有

〔世〕治漆瘡。用生紫蘇摩擦之。累效。又方。用人乳汁傅之妙。

〔集〕治漆瘡。取荷葉乾者一斤。水一斗。煮取二升。洗瘡上。日再卽瘥。

〔山〕漆瘡。無名異水調傅。

通治諸般惡蟲咬 毒蛇咬 蜈蚣咬 蠮螋咬 蝎咬蜂

螫 斑蜘蛛咬 刺毛蚯蚓蠮螋蝥蛄蠶咬

〔羅〕聖惠治蛇咬蝎螫蠶咬妙。

蛇咬用初
藥敷

毒入
腹者
服藥

初傷
解毒
法

醫學綱目

雄黃三錢

信一錢

皂角子

巴荳各四十粒

大六

耳塞

麝香各少許

右五月五日。不聞雞犬婦人處。不語。搗為細末。在杏子核內封之。針挑出上痛處。大有神效。

〔世〕治一切蛇蟲傷。貝母末酒調服效。詳見蛇咬

〔聖〕治惡蟲咬。以酥和鹽傅之瘡。

〔山〕諸般惡蟲咬。以油浸紫草塗之。

〔丹〕治蛇咬。蠶咬。惡蟲咬。猪膏搗汁傅。陳蘇舉治狗咬

〔海〕治蝎蜘蛛蛇毒。雞卵輕敲一小孔。合咬處即瘡。

〔勝〕治毒蛇并射工沙虱等傷。眼黑口噤。手脚強直。毒攻腹內成塊。

逡巡不救。用蒼耳嫩葉一握。研取汁。溫酒和灌之。將渣厚罨所傷處。

〔簡〕治毒蛇射工沙虱等物傷着人。眼黑口噤。手足強直。毒氣入腹。

白礬

甘草分等

右為細末。每服二錢。冷水調下。

毒蛇咬

〔丹〕治毒蛇傷。急以小便洗出血。次取口中唾塗之。又以牙堊封傷

處。傅而護之。甚妙。且不痛腫。山居云用犬糞傅患處亦佳

〔世〕路行卒被蛇咬。當急扯裹脚帶。扎縛傷處。上下寸許。使毒氣不

能慘傷肌體。又急用白礬安刀頭。火上溶汁。沸滴於傷處。待冷。以長
篋子。速挑去。膿。則毒血隨出。黯腫尙未退。更滴之。以退為度。村居
山僻。及途中夜行。卒被蛇傷咬。難求白礬處。速作艾炷灸五壯。以唾
調鹽塗之。如黯腫尙未消釋。當更灸更搽。毒涎自然流出。且不透裏
傷人。蜈蚣咬亦宜灸

〔世〕治一切毒蛇咬。用透明雄黃。研細末。以醇酒濃調。厚搽傷處。水
流出如涎。痛腫即消。一方以萬苴汁和雄黃末。作餅子候乾為末。每
用少許貼瘡口。立效。

〔衍〕有人被毒蛇所傷已昏。因有老僧以酒調藥二錢灌之。遂甦。及
以藥渣塗患處。良久復灌二錢。其苦皆去。問之。乃五靈脂一兩。雄黃
半兩。同為末。止此耳。後有中毒者用之。無不效驗。

〔世〕治毒蛇所傷。

細辛五錢

香白芷五錢

雄黃二錢

右為末。加麝香少許。每服二錢。溫酒調服。效。

〔丹〕治一切蛇咬。用香白芷嚼碎。傳患處。又用溫酒調服。效。

〔世〕治一切蛇蟲所傷。用貝母為末。酒調。令病人盡量飲之。頃久酒
自傷處。為水流出。候水盡。却以藥渣傳瘡上。即愈。治蛇咬腫毒。悶欲
死者。用重薑六分。續隨子六顆。去皮。同為細末。以酒服方寸匕。又以

唾調少許傳患處立安。崔氏海上方

又方用白礬二錢服之防毒氣攻心。

又方金線重樓以水磨少許傳咬處又為細末酒服之。又方用

柏樹葉魚腥草地松節鰕面草草決明共一處研細傳傷處極佳。

〔海〕治蛇虺咬人以獨頭蒜酸漿草搗汁傳咬處佳。

〔海〕治蛇咬男子陰毛口含二十莖嚥其津毒不入腹。

〔世〕治諸般蛇咬此傳之於擒蛇者藥味不全亦可。

大青 小青 青木香 烏柏葉

火炊草 山蕨航 過山龍 地蜈蚣

天門冬 白芍藥 香薷

右細末用白木香研細生白酒調服渣罨咬處累效。

〔聖〕治蛇咬毒食茱萸一兩為細末冷水調分為三服立瘡。

〔丹〕治蛇毒蛇咬蔣草根灰取以封之其草即野茭白是也。廣濟方

蛇咬作瘡暖酒浸日三次。廣利方 蛇入人口并七孔中者割猪母尾

頭歷血着口中并孔口上即出。

〔聖〕治因熱取涼睡有蛇入口中挽不出者用刀破蛇尾內生椒二

三粒裹着即出。

〔世〕治卒為蛇繞不解以熱湯淋之無湯令人尿之。蛇咬忌食酸

物梅子犯之大痛。

蜈蚣咬

〔世〕治蜈蚣咬。生雞血傳上立愈。累效。一男子為蜈蚣入咽喉中咬之。垂死之際。一醫令殺生雞血。乘熱灌喉中。蜈蚣即出而愈。實良方也。又方。用雞糞塗之。又方。治蜈蚣諸毒蟲傷。麻油點燈。於瘡口上對口薰之。登時愈。又法。大油紙燃燒燈。吹滅。以餘烟燂之。治蜈蚣咬。竹葉青研汁傳之。立愈。又方。用南星磨汁傳之。累效。

〔梅〕治蜈蚣咬。痛不止。獨頭蒜磨螫處。立愈。

〔聖〕治蜈蚣咬。方。用蝸牛捺取汁。滴入咬處。

〔孫〕蜈蚣咬。取蜘蛛一枚安咬處。當自飲毒。如蜘蛛死而痛未止。更易生者。

〔丹〕蜈蚣咬。嚼鹽傳其傷處。次以鹽湯洗之。梅師方 蜈蚣咬。頭垢塞之。不痛則痒。治蜈蚣咬及諸蟲咬毒。先用鞋底上擦之。用大蒜小蒜桑葉罨傷處。如無。用油鼓盒傷處。或藍靛塗罨之亦效。治蜈蚣毒蟲咬。用桑枝汁。同鹽擦痛處。或溶黃蠟滴患處。肉黑為度。又方。用皂角於咬處。上用艾灸熱去之。效。

蠍螫咬

〔丹〕治蠍螫尿成瘡。初如粟。漸大如荳。如火燒泡大痛者。速以草茶細末。生油調傳瘡上。立止甚妙。又方。豬膏每搗升傳。之草茶即草舍也。 治雨點蠍螫瘡。用

百合搗爛入鹽少許傳之效。

〔千〕治蠮螋尿人影着便令人病瘡如粟粒纍纍痛似刺蟲所螫惡寒壯熱用犀角磨汁塗之則愈。

〔世〕蠮螋蟲又名入腳蟲隱壁間以尿射人遍身生瘡如湯火傷用烏雞翎毛燒灰雞子白塗之。治小兒蠮螋咬繞腹匝即死用梨葉研爛傳之。

〔食〕蠮螋尿瘡鹽三升水一斗煮取六升以綿浸湯淹瘡上。

蝮咬蜂螫

〔羅〕雄黃消毒膏治蝮螫不可忍。

雄黃

信各半

巴豆三錢

白礬生一兩

右為細末黃蠟半兩溶開入藥攪勻為錠子如棗子大用時將錠子簽於燈焰上炙開滴於螫着處其痛立止。

〔潔〕一上散治蝮螫痛。

半夏一字用生

雄黃一字另研

巴豆一個去皮研如泥

右三味同研和勻上之。

治蝮毒用溶化白礬乘熱滴傷處痛止

毒出。

〔廣〕治蝮螫人研蜘蛛汁傳之瘡。

〔山〕蝮螫苦蕒汁塗之。

〔世〕治蝮螫地磨生薑塗之。又方南星米醋調搽之。

〔外〕治蜂螫薄荷貼之瘡。又方蜂蝎螫人用人參嚼以封之。

〔聖〕治蜂螫人以酥傅之愈。

斑蜘蛛咬

張薦昔在劍南為張延賞判官。忽被斑蜘蛛咬項上一宿。咬處有二道赤色。細如筋繞項上。從胸前至心經二宿。頭面腫疼。如數升碗大。肚漸腫。幾至不救。張相素重薦。因出家財五百千。并薦家財五百千。募能療者。忽一人應召。云可治。張相初不甚信。欲驗其方。遂令目前合藥。其人云。不惜方。當療人性命耳。遂取大藍汁一磁碗。取蜘蛛投入藍汁。長久方出。甚困不能動。又別搗藍汁。復加麝香雄黃和之。更取一蜘蛛投汁中。隨化為水。張相及諸人甚異之。遂令點於咬處。兩日內悉愈。但咬處作小瘡。痂落如舊。

〔海〕蜘蛛咬遍身成瘡。用青葱葉一莖。小頭作一孔。盛蚯蚓一條。捏兩頭不令透氣。搖動化為水。點咬處瘡。

〔丹〕蜘蛛咬處。嚼韭白傅之。

〔山〕蜘蛛等諸般蟲咬。用葛粉生薑汁調傅。

〔經〕蜘蛛咬。唾和山荳根末塗之。狗咬蛇蟻瘡。蛇咬。並水研山荳根

傅之。此類脂切此蟻火蟻也蟻即蟻又方。蜘蛛咬。一身生絲。羊乳一件飲之。

〔山〕居蠶咬用芋汁塗之。

馬虎熊咬人 犬咬 癩犬咬 驢涎馬汗瘡 附猪馬畜

瘡

〔山〕馬咬。細嚼栗子傳傷處。

〔聖〕治馬咬。毒入心。馬齒莧湯食之瘡。

〔世〕治虎咬。用野生菜搗爛。塞所傷孔中滿。不必換。自然新肉長出

而愈。會有人被咬已死。用此方治之。

〔丹〕熊虎傷毒痛。煮生鐵。令有味。以洗之。後附虎傷人瘡。取青布緊

捲燒一頭。內竹筒中。射瘡口。令烟薰入瘡口中佳。梅師方

〔世〕虎傷人瘡。用莓子葉杵細塗之。按本草莓子葉即莓膏。莓能治虎犬咬傷。

〔丹〕熊傷人。燒青布薰瘡中。毒出。仍煮葛根濃汁以洗之。日十次。并

搗葛根為散。煮葛根汁方寸七。日五服瘡。

〔世〕鼠咬。用貓兒毛燒灰傳之。立愈。

〔丹〕鼠咬。用麝香傳包之。經

〔山〕人咬傷。用龜板或鱉甲。燒為灰末。以香油調傳。

犬咬

〔丹〕犬咬。人尿傳之。犬咬人。以頭垢傳傷處。又用熟牛糞塗於外。

後附

〔衍〕犬傷人。用杏仁量所傷大小。嚼爛沃破處。以帛繫定立瘡。

〔世〕治犬咬。用杏仁去皮尖。用馬蘭根研細。先以葱湯洗。後以此藥塗傷處效。治犬咬傷。用草麻子五十粒。去殼。以井水研成膏。先以

鹽水洗咬處。次以此膏傅貼。一方。用虎骨屑傅之。治犬咬人。不要洗。用紅炭火以物擊細。待冷。取塗咬處。即愈。治犬咬。用黃荊葉搗

罨瘡上。即安。又方。炙生薑乘熱擦之。尤妙。

〔丹〕狗咬。用紫蘇葉口嚼碎塗之。犬咬。破傷風腫。以人參於桑柴火上燒成灰末。傅之安。

〔羅〕蟬花散。治夏月犬傷。及諸般損傷。蛆蟲極盛。臭惡不可近者。

蛇退皮一兩火燒存性

蟬殼半兩

青黛半兩

細辛二錢五分

右為細末。每服三錢。酒調下。如大畜損傷成瘡。用酒灌下。如犬咬傷。用醇子和喫。蛆皆化為水。蠅子不敢再落。又以寒水石末乾摻上。

癩犬咬

〔羅〕定風散。治癩犬咬。先口嚼漿水洗淨。用綿拭乾。貼藥。更不再發。大有神效。

天南星生

防風各等分

右為細末。乾上。更不再發。無膿效。不可具述。

表裏治法

〔丹〕治犬咬。梔子皮燒灰。石硫黃等分研細。傅塗。續方

〔世〕治瘋狗咬。用桃核殼半箇。將野人乾糞填滿。以榆皮蓋定。罨於傷處。又用艾於桃核上灸十四壯。即愈。永不再發。或用野犬糞。如前法灸之。

〔山〕瘋狗咬。即用犬糞塗。仍拔去頂上紅髮。

〔世〕癩狗咬方。用斑貓七枚。去頭足翅。以糯米少許。於新瓦上同炒。以米黃香爲度。去米不用。以斑貓研碎。好酒調下。能飲人。再進酒一盃。傷在上。食後服。在下。空腹服。當日必有毒物。從小便出。如小狗狀。如未下。次日再進。亦不下。又進。以毒物出爲度。若進至七服。雖不下毒。亦不妨也。服藥後。腹中必不安。小便莖中刺痛者。不必慮。此毒受攻。將下耳。痛甚者。以蕪菁一匙煎。甘草湯送下。即止。如無蕪菁。青黛亦可。疾愈後。急以香白芷多。雄黃少許爲末。搗韭根自然汁。湯酒調下。去斑貓毒。以水淨漱口。嚼生葱白罨傷處。留小窻子出毒氣。不可用他草藥罨。忌犬猪羊及發風毒物。小兒量歲數加減。斑貓食癩狗肉致病者。治同即愈。或過二三年再發。治如前。治癩狗所傷。用斑貓二十一箇。去頭翅并足。用糯米一勻。先將七箇入米內。微火炒。不令米赤。去此斑貓。別用七箇。再於前米內炒。令斑貓色變。復去之。又別用七箇。如前法炒。以米出青烟爲度。去斑貓不用。以米研爲粉。用冷水入清油少許。空心調服。頃又再進一服。以小便利下惡物爲度。

如不利。再進一服。利後腹肚疼痛。急用冷水調青龍服之。以解其毒。否則有傷。或煎黃連水亦可。不宜便食熱物。或以益元散水調服尤妙。

〔世〕瘋狗咬。取小兒胎髮炒香。傅野菊花研細酒調服。盡醉止效。
〔世〕治癩犬所傷。或經久復發。無藥可療者。用之極驗。

雄黃

色極明者五錢

麝香

五分

右研勻。用酒調二錢服。如不肯服者。則撚其鼻而灌之。服藥後。必使得睡。切勿驚起。任其自醒。候利下惡物。再進前藥。則見效矣。

〔丹〕癩犬咬人。搗地黃汁飲之。并塗瘡口愈。又方。煮地榆汁飲之。

兼細末傅瘡上。服方寸匕。日三。忌酒。若瘡瘡者。搗生韭汁飲一二升。

梅師肘後同 瘋犬咬後。毒發如狗叫者。於化人壇拾頭頂骨燒末之。傅之。

瘋狗咬。毒發如狗叫者。百方不治。以人骨燒末之。水下方寸匕。雖煩

亂者亦治。梅師

驢涎馬汗瘡

〔丹〕驢涎馬汗入瘡。腫漸甚。可急治之。遲則毒深不治。以生烏頭末。傅瘡口上。良久。黃水出立安。

〔世〕治驢涎馬汗入瘡。用遠志去心為末。酒調塗。又方。用冬瓜青皮。陰乾為末。貼瘡上。又方。馬汗入肉。毒氣引入。如江泉等。

梅肉嚼爛塗瘡上。一方用烏梅和核爛研用好醋和成膏。先將瘡口針破出盡紫紅血拭乾傅上以帛縛定。王氏治驢涎馬汗毒所傷。白礬飛過黃丹炒令紫色各等分相裹合以貼患處。
〔孟〕馬齒莧又主馬毒瘡。以水煎令服一升。一半塗瘡上。濕癬白禿以馬齒膏和灰塗效。

附猪馬畜瘡

〔丹〕治猪畜瘡猪痒方。

蛇牀子

剪草

白礬

苦參

巴荳末

加錫羊糞桐油和傅之。陶氏

〔垣〕馬老鼠瘡二二方。其瘡未詳

黃芪一兩半

甘草七錢

黃芩酒炒半兩

黃連生用一兩

黃栢酒七錢

連翹七錢

蒼朮

當歸梢

升麻各一兩

麻黃根八錢

防風二錢

澤瀉七錢

羌活

藁本各三錢

右為細末。水二大碗煎至一碗冷灌之神效。

馬老鼠出足陽明太陰經分野。大渴小便多草墮。

升麻二錢半

葛根一錢

連翹二錢

當歸身一錢

甘草 錢一

蒼朮 錢一

黃柏 錢二

黃芩 錢一

紅花 許少

黃連 分五

杏仁 個五

黃芪 錢二

生地 錢一

琥珀 分三

麻黃 冬月無
五分

猪苓

柴胡 牛一錢

白茯苓 牛一錢

澤瀉

右為細末。每服半兩。水二碗。煎至一碗。冷灌之。

